

QUATRE LIVRES

DE PVBLE VEGECE RENAY,

de la medecine des cheuaux malades, & autres Veterinaires aliénez & altérez de

S. Germain leur naturel. *ap. ratis cc. 256.*

Traduits nouuellement de Latin en François.


par Bernard de Joly mouclau.




A PARIS,

Chez Charles Perier, demourant en la rue saint Jean de
Beauuais, à l'enfeigne de Bellerophon. 1563.

AVEC PRIVILEGE DV ROY.



TANQVAM MARPESIA CAVTES.




A T R E S H A V T E T P V I S S A N T

Seigneur Jacques de Silly, Cheualier de l'ordre du Roy, Capitaine de cinquante hommes d'armes de ses ordonnances, Comte de Rochefort, d'Auneau, du Ponthautou, Pontaudemer, & Montfort sur Risle, Damoiseau de Commercy, Seigneur souuerain Deuille, Baron de Montmirail, d'Annebaut, de Raiz, la Hunaudaye & du Hommet, & à cause d'iceluy, Connestable hereditail de Normandie, Seigneur de Beaugency, de Hubecourt: &c.



ONSEIGNEVR, la bonne volonté que vous portez aux hômes vertueux, & affectionnez à l'estude des lettres, nous incite à vous offrir & adresser ce peu qu'il nous est loisible & en puissance: pour reconnoissance de l'obligatiõ

que dès long-temps vous auez acquis par les bié-faits de voz grâces, sur ceste grande multitude de personnes estudeuses & curieuses d'entêdre les arts & sciences. C'est Vegece Comte de Constantinople, qui (combien qu'autresfois ait eu grande faueur de l'Empereur Valentinian, & soit esté faict Citojen de Romme, lors qu'un grand nombre d'hommes d'entendement, qui pour la connoissance des arts & disciplines, par la prouesse des armes & faicts cheualeureux, ont encores retenu le seul nom de noz deuançiers Seigneurs & auteurs de tout ce, d'ont le môde se peut embellir, annoblir, se composer en paix, amitié & vnion, & d'ont il peut discorder. Lequel si maintenât malaisémēt vous pouuez reconnoistre à sa façon nouuelle de langage, moins agreable que son premier qui l'a tant recoman-



dé: que l'Empereur Ferdinand a employé plusieurs de ses suieets, pour le veoir en son Rojaume de Hongrie: en affection, & le nous communiquer, si depuis les troubles & seditions suruenues par toute l'Alemaigne n'eussent retardé sa venue par deça, tellemēt qu'encores n'eust peu qu'à grād peine, passer vers vous, si Charles Perier libraire & imprimeur à Paris ne luy eust seruy de guide, pour cela, ne le desdaignerez en ceste façon, pour nous aider de ses secrets au soulagement des maladies des bestes cheualines. Bien qu'autrefois souz l'asseurance de François de Valois Daufin de France, il eust essayé de façonner les François pour la guerre, selon les armes & discipline de guerre des Romains: qui luy donna telle assurece, que des ia chacun le reconnoissoit pour Citadin François: & en hōneur prés d'un si grand Roy, qui feut le grand miracle de nature & seul ornément du monde, pere des arts & lettres François premier. ores, ne reuient que comme inconneu & souz autre sujet. Mais ne le trouuerez estrange, si vous voyés que ses ornementz soient souillés, ses habits deschirés, & sa parolle peu assurée: car tout ainsi que celuy qui reprenant son halaine, après vne grande fieure, & à demj sauué du danger de la mort: Vegece, eschappé de tant de mutins, qui nous ont brunj nostre iour, & tasché d'obscurcir la clarté de nostre liberté Françoisse, par diuers troubles & guerres civiles: lors qu'il estoit prest à ce monstrier à la lumiere, & nous faire preuue de sa Medecine Cheualine, il feust reserré iusques à ce cōp: qu'il sort souz vostre appui,

affin que luy donniez le secours, que nous vous requérons de vostre faueur: & affin que vous, Monseigneur, ne luy vueillés refuser la main:& desireroje de pouuoir discourir ce que ses vertus & infinis labeurs luy ont acquis de louange parmj les autres natiōs: qui ne luy doit moins seruir de recōmādation en ceste cōtrée: d'autāt que cestuy-mesme Vegeçe, c'est grandement trauaillé pour instruire le capitaine de guerre, à choisir le soldat selon les lieux & les regiōs, & de quelles armes il doit aprēdre à titer & combattre, l'ordre qui se doit garder en l'armée, de quelle maniere la bataille doit estre ordonnée, & de tout ce qu'il semble estre besoing pour l'infanterie & gens de pied. n'ayant riē oublié de la diuersité des armes necessaires, soit par mer, soit par terre: selon le iugement de Caton, d'Auguste, Trajan & Adrian Empereurs loüables & recōmandés. Non content d'auoir esté si grand creancier sur toute la posterité, il nous a recherché par mille trauaus. le moyen de pouuoir cōseruer non seulement les cheuaus. pour l'usage de l'hōme à la guerre, & aus affaires domestiques: mais aussi les semblables bestes, qui nous seruent grandement. Je vous diray librément cōbien i'ay pris d'admiration de ce liure, y voyant la medecine si artificiellemēt practiquée, & ce pour tant plus que la vraye medecine est, la connoissance de soy-mesmes pour l'entretenement à l'estat de la vie, selon que la qualité requerra: l'art après des hommes, qui sont appellés à ceste vocation y doit estre employée pour remettre le malade en sa premiere disposition & temperament

de corps, ou reconnoistre ceus qui facilement s'y peuvent reduire, ou sont desesperément mal-aisés à estre secoueurs, pour reprendre la santé: ne laissant toutefois aucune partie de ce que l'application de la main, la composition des simples, la maniere & regime de nourriture requierent enuers les malades: affin que nous reconnoissions que comme l'art de bien viure, c'est la prudence: l'art de nauiguer, c'est la conduite expérimentée du gouvernail: qu'ainsi est la medecine pour nous conseruer, ou nous rendre la santé. L'invention en est d'autant plus admirable, que les causes des maladies premierement ont esté fort difficiles à connoistre si bien, que les premiers qui ont essayé à surmonter la malignité de telz accidentz, en secourant la nature, n'ont moins acquis que le nom de Dieux. Apollon, Æsculape, & le Centaure mi-homme, mi-cheual, se sont par ce moyen perpetués avec la reconnoissance des suruinans. Hippocrate & Galen, qui ont après réduit en preceptes ce que ceus-là auoient heureusement practiqué, n'ont guieres moins acquis de bien viellâçe entre nous. Or, ce qu'ils ont laissé, c'est avec l'expérience, selon les maus & accidentz qui suruenoient aus hommes, qui pouuoient descouurir la passion vehemente qui les tourmentoit: & la douleur qui les accabloit: avec l'aide de la confession que chacun souffrant le mal s'y pouuoit donner. Mais les bestes, sans parolle, & muëttes, subgettes à infinité de douleurs, peines & maladies, sont priuées du grâd benefiçe de la parolle, de quoy Dieu a enrichi l'humanité, & ne peu-

uent, n'y descouurir leur douleur, n'y faire entendre la moindre peine de ce qu'elles endurent, dont nous receuerions ordinairement la perte irreparable: si ces diuins hommes ne nous eussent laissé quelques preceptes pour les preseruer, les secourir & reléuer du mal du plus grief qu'elles soient atteintes. combien sommes nous obligés à ceus là? autant que nous auons d'affection à nous bestes & à les garder. il ne se faut pas donc esbahir si les Arabes Babyloniens ont iugé Chiron, digne d'estre au Ciel colloqué, entre les signes esclerans par tant d'estoilles de la deusième, troisième, quatriesme, & cinquiesme grandeur sous le nom du Sagittaire, de quij Achille à iouer de la harpe, AEsculape, à sçauoir la Medecine, & Hercule à connoistre l'Astrologie, ont esté si bien instruietz. La plus grande occasion quij luy a seruï, à tesmoigner sa diuinité, c'est la connoissance de la vertu & propriété des herbes. Et nous que pouuõs nous faire moins pour Vegece, qui nous a esclarcj ce que nul autre oncques n'osa entreprendre en ceste espece de Medecine, que de luy sçauoir gré, & le receuoir gracieusement chez nous? & mesmement quand il est acompaigné de tant de perfections, dont la moindre luy meriteroit plus grande faueur que Chiron, AEsculape, Machaõn, ou Podalire n'ont merité? desquelz les noms peuuent estre autant fabuleus, que celuy de Vegece est veritable. veu que Vegece se recommande allés par son œure si requis & admirable. Lequel il vous plaira, Monseigneur, receuoir de si bonne part & volonté que de

E P I S T R E.

nous vous est présenté. Dieu vous maintienne & conserue longuément en santé & prospérité. A Paris en vostre hostel de Rochefort ce xxv. de Nouembre, mil cinq cens soixante trois, par

Vostre tres-humblé & obeissant seruiteur
Bernard du Poy-Monclar.

PVB. VEGECE RENAY,
DE LA MEDICINE PROPRE AUX

Cheuaux, bœufs, & autres semblables animaux
atteints de diuerſes maladies.

Liure premier.

Des ſignes par leſquels on cognoiſt le Cheual ou
Mulet tomber en maladie.



V cognoiſtras le cheual ſe trouuer mal, quād
tu le ſentiras, ſur le trottoer, moins adroit
& diſpoſt de ſes membres, moins prompt au
galop, à la houſſine ou à l'eſperon, & com-
me ſouſpirant & ronflāt au picquer: Quand
la nuit il degaſtera & diſſipera ſa litiere, en
ſe reuoltant trop ſouuent avec frequence
& violence d'alene, brouffant haultement des naſeaux, & d'i-
ceux iettant aſſez chaude & abondante vapeur: ſe couchant
aupres ſa prouende, beuuant à plus longues alenees, & ſe de-
menant la nuit en grande inquietude, tantost debout, tantost
couché: quād auſſi le lendemain tu luy trouueras chaleur grā-
de à l'entour des paſturons, & entre les deux aureilles que tu
apperceuras plus abbaiſſees que de couſtume: & ſi c'eſt vn mu-
let, pendentes: Sa veuē te ſemblera farouche, les yeux haues, le
poil heriſſé, les flancs eſlancez, l'alleure pareſſeuſe, choppante
& chancellante: ſomme, n'eſtant ou ne ſe monſtrant plus celuy
qu'il ſouloit. Lors que tu cognoiſtras ſur luy deux ou pluſieurs
de ces ſignes luy eſtre ſuruenuz ſans quelque autre cauſe ma-
niſeſte, tu le feras tirer hors de l'eſcuyrie, & de la compaignie
de ceux qui mieux ſe trouuent, pour par ce moyen eſtre plus
commodement aduertie de ſon indiſpoſition, & auſſi pour le
mieux traicter à ton ayſe & au ſien. Et ſi trois iours apres qu'il
aura eſté ſeparé & diligemment ſolicité, il commence à ſe re-
ſouldre, reprenant ſes premieres arres de ſanté, & que tu ſois
certain qu'apres la diette il ne luy ſoit riens demouré dans le

corps qui luy empesche ses actions naturelles, cela te donnera lors à cognoistre, que telle setardise d'esprit, & lassitude de membres sans aucuns autres signes manifestes ou apparés luy pro-
 uiennēt de cause bien legiere: & doibs par cela faire coniectu-
 re, qu'autresfois il se seroit trouué en tel accident, duquel il
 auroit esté naturellement guarý, sans autre despence ou em-
 peschemēt. Toutes ces choses bien verifiées, il sera bon le pic-
 quer & amignarder doucemēt selon la coustume que l'on fait
 à ceux à qui le picqueur veult prester faueur: pour par ce moyē
 le remettre & reduire à son premier point, & songneusement
 à l'aduenir prendre garde, que tel accident ne luy face coustu-
 me. Car sur tout l'escuyer doit estre bien attentif aux accidens
 ordinaires qui engēdrent suspicion de mauuaise santé à la be-
 ste: Mais si ce mal poursuit & prend aucun traict, il le faudra
 gouverner & traicter selon la forme & maniere qui sera cy
 apres declarée.

Des especes de maladies auxquelles le cheual est subiect.

LA diuersité des maladies du cheual que lon pourroit redui-
 re & remettre en grand nōbre, fut des anciens auteurs
 remise en vn seul mot qu'ils appelloient le martel. Ce terme
 signifiant en general le tōrment que la beste endure en la de-
 stresse ou il est detenu: mais en particulier elles furent remises
 & diuisées en sept especes, dont l'vne s'appelle humide, l'autre
 aride, qui est comme vne maniere de chartre ou hectique, la
 galle, la goutte, le farcin, le mal du rein, & la ladrerie, desquel-
 les il nous faut maintenant deduire les signes en particulier.

Les signes de la maladie humide.

LA maladie humide est contagieuse quand elle prend & re-
 tient ce nom de morue, plus que quand on la nōme gout-
 te, mais quand ce n'est qu'vn simple flux de naseaux, causé du
 froid de la teste ou de trop grande eschauffaison d'icelle, quād
 la beste ne fait que ronfler simplement, & ietter quelque hu-
 midité fort liquide & non puante ou epesse, elle est facile à
 guarir par la prouende comme il sera dit cy apres. Mais la mor

ue a des signes trop fascheux & difficiles, comme quand l'humeur de mauuaise odeur, sort en abondance, & de couleur passe avec puanteur, duquel humeur toutesfois les autres bestes saines & bien disposées sont si friandes qu'elles le leschèt trop sauoureusement pour leur santé: car mesmes elles sont surprises de ce mal quand elles leschent le rattelier, la mengeoire, la fourche, ou l'estrille, ou la beste qui premier s'en resent à l'estable. Au cheual atteint de ce mal, la teste deuient pesante, courbee & penchee, l'œil larmoyant, l'alene courte & puante, le poil herissé, le flanc eslançé, & la veüe deprimée. Ce mal (que les anciens souloient nommer flux attique ou d'Athenes) est par l'opinion des meilleurs Veterinaires incurable & hors d'esperance, quand principalement l'humeur distillant, est cruent ou saigneux, ou bien iaulne comme saffran avec quelque mauuais odeur.

Les signes de la maladie appelee seiche ou aride.

Les signes contraires à la maladie susdicte apparoissent en celle que lon appelle seiche ou aride, en laquelle riens ne sort des naseaux outre la coustume, & neantmoins le cheual souspire & halette a grand peine, combien qu'il ait les yeux & les naseaux assez esuasez. Il remonstre le train de derriere comme tout racourcy, & la croppe abbaissee, les genitoires remōtez & flaitriz. Bref, c'est come vne hectique ou chartre du cheual, procedant partie de l'intemperature & changement de l'aër, partie de la prouende à luy présentée ou trop nouuelle, ou plaine de poulsiere, & mal remuée & vanee, qui fait que les mareschaux appellent ce mal la poulse, & le cheual affligé d'icelle, poulisif. Combien que si le grain est trop recent, ou bien autre que le naturel du cheual, comme seroit orge, seigle, ou froment, cela engēdre ce mesme incōuenient, apres l'enfleur toutesfois qui a de coustume proceder avec la courte alene: Vray que le son de fromēt frais tiré fait enfler le cheual bien disposé, mais il fait la poulse à celuy qui se trouue mal. Somme pour les derniers signes de ce mal, les intestins ou boyaux luy murmurent, l'espine du dors se cambre, il ne boit que trop, mais il refuse la viande, comme si la trop grande seicheresse du

poulmon luy eust causé vne extraordinaire chaleur dens le corps. Toutesfois il n'vrine ne fiéte gueres, & d'un regard come de trauers monstre auoir la veuë basse, chargée & desdaignante. Ce mal, tant facheux & difficile, si l n'est du commencement bien diligemment pensé & sollicité il se trouue à la fin du tout incurable.

De la galle: c'est le mal qui tient entre cuir & chair.

L'On peut resonnablement appeller ce mal la galle, ou rongne & gratelle des cheuaux par les signes qui la demonstrent & enseignent. C'est comme vne demengeaison exterieure de tout le corps de la beste, laquelle demengeaison est causée d'un humeur aigre & erodent contenu dans les venes & reiecté au dehors par la force de nature, si que le bestial est contraint se gratter & frotter, en sorte qu'il en vient playe au cuyr en plusieurs endroits avec crouste, sous laquelle est cachée & contenue vne humeur comme demy iaulne & verte moins toutesfois espesse que liquide ou sereuse. Ce mal estant confirmé & en son estat, riens ne coule par les nazeaux du cheual, combié que pour cela il ne s'en trouue degousté, principalement au premier moys, qui fait que lon peut assuremēt prononcer & affermer ce mal estre curable & en brief temps, par les moyēs cy apres deduiets & declarez. Mais si lon le laisse confermer & prendre long traict, ou (qui pis est) augmenter par le mal penser & traicter de viures, cela rend tellement la beste inutile, qu'elle n'est plus de seruice.

Les signes du mal de la goutte es ioinctures.

LE mal des ioinctures au cheual, mulet, ou autre telle beste, recoit plusieurs differences, selon les accidents qui le causent. L'une de ces differences se nomme attaincte, quand le cheual sest entretailé, ou blessé d'un de ses fers, au derriere ou au costé des pasturons, ou bien qu'il y a receu quelque coup de fourche par l'imprudence d'un rude & mal soigneux valet en faisant la litiere: quand aussi il a esté attainct de quelque autre cheual, soit en l'estable ou ailleurs, ou qu'il se soit blessé contre

quelque potteau, fer, pierre ou autrement. Si ce mal n'est incontinent pensé, & qu'il s'endurcisse, il s'appelle iauart : fil viét de morfonture ou d'auoir long temps cheminé en eau froide, il s'appelle surop, qui pour le dernier degenerate & passe en ce qu'on appelle malandre. Mais si par vieillesse ou trop long travail, le cheual est eslançé, cassé & douloureux au cheminer & labourer, se pleignât plus souuēt l'hyuer, & la nuit que le iour, pesant d'espaule, de flâc, de cuisse, & de iambe avec douleur, gemissement & tumeur : ce mal s'appelle la goutte, qui par fois apres trop longs voyages, postes, carrieres, ioustes, & autres efforts rend la beste comme du tout inutile & non plus propre, qu'au musnier. Lors tu luy verras le poil herissé sous l'estrille, refuser l'esperon avec grand ahan & soupir, long temps demeurer couché en litiere, amaigrir de iour à autre : & combien qu'il ne refuse la nourriture, toutesfois fetard & paresseux à tout seruice. Quoy qu'il en soit ce dernier mal est autât difficile à guarir, que la vieillesse que lon dit estre la maladie mesmes.

Des signes du farcin.

LEs anciens ont appelé farce ou farcin, en maniere de tartinaige, ce que comme de cresse, beurre & fromage estendu sur de la paste, & puis cuyt au four porte façon telle que lon voit au mal du cheual, qu'apres auoir esté longuement abbatu de froid & de chaut, sent entre cuir & chair, & quelque fois bien plus profondement. La paste est le cuir de la beste, ce qui suruiuent au dessus sont les humeurs corrompuz, qui par le moyen de la chaleur imbecile de tout le corps se coagulent & cōcréent entre chair & cuir en forme de tartinaige. Qu'ainsi soit les humeurs corrompuz de longue main, ayants dressé leurs croustes en font quelque demonstrence. On cognoist ce mal suruenir & accroistre, quand la beste comme eslançée monstre les costez caues, les cuisses heronnières, les genitoires abaissez : brief tout le corps entierement gratteux & crousteux, de telle façon, que les mesmes grattelles en enseignent aisémēt la cause. Plus y a que ces tumeurs ne sont sans enflure d'humeur subiacēte, qui tantost qu'il s'est apparu en vn endroit il se reduit & remonstre en vn autre. Parquoy me sem-

blent auoir grandement failly ceux qui en ce mal ont cōmandé la saignée, par ce que le sang estant corrompu par tout le corps, ne se peut aisément restaurer ne reparer par vacuation. L'accorderay qu'au commencement quand les signes sont pregnâts, la siebure (que les escuyers ont de coustume appeller la maladie) est bien grande, & l'enfleure vrgente, cela n'y porte riens d'inconuenient avec le bon regime que l'escuyer ordonnera pour entendre au reste, & faire en sorte que la beste n'en endure aucun inconuenient: car les remedes facheux & caustiques souuent aigrissent le mal des bestes.

Les signes du mal que l'Autheur appelle subrenal.

LE mal que descrit Vegece en cest endroit, se peut appeller selon le vulgaire des escuyers, les flancs, duquel combien que non plus que des autres il ne s'employe en reciter les causes, toutesfois il procede ou de morfonture, ou de trop harasser, quand vn cheual s'eschauffe ou avec la iument en pasture, ou avec la mule en l'estable, ou qu'il tend trop souuent, iette sperme & se degaste aux endroits des genitoires & flâcs. Apres ceste fureur, il deuient eslançé, lasche, negligent, la veüe abaissée, le train de derriere auallé, le soupir frequent, l'appetit deietté: somme, toutes ses actions sont negligemmēt executées. A quoy l'escuyer diligent doit bien preuenir pour en oster les causes: à ce que le mal ne continue: puis il doit donner au cheual ou mulet quelque recreation aux champs pour le diuertir, luy changer d'estable, de viande & de traictement, (cela se dict si la beste le vault) l'amignarder & mignotter pour le remettre à son naturel. Vray est que quand l'vrine flue avec douleur, en peu de quantité, & qu'il se dilate fort au train de derriere, quand il rend son vrine plus rouge & enflambée que de coustume: quand il touffe extraordinairement & regarde comme de costé, refuse le boire & la viâde, cela merite bien estre pensé en toute diligence.

Des signes de la ladrerie des cheuaux.

CE que nostre vulgaire appelle, non aux cheuaux & bestial seulement, mais encor aux hommes, la ladrerie, les anciens

l'ont voulu nommer maladie elephantique, ou pource qu'elle est grande en excès de toutes autres, comme l'Elephant surpasse toutes autres bestes en grandeur, ou pource qu'iceluy Elephant a de coustume en estre atteint & persecuté. Ce mal procede de la faute du foye, qui ne fait son deuoir en aucune façon que se soit à biē dresser le sang propre à la nourriture de l'animal, dont aduiēt qu'à lentour du cuir & parties exterieures du corps, quand iceluy sang est enuoyé par les venes vniuerselles pour la nourriture d'iceluy, les parties refusans tel sang pour sa malignité, le reiettent au cuir qui tellement s'en vlcere & degaste qu'il fait crouste, principalement sur le doz aux cheuaux, telle qu'il semble de quelque maniere d'escaille ou escorce, au dessus de la teste, autour des nazeaux & aux endroits des pasturons, ausquelz endroits apparoissent certaines esleueures ou tumeurs comme galles: tellemēt que dans iceux nazeaux semble apparoir quelque cas pareil à ce que les anciēs souloïent nommer ozene & polype, sinon que ceste asperité est plus durette, & renitente au toucher. Au parauant que ces signes apparoissent, la beste se trouue auoir le ventre lasche, par quelque espace de tēps, & alors elle amaigrira, & roussera outre mesure. La bouche au toucher des nazeaux & à l'enuiron, & mesmes tout le palais & la langue apparoiſtrōt comme parties adustes & bruslees, tant seront aspres au toucher, & dures au manier: qui est vn mal qui a de coustume (i'entens pour le regard des signes) donner peine & offencer les poulains trop tost deslaittez, ou en temps de la durté des herbes, comme sur la fin de l'Automne, ou bien au cōmencement du printemps. Ce mal estant confermé, cōme quand le poil des sourſils tombe, les nazeaux s'enflent avec vlcere qui ne luy fait grand douleur, alors il est du tout incurable: Et s'il est recent, & qu'il n'apparoisse que comme quelque façon de galles vertes & sanieuses, moins crousteleues que les dessusdictes, il se peut aucunement guarir: mais par medicaments interieurs premierement: car c'est abus commencer par les applications exterieures: qui plustost renuoient & repriment au dedans qu'elles ne font de profit au principal, qui n'est sans le danger de la beste que l'on entreprēt de guarir ou penser. Les signes en general de ce mal confermé, & arresté, sont, yne toux seiche & aspre, avec grande

frequence de fouspirs & halettements pour la grande pene de touffer : & au surplus l'espine du dors comme racourcie & dure au trauail, la seichereffe maigreur & aridité de toutes les parties du corps croissant de iour à autre, quoy qu'il n'y ait faulte de bon traictemēt tant de nourriture que de bon valet d'escuyrie: En fin l'alleure ou portant accoustumé, ne se monstre au trottoir si adroit ou commode que de façon, & ne porte le col au maniment de la bride, & conduicte de l'escuyer, tel que de raison, mais comme tardif & paresseux il endure l'esperon iusques à l'escorcher & blesser du flac qui ia commence à faillir de sentiment autant comme la veuë luy demeure grosse & abaissée. Au demourant toutes les actions naturelles luy cessent en bon office & deuoir.

Or auons nous particulièrement deduit les signes des maladies ausquelles les cheneaux & mulets sont subiects par inconvénient. Reste maintenant à discourir selon ce qui est cy dessus proposé, la curation de toutes lesdictes maladies selon nostre ordre premis. Apres laquelle deduction, nous parlerons en general de la medecine interieure & exterieure, propre & commode à icelles, sans obmettre les cauterres & adustions.

De la maniere de guarir les maladies cy deuant
declarees, & premierement: de la curation du mal humide.

Sile maillet ou martel que les escuyers nomment, le mal, est humide, en sorte que des deux nazeaux en sortēt humeurs, ou morues verdes, iceluy estant en son commencement, apres la purge ordinaire, faut traicter la teste de l'animal en ceste façon. Prenez huile d'oliue bonne & recente trois onces, decoction de staphysagre vne once, vin vicil, de deux fueilles deux verres, meslez le tout ensemble en temps serain & tranquille, puis le laissez reposer, & apres que vous l'aurez attiedy, enfoncez luy dens les nazeaux par quelque moyen que ce soit. Il luy faut lier la teste de trauers en biaiz aux pieds, & ainsi entrappé, le contraindre par bon moyen à marcher tout doux, cela se fera tous les iours deux ou trois fois, à l'espace de deux heures pour fois, à fin que par ce moyen il rende plus grande quantité d'humeur. Encores ne sera mauuais luy en faire aualler a-

uec le cornet, ou pour le moins le contraindre à le receuoir
 dens la bouche, quelque façon que lon trouue, pour le faire e-
 sternuer, cracher & moucher par force, iusques au rendre le
 sang tout pur, qui te donnera quelque signe de guarison. Mais
 pource q̃ ce remede vlcere les parties par ou la matiere prent
 son yssue, sera bon apres la purge susdictē, luy lenir & adoucir
 les nazeaux & entre le palais de sain de cheureau fondu avec
 huile d'oliue, & puis refroidy pour l'espesir & luy donner fa-
 çon de cerat. Pour quoy faire plus adroit, aucuns y adioustent
 vn peu de resine premierement fondue & colliquee, puis lon
 laisse le tout mesler & refroidir à traiēt de temps, & en lieu
 modere pour espesir. Lon peut encores esprouuer vn sterna-
 toir fait de ius de staphysagre tiré avec quelque peu de vinaig-
 re, ou bien de la pouldre d'icelle ainsi que dit est mixtionnee,
 qui luy sera entonné par les nazeaux, ou avec la main en le cō-
 traignant, ou bien luy liant la teste court au rastelier, & ainsi
 forcé luy fera rendre non seulement ce qu'il aura pris de iust,
 mais encor quelque cas d'auantage prouenāt d'iceluy cerueau.
 Au demeurant il sera bon luy frotter la teste, principalement
 entre les deux aureilles iusques au frōc, & à l'enuiron des deux
 tēpes, avec de l'huile cōmune, ou de liz, ou d'amādes douces,
 & enuelopper la partie embrocquee avec de la laine à tout le
 suif plustost noire que blanche. Tu luy feras boire demie on-
 ce de semēce de cresson alenois, appelee nasitort & nasturce,
 ou avec le vinaigre ou bien avec l'eau de mariolene. Et quant
 à la purge, tu luy feras prendre, du diapente, pource qu'il est
 composé de cinq drogues que les anciens ont ordonné en ce-
 ste maniere, mirrhe, gentiane, aristoloche longe, grene de lau-
 rier, rasure d'iuoyre, autant d'vn que d'autre, le tout tu reserue-
 ras pour l'vsage qui sera avec le vin vieil, à la quantité d'vne
 chopine pour la premiere fois, baillee avec la corne ainsi que
 lon a de coustume: la seconde fois, ou bien le second iour, trois
 demy septiers, & le troisieme la pinte entiere avec du vin
 vieil vermeil attiedy, l'endemain tu luy feras tirer du sang de
 la veine du col que les anciens ont voulu nommer matricaire
 & noz mareschaux l'appellent les hartz lequel sang en le tirāt
 tu le reserueras, & ne le lerras perdre, par ce que meslé avec
 fort vinaigre & bien pestri & agité, il te seruira de charge & ca-

Diapente

raplasme pour en façon de cerat en frotter vniuersellement tout le corps du cheual à contrepoil, à ce qu'il puisse mieux penetrer : & refroidy adherer comme glus. Tu logeras lors la beste malade en lieu chaut, auquel le vent ne puisse donner aisement. Si il est desgousté principalement en Esté, tu luy presenteras à boire vn septier de farine d'orge destrempé, en cinq parties d'eau de riuere, & si tu le veux nourrir d'auantage, au lieu de farine d'orge, tu mesleras la farine de froment en la façon que dessus, & si le trouue bon tu ne luy bailleras autre viande iusques à ce que mieux il se trouue. Et pour ne faillir au deuoir de toute curation, tu luy feras donner la corne, & tirer du sang de la vene du palais. Et te souuienne que si ce mal n'est bien diligenté & sollicité de pres, il n'est point sans danger de perdre la beste: car bien tost il entre en la pousse & courte ale-ne, dont il est trop mal ayse l'en garentir & deliurer.

De la curation ou guarison de la seiche maladie du cheual.

Quant est du mal que nous auons cy dessus nommé sec ou aride, & que noz predecesseurs appelerent le soupir, noz escuyers la nomment la pousse, plusieurs sont en ceste opinion qu'elle est incurable ainsi que la phthisie aux hommes, qui est d'autant lethale & mortelle: qu'elle empesche & altere les poulmons, & n'est iamais sans hectique: car de iour à autre le corps amaigrift, & deuient sec & aride, en sorte que sur la fin les os percent la peau. Or est ce vn point principal de toute medicine, qu'il est plus aisé diminuer ce qui est superflu au corps, qu reformer & repaier ce qui defaut en iceluy: toutesfois qu'il n'y a si grand mal, que quand on le prend de commencement il ne recoiue à la fin quelque guarison. Bien est vray, que de tirer du sang à la beste ainsi seiche & alteree de sa chaleur naturelle, cela ne vient aucunement à propos, mais on luy peut embrocquer ou fomenter tout le corps en general d'huile d'oliue & de vin vermeil meslez ensemble, avec du cotton, de la laine, ou du linge, & principalement à l'entour des machoueres & de toute la teste, principalement au dehors du muffle, auquel endroit & à l'entour des tempes il faut longuement continuer & frotter à contrepoil, iusques à rougeur & sueur de la partie,

à ce que par ce moyen ceste aridité trop perilleuse soit aucu-
 nement modérée. La purge ou potion que tu luy presenteras
 par dedans sera telle que s'ensuit: Pren de la decoction d'or-
 ge assez cuitte, que lon nōme ius de ptisane, dans laquelle tie-
 de tu dissouldras ou deslayras du sain doux bien recent, le tout
 cuit de rechef avec de l'amidon, du miel, & du vin cuit, luy fe-
 ras aualer avec la corne ainsi que de coustume: à fin de faire
 dissouldre & dilater le canal de l'herbiere, & mesmes toutes
 les machoueres, que la seicheresse du mal auoit alterees & re-
 strinctes. Et quant à son regime, tu l'estableras en lieu chaud, &
 luy feras bailler de l'herbe fresche cuillie au pré, si tu en peulx
 recouurer, & pour son boire l'eau d'orge bien cuitt luy sera
 profitable, à fin de temperer par ce moyen ceste perilleuse ari-
 dité. Si tu voy que celà peu profite, tu luy offriras consequem-
 ment ceste autre potion: Pren vne chopine de bon vin cuit,
 tu mesleras vne once de yreos ou flambe de Florence, poiure
 noir demie once, safran vn scrupule, mirrhe & dragant vne
 once, cinq œufs cruds desmeslez avec ce que dessus: baille luy
 le premier iour ce petit breuage, & cōtinue en le renouuelant
 iusques à trois iours ensuiuās, pour par ce moyen appaiser au-
 cunement l'asperité de ce grief mal. Puis il te faudra faire nou-
 uelle embrocatiō & enduit par tout le corps en forme de char-
 ge & amieure, avec beurre, sain doux, miel & quelque peu de
 sel pouldré. S'il a le ventre pateffieux & restrainct, tu luy feras
 pillules en ceste façon: Pren ce que dessus a esté dit à la potiō,
 & luy donne espaisseur de masse de pillule avec de l'aloë en
 quantiré de demie once, & luy fais aualler ces pillules, la teste
 estant haute esleuee & contrainte au rastelier, puis peu de tēps
 apres luy bailleras de la decoction d'orge tiede, à la quantité
 d'une bonne chopine, tousiours le tenant en la cōtrainte que
 dessus, iusques à ce que le ventre luy face grand bruit. Ces pil-
 lules luy scruiroent de conforter les parties interieures, & las-
 cher l'humour qui est principale cause de son mal. Or luy faut
 il de ces pillules faire vser le premier iour la quantité de cinq,
 l'autre sept, & le tiers neuf, ainsi que de coustume: & ne faut
 pourtant les iours ensuiuans differer à poursuiure l'vnction
 ou embrocatiō de tout le corps avec l'huile & le vin attedris.
 Et par fois luy faire prédre la potion ou breuage dit diapen-

te, cy dessus descripte & declaree, & ce par plusieurs fois reite-
ree, car à tel mal faut souuent toucher de remedes pour la cō-
tumace. S'il suruiuent inconuenient de toux, & cōme quin-
te qu'il semble que la beste veuille estrāgler, faudra prédre vn
septier de febues pillces, sain de cheureau trois onces, trois tes-
tes entieres d'ail plumé, faiêtes cuire le tout ensemble, & avec
de la decoction d'orge entiere ou du vin cuit, le tout tiede fai-
êtes luy prédre avec le cornet comme dit est, Ceste purgation
ou cure estant trop tardiuë, & de plus grande longueur que tu
ne voudrois, pren deux poignées de figues seiches & les pille
bien fort avec vn quarteron de fenugrec, puis fais decoction
iusques à la diminution de moitié, puis apres auoir coulé le
tout, pren le marc, & le pile de rechef au mortier y adioustant
trois onces de testes d'ail plumé, & tant d'ache q̄ de rue de cha-
cun trois poignées, & sur la fin de la trituration, tu y adiouste-
ras trois onces de racine de dracontee, que lon nomme grād
serpentaire, en y adioustāt par dessus l'eau ou le fenugrec aura
cuit tu en feras breuuage que tu luy feras prendre à la corne:
qui est vne purge propre à la pousse, aux cheuaux essancez &
rompus, mais il la faut continuer par trois iours subsequents.

Autre remede propre & commode à la maladie seiche que
lon dict la poulse, il faut couper le nazeau par dessus avec ci-
seau ou forcette bien trenchante pour luy faire auoir l'alene
plus à l'aïse quoy fait, luy faudra bassiner les nazeaux avec l'eau
froide, & mesmes luy en sera bon siringuer iusques au plus
profond d'iceux & par plusieurs iours continueras ceste me-
dicine, en luy plôgeant le musc dans l'eau froide ainsi que dit
est, à fin de luy prolonger l'alene estant contraint de la retirer
& la repousser dans le seau. Et sera bon luy faire prendre tous
les iours ceste medicine. Tu prendras vne chopine d'eau d'or-
ge bien cuitte avec le sain de cheureau, souphre vis, encens fin
autant d'vn que d'autre, tu destréperas le tout en gros vin ver-
meil, & luy en feras prendre au cornet tous les iours vne gran-
de cuilleree avec de l'eau d'orge: finablement quand tu apper-
ceuras que le cheual commencera vn peu à renforcer tu luy fe-
ras titer du sang de la vene du col, & d'iceluy sang meslé avec
du fort vinaigre, tu en frotteras le cheual par tout le corps vni-
uersellement.

Comment il faut remedier au mal vlcereux, ou bien à la galle qui vient entre chair & cuir.

Ceste maladie aduient au bestiaill quand entre chair & cuir il y a quelque humeur latente & cachee procedente toutesfois du dedens du corps, qui luy infecte tout le cuir en general. Le moyen d'y obfister est de luy faire ouuerture par cautere entre les deux espaules, & le coffre, au lieu & largeur que lon a de coustume faire, & faut que ce soit à iour serain au decours de lune si possible est: puis l'escare tumbee tu metz leās vn chalumeau ou syphon de cuiure par le moyen duquel, selō la caulte d'iceluy, grande quantite d'humeur se retire & escoule dehors, qui t'apparoistra iaulne & comme doré, mais corrompu & puant, à cause de la longueur du demeure qu'il a fait en ce lieu. Si tu voy que ceste humeur ne vienne en telle abondance & quantite que bien tu voudrois: Pren la racine de purge, que lon diēt grand reueille matin, & la mets leans l'espace de sept iours, cela fera sortir grande & telle quantite d'humeur meschante & corrompue que tu desireras.

Autre remede: Pren la racine de poulmeclee qu'autres nomment pulmonee, qui est assez cognue des mareschaux & bouuiers, & l'attache à l'endroit du poitral de la beste en ceste maniere: Tu feras vn cercle avec vn poinçon d'arain si grand que tu voudras & a l'endroit de la partie que tu iugeras le plus cōmode, puis au trauers, ou bien au dedens du cuir ainsi ouuert que dit est, tu mettras & enteras ta racine, & luy lerras tant de temps que tu puisses apercevoir la circonference du cuir que tu auras marqué avec ton poinçon, se putrefier & corrompre par laquelle ouuerture tu puisses voir l'humeur cachee procedente de tout le corps, sortir manifestemēt & s'ecouler au dehors puis luy feras boire trois iours durant du diapente cy dessus descrit ou bien par plusieurs iours d'auantage ainsi que iugeras estre necessaire. Tu prendras puis apres de l'ache fucilles & racines, avec des grins de laurier, ou bien si tu n'en peux recouurer, pren des fucilles de laurier & courge sauuaige & les menuise en sorte que tu en puisse faire potage avec la decoction d'orge entier, cela luy seruira d'autant de medecine en façon de nourriture que la potion du diapente luy auoit faite

au parauant. Il te le faut establer en lieu temperé de chaleur, & luy bailler à boire de l'eau tiede avec de la farine d'orge, & quelque fois de fromét: & t'assure que le froit luy est si cōtrai re qu'il luy augmente le rume & le pis de son mal. Et quant à son manger: tu luy dois plus tost presenter viâdes seiches que vertes. Et ne faut oublier à le faire ordinairement exercer, vn peu plus violement que de coustume, & luy bailler carriere iusques à grande sueur, qui diuertira facilemēt l'humeur qui est cause de ce mal.

Le moyen de guarir la goutte.

LEs signes de la goutte au cheual ou mulet, sont tels que nous les auons cy dessus exprimez, à sçauoir, quand quelque fois il cloche des pieds de deuant quelque fois des pieds de derriere, puis de l'vn puis de l'autre indifferement, quand aussi il luy apparroist quelque maniere d'enfleure au couronnement des ioinctures comme des genouilz & du train de derriere, à raison de la pestilence du mal de la venosité d'iceluy, qui remplit les venes & les nerfs, & les estend de façon, que tout le corps de la beste en est grandement debilité. Tu luy feras tirer du sang premierement de la vene matricale du col, appelée le hart, car ainsi l'auons nous appellé cy dessus. Le sang qui partira par ceste saignée tu le mesleras avec du fort vinaigre, & en feras comme vne façon de cataplasme, pour en induire tout le corps, & principalement les parties tumefices & offensées. Car l'opinion des anciē a esté que le sang ainsi chargé par le corps de la beste, a vertu de deseicher l'humeur contenu & caché aux parties douloureuses. Et si tu vois que la tumeur soit grande à l'endroit des genouilz, ou autres ioinctures du corps, tu le feras saigner de ces mesmes endroits ou l'enfleure sera plus apparente & manifeste. A ce medicament tu pourras adiouster de la croie de Reims pour la meilleure, avec vne liure d'orties griesches, trois chopine de fort vinaigre, vne liure de cumin en pouldre, resine fondue vne liure, & autant de poix noire, sel gros & commun vne poignée, avec autant de bouze de vache ou de bœuf que tu verras souffice & estre necessaire pour faire liaison, & de ce feras linimēt ou cataplas-

me pour souuent appliquer sur les parties offensees. Tu luy tireras particulièrement du sang du palais avec la corne, pour empescher que ce mal ne passe iusques au dedens du cerueau & au rez de la teste. Et si tu voy qu'il cloche plus fort du train de deuant, il luy faudra vacuer le sang de la part des espauls, comme au cas pareil tu le feras saigner des cuisses fil cloche plus du train de derriere. Et pour breuuage singulier contre toutes maladies de la beste, seruant comme de catholicon ou composte, tu luy feras prendre ce qui sensuit. De la grande cetaure, du fort ou absynthe grand, peucedan, serpollet, sapin, betoiesne, herbe robert, aristoloche ronde, autant d'un que d'autre espluche les bien, & les pille tout ensemble. Ce iust tu le presenteras au cheual avec de l'eau fil est en fieur, & fil n'a nulle fieur avec du vin vermeil, & continueras à luy faire prendre ceste medicine tous les iours ordinairement avec vne chopine de vin ou d'eau, comme verras estre bon, à la quantité de deux grandes cuillerees, & contraindras ce medicament descendre par le gosier de la beste a longue main, à fin que l'amertume de ces herbes puisse rabattre l'autre plus grande amertume qui est cause de ce mal.

Des remedes contre le farcin.

NOus auons assez declare & descript cy dessus dont est procedé ce mot de farcin au bestiaill, & comment l'humeur corrompue qui est cause, s'espand par tout le corps de la beste, selon les conduits ordinaires, & s'arreste entre chair & cuir en plusieurs endroits d'iceuluy corps, tellement que quād vne partie est hors de danger l'autre recommence à se doloer. Ce mal veritablement est contagieux, toutesfois plustost & plusaisément guarissable que n'est la morue, attēdu que les parties interieures se trouuent d'autant plus saines qu'elles reiettent avec grande puissance au dehors, ce qui leur offence, qui est la cause que lon en a meilleure esperance, principalement quād le mal commence, & qu'il n'a point encores prins son cours. Pour guarison, quoy qu'il en soit, il faut saigner le bestiaill au comencemēt du mal, pour en oster la coulacion, & aussi sur la fin du mal pour oblisser au dāger qui pourroit retourner, mais

pagr 5
garde toy de luy toucher la vene, quand le mal est en sa force, car cela luy fera plus de nuisance que de bien. Les cauterres, que lon nomme le feu, luy sont bien seans & propres en ce temps, pour extirper la racine de mal. Entre les cauterres ie prise sur tout ceux qui sont faits avec le cuyure fin, & sur l'ouuerture. Apres que le mal aura coulé, tu luy ietteras de la poix noire avec de l'huile commun. La purgation dont l'animal doit vsfer sera forte & violente, cōme le diapente cy dessus déclaré, offert avec le vin, c'est vne medicine propre à plusieurs & plus greues maladies du bestail. Autrement: Tu prendras vne liure d'infusion de racines d'hyebles faicte sur les cendres chaudes en trois chopines de vin vermeil l'espace de trois iours entiers: puis le tout rassis & repōsé tu y adiousteras demie once de bon aloë, cēsauree en pouldre vne once, opopanax en pouldre vne once, pile le tout ensemble, & avec le vin d'infusion de racines d'hiebles à la quantité d'vne chopine tu luy feras prendre à la corne. Et faudra reiterer ceste potion en pareille quantité pour luy faire prendre trois iours durans, & par ce moyen faire digerer & dissiper cest humeur, & le contraindre sortir par les voyes communes du ventre. Cependant (principalement apres les purges, & aux interuales d'icelles) tu l'exerciteras & le feras manier sur le trottoeur, & luy donneras grād galop ou telle carriere qu'il pourra endurer, mesmement iusques à quelque fureur. Tu n'oublieras à le faire bouchonner à paille fresche bien diligēment. Et quād tu verras qu'il se trouuera mieux, tu l'enuoyeras aux herbes avec le haraz, principalement sur l'Esté, auquel temps il pourra comme les autres demeurer quelques nuits outre les iours tant en son repos qu'à faire plaisir. Ce remede luy seruira de faire sang fraiz par la diuersité des herbes qu'il pourra choisir, à son appetit dōt en reparera le cuir, iusques à faire pieds neufs & nouvelle corne, sans ce que le grand aër & force du soleil luy aideront d'auantage, mesmes les rosees du soir & du matin, le remettront en son premier estat.

Remedes au mal subrenal, que lon dit la pissoire.

LE mal subrenal comme quand vn cheual est essancé ou essanché, & cōme esrené & foible du train de derriere, tout ainsi

ainsi qu'il n'est sans difficulté, aussi est il de curation essez mal-
aisée. Le moyen d'y remedier, est, si le cheual est encores en for-
ce d'aage, de luy faire en temps propre & commode tirer sang
des deux costez, & mesmes des flancs par la section des venes
competentes & propres à ce mal, iusques à telle quantité que
lon puisse messer le sang issu & extrait dans le bassin avec le
vinaigre, & en faire amielleure, principalement sur l'eschine &
sur les endroits des reins & de la croupe, iusques aux cuisses
& aux flancs. Pour la purge, tu luy bailleras à la corne le dia-
penté cy deuant ordonné, & ce bien souuent, tant que mieux *Page 5*
il se trouue sur le trottoir: & pour la doubte des humeurs qui
se pourroient estre remis au dedans à raison de l'imbecillité
de la chaleur de l'animal, & aussi pour obfister à la froideur de
la partie, tu luy feras dresser vn clistere carminatif tel que cy
apres: Prenez pouldre d'aloë vne once, piretre autât, euphorbe
demie once, pouldre de pouliot sec & bié pilé vne once, grains
de laurier vne once, castor demie once, semence de fenneué
trois onces, pouldre de sel gros vn poisson, de ce tout en feras
trois prinſes que tu mettras à part pour bailler au cheual avec
la chauffe & decoction de son de froment, par trois iours en-
suyuans, à la quantité de trois chopines pour fois: à ce que par
ce moyen l'humeur arrestee à l'endroit des flancs, estant par ce
moyen eschauffee, se puisse facilement retirer par bas, quant à
la grosse matiere. Et quant à la friction des iambes ou train de
derriere depuis au dessus de la croupe il la faut faire avec l'hui-
le de laurier, destrempee en vin vermeil, & puis attiedie: que tu
feras passer sur l'endroit du mal avec la laine à tout le suif, ou
du cotton, vne esponge, ou à faute de ce vn torchon assez net.
Quelques-vns ont de coustume appliquer vne façon de cau-
tere actuel à l'endroit des reins qu'ils choisissent le plus con-
uenable, à fin de faire deseicher la force de ce mal, par le moyé
de l'ardeur du feu. Sera bon encores luy presenter de fois à au-
tre le breuage des huit sortes d'espices, duquel cy dessus a esté
fait mention au mal des gouttes. C'est vn medicament de grâ-
de efficace, à toutes sortes de maladies froides.

Aguarir la ladrerie.

C'est abus vouloir attenter ou entreprendre la guarison
parfaicte de la ladrerie conſermee, & principalement en

vn corps pesant, sanguin, corpulent, vicil, & de gros membres: Mais en vn cheual de moyen aage, si le mal n'a passé depuis six mois iusques à dix, ne faut tant penser aux remedes exterieurs qui touchent le cuir & les parties plus apparentes, qu'aux parties interieures desquelles le mal est issu. Car en touchant au dehors, vous ferez reprimer le mal en dedans, au danger de pis pour la beste. Quiconques voudra s'employer à la guarison de ce mal, faut qu'il face premieremēt tirer du sang de la veine du col, que nous auōs cy dessus appellé matricaire, ou des harts, & d'iceluy sang mēlé avec du fort vinaigre, en frotter le corps exterieurement, par tout: puis luy faut encores tirer de la veine du palais & des autres parties, selon la commodité de la lune, & la force de la beste: duquel sang ainsi préparé que dessus, faudra faire nouvelle embrocation. A ce mal sont principalement subiects les poulains nouvellement deslaittez, & mis à part en estable propre, par ce qu'ils ont perdu la nourriture accoustumee du pastiz, l'air libere, l'exercice, & generalemēt tout ce que plus les entretenoit en bon poinēt. Outre le diapēte cy dessus descript propre à purger toutes maladies en general, lon peut particulierement ordōner vne potion telle qui sensuit: Prenez myrrhe trayee vne once, encens fin vne liure, escorce de grenades demie liure, poyure rond vne once, saffran six onces, acacie rousse demie liure, absynthe ou aluine de ce pais demie liure, serpolet, butoesne vne liure, centauree vne liure, sapin trois onces, herbe robert six onces, peucedan six onces: pilez le tout ensemble, & en faictes decoctiō avec du bon miel, puis le tout gardez en vn vaisseau de verre ou de grez fort bien estouppé, car ce medicament vicil & de long temps reserué se trouue de plus grande efficace. Lon ne le presente qu'à la quātité d'une grande cuilleree pour chacune beste malade avec vne chopine d'eau. tiede, & trois onces de bonne huile d'oliue: & se baillera l'espace de trois iours suyans. Et si tu aperçois que le mal diminue, tu presenteras ledit medicament avec le vin & l'huile ainsi que dessus a esté dit. Ce breuage n'est moins singulier à toutes especes de maladie que le diapēte cy dessus descript. Vray que les poulains & nouveaux nez en sont plūstost deliurez que les autres: cōbien que le plus du temps ils en meurent, tant le mal est contagieux.

page 5

Pour guarir le martel, ou maillet des cheuaux,
que les escuyers nomment le mal.

IE ne sçauois mieux declarer que c'est du maillet ou martel, sinon par le mot de l'Italian, qui nomme le plus grand mal de la personne (c'est la ialousie) martel en teste, pour ce que la fieure continue qu'il a de la passion qu'il endure, luy engendre telle fureur en la teste qu'elle n'en peut mager ne boire, prendre repos ne iour ne nuit. Or est-il que ce mal est comme vn vray maillet si fort agitant & tormentant le bestail, que la fieure ne le laisse iamais iusques à la mort. Entre autres ce mal est le plus contagieux en toutes bestes & troupeaux, soit de moutons, pourceaux, bœufs & autres. Lon le nomme encotes le sang, par ce que cōme d'accident de fieure continue, apres que l'animal a discouru cōme estant en rage çà & là, il iette le sang par les nazeaux, qui est tellemēt cōtagieux ausi bien que son alene que pour vne beste ainsi malade, n'y a si beau troupeau qui ne demeure & se perde, en façon que de long temps apres non plus qu'apres vne peste, il ne faut loger aucun bestail au lieu ou il y aura eu bestes attaintes de ce mal: ains faut faire iournellemēt perfum par les bergeries ou autres estables pour en alterer l'air contagieux autant que si c'estoit d'une peste en vne maison. Les bergers l'appellent clauée, les porchers le nomment le mal, duquel beaucoup d'expers cheuaucheurs, bergers, bouuiers & autres attribuent la cause à vne infection de l'air, qui par inspiration ordinaire d'iceluy infecte la beste au dedans, & corrompt les herbages dont viuēt les troupeaux aux champs. Aucuns veulent dire que c'est malheur & punition diuine sur ceux à qui les troupeaux apartiennent. Somme, il ne faut qu'une beste infectee de ce mal contagieux pour en gaster & corrompre cent mil, si autant en y auoit: & pour ceste cause ne faut faillir à bien tost & bien loing separer les bestes que lon en verra attaintes: & si lon cognoist que la contagion prenne traict, il faut enterrer les bestes mortes de ce mal bien fort loing du lieu ou les autres troupeaux ont de coustume passer ordinairement, & bien auant les profiler en terre, à ce que la vapeur isant d'icelles ne puisse s'engendrer quelque grief mal, & principalement à celles qui tousiours depuis le sortir de l'estable cheminēt la teste baissée sur la pasture: car

celles là prennent facilement la mauuaise & infecte vapeur qui sort de la terre. Quelques vns des mareschaux de nostre temps qui se vouloient dire des plus experts, ont assigné la cause de ce mal à la grande lassitude qui suruient apres que la beste a trop faulté, couru ou prins carriere violente, sans la deterfion de la sueur: autres dient que cela prouient de trop vehemente chaleur en Esté, ou trop grâde morfonture en hiuer: ou bien si la beste est contrainte retenir son vrine: ou bien quand lon baille l'orge ou la prouède aux cheuaux, alors qu'ils fuēt apres le trauail: pareillement si on les abreue à grand chaut, sans premierement les promener, qui est le mal que noz cheuaucheurs appellent ordinairement les auies: quand aussi lon contraint les cheuaux courir & prendre carriere lors qu'ils n'y pensent point, & n'ont le loisir de rendre leur vrine, ou qu'ils ont esté nourriz de foin moitte, corrompu, & orge ou prouende mal nette, & qui sent le remeugle. Quoy qu'en soit, tout ce que dessus est dit diligemment preueu, ie trouue que ce mal ou maillet, procede de l'influence & malignité de l'air, & principalement quand le vent de Midy & de Soleurre ont leurs cours, lors que le bestiail est de relaiz: ce qui aduient par certaines influences que lon ne peut euitier. A ce mal, fil y a moyen de remedes, il le faut prendre par breuuages propres & necessaires à la guarison des bestes attaintes de ce mal: desquels nous auōs cy dessus descript grande partie: & ce qui reste nous le reprendrons & recorderons de l'ordonnance des plus experts Auteurs que nous sçachons pour ce temps.

Preferuatif cōtre toutes maladies du bestiail: Pren semence de colocynthe ou courge sauuaige vne poignée: pille ladicte semence en vin blanc, puis le couleras par la chausse ou le feultre, & avec la corne fais le prédre à l'animal par le naseau droit. Entre autres remedes, cestuy est bon à la disenterie ou caquefang. Autre de moindre fraiz: Pren racines de cōcōbre sauuaige, & les laisse infuser la nuit en eau tiede, puis le lendemain tu les pilleras pour en exprimer le iust, & avec du nitre ou salpestre tu luy en feras prendre trois cuillerees en vin blanc tiede, l'espace de sept iours continuels. Autrement, tu luy feras piler du nitre ou du salpestre avec des racines recentes de concombres sauuaige detranchees & pillees, avec vne chopine de vin tiede & d'eau d'orge: de ce tout feras prédre au cheual cō-

me par maniere de breuuage cōmun lors qu'il sera en sa soif: ce luy seruira de purge & nourriture ensemble. Autremēt: Prē racines d'hiebles, & orties griesches, & les fay infuser la nuit en faumure de porc, que tu couleras par vn linge bien net, & de ce qui en sortira, tu luy feras tirer de force par les nazeaux l'espace de trois iours suyuaś, à la quātité de ce que pourroit cōtenir la coque d'un œuf. Cela tu cōtinueras iusques à ce qu'il se trouue mieux, & ce pendant, tu ne le lerras sans prēdre ordinairement en breuuage de la decoction d'orge, dēs laquelle faudra faire cuire de lache & racine de concōbre sauuage menuz detrenchez, & de ce luy bailler à boire en cōmune potion. Il en y a qui ne prēnent q̄ de la decoction du concombre sauuage, & luy en font boire d'ordinaire. Autre potion: Pren du fauinier trois poignees, de la purge battue trois onces centauree maieur deux onces sarrazine que lon nomme aristoloche quatre onces, & autant de grene de laurier & de mirrhe, le tout pilé ensemble apres auoir esté bien espluché & trayé feras reduire en pouldre bien subtile, que reserueras & garderas pour l'ysage, qui sera à la quantité d'une bonne cuilleree avec du vin tiede comme dessus a esté dict.

Quāt à la saignee en general, elle sert pour toutes maladies, premieremēt à tirer le sang du palais à la corne des arts ou du col au cas pareil, & consequēment des lieux ou il se trouue plus grande apparence de tumeur & enfleure: Bref, le mal estant à la teste & aux espauls & train de deuāt, il faut vacuer des parties de deuāt, & au cas pareil estant au train de derriere, faut tirer des flancz, des hanches, des iambes: & autres parties inferieures. Apres toutes lesquelles choses, vous luy ferez prendre ceste purge, par l'espace de trois iours subseqvents. Racines de panez trois onces, racines de eringes que lon nomme chardon testu ou à cent testes, autant d'un que d'autre (mais il faut noter que l'eringion ou chardon testu n'est si bon prins sur le sable commun comme sur le sable du flot marin, de qui les longues racines & qui penetrent auant sont rouges comme celles de l'acore ou flambe, autre qui ausi porte la fleur tirant sur le iaulne.) Ceste decoction demy faicte, tu y adiousteras, semēce de fenouil trois onces, aloë vne once & demie: le tout pilé & meslé ensemble, tu le partiras en trois portions lesquelles tu

remarque
 feras meller particulièrement en vne chopine de farine de froment fort tiede, & ainsi luy bailleras à la corne, l'espace de trois iours. Pelagonion auteur bien ancien, & bon praticien en cest art, allegue & compose, vn medicament catholic contre toutes maladies veterinaires reduit en pouldre, comme s'ensuit: Pren(dict-il) vn cigonneau de telle ieunesse qu'il ne se puisse encores soustenir, mais qu'il ait toutesfois les tuyaux, mets le, tout vif en vn pot neuf bien lutté de toutes pars, & le fais cuire dens le four, iusques à ce que tu pense qu'il soit entierement consommé & reduit en cendre, ceste pouldre tu la passeras par le sasset, & la garderas tresbié en vn vaisseau de double verre, couuert, & bien lutté de cire blanche gommee, & au dessus obturé & bouché de cuir rouge & gros parchemin. Quand tu en voudras vser, tu le presenteras à l'animal à la quantité d'une grande cuilleree avec vne chopine de vin tiede, & continueras ce remede iusques à ce qu'il en recoiue guarison. Chiron Cétaurien premier de tous autheurs tant de la medicine des hommes que des cheuaux, dict, qu'il feroit bon prendre vn petit chien tout vif encores n'estant de laicté & sous la mere, puis le plonger en eau bouillante, iusques à ce que les os laschent la chair, toutesfois qu'il commande estre pelé & bien nettoyé par tout. Les os separez comme dict est, il en faut prendre la chair, & la confire avec le iust de sain doux, vin vieil, huile recétée & quelque peu de poyure, de ce tout bien meslé & incorporé avec du miel fin, tu en feras comme vne façon de composte, que tu reserueras pour l'usage qui sera de deux cuilleres pour chacun animal avec du vin vermeil, & à la corne, l'espace de trois iours ensuyuans, iusques à ce qu'il se trouue mieux. Autres font decoction de teste de bouc avec les quatre pieds, & la cuïsét en vin fort, puis le tout passé baillent à l'animal par trois iours suyans, partie pour le nourrir, & partie pour luy donner allegiance de son mal. Encores allegue l'autheur susdict le mesme remede estre bõ, d'un cochet blanc ainsi accoustré que dessus. Et ce mesme docteur en cest art conseille la racine du tithimal que lon nomme la purge, ou l'espurge, cuitte avec du vin doux, & presentee avec le cornet, cõme de coustume. Encores est bié de cest auis qu'aux flux de nazeaux que lon nomme flux attique, n'estant en-

cores confermé, & quand il en fort vne humeur comme, verte & demy iaulne, de prendre de l'vrine ou datte de l'homme, ou de bouc, enuiron chopine avec du vin vermeil & vn gobelet de bonne huile rofat, & luy faire tirer à force par les nazeaux, iusques à luy faire perdre terre : & bien apperceuoir l'humeur virulent qui luy sortira de ceste partie. Ce remede donne encores guarison au mal des poulmons du cheual, & par mesmes moyen guarit les nazeaux d'iceluy.

Du medicament & remede commun & ordinaire, que lon peut bailler tous les ans à certain temps, aux veterinaires.

C E mesme autheur dict qu'il faut pour medicine ordinaire & anniuersaire (c'est à dire qui se baille certain temps de l'annee) prēdre de l'ail de beotie, au lieu duquel le nostre satisfait quant à la force, & pour chacune teste y mettre demy once de iust de sapin ou sauinier, avec vn gobelet d'huile d'oliue pour chacune demie once & du tout bien reserué & gardé à profit, en vser ainsi que s'ensuit. Vous mellerez la confection susdicte avec vne pinte d'eau ou enuiron, le xxij. Iuin qui est le temps de la canicule, & au commencement d'icelle. De ceste confection, avec autant d'eau de riuiera faudra embroquer & lauer la teste des bestes que tu voudras preseruer de maladie, ce fait, tu leur liureras par trois iours durant la potion susdicte, tant aux bestiaux de haraz, comme à ceux qui seront en seruice. Cela les preseruera toute l'annee entiere de tumber en maladie.

Perfuns contre le maillet qui est la peste & clauée des bestes : lon le nomme ordinairement l'encueur ou le mal.

N Ous auons cy dessus amplement deduit & declaré ce qu'il faut faire à ce mal du sang ou maillet, selon les especes d'iceluy : & de ce qu'il faut presenter de remedes tāt par haut que par bas, & aussi des phlebotomies, cauteres & autres applications exterieures. S'ensuit vn des poincts & moyens des plus

necessaires, que lon nomme le perfun. Car comme il soit ainsi que ceste aridité & inconuenient procede de la contagion & infection de l'aër, elle ne se guarit moins de l'alteration d'iceluy aër par vapeurs ameres excitees des drogues à ce propres & commodés, comme de l'amertume des medicaments conuenables. Tu trouueras le moyen de mettre & establer à part le bestial dont tu auras crainte, ayant coniecture tant à la lassitude (qui monstre son indisposition) comme au desappetit, & mauuais portement à la bergerie ou estable, & le tiendras bien fort cloz & couuert entendât diligemment à l'aër qui le peut offencer. Pren origan ou mente de montaigne, mente commune, pouliot, esphalte que lon nomme bitume iudaic, que lon prend à la mer morte, mesle le tout ensemble, & en iette sur le reschaut autant que tu en pourras prédre à trois doigts, & le presente vers la teste du bestial, en sorte qu'il soit contrainct en receuoir la vapeur: laquelle penetrant iusques au dedens du coffre, & par mesme moyen aux parties du cerueau pour diuertir l'humeur preste à couler ou fluer, & par mesme moyen conseruer la partie qui le pourroit receuoir. Ce perfun se continuera iusques à ce que tu sentes que le bestial ne touffe plus, & se trouue plus gaillard & disposé à toutes ses actions.

Autre composition de perfun, qui mesmes oste le danger du sort.

LE bestiail de toutes sortes, par la malignité des hommes est quelque fois subiet au sort, de façon que quand tu en penses auoir profit ou seruice, tu le trouue iournellement amaigrissant & desinant, comme mal de soy, & neantmoins plus prenant de nourriture que de coustume, combien qu'il ne la mette aucunement à profit. A cest inconuenient soit qu'il commence, ou que tu le redoubtes, tu feras ce perfun plus sumptueux que celuy cy dessus: mais aussi de plus grande force & efficace. Pren soulfre vif demy once, asphalte ou bitume de iudee vne liure, opopanax six onces, branche vrsine ou acanthe, autant: galbanum & castor, racine d'yreos commun, de chacun six onces, sel ammoniac deux onces,

ces, sel de capadoce trois onces, rasure de corne de cerf, agathe masle & femelle de chacun trois onces, cornalline, syderite, argelline de chacun vne once, cheualotz de mer sept en nombre, queues marines, vngles de mer, autant : raisins de mer trois onces, moille de cerf, gomme de cedre, poix noire de chacun trois drachmes, os de seiche sept en nombre, litarge d'or, ou or en fuëlle & brayé demy once, balluque vn scrupule, le tout meslé ensemble & ietté sur le rechaud ou terrace pleine de charbon ardent, resiste aux maladies, tant des hommes, que du bestiaill : & mesmes chasse les mauuais esprits, empesche la gresle, fouldre & tempeste, & purifie l'aër de toute infection & corruption. Si tu ne peux recouurer le nombre des pierres cy dessus allegué, ou que le pris t'en face oster le goust, le reste ne lerra pas à profiter, & auoir efficace telle que tu desire.

Les moyens de tirer sang au bestiaill tra- uailié de maladie.

Toute façon de mediciner les bestes ne consiste point seulement en breuuages, ou autres choses si dessus alleguees & produittes, car qui ne vouldroit vsér que de minératif d'humours par potions, il s'abuseroit grandement. Or est il que la premiere cause des maladies consiste principalement au sang qui souuent peche tant en quantité qu'en qualité, ou en general ou en particulier : parquoy pour l'emènder & corriger, il le faut vacuer bien discrettement. Car comme le sang soit le tresor de la vie, le prudent escuyer ne conseillera iamais le tirer si temerairement que la beste en soit debilitée & en patisse : mesme il considerera tres-bien la force & vigueur de l'animal, le temps & la saison de l'annee, & toutes autres circonstances necessaires. Faut icy marquer ce passage, que tout ainsi que le sang tiré par modestie est cause de la grande & meilleure santé de la beste, aussi quand il est tiré sans mesure ne consideration des choses necessaires, ce remede apporte souuent grand dommage & interest. La raison est, que le sang de la beste, estant corrompu & alteré de son naturel, par le moyen de l'indigestion des viandes & humeurs cau-

fees d'icelles, se retirant par tout le corps selon les vaisseaux à ce faire dediez, engendre langueur & douleur dedans & dehors, tant en général cōme en particulier. Car par ce moyen il se faict telle indisposition de venes & de nerfz, laquelle dissention, ne se peut resouldre ne guarir que par la vacuation du sang, qui facilement corrige la quantité & qualité d'iceluy singulier & vnique remede au mal de plénitude & corruption.

Ce qu'il faut obseruer à phlebotomer & tirer du sang à la beste.

LEs opinions sont diuerses quant au tirer du sang à la beste. Les vns sont d'aduis d'en tirer tous les ans au moys de May, puis les enuoyer aux herbes, & leur raison est que le vieil sang party en faict du nouveau qui sert & profite d'auantage. Autres disent (entre lesquels sont les plus anciens & de plus grande authorité) que le souuent tirer du sang debilite la beste, luy accourcit la veuë, & l'engresse d'auantage, & que contraignant le reste du sang à se retirer au dedans cela engendre nouvelle maladie. Pour conclure, ie trouue meilleur de ne tirer du sang au ieune haraz, si la necessité n'en contrainct, mesmes aux bestes de seruice, si ce n'est du palaiz à la corne en temps chaut & qu'ilz ont la langue aspre & sont desgouttez plus que de raison, car on tient que cela leur allege la teste, & leur descharge la veuë. Les autres bestes de seruice, peuuent endurer la saignée au renouveau, mais il les faut faire iusner le iour precedēt pour par le moyen de ceste diette rendre le sang plus net & esclarcy. Pour ce faire, faut poser la beste en vn lieu plat & vny, & le lier d'vn cheuestre assez roide, à fin que la vene des espauls se soit de plus grande apparence: Tu prendras puis apres vne esponge trempce en eau tiède, & lauieras par plusieurs fois l'endroit que tu voudras toucher, pour par ce moyen faire esleuer & tumefier la vene, n'oubliaras à luy deprimer le gosier en dedans, pour plus fort faire apparoir la iugulaire, laquelle tu toucheras roidement, & en trauers, avec la lancette d'acier bien aguisee, en le gardant soigneusement de luy offencer ledict

gofier, & bleffer l'artere fubiacente. Ceux qui vſent de la flam-
 mette que lon touche avec l'ongle, beſongnent plus ſeu-
 rement, qui eſt l'inuention des Alemans. Peu de temps apres, tu
 luy offriras du foing & de la gerbee, à fin que le ſang par le
 mouuement & agitation de la maſchoire ainſi qu'il mangera
 en forte aiſement. Quand tu verras qu'apres le ſang corrom-
 pu, & virulent il en ſortira de pur, & meilleur, tu luy oſteras le
 manger, & avec la compreſſe tu fermeras l'ouuerture de la ve-
 ne, aucuns y mettent du cherpy, & autres y mettent de la
 pouldre de craye. Selon la delicateſſe du cheual, tu l'eſtable-
 ras par l'eſpace de huit ou neuf iours en lieu chaud, & bien
 fermé de part & d'autre, & le nourriras outre ſa prouende, de
 foing mollet & bien odorant, & luy presenteras de l'eau bien
 nette quand tu penſeras qu'il aura ſoiſ. Vray que la gerbee de
 froment eſt meilleure & de plus grande nourriture que celle
 d'orge, mais ſi tu n'as que de la gerbee d'orge, prend celle qui
 vient pres la coſte de la mer, car oultre la nourriture elle laſ-
 che le ventre, & reſiſte à la contumace de l'humeur. Cela ne
 te faudra oublier que nous auons ſi deſſus par pluſieurs fois
 allegué, de prendre le ſang vacué par la detraction & le meſ-
 ler avec du fort vinaigre & de l'huile d'oliue, puis en faire cō-
 me vne charge & cataplaſme par tout le corps du cheual en ge-
 neral & particulierement à l'endroit de la ſaignee & des par-
 ties que la beſte ſe ſentira plus offencees. Car il eſt notoire cō-
 me par vne raiſon naturelle, que le ſang ainſi eſpars par les
 membres du beſtial donne force & guarifon à icelles, & de-
 ſeiche l'humidité ſuperflue contenue au dedans du corps: qui
 eſt vn point en ceſte curation qu'il ne faut oublier aucun-
 ment. Quelque temps apres faut expoſer le cheual à l'aër, &
 luy donner la corne au palais, pour ce que lon ſe peut doub-
 ter que la lāgue deſtournee en lieu particulier, luy pourroit a-
 uoir engendre la fieure, ou alteration de chaleur, mais il ſe faut
 donner garde qu'apres la frequente ſection de la vene au pa-
 laiz les crocz ne luy ſoient offencez, c'eſt ce que lon appelle les
 œilleres ou dentz canines, parquoy il les faut pour quelque
 temps apres que le ſang eſt coullé, lier haut, en ſorte que la
 playe ſe puiſſe reſermer, & le ſang arreſter. Ce iour de la ſai-
 gnee faut que tu traiſtes l'animal doucement, avec le ſon

& le foing molet, auene bien criblee, & la paille ou litiere fresche. Si la beste se trouue debile il la faut peu à peu accoustumer à sa premiere viande, & les premiers iours luy bailler de l'orge bien cuitte avec le son de froment: puis peu à peu recommencer aux erres premieres. Et pour la derniere fois il le faut mener à l'eau à iour bien choyfi & commode pour les guayer & nettoyer bien à l'aise, & au retour il le faut bouchonner à profit, tant que l'eau estant bien auallee rende le cuir de la beste bien sec & net. Si le temps est beau & commode, tu le feras froter à iun, & au Soleil, & luy feras bien fort manier tous les membres, en sorte que le corps de la beste estant par ce moyen eschauffé & réduit en sa premiere chaleur, elle puisse plus facilement endurer à l'aduenir les iniures exterieures de l'aër. Tu es bien assure, qu'apres ces choses, que le cheual de labour, de lance, ou autre traual, facilement se remettra en son premier estat & office.

Des bestes qu'il ne faut saigner.

IL se faut garder de tirer le sang aux haquenees & toutes bestes chastrees, encores que tu les vueilles enuoyer au Printemps aux herbes nouuelles: par ce qu'elles ayant perdu les testicules, il est certain qu'elles ont pareillement perdu la moytié de leur force, laquelle d'autant plus diminueroit que lon leur osteroit le tresor de la vertu naturelle, qui est le sang. Les anciens veterinaires, ont conseillé de ne saigner les asnes, à cause que naturellement ilz n'ont tant de sang, ne les venes si amples & grosses que les autres bestes caballines. Encores disent, qu'il ne faut saigner les cheuaux que lon garde pour saillir les iumentz, par ce que le saillir diminue grande partie de la force de l'animal quand & le sperme, & qu'une once de sperme au cheual luy vaut plus qu'une liure de bon sang, dont aduient qu'à eux plus qu'aux autres la veüe en diminue d'auantage: car il est impossible que quāt & le sang que lon tire, les espritz ne se perdent & exhalēt, que toutes bestes, & mesmes les personnes que lon saigne souuent, se trouuent plus debiles puis apres, & tendres de la veüe, par ce que ce

qu'ils ont de coustume digerer au saillir, decline du tout à la veüe, & la diminue grandemēt: aussi voit-on toute beste subiecte au coit estre de veüe tendre & bien courte.

Les maladies des bestes, auxquelles il faut saigner
& de quelz endroits.

O R à fin que riens ne demeure ambigu, ie te vueil enseigner de quelles passions, & en quelz endroits de la beste il faut tirer le sang quand il en est mestier. A la beste qui se deult du mal, comme de la fieure qui luy discourt & l'offence par tout le corps (dont nous parlerons cy apres) outre le remede commun cy dessus allegué, lon luy tire de la vene du col appellee matricaire, pour ce que c'est comme la mere & principale des autres noz escuyers la nommēt les hartz. A ceux qui ont lourdeur & trop grande pesanteur de teste, telle qu'ils ne la peuvent soustenir qu'à grand pene: aux hargneux & furieux, aux faschez du mal de cueur, & qui vomissent souuent humeurs estranges, aux epileptiques & qui cheent du hault mal, aux frenetiques, estourdiz, esbräléz, & que lon apperçoit venir à quel que espece de rage: comme que ce soit, lon les doit saigner de la vene d'entre les deux aureilles, ou des costez d'icelles: toutesfois que ie trouue meilleure en ce cas la saignee (quoy quelle soit dangereuse) des deux tempes avec la flâmette, à sçauoir de l'vne & de l'autre vene qui debar au touchér. elles se trouuent au dessouz du creux des tempes, trois doigts ou enuiron à costé de l'œil. A la suffusion ou aquosité qui empesche la veüe, cataracte, taye, ou inflâmentation, & toutes autres affections de l'œil, faut prendre les venes qui descendent au dessouz des yeux, enuiron quatre doigts en abas. A la pesanteur du corps, lassitude & fetardise à la squinance, & tumeur d'arteres au gosier, soit dedans ou dehors, avec pesanteur de tout le chef, faut tirer du dedans de la bouche, & du palais par le moyen de la corne. Mais à ceux qui se deulent du poulmon, du foye, & autres parties nobles interieures, faut tirer le sang de la vene du poitrail entre les deux palerons, & des venes qui se trouuent entre les fourchons, à l'endroit de la ioincture. S'il est espaulé, ou que le mal procede des fourcelles (avec les causes cy des-

sus alleguees) faut tirer sang des aisselles, à l'édroit des muscles qui sont souz l'article ou flechissement, enuiron six doigts au dessus de la ioincture du genouil, deux ou trois doigts au dessous les ceintures : tu toucheras ces venes avec la saiette ou flammette, modestement toutesfois, & de bonne grace, pour la crainte qu'il faut auoir de la meslange des nerfs qui ce fait naturellement en cest endroit. Si le mal est aux ioinctures, cela n'est pas sans grãde difficulté, car les nerfs ne sont pas loing de cest endroit. Et pour ceste cause, faut premierement auoir esgard au iauart, s'il en y a, ou s'il y a quelque destorce à l'endroit, soit peu plus haut ou bas : ou bien quelque suróp. au dessous de ces accidents faut toucher, enuiron trois doigts souz l'article: mais ce ne se doit faire sans grand aduis & moyen, par ce que les nerfs en sont bien proches. Si la boette est esleuee par le moyen de quelque carnosité, qui soit cachee au dedans, il faut tirer des circonferences ou lieux d'alentour.

Des cheuaux, ou autres bestes qui ont mal à
la corne, aux pasturons, ou qui ont
faict pieds neufs.

SI par descente d'humeurs, ou naturellement en quelque maniere que ce soit, le mal tient à l'ongle du pied, ou au pasturon d'iceluy, en sorte qu'il pousse la corne hors, & face corne nouuelle, ou bien que de long temps selon la saison, la croissance d'icelle en soit tellement retardee, que l'animal en soit contraint clocher comme boiteux, il y faut pourueoir en ceste façon: Tu luy feras parer l'ongle, & remettre ou reduire comme à son naturel, la retrenchant iusques au vif, & là tu feras vn emblesne, cataplasme, ou charge, de verd de gris ou couperose destrempee en vinaigre, lie le mal apres ton application le plus ferré que pourras, puis deux heures apres tu luy osteras tout ce qui surmontera de corne avec le ciseau, & lors tu apperceuras les venes d'alentour ouuertes rendre le sang à quantité, apres lequel ou tary, ou que tu verras estre suffisamment euacué, tu frotteras la partie de gros sel mis en pouldre, & meslé avec le sang qui se part de la playe : puis tu le frotteras douce-

ment avec de l'huile & du vinaigre, & lieras la partie avec lin-
ge net bien estroittement, & en biaiz ainsi que de coustumé,
ce qui apparoiſtra vouloir partir tu le cōtraindras avec le che-
miner de force, à fin que les humeurs deſſouz cōtenues en for-
tent plus aiſémēt: puis elles parties, tu verras que l'ongle cher-
ra bien nettemēt. Et ne t'auienne d'attendre ce remede à plu-
ſieurs pieds enſemblemēt, ſi pluſieurs en a d'offencez, mais at-
ten que l'un ſoit guarý pour venir à l'autre, de peur que la be-
ſte n'entre en fieure, qui ſeroit pire maladie. Et apres que l'une
des parties ſera guarie, tu retourneras à l'autre de pareille fa-
çon & moyen. Si tu voy, que ſans le fer ou la flāmette le mal
ne ſe vœuille du tout amender, & que la beſte ne ſe vœuille ſou-
ſtenir ſur le pied que tu auras attenté de guarir, appareille luy
l'ongle, & luy rongne iuſques au viſ, puis le touche au viſ avec
la lancette ou flammette: & apres que le ſang en ſera party, dō-
ne luy le feu bien doucement, puis luy enveloppe la playe cō-
me deſſus: mais il le faut premierement baſſiner bien nette-
ment avec l'huile & le vin tiede. Ceste maniere ſ'appelloit an-
ciennement, ſemiſſation: que lon a touſiours eſtimé la pluſſeu-
re: car en tel mal, le feu apres la ſaignee, eſt le remede le plus ſin-
gulier. Si toſt que tu auras fait à un pied, ſi la beſte ſe porte biē,
retourne de pareil remede à l'autre, & ne la mouille aucune-
ment, iuſques à ce que tu voye ſur le trottoier comment el-
le ſe maniera.

Des ſaignees du beſtiail coliqueux, rompu, har- gneux, & qui ſe deult des reins.

A Ceux qui ont la nephretique ou colique renale, qui n'eſt
le pluſſouuent ſans fieure & grande alteration: & encores
à ceux à qui le boyau deſcend dās les bources, aux coliqueux,
& qui ont ſouuent bruit de ventre avec douleurs & inquietu-
de, principalement apres le boire, faut tirer le ſang ſouz ou ſur
la queue, quoy que la commune opinion ſoit que puis que les
intestiſ ſe ſentēt mal, il faille tirer du foye & parties ſupérieu-
res. Cōme que ce ſoit, pour euacuer deſſouz la queue, faut que
tu luy faces dresser, & tenir haute eſſeuee par force, puis à l'en-
droit que tu verras ſouz icelle n'auoir aucun poil touche luy

figw
 en ferrât par dessus d'un petit aiz ou battouer peu pesant, pour faire remonstrier les venes, desquelles tu prendras la plus eminente & enflée, & la couperas avec la lancette ou la flammette trois doigts ou environ au dessus du siege, puis fay le promener: & apres que tu en auras tiré suffisance, tu luy feras ligature propre avec la bade de linge net, pour le restraindre: Mais si tu en veux tirer des parties nobles, comme du foye & autres tu luy donneras bien roide avec la flâmette ou lancette, à l'endroit des cuisses ou des flancs, au lieu le plus hault, & que tu cognoistras estre la plus propre & apparente, en tenant tresbien la vene que tu voudras saigner subiette souz les deux ongles de ta main gauche, puis tu mettras sur la playe faite vne emplastre de craye, ou d'elle seule, ou bien puluerisee & mixtionnee avec le sang qui sera party. Sur tout pren bien garde, à toucher discrettement en cest endroit, à raison de la voyssinance des nerfs. Si le mal respond aux cuisses ou aux iambes, choisiz les venes propres en ces parties, & avec la ligature, fay le pareil que dessus: car tu dois scauoir qu'aux cuisses, & mesmes au milieu des iambes, il y a des venes notables qui dependent de la grosse vene du foye & de la ratte. En ceste operatiō tu prendras garde à ne faillir pour les causes que dessus, & à bien faire ta ligature, mesme à ne tormēter la beste le iour de la saignée.

La maniere de donner le feu actuel & le cautere potentiel aux animaux qui en ont mestier.

Entre autres remedes au mal des animaux, les anciens ont annombré deux sortes de vacuations des mauuaises humeurs qui pechent ou en quantité ou en qualité dans le corps d'iceux. L'une s'appelle la diminution ou detraction du sang, par laquelle les voyes communes opilees & estouppees reçoient benefice de relaxation: & le feu actuel, par lequel ce qui est trop relasche se restraint & conferme. Or auons-nous suffisammēt parlé de la phlebotomie: maintenant sera bon vous produire l'utilité du cautere, inuention pour secourir aux inconueniens du bestiaill, toutesfois grandement profitable en ce que ce remede dōne astriction aux parties & humeurs trop laxés & fluides, abbaisse & rabat les enflures, deseiche les humeurs

meurs superflues, & amollit ce qui est coagulé ou endurcy, sans cequ'il deseiche & retranche l'humeur qui commet le farcin, & encores amende les vieilles douleurs. Bref toutes parties du corps alterees de leur naturel sont reduittes en leur premier estat par le moyen de ce feu, sans ce que iamais plus croisse ou fessele, ce qui estoit tumefié sur la partie que le feu aura touché, à raison que le cuir estant ouuert, l'humeur qui dessouz estoit cachée se dissipe, & se part iusques à la dernière goutte, par les conduits qu'a fait ceste chaleur extraordinaire : & tant que nature en peult, cest' humeur ne cesse à couler : ce bien y a d'auantage que la playe reclose, & la cicatrice faicte, la partie puis-apres en est plus forte & plus robuste à l'auenir. Or pour en parler à la verité ie trouue que les cauterres de cuyure fin, sont de trop plus grande efficace que ceux de fer ou autre metal : hors mis toutesfois l'or & l'argët, en bouttō ou autrement. Mais pour mieux designer les lieux de l'application du cautere, il te faut entēdre que la teste se trouuāt offencee, le cautere s'applique à l'endroit du col : si c'est vers les reins, lon brusle à l'entour des flancs quelquesfois en bouton, autresfois en demie lune ou croissant, aucunesfois comme des rinceaux de palme recourbez par hault, & autresfois en lame platte ou planchette de cuyure fin. Pour conclurre, l'esprit du sçauant mareschal se cognoist quād le feu est si proprement donné, qu'il n'y apparoist comme rien de cicatrice apres que la beste est guerie. Vray qu'il faut imprimer le cautere plus profond, selon la partie & la nature de la peau, que lon sçait en vn endroit plus forte qu'en vn autre. Il faut encores noter, que là ou lon iugera fracture, luxation ou aucun membre auoir esté au parauant conuassé, combien qu'il soit depuis reduit en son naturel, là toutesfois il ne faut appliquer le cautere, mais il sera bon bender les parties offencees avec ligatures propres à l'article & plicature d'icelles, & par dessouz leur appliquer vn emplastre de gummès, quelque embrocation precedente avec le vin & huile d'oliue. Et tantost que tu verras la partie assez fortifiée, tu luy donneras le feu bien legerement, par le moyen duquel tu auras esperāce de la rendre plus ferme que iamais (ce qui est principalement à obseruer en ce cas,) c'est de ne presenter le feu à l'animal, comme l'extreme & dernier remede plustost

que lon n'ait attenté les medicamēts cy dessus descripts & ordonnez, avec la saignée, & vacuation generale. Voyant en fin le mareschal qu'il ne puisse par tels effects paruenir à ce qu'il desire, il renutrira l'animal de bonne viande, puis apres, quelque temps, comme pour extreme remede, il luy proposera le cautere.

Des fieures du bestiail, & de la guarison d'icelles.

SVyuant nostre premiere intétion, qui est de declarer & deduire en bref les maladies esquelles les animaux sont subiects. Apres en auoir descript la meilleure partie, il faut que poursuyuans nostre intention nous parlions maintenant des fieures du bestiail, mal pour luy d'autant contagieux qu'il ne dure quelques fois en continue que trois ou sept iours pour le plus, si elle n'est d'accident, comme de trop grand trauail, cautere, saignée ou autrement. Les signes de ce mal sont quand tu luy verras tousiours la teste contre terre, quand il dort les yeux demy ouuerts, & qu'il a le muffle comme pendant & abatu, il va lentement & moins de hait que de coustume, & les genitoires aucunemēt enflez luy pēdent fort bas, il treffault & frissonne, & les arteres au toucher debattēt furieusement: il hallette avec grande chaleur d'alene, qu'il ne tire pas à son aise: il touffe sans cesse, & choppe fort en marchāt, refuse la prouēde, boit beaucoup, & ne repose gueres. Les causes de ce mal sont, le trop grand trauail que lon a donné au bestiail, principalement en lieu chaut, & qu'on ne l'a promenē puis apres. Ce danger y a d'auantage, que si tout chaut ou eschauffē qu'il est, on le laisse boire son saoul, cela luy cause les auies. Quelques fois la grōde chaleur du soleil, ou la grāde froideur en temps de gēces & de neiges, engendrent la fieure au cheual, ou si l'a mangē de l'orge nouuelle ou de la prouēde mal nette, mouillee ou trop freschemēt cueillie. Pour remede, il luy faut tout doucemēt tirer du sang, ou de la face, ou des tempes, ou du palaiz, ainsi que tu verras estre bon. Le premier iour, ne luy faut bailler à manger aucunement, les iours ensuyuants, il luy faut presenter quelque peu de foin mollet & bien choisi, ou de l'herbe verte. Il luy faut aussi changer d'air, & l'establer ailleurs, en

lieu bien cloz & couuert, mesmes luy laisser tousiours la serpilliere sur l'echine, pour le tenir plus chaudement : le faire promener lentement en aër temperé, puis luy donner repos, & ne le trauailler à quelque labcur que ce soit. Quand tu verras qu'il commencera à ce mieux trouuer, il luy faut decoupper de l'herbe verte bien menu & luy presenter: ou si tu n'en peulx recouurer, presente luy de l'orge bien creuee & cuitte à perfection, que tu feras escosser en façon de ptisane, & de cela ne luy en baille que peu à peu avec discretion.

De la fieure ephemere ou diaire, qui ne dure qu'un iour.

LEs escuyers font quelque fois apres bon vin bon cheual & sans discretion, au cheual estant à ieun ou de fraiz abbreué, donnent galops, carrieres, tourdions & manimets si excessifs, qu'il en tombe en fieure, & apres festre fort demené en l'estable, il entre en chaleur extraordinaire, ayant les yeux comme pleureux & empeschez de sang à l'entour du blanc, l'alene luy est plus chaude & frequente, il refuse le manger, & a les pieds de deuant comme essourdis, & de peu de soustenance, au rapport du train de derriere. L'endemain de ceste fieure, il te luy faudra donner repos & quelque consolation de viande, puis le promener doucemēt, & peu à peu le remettre en son naturel.

De la fieure continue.

SI la fieure depend de l'inflammation ou trop grāde chaleur des parties nobles, & continue sans intermettre, tu verras lors que la beste ne prendra son repos tel que de coustume, & definera de iour à autrē: quelque fois il luy apparoist des fronces & antracs à l'endroit du guarrot & des flancs qui dependent de l'encueur, & ont nature de charbons. A ce mal, ie suis d'auis que lon luy face caputpurge par les nazeaux avec l'urine d'hōme ou de bouc reposée par quelques iours, à fin qu'elle soit plus forte: puis apres tu luy feras prendre les breuuages alleguez.

De la fieure qui prend en Autumne.

SI la fieure prend en Autumne, à quelque sorte de bestiaill que ce soit: te souuienne de luy tirer de prime entree le sang

*Remède pour la
Fieure*

de la vene du col, & apres du dedans du plaiz le plus auant que pourras attaindre, puis tu prendras de la campane trois onces & demie, gomme dragant, roses seiches, de chacun vne once, fais piler le tout ensemble en vn mortier de bois, & de la pouldre subtile qui en partira, destrempee en huile & hydromel, baille luy à boire avec la corne : par ce moyen il recouurera sa santé.

Si la fieure prend en Esté.

LA fieure du cheual est beaucoup pire en esté qu'en Autumne, & principalement quand elle vient sur les iours caniculaires: car lors les accidens en sont furieux, les arteres luy battent en euidence, il iette sa nature avec l'vrine, & chemine comme de trauers sans aucune discretion. Il te faut alors chercher la vene qui se trouue au milieu de la cuisse, quatre doigts ou environ au dessouz du siege, sinon à faulté de la trouuer, pren la vene du col vers le guarrot. Et si tu vois qu'il ait mestier de breuueage, tu espraindras vne poignée de pourpier, & mesleras le iust avec de la gomme de dragant & de l'encens fin, & vn peu de roses de prouins. Ce tout luy feras prendre avec de l'hydromel en petite quantité.

De la fieure en hyuer.

LA fieure prenant sur l'hyuer, il sera bon mettre en pouldre bien subtile les drogues descriptes à la fin du chapitre precedent, & les luy faire tirer par le nazeau fenestre, tant qu'il en esternue & brouffe bien fort. Sinon il te luy faudra faire prendre ce breuueage, encens fin deux onces & demie, ireos de Florence six onces, poyure rond vne once, grene de laurier, semence d'ache, de chacun vne once, tu luy en feras breuueage avec le vin cuit. Sinon tu luy feras tirer du sang de la vene matricaire du col, ou du palaiz avec la corne. Autre breuueage: Pren hysope vne poignée, garderobe deux poignées, laiët de cheure vne chopine, farine d'amydon poignée & demie, huile d'oliue trois onces, vne poignée d'herbe nommee german-dree, mesle-le tout ensemble & passé par l'estamine luy fais prendre comme dessus. Autre breuueage, dans vne chopine de bon laiët tu mettras deux gobelets de bone huile, saffra vn trezeau,

myrrhe deux scrupules, vne poignée de semence d'ache, em-
 plis en le gobelet & luy fais prendre comme il a esté dit. Quant
 au regime, tu luy bailleras en hyuer de l'eau tiede, dans la quel-
 le tu deslayras demy boisseau de farine de froment, & en esté
 de la farine d'orge avec de l'eau froide, & te garde de luy rien
 bailler lors que la fièvre le tiendra. Si tu n'en viens à bout par
 ce moyen tu auras le recours au feu, extreme remede en tous
 maux difficiles, mais il faudra prendre garde aux endroits ou
 tu le deueras appliquer, & les oindre diligemment avec le beur-
 re fraiz, ou le sain doux, puis entendre à l'escare quand elle se-
 ra presté à tumber ayant memoire de riens ne luy faire pren-
 dre de medicine iusqu'à ce qu'elle soit tumbee du tout. Autre
 breuuage: Pren chopine de laict de chesure, dans laquelle tu
 mettras vne poignée de fleur d'amidõ, quatre moyeux d'œufs,
 huile vn gobelet, avec du iust d'ache ou pommelee tu luy en
 bailleras tous les iours vne prinse, iusques à ce qu'il recouure
 fanté & meilleure disposition. Et pour ce qu'il est bon frotter
 les bestes febricitantes selon l'ancien remede, pour exciter la
 chaleur naturelle, dissiper les humeurs & recreer les esprits cõ-
 tenuz es venes & arteres: la friction, que les anciens souloient
 nommer apoterapie, se pourra faire en ceste façon: Pren roses
 de Prouins vne liure, huile vieille vne chopine, vinaigre fort
 vn posson & demy, pouldre de menthe ou de rue de chacun v-
 ne once & demie, avec vne noix seiche & bien vieille, pile &
 mesle le tout ensemble, puis tu le passeras & l'attiediras, & en
 feras frotter l'animal par tout à cõtrepoil le tẽps estant serain,
 & à ieun iusques à ce que la sueur en sorte: puis l'estableras en
 lieu chaut, & le couuriras bien par tout. Autre breuuage, gen-
 tiane vne once, aristoloche ou herbe sarazine, hysope, aluyné,
 garderobe, de chacũ vne once, figues grasses & seiches six on-
 ces: semence d'ache trois onces, rue vn manipule le tout feras
 bouillir en vn vaisseau net avec de l'eau de riuier, iusques à
 la consommation de la tierce partie, & lors que tu verras ta de-
 coction deuenir noire & espesse tu la tireras du feu, & biẽ pas-
 sée tu luy feras prendre avec la corne.

De la fièvre prouenant d'indigestion ou
 trop grande plenitude.

L On cognoistra quand l'animal se trouuera febricitant ou par le moyen d'indigestion, ou par trop grande repletion quand il soufflera des nazeaux plus fort que de coustume, & semblera qu'il ne tire son vent que des nazeaux, l'alene au surplus luy sera courte & plus chaude & seiche, & souuēt remuera & demenera les flancz, & generalement toute l'espine du dors, à la differēce de celuy qui a l'eschine roide & seiche pour le trop grand froid qu'il a enduré, auquel il faut remede different à celuy que nous traittons. Or faudra il au febricitant de trop grande plenitude tirer du sang abondammēt des parties de la teste, & le faire esternuer avec le vinaigre que tu luy feras entrer (de matin) tiede dans les nazeaux. Si le ventre ne faict son deuoir, on luy tirera l'excrement à la main, ou bien avec le clistere baillé à la chauffe, pour luy oster la douleur de teste. Et quand au regime, il prendra peu de prouende & de foing, beura peu: & par interualles. Il luy faudra froter tous les membres ainsi que dessus a esté dict, longuement & souuēt, iusques à meilleure dispositiō, ladicte friction faicte avec l'huile cōme dict est, sera bon le couvrir de la sarpiliere, & apres l'auoir aucunement promené, l'establer en lieu chaut & bien couuert, puis le promener de rechef, à l'aër tiede, & au surplus suyure ainsi que cy deuant a esté déclaré.

De la fieure accidentale, causée de l'vlcere de la bouche ou du gosier.

L E cheual, mal pensé, apres la saignée des parties superieures, & encores de son naturel est subiect à la distillation sur le gosier, & les parties voy fines: de façon que la tumeur ou vlcere de ceste part engēdre fieure ennuyeuse à la beste à laquelle oultre les premiers remedes, appartenans à la purgation des humeurs faut de rechef luy tirer sang des venes sur la teste, soubz le palaiz, bref des endroits ou l'on apperceuera que la douleur causera plus de mal. S'il est du tout degousté, pource que le mal est aux parties de la deglutition, faudra luy presenter de l'eau tiede avec de la farine d'orge, ou du froment mellez ensemble. Oultre, luy bailleras trempettes ou soupes

abbreuuees de vin cuit, & luy en feras aualler sept par fois, aucuns les trépent pour la deuxiesme fois en huile d'olue bonne & recente: pour leur faire vêtre, & ne faut penser de faire nouvelle detraction de sang pour ce mal, à raison de l'imbecillité qui en pourroit suruenir, car tout ainsi que le sang raisonnablement vacué faiët l'animal plus vigoureux & puissant, aussi extraordinairement tiré, il faiët tel dommage qu'à peine se peut restaurer ou reparer.

De la contraincte ou lassitude de la beste que nous appellons refouleure.

NOUS auons donné ce nom de contraincte à la douleur de la beste, de laquelle prouiennent comme de premiere cause plusieurs autres maux, d'autant que lon luy a faiët tort en le contrainçant à faire plus que sa force, & encores quand apres le trauail immodéré lon la traitté negligemment. Car il y a des personnes de si peu de iugement, qu'elles voudroient tout prendre sur vne beste, comme leur auaricieux & desordonné appetit les transporte, sans consideration de bien bouchonner, nourrir, donner paille fresche & haute litiere à la beste de bon seruice. C'est vn proverbe veritable que tout ainsi qu'à la terre, aussi à la beste, fais luy bië elle t'en fera. Voyez aussi l'inconuenient qui prouient de cest auaricieux defaut, vn monde de maladies, desquelles en particulier nous ferons mention cy apres. Or les causes sont quand lon faiët trop grandes iournees au cheual, ie m'en voudroye bien raporter à noz ieunes marchantz neez coeffez, à qui le cheual de cent escuz apres vn voyage à Lyon, ou en flandres, ne vaut plus au retour que dix ou quinze escuz au plus. Autres en y a, qui iamais ne cesseront de tant donner de carrieres au cheual de cuer, & tant de voltiges, qu'ils le mettent en litiere, & ne s'en soucient puis apres, i'en laisse deuiner au palefrenier ou au cōseiller & picqueur ordinaire qui n'en a riens veu. Et quant au labeur, il se trouue des chartiers, voicturiers, & laboureurs pour autrui, estre de tant peu de cōsideration, qu'ils voudroiët tirer d'une beste iusques au dernier soupir & extreme lassitude, s'as aucune recognoissance de la bië pēser, & bië establer puis apres: ie m'en raporteroye

bien à ceux qui prennent les cheuaux à louage, ou qui en empruntent pour voyager. Autres en y a qui leur baillent plus grâde charge que de raison, ou que la force de la beste ne peut porter. Ce qui faict que plusieurs saydent de muletz, combien que les voicturiers ordinaires ny vueillent entendre. Aussi on baille le plus souuent à traicter la beste de cueur & de pris à vn valet indiscret, plus subiect à ses plaisirs, qu'au soin & sollicitude de sa beste, dont aduiant qu'elle en endure souuent grand soif en l'esté, & en l'hyuer trop de peine, apres laquelle lon la laisse morfondre. La penurie ou la mauuaisié de ce que lō luy baille, est cause quelquesfois de telles affections, à ce cōioincte la negligence d'y pouruoir, car par cōtraincte ainsi que lon se trouue par pays, vne fois n'est pas coustume, mais il faut reparrer le deffaut puis apres. Voyla comment bien souuent le bestial faute de soin define & tumbe en diuers inconueniens que nous appellons en cest endroit contraincte.

Les maux qui procedent de la contraincte.

OR les maladies prouenant de la contraincte, ou traictement indiscret, soit quād lon les fangle & que lon les guide trop pour porter plus grans faiz, cela les faict deuenir, haleteux podagres & phthifiques, comme aussi de les auoir trop long temps faict trauailler à la chaleur, il en auient pesanteur de teste, reume, insanie & grande douleur de cerueau : au cas pareil, de trop auoir sué, sans bouchonner & nettoyer, procedēt enfleures de cuisses, grosseur de iambes, fieure, toux & mal de cueur. Et sil aduiant reume ou catarre par les nazeaux, le mal, se declare de luy mesme, car si cela viét de la teste, par premiere cause, la pituité sera plus espesse & en plus grande quantité: de la morfonture, ou trop ferrer, l'humeur sera liquide cōme eau, & froide assez qui leur menasse le souspir la poulse le mal de foye & de poulmons. Si le mal se rend à l'entour des glandes du col, & aux endroitz de la gorge: il engendre souuēt par la viscesité & blancheur d'humeur superflue, pesanteur de tous les membres en general, & en particulier, douleur de gossiers, squinacie, & autres affections. Du poulmon & des affections du coffre ou thorax viennent humeurs espesses, aucunesfois

nesfois saigneuse, & aütrefois iaulnes, passes & de mauuaïse odeur. Et du catarre surlestayes pleuresie, empiemeou supuratiõ vomique sil y a crossiõ de vaisseau, & heütique avec ce qu'õ dit la chartre. Du maillet ou martel pestilential, sort vne humeur crasse & passe, toutesfois en quantité: dont aduient le souspir, flux disenterique, poulse, & en la fin la goutte. Si le foye se trouue mal l'humeur qui sortira par les nazeaux fera de couleur grise ou de fleur de fläbe, quelquesfois verte & tirät sur la copperose, ne trop espez ne trop mal sentant, dont aduient l'hydropisie & la fieure de diuerse façon, voy-la les signes & les causes de toutes les maladies susdictes au plus court que te l'auons peu proposer. Quant aux medecines propres à ceste cõtraincte, iet'en vueil proposer en bref l'õpinion d'Absirtus. Les signes du cheual refoulé & cõtrainct à cause du trop long chemin ou voyage que lon luy aura faict faire, dict Absyrthus sont telz qu'il s'ensuit. Tu luy trouueras les yeux enfoncez, l'alene courte, & chaude & verras qu'il souspire souuent, les oreilles luy pendent, & fremit par tout le corps, & le ventre luy apparoist tendu comme vne corde.

Pour guarison, il faut luy donner sa prouende tant qu'il en aura besoing, mais ce que tu luy bailleras sera bon & bien net, cõme l'orge & le foin. Et quant au breuuage qui faict departir les humeurs corrumpees: pren hysope, garderobe de chacune vne once, suzeau vj. onces, senegré j. liure, semēce de lin ij. onces: le tout pillé & criblé sera mis dās vn chaudrõ neuf, avec iij. chopines d'eau, adioustant à la fin ix. figues grasses, & bouillira iusqu'au décroistre de la moytié: puis au passer par le sasset, sur la fin luy mettras iij. demy septiers de bõ vin vicil, avec iij. onc. de miel fin, en y adioustät vne drachme de poyure en pouldre, tu feras le tout bouillir de rechef. Ceste potiõ tu la reserueras à part, pour la bailler à la corne iij. ou iiii. iours suyüät comme tu verras estre bon. A l'enfleure des iäbes & des pasturõs qui suruiēt à cause de trop grand trauail en lieu fascheux & temps incõmode: garde toy de tirer le sang si tost q'le mal apparoistra, mais laisse le premier en repos par quelque peu de temps, puis baille luy ce breuuage. Encens fin deux drachmes, chesurefeuill vne liure, grains de poyure en nombre xxv. leuesche iij. onces saffrä vne drachme, du tout biē pilé ensemble, feras iij. portiõs

esgales, & apres que tu auras laissé la beste en repos l'espace de iij.iours, tu luy feras prédre ce breuuage avec du vin & de l'huile, & si c'est en esté, tu luy laueras premieremēt la bouche avec l'eau froide, si c'est en hyuer avec l'eau tiede: & si apres toutes ces choses, il ne chemine point à son aise, & soit tardif au marcher tu luy mettras du soulfhre avec de la resine chaude à l'entour des pasturōs, & ce par plusieurs fois, à fin qu'il s'en trouue mieux. Si toutes ces choses ne viennent à profit, il le faudra cauteriser à la maniere que dessus a esté dict: iusques à effusion de sang puis tu guariras les vlceres ainsi que nous t'auōs aussi enseigné. Les signes du cheual lasche & fetard, sont quand il se deult par tout ou lon le touche, ne feust-ce que de la main seulement, & semble qu'il ait le train de derrier comme cambre & esrené. A cela il te luy faut faire vñ purgatif de nazeaux avec de l'eau & vinaigre meslez ensemble, dās lequel tu poudroiras vne poignée de pouliot sec, & de germādre autāt, & de ce luy frotteras tout le deuant de la teste entieremēt, & luy bailleras par fois à manger de la soupe trēpee en vin: & autres fois des laitues pōmes, ou du chien dent detréché bien menu, puis tu luy offriras ce breuuage. Pré decoctiō d'orge entier, vin cuit, ij. œufz entiers sans la coque & avec de l'huile rosāt du tout meslé ensemble, fais luy en prédre iij.iours durāt. Et sera bō qu'il mange premieremēt de l'orge mūdee & bien seichee. Faut noter par aduertissement, que tu te gardes de toucher la vene au cheual estāt encores chaut, & atteint de ce mal, car l'imbecillité & cōtractiō des nerfz s'en pourroit ensuiuir. Mais il luy faut bassiner les espauls & les hāches avec le vī & l'huile tiede meslee ensemble: & assez lōguemēt par les mains de plusieurs personnes le frotter de toutes pars, & l'establer en lieu tēperé & de chaleur moderee, luy faire litiere molle & de paille fresche. Se faut encor' garder aux cheuaux lassez & recreuz de toucher par voye de saignée le train de derrier, car il n'y a riē qui plus rēde la beste foible & debile. Biē est vray q̄ s'il y a beau ieu aux flācz & que les venes de cest endroit soiēt fort apparentes, & cōme pleines d'humeur, il sera bon luy tirer sang des ioinctures.

De diuerſes maladies de ventre ausquelles
les cheuaux sont subiectz.

A Pareilles douleurs de ventre & d'intestins, les veterinaires sont subiectes, que les personnes raisonnables, cōbien qu'icelles parties aux cheuaux & bestes à quatre pieds, ne correspōdent en tout aux nostres, les escuyers nōment ce mal trāchees, coliques, & bruit de ventre, qu'aucuns des anciens ont pensē estre guarissables par incantations, pareilles applications exterieures & choses semblables. Quand ce mal commēce, la beste se veautre cōme en gemissant, & le ventre luy bruit à merueilles. Or faut-il pour bien remedier, premieremēt cognoistre & entendre qu'il y a plusieurs ventres ou estomacz en la beste veterinaire, à sçauoir l'herbiere qui est le premier receptacle de la viande, puis la panse qui est le second, principalement aux bestes qui ruminent: puis encorēs vn tiers, ou les vėtositez se forment ordinairement. Or est le premiere receptacle de la viande, celuy à qui de front se faut adresser pour mieux cognoistre le fondement de ce mal. En ce receptacle comme dās vn pot figurē en facon de poche de berger, ce retire du tout ce que l'animal prend pour sa nourriture & la se reriēt iusques à ce qu'il soit en repos pour le cuire par le moyen du foye & de la rate, qui d'vne part & d'autre seruant comme de quelque foyer naturel à donner chaleur à iceluy receptacle, qui de son office & estat fait la coction de la viande, & l'altere de premiere facon, pour puis apres estre conuertie en sang par le moyen d'iceluy foye & ratelle. De ces grands vaisseaux dediez à receuoir la viande & nourriture de l'animal dependent plusieurs autres de grosseur longueur & reuolution diuerse: lon les nommes boyaux ou intestins. desquelz sortent & prēnent yssue les excrements qui restent de la coctiō de l'estomach & encorēs des premieres venes, or est-il qu'à ce sortir, comme ceste coctiō ne se faiēt iamais sans vapeur, mēsmes au cuire & demeurer dans les venes, que lon nomme premieres, s'engendrent vėtositez, qui quelquesfois ne pouuans partir par la voye cōmune, sont retenues dans les intestins: & ne peuuent s'esuaporer au trauers des taves ou mēbranes, couurans tout le ventre inferieur, qu'elles estēdent de si rude facon que la douleur en exerte les parties nobles à son plaindre pour l'acord & cōsentemēt qu'elles ont entr'elles. Ce mal cōmuniqué par la voye des reins aux parties dediees à l'yrine engēdre la nephritiq̃, & aux intestins

la colique, & par tout ailleurs dans le ventre douleurs que lon diët tranchaïsons, ou tranchees, qui contraignent la beste se demener, veautrer & coucher desordonnement, tant en l'estable qu'ailleurs: & ne peuuent satisfaire comme de coustume à leur cōmun trauail & seruice, lon nomme ce mal autrement preoccupation ou obstrinction.

Des ventrees qui est la colique des bestes.

LA colique aux bestes viët de morfonture, boire trop froid, comme ea' u de puy, ou trop tost apres que l'animal aura esté eschauffé, apres aussi auoir mangé du foin nouueau, ou mouillé, & encores de la prouende trop nouuelle. Le froment nouueau enfle bien fort, mais il n'engendre colique. Bien pis faict qu'il rompt les taves, & cause difficile respiration & mort soudaine. Quelques bestes se sont trouuez n'auoir colique du boyau seulement que lon nomme cuyllier ou colon, mais encores colique de reins, avec retentiō d'vrine, qui quelquesfois est pierreuse, & ne faut penser que les bestes soient moins subiectes à ce mal que les creatures raisonnables. Les lumbriz & vers tant longs que petis engendrent ce mesme mal, principalement aux poulains, & ieunes cheuaux.

Du boyau retourné & renuersé.

AVtre passion plus fascheuse, pernicieuse, & moins guarissable, s'appelle Ileos, qui principalement attient au boyau gresse ou gracile que lon appelle ieun, pour ce qu'il se trouue tousiours vuyde & à ieun. C'est quand par destorse, trop grand trauail à voltiger, ou autrement le boyau se replye tellement & entre l'un tour dans l'autre, que quand les excrementz ou la fiente de l'animal est fermee, presse à descendre en abas, selon le conduit & voye ordinaire par l'empeschement de ce reply de boyau qu'il trouue est contrainct retourner en auant & se rendre dans l'estomach, qui le reuide par la voye commune appartenant à la bouche. Lon nomme pour ceste cause ce mal en l'homme, reply, & par effect miserere mei. Quand il est recent il reçoit ceste curation, qui sert tant à ce mal (si gua-

rir se peut) qu'à la colique. Faut longuement fomentér & estuuer la partie d'alentour des reins avec des bouchons de foin, pour faire que la fomentation penetre d'auantage: puis il faut essuyer en frottât rudement avec la serpilliere nette: & pour le dernier tu le frotteras longuement du ceroësne, cōposé de poix liquide, huile vieille, huile laurin, meslez ensemble & chauffé assez longuement, passeras ceste friction iusques aux genitoires; & mesmes, luy en espādras entre les deux oreilles assez chaut & plus que tiede: ne remettant la friction & ne cessant aucunement, iusques à ce que le cheual commence bié fort à suer par tous les endroits du corps qui dōne quelque espoir de guarison: apres deux ou trois iours, sil se trouue quelque peu mieux, tu le promeneras doucement sur le trot-toueu, l'estableras chaudement, & le couuriras par tout iusques aux pasturons. Et te souuiédra luy bailler tous les iours de son establement le breuuage qui s'en suit: poyure rond cinquante grains, persil recent contulé avec la racine tant que tu pourras prendre à quatre doigts, des deux sortes de cumin, c'est à dire d'Afrique & d'alexandrie autant que dessus: semence d'ache, myrrhe, herbe à chat, piuoefne, autāt d'un que d'autre, pour la moytié de chacun tu mesleras autāt de nitre ou salpestre, & pilleras le tout ensemble bien diligemmēt, & le feras prendre à la beste avec du vin tiede & de l'huile en egale portion, & du miel, tant que verras estre bon. Ce breuuage luy fera bon ventre, & l'eschaufera par mesme moyen. Si cela ne profite pour l'heure, il luy faudra faceller & esponger tout le corps, & principalement l'espine du dors avec des sachets remplis de son & de sel, & l'en frotter bien chaut. Lon luy peut aussi faire prendre des clysteres avec de l'huile & l'eau chaude, dans lesquels tu mettras du sel, du miel d'Afrique & du salpestre & deux œufs entiers sans coque: cela fera sortir les vents & la matiere fecale. Si tu n'as le moyen de dresser ton clystere, pren du miel & du sel meslez ensemble, & les fais cuire à perfection: & de ce qui sera cōcréé ou congelé tu en feras des suppositoires longs & assez durs, lesquels tu feras entrer dans le siege de la beste malade: cela luy fera partir toute la vilenie de l'humeur contenue là dedans: & par mesme poinct le remettra en sa premiere santé. Il n'y a remede qui mieux y puisse aider ou seruir.

Du mal de ventre en general, que lon nomme trenchées ou tranchaïsons.

QVelques animaux ont les intestins si estroits, & difficiles, que les excremens ne passent à commandement, au moyen dequoy ils ont perpetuelle douleur de ventre, qui se cognoist par le bruit que lon en oyt, & mesmes par le veautrer & inquietude d'iceux. Ce mal s'appelle strophe. La cause en est en d'aucuns, quand apres long trauail, carriere, course, galop, en lieu chaut la sueur qui deuroit sortir se retire en dedans, qui fait punctions & douleurs aigres à merueilles: apres le long labour la douleur cesse à d'aucuns, puis reprend au nouveau trauail, dont lon appelle strophe: auquel mal, il se veautre souuēt en se plaignant: & apres s'estre redressé il frappe la terre violemment avec le pied, de façon que se courbât la teste en bas semble qu'il ayt affection de la deuorer: puis se tenât en repos, semble qu'il ayt vouloir de quelque peu reposer: puis soudain se releue & fait pis que deuant, nourrissant ceste maniere de vent dans les mēbranes, tellement qu'elles en estant trop estēdues ainsi qu'un tabourin se rompent le plus souuent, & sont cause d'extreme danger. A ce mal faut, pour du tout l'extermi-
ner, faire vn cerne de cautere en ceste façon: Quatre doigts au deffouz du nombril, tirant vers le fourreau, iustement au milieu du ventre, tu luy donneras le trait de saiette ou flammette, & penetreras iusques à la taye du ventre qui couure les boyaux (lon l'appelle Peritone, pource qu'elle les enueloppe par tout) puis l'ouuerture faicte, tu y mettras vn tuyau qui sera garny de plusieurs pertuis, selon sa longueur, lequel tuyau tu pourras leuer quand bon te semblera, & par iceluy tu tireras de l'eau rousse & semblable à l'yrine tāt qu'il te plaira: mais garde toy d'en tirer iusques au sec. Ceste maniere de curation pourra guarir aussi les animaux qui sont deuenus entreprins & maigres de bien long temps, ausquels le ventre est deuenu trop grand depuis l'alteration & fieure precedente. Il n'y a humeur si feruente ou fascheuse que par ce moyen ne prenne cours ailleurs, ou ne se retire au dehors: mais il leur faut faire boire de la decoction d'orge bien passé, & bien net, meslé avec du nitre ou salpestre. Et pour la purge tu luy presenteras la

potion cy deuant descripte, & par plusieurs fois. Et du cerœf-
 ne cy deuant aussi allegué tu luy feras bien fort, & à plusieurs
 personnes, frotter l'endroit des reins & tout le corps en gene-
 ral, ainsi que nous auons déclaré : finablemēt tu luy feras don-
 ner le feu à l'endroit des flancs: & la playe guarie, tu renuoyras
 ton bestiail au labour accoustumé.

Des vers qui s'engendrent aux boyaux.

PVis que des mesmes douleurs des intestins que nous endu-
 rons, les veterinaires sont aussi bien endables, doubter ne
 faut si les mesmes remedes qui nous seruēt leur peuuent estre
 propres qui sont toute amertume, & choses visqueuses. Or y
 a-il diuersité de lumbriz, selon les endroits des boyaux ou ils
 s'engendrent ordinairement. Les grands & bien longs pren-
 nent leur origine aux boyaux gresles, & se dilatent iusques au
 colon, que lon nomme le boyau culier, quelque fois selon l'hu-
 meur dont ils sont procrées, ayans plus de viuacité montans
 iusques dans l'estomach, & offencans l'entree d'iceluy, engen-
 drent telle douleur, que le tout communiqué au cerueau, fait
 comme frenaisie & agitation de tout le corps en general, qui
 donne pene à la cognoissance & aduertissement de l'escuyer.
 Autres sont procrées dans les intestins inferieurs situez souz
 les gresles, & ceux là ne montent gueres souuent en amont.
 Les autres qui sont plus courts & plus plats s'engendrent au
 dernier boyau, & quelques fois, cōme enuolopez dans vn pe-
 tit sac tombent & se partent d'eux-mesmes, ou sinon ils sont
 bien fort aisez à debusquer avec la main ou autrement. Ce
 mal aduiēt au bestiail au moyē de la nourriture mauuaise que
 lon luy presente, comme pourroit estre, foin nouueau, auene
 mal criblee, & à personnes qui suyuent le camp, quand ils bail-
 lent à leurs cheuaux orge, froment ou autres prouuendes trop
 fresches & recentes: quād mesmes les eaues ne sont point clai-
 res & limpides: ou que lon abreue le bestiail à l'estable assez
 indiscrettement. Le mal que fait ce vermine au dedans du
 corps de la beste, c'est de ronger l'estomach & les intestins par
 dedans, & luy faire comme façon d'vlcere & demangeaison
 telle, que ladicte beste define de iour à autre, & amaigrift, cō-
 biē que la nourriture ne luy soit à cōtreceueur, & mesmes qu'el-

le la recoiue à son aise. Pour les signes, lon leur trouue souz la queue à l'endroit du fondement comme vne façon de febue platte & froissée, de laquelle sort vne boue ou sanie procedente de l'vlcere que les ascarides ou vers plats pourroient auoir fait. Le mal leur augmente à ieun, par ce que ceste infection de bestiail ne trouue nourriture ailleurs qu'à la partie sensible & nerueuse, qu'elle ronge en telle douleur, que la beste est contrainte se veautrer, & renuerfer sur l'espine, mettât la teste entre les deux iambes de deuant, comme par grand desplaisir, enseignant l'endroit de son mal: & de fureur se ronge les flancs, comme si elle les vouloit faire vlcérer pour donner issue au vermine, & en fait autant à l'endroit de la queue, laquelle elle frotte & giatte continuellement à la premiere paroy ou poteau qu'ils trouuent. Les signes concurrens ensemble, & molestans le bestiail sont pernicieux, & desquels tu n'en dois iuger que la mort prochaine, & principalement quand le cheual ou mulet s'escrie affreusement & trop souuent comme en voix tremblante & gemissante. A ce mal, sil y a remede, prenez vne bonne poignée d'aluyne, & la faictes bouillir en trois demis septiers d'huile verte & amere: en laquelle decoction adiouste raz semence de nasitor, ou cresson alenois, semence d'aluyne, que lon nomme barbotine, semence de coriandre, semence de respōses & de raues, du sinople pontic, de chacune de ces drogues vne once, avec demie liure de myrtilles & de senegré. L'infusion faicte, & la colature telle qu'il faut, le lumbric sera contraint se partir de l'intestin. Mais apres ce medicament tu feras prendre à la beste demy septier de miel commun, & autant d'huile tiede. Ceste potion luy sera vtile en luy presentât par plusieurs iours, apres lesquels tu y adiousteras du nitre ou bien salpestre pillé avec du castor: & cela fera partir grande quantité de vers quant & la matiere fecale. Autre breuuage à ceste fin: semēce d'aluyne avec la fueille seiche, le tout en pouldre, des lupins aussi mis en pouldre, semēce de cresson alenois, rasure de corne de cerf, semence de raue sauage, de chacun trois onces, sinople pontic trois drachmes, farine d'ertz trois onces, vin vermeil vieil trois demis septiers, huile d'Espagne demy septier, opopanax vne once, semence de coriandre preparee trois poignées: du tout pillé & meslé ensemble sera faicte decoction,

decoction, de laquelle tu presenteras chacun iour à ieun vne chopine au cheual malade. Pour la doute des incōueniens qui ont accoustumé suruenir nonobstant les remedes dessusalle- guez, & aussi que les vers se retirent le plus souuent aux infe- rieurs intestins, il sera propre & conuenable vser des clisteres tels que cy apres: Vinaigre fort deux poissons, huile verd autāt, opopanax vne once, centauree deux onces, aluyne pōtic trois onces, aluyne de Xantonge autant, farine de lupins cruds, fa- rine d'ers, semence de raphane & de coriandre, nitre ou salpe- stre subtilement pilé, pouldre de racine de cappres aussi trois onces, du tout faut faire decoction en portions égales de vin & huile: & trois iours durans leur bailleras vne chopine plus que tiede, de ceste decoction de clistere, avec la chauffe cōme de coustume. Et te souuienne que toutes & quantes fois que tu luy bailleras medicine, il luy faut tellement situer le corps qu'il soit comme suspendu en l'aër, à fin de faire descendre le breuuage plus aisémēt: & la teste ainsi haulsee, tu la retiendras en l'aër le plus long temps que faire pourras. Et quant au cly- stere, pour le bailler plus à l'aïse, tu situeras l'animal la teste à la valec, & le train de derriere en amont: & en ceste sorte le con- tiendras iusques à ce que micux s'en trouue apres le clyste- re receu: tu luy feras prendre ce breuuage fort singulier aux animaux trauaillez & atteints de vermine qui s'engendre dans les boyaux. Fais decoction de la racine de chameleon iusques à la cōsumption de la tierce partie, opopanax deux onces, vin vermeil chopine, fais luy aualler le tout avec le cornet par le nazeau fenestre. Autrement, vne bonne poignée de semence de coriandre, semence de cresson alenois autant, fais le tout mettre en pouldre bien deliee: & apres l'auoir assez fricassée pour luy donner force, tu en feras prendre tiede à l'animal l'es- pace de trois iours suyuant avec la corne comme dessus. Aux iuments ou autres bestes qui se deulent du mal de la mere ou amary, pren aloes hepatic ou succotin, qui est de couleur iaul- nastre, grene de laurier, sel ammoniac autant d'un que d'autre, fais le tout bouillir dans vn pot neuf avec du vin & du miel, puis tu le passeras par l'estamine, & ainsi le feras boire à la beste.

P V B. V E G E C E D E L A
Si le bestiail est subiect à colique de reins
ou à la pierre.

TOus animaux veterinaires sont subiects au mal de reins & de vessie, que lon nomme nephritique ou colique pierreuse: tellement qu'aucuns mesmes d'iceux se sont trouuez auoir engendré quelque façon de pierre dans les intestins. Les principaux signes & indices de ce mal, sont quād la beste a les ventrees & tranchaisons, & quand elle se veautre & remue en l'estable ou ailleurs plus souuent que de coustume, en gemissant: quand aussi elle s'estend en long & courbe l'eschine bien fort quand elle veut vriner: mais quoy qu'elle face, si c'est colique pierreuse ou nephritique, il ne sort rien q̄ goutte à goutte, qui luy dure assez longue espace de iours & de temps. Lesquels signes derniers apparoissent & aduiēent le plus souuēt aux ieunes poulains: Mais pour cognoistre si le calcul est dans la vessie, tu ne desdaigneras de mettre la main auant iusques au bras dans le fondemēt de la beste malade, & en tournant à l'endroit de la partie ou hipogastre droit, facilement tu toucheras la pierre, & la manieras à ton aise.

La curatiō qui se fait par sectiō ou taille ordinaire au col de la vessie, pour par l'endroit d'icelle section deliurer la beste & tirer la pierre me semble fort difficile, si l'ouurier, ainsi qu'aux personnes raisonnables, n'est fort expert en son estat: car il y a danger, si le calcul est bien gros, que par l'endroit de la section l'vrine ne prenne tousiours son cours, & lors ne semble icelle vrine tant aqueuse qu'au parauant, sans ce que par la violence de l'attouchement, icelle vessie est en danger d'estre greuee & aucunemēt froissée: parquoy d'aucuns ont ceste coustume de remettre par fois la main par la voye du longanon, ou intestin droit iusques au dedans de la playe, & icelle adoulcir avec liniments à ce propres & commodes, & mesmes luy faire apres telles iniections prendre aucuns clysteres q̄ tu verras luy estre propres & commodes, comme sont ceux que lon compose de choses glutineuses & carminatiues pour remedier aux parties membraneuses froissées & aucunement lacérées. Quant aux breuuages que tu leur bailleras, faudra qu'ils soient de vertu diuretique, c'est à dire prouoquans l'vrine qui en tels maux a

de coustume s'arrester. Ceste cure est d'autant plus difficile que le bestiaill taillé coustumieremēt meurt de tranches qui pro-
 viennent de la lesion de la vessie & parties adiacentes.

Les maladies des boyaux cy deuāt declarees, outre les cura-
 tions ausi alleguees, se peuuent manuellement traicter en la
 maniere q̄ nous te voulōs dire. Quād tu apperceueras la beste
 se veautter en l'estable, & ailleurs, sans cause manifeste, & avec
 plaint, & bruit de ventre que tu orras facilement par dehors,
 ainsi que dit a esté, tu prēdras huile d'oliue, ou de liz, ou d'amā-
 des douces, & en frotteras l'entour du siege de la beste par de-
 hors, puis en oindras toute ta main droite iusques au milieu
 du bras: & apres auoir situé ton animal, le col en auant, & tel-
 lemēt entraué qu'il ne te puisse offencer, tu luy mettras le bras
 droict ainsi oingt le plus auant que tu pourras dans l'intestin
 droict, qui est le premier en cōmençant par embas, & avec les
 doigts tu tascheras premierement à tirer la plus grosse matiere
 fecale q̄ le clystere n'aura peu desmarer, puis en retournant au
 surplus, si tu sens souz tes doigts cōme vne petite sablonniere
 tu en tireras le plus que te sera possible, bien estāt assureé que
 son mal est areneux & renal, que lon dit grauelle ou nephriti-
 que, c'est ce que cy dessus nous auons appellé strophe: Auquel
 mal pour le surplus de la curation, tu presenteras tant par haut
 que par bas à l'animal les medecines cy dessus proposees. Il
 pourra bien aduenir que tu trouueras tel empeschement souz
 ta main, & tel estoupement d'intestin droict, que malaisement
 tu y pourras entrer ou penetrer: si que l'excrement qui en for-
 tira sera gremeleux comme crottes bien dures & assez seiches.
 Sçachāt ausi par autres signēs assurez, q̄ le boyau sera replié,
 cōme par luy sentir au toucher les mēbranes ou taves du ven-
 tre, tendues cōme vn tabourin, & que les excremēt du boyau
 luy sortent & remontent par la bouche: lors tu iureras assu-
 rémēt que le mal est incurable, quelque remede que tu y faces,
 encores que tu le pendes en auant, la teste tournee en abas, &
 que tu luy battes le ventre avec des bastons plats: & que tu le
 frottes par tout le corps avec de l'huile vn peu plus que tiede,
 bien fort & bien longuemēt. Toutesfois qu'avec ces derniers
 remedes bien continuez, fil commence à ietter quelque vent
 par haut ou par bas, cela donne aucune esperance de guarison.

En mettant la main & tout le bras comme dessus a esté dit depuis le siegé, iusques le plus auât que tu pourras: si tu apperçois que le boyau dernier soit fort doloieux, combié qu'il n'y ait quantité d'excremens, & que l'enfleure de tout le ventre en general ne soit si fort tendue, sois alors asseuré que ce que lon appelle le ventre ou l'estomach (qui est le receptacle de la viande de la beste) est offensé, & cōsent à la maladie, pour premier indice: somme, il te luy faut faire boire ce que nous auôs allegué propre à ce mal, le faire diligemment, chaudement, & longuement frotter d'huile, ou seule, ou faicte en ceroesne: & ne rien oublier de ce que cy dessus a esté proposé, autrement n'y attens aucune esperance: car pire maladie s'en pourroit ensuyure. Si apres auoir mis le bras dans le ventre du cheual, ainsi lié comme nous t'auons dit, tu ne sens point si grâde tension de membrane, mais bien quelque bruit par cy par là dans le gros boyau que tu trouueras estendu en long. Si encores tu apperçois que la beste se presente à vriner, & pour ce faire eslargit fort le train de derriere, cela te monstre que c'est la colique, qui n'est affection mortelle à la beste ne durable que cinq iours pour le plus, si tu ne l'abbege par remedes. La renitence du boyau au toucher t'en fera certain, de façon que si elle n'est si fort dure, mais plus mollette, le mal en est de plus facile guarrison. Auquel mal, apres auoir obfisté par les remedes cy dessus proposez au chapitre particulier, à sçauoir clysters chauts & carminatifs, avec breuuages laxatifs, & du tout resistens aux ventosités: tu verras pour en sçauoir l'entiere & parfaicte guarrison, comment la matiere fecale sera mieux liee que de coustume, & comme digeste, mieux aprochante du naturel: quand aussi l'animal ne se veautrera plus tant, prendra ses repas comme il fouloit: & son alene ne sera plus remise ne son aleure feterde. Ce que voyant tu le remettras asseurement à son premier traual & office.

Le mal de vessie au cheual, outre les causes cy dessus produittes du calcul, prouient d'auoir trop longuement couru, comme aduient aux cheuaux de poste, & à ceux que lon contraint faire par fois plus qu'ils ne peuuent, sans l'offencer: tellement que la vessie se renuerse & retire de son lieu naturel, avec douleur de flancs & retention d'yrine. A ce mal tu mets la

main dans le fondement de l'animal comme dessus auons fait mention, reste que tu l'abbaisse & deprimas plus fort aux endroits du fourreau, & faut q̄ ta main soit oingte d'huile: quand tu sentiras la vessie sous ta main, tu la tourneras de costé & d'autre assez doucement, iusques à ce que tu luy face rendre l'vrine en abondance qui sera le signe dernier & assuré de sa guarison, combien que peu de bestes reschapent de cest inconuenient. Les causes, du vermine, lumbricz & autres choses contenues dans les intestins, reçoient la mesme maniere de curation que nous auons recitée. Car ce mal n'est sans tranchee & douleur de tout le ventre avec bruit de mesmes: c'est adonc que les bestes se veautrent inconsidérément: & quand ilz sont sur le trottoir, on ne les peut tenir qu'ilz n'entrent en carriere: quelques fois se mordent & pincent les flancs à belles dents, & se frottent & grattent par tout ou peuuent atteindre. A ce mal faudra mettre la main dās le siege du cheual, iusques au plus auant des intestins que tu pourras, & tourneras icelle main en rond de toutes parts en grattant des doigts pour faire partir les vers de leurs tanières, lesquelz se viendront attacher à ton bras, & pour l'occasion de laloë, ou huile d'absynthe dont ta main sera imbuee & enduite, ilz se partiront incōtinēt par le siege. Si apres ce fait, l'animal ne laisse point à frotter la queue, & le train de derriere cōtre les poteaux & parois de l'estable: tu entendras aux lauemēs que nous auons dict, & luy en feras bailler deux ou trois par la chauffe iusques à y adiouster sur le dernier, du sel & de laphronitre, & d'abondant pour netoyer les parties superieures depuis l'estomach & l'herbiere tu luy fera prendre les potions & breuuages que nous auons semblablement cottez. Autant en feras pour les grands lumbricz qui molestant les intestins superieurs iusques à l'estomach. Et quand aux applications exterieures tu feras frotter la beste longuement & durement tout le long de l'espine des flancs & du siege, avec de la poix grasse & de l'huile chaude meslez ensemble, ceste friction s'estendra iusques en auant entre les deux oreilles, tant & si longuement qu'au toucher tu apperçois comme quelque chaleur feureuse. Encores fera-il bon luy bassiner toutes lesdictes parties avec des sacchetz pleins de son & de sel, ce que tu continueras iusques à ce que

F. 27

la beste iette quelque vent qui te dōne signe de guarison, & ce pendant tu n'oubliaras à le tenir bien chaudement & couuert en l'estable propre & commode.

Des defaillances & mal de cuer.

LEs defaillances de la beste, que lon diēt mal de cuer procedent ou à cause de trop grande abondance d'humeurs, ou de viande retenue sans suffisant exercice, comme quand la beste est trop long temps en relaiz, ou bien quand apres trop grand labeur de courir la sueur n'estant bien detergee, & bouchonnée, le sang se refroidist en dedans, & donne fascherie aux parties nobles & principales. Telles maladies se cognoissent, au marcher & lentitude du cheual, comme s'il estoit negligent & fetard à toutes actions. Et a ce mal quelque communauté ou conuenance avec la suffusion, sinon que la suffusion leur laisse le marcher plus libre & certain, combien qu'en iceluy soient tardifz au mouuement des iambes, mais en flechissant les reins ilz ne laissent à cheminer. Or les cheuaux syncopez, & qui souuent ont mal de cuer, à la longueur de leur mal, semblent comme entrepris de toutes les parties du corps, & combien qu'ils se veautrent souuent pour le mal qu'ils sentent, toutesfois les iambes ne leur ployent en aucune liberté, & quand ilz se veulent releuer, ce n'est sans grand peine, & effort de nature, qui leur semble faire autant d'ennuy, que si c'estoit par contraincte, car ilz gemissent en se leuant de la litiere, de laquelle desloge, ilz ne sy remettent que bien à peine.

Le moyen de les guarir de ce mal, est, de les bouchonner d'eau chaude, dans laquelle ait bouilluc la semence de foin en quantité: & leur en faire frotter, comme diēt est, depuis les espaules & tout le col, iusques à la longueur de l'espine, & principalement à l'endroit des reins. Apres cela faut courir la beste par tout le corps, & le mettre en lieu chaut, pour luy donner apres qu'il sera essuyé vn autre friction avec le vin & l'huile, & le laisser ainsi reposer en paille fresche, iusques à ce qu'elle puisse reposer. Ce remede sera continué trois iours entiers, lesquelz passez, tu luy feras prendre ce breuu-

ge. Mirrhe deux onces, gomme dragant quatre onces, safran quatre dragmes, melilot en pouldre vne once, mercuriale vne liure, encens fin ce qui cōuiendra en proportion, le tout mēlé ensemble, & reduit en pouldre, reserueras à part pour l'vsage, qui sera de deux bonnes cuillerees pour prinse avec vne chopine d'eau; deux cuillerees de miel, & deux gobeletz d'huile rosat. Ceste potion seruira par plusieurs iours, iusques à ce que l'animal se trouue mieux. Et note que ce breuuage est encores propre aux arnez, & qui ont les membres trop roides.

Du sang que rendent les bestes par le nez.

L On n'a pas quelquesfois ceste discretion de laisser promener doucement le cheual apres la carriere donnee, & bien souuent lon ne prend si pres garde à la grand traitte que lon luy donne en long voyage, sans necessité, mesmes de le faire bien traiter apres qu'il est establé. Au moyen de quoy le sang, comme les venes, estans, ou rompues ou efforcees apres qu'il est refroidy, & que comme la fieure du trauail est passée, le sang separé s'escoule, ou par imbecillité, ou par trop grande repletion selon les conduitz qui se rendent & raportent à la teste, mesmes à l'endroit des nazeaux. Si ce mal venant le lendemain apres le trauail, n'est moins pernicieux que l'encueur ou le tac, hors mis qu'il n'est si contagieux, combien qu'il ne face moins de perte aux troupeaux que la peste. Les bergers, bouuiers & porchiers l'appellent le sang: Or comme la maladie en est soubdaine, aussi requiert-elle promptz & soubdains remedes. Les anciens ont conseillé de leur faire prendre par les nazeaux, du iust de coriandre verd, ou en son lieu du iust de porreaux de iardins, puis les faire oindre par tout le corps du lauement composé de la decoction de centauree, violiers de Mars, avec du nitre & de l'huile. Et pour breuuage, tu leur feras receuoir ceste medecine, farine de froment ou farine d'orge vne dragme, & autant d'encens fin, mercuyre vne once, amydon demy once, le tout mēlé ensemble luy sera présenté par trois fois partie avec du vin vermeil, partie avec de l'eau d'orge. Aucuns tirent du

sang de la vene du col qu'ils appellét hart. Autres vsent de bol-d'armenie destrempé avec de l'amidon de l'aubin d'œuf & de l'eau rose, pour en bassiner toute la teste, depuis l'entredeux des aureilles iusques à la queue le tout froid. On y adiousté au si quelque peu de vinaigre, & le cheual bien couuert & sarpillé & mieux establé en lieu chaut, tu verras quelques iours apres comment il se portera.

De la trop grande abondance de sang.

AV temps nouveau, & au changement des nourritures, en lieu propre & commode à meilleures herbes, le sang, aux bestes bien disposees, augmente si fort qu'il leur fait tort, tant au pasturage comme à l'establer : & à celles qui sont de labour, au temps qui leur faut trauuailer. Les signes qui donnent la cognoissance entiere de ceste maladie, sont quád les yeux leur enflent, & au toucher de tout le corps tu le sens froid plus que de cōstume, mesmes quand l'aleine au manier des nazeaux leur est froide, & que lon apperçoit par tout le cuir quelque maniere de fremissement. Ceste maladie combien qu'elle soit de curation assez difficile, toutesfois si elle reçoit aucun remede, elle se pourra guarir par la saignée que nous auons cy dessus produitte, mesmes par les frictiōs & encores par la potion du diapente. Et si tout cela ne suffit, par les remedes du chapitre precedent.

Du regime & diette qu'il faut obseruer pour entretenir le bestiail en bon estat, & principalement de l'establer.

LOn tient que l'œil du maistre engresse le cheual, & que qui fait bien au cheual & à la terre, il en reçoit profit au double. Je le dy, pource qu'il se trouue des negligentes personnes, qui peu se donnent de soucy de la maison des bestes, desquelles ilz demandent & reçouyent les grands profitz. Car la principale sollicitude de l'escuyer, est ou doit estre de bien entendre à son estable, sil veut entretenir ces bestes en santé,

ou

ou telle disposition que lon en apperceuyue l'amédement de iour à autre. Car tout ainsi que la maison bien entretenue, nettoyée, ameblee, & gouuernée de mesnaige & vstenciles rend les personnes qui l'habitent plus saines & disposés, ainsi est-il du lieu ou nous voulons entretenir & nourrir le bestiaill, pour nostre seruice. A ceste cause nous te voulons descrire la plus certaine maniere de non seulement dresser mais encores biē entretenir & gouuerner vne escüyrie, ou estable à plusieurs cheuaux. En premier lieu tu entendras au iour & clarté necessaire pour donner lumiere aux cheuaux qu'elle luyse plustost de fronc, ou par derriere sur l'allée que de costé. Que les fenestres ferment bien ferré, en sorte que la nuit (principalement en temps d'hyuer) & les matindes, le serain ne leur donne sur les testes: que le planché du parbas seruant de pissouere, soit profond au dessoubz, ayē bon esgoust, ou fosse creuse, & soit planchee de foliues de chesne, & de bois de brin, plustost que de fente bien arrestees & sellees des deux costez, principalement sur l'allée. Car la pissouere sur le paue de liaiz, ou autre, ne leur est si saine à raison qu'il corrompt l'ongle du cheual. Mesmes il faut que les foliues ne soient moindres, que de la longueur du cheual, depuis la teste en abas: car il a besoing de soustenance pour s'arrestes, autrement il fescuilleroit à tous coups, & s'ouuriroit ou espauleroit au danger de faire demourer son maistre quand il en auroit necessité. La mangeoire sera d'une membrure forte par dehors & par le dessoubz toute d'une piece, & le plastre ou les aiz entredeux. Les meilleures mangeoires se font toute d'une piece. Le dedans desquelles sera bien nettement vuyde & tel entretenu qu'il n'y ait aucune fissure, ou fente ouuerte, de peur de vermine. Le rastelier sera ou d'orme ou de chesne, ne trop haut ne trop bas, à ce qu'il serue & soit commode, tant aux grandes comme aux petites bestes. Aucuns font à l'Italiane (qui est chose maintenant commune aux courtisans) comme deux petis capsetins ou coffretz pour leans mettre le foin & la prouede à part: cela semble meilleur aux escuyers, pour obuier à l'auidité d'aucuns cheuaux ou autres bestes, qui sans ce moyen mangeroient la prouision de leurs compaignons: car aucuns ont les dents longues, comme crochets, les autres le lampas, &

24 25 26 27 28 29

autres le degoust, sans ce que d'ordinaire le mulet ne préd, tât ne si auidentement que le cheual. Ceste inuention, quoy que lon die estre procedee des tramontains, ne me semble estre partie d'ailleurs que de la bouuerie ou bergerie. Le plus fort me semble consister en la diligence & sollicitude des cheuaucheurs & escuyers ou palfreniers qui bien seachent faire dresser les sieges pour les selles, les cheuilles pour les brides, housses, farpillieres & couuertures, mesmes le chadelier au milieu ou es deux bouts de l'estable, en sorte que riens de feu ne puisse tomber sur la paille. Que les picquotins, vannoirs, cribles, pelles, fourches, estrilles, & peignes ayent leur place à part: les entredoux pour defendre que les cheuaux ne s'entretouchent, doyuent estre penduz au solier, si qu'au moyen des cordes elles puissent baler à l'aïse, quand les cheuaux se remuent, à ce qu'ils n'offencent l'un l'autre: les pailliaffes des coustillers, doyuent estre loing du pissouer, tant pour le profit d'eux que de leurs cheuaux: ce que font aussi les bergers quand ilz se logent quelque peu loing de leurs presepes & rasteliers: se cõtentàs de pouuoir ouir & entendre le bruit de celles qui saffres des pieds & de la dent coustumierement s'entretailent, ou se plaignent pour cause de maladie, ou de vouloir poullener, ou aigner. Au sur plus la diligence & debuoir de l'escuyer, est de souuent à ses estables, voir par tout que tout soit net, que le foin ne serue de litiere, que rien ne soit rôpu souz les pieds des cheuaux, que le fiens soit loing du rastelier (car l'un & l'autre engendre la galle) que tous les vtils soient apoint, & mesmement l'estrille, qui est le serment des cheuaucheurs, le peigne, l'esponge & le bouschon, & tout ce qui faut à nettoyer & pollir la beste, qui luy sert de demie nourriture: que les fourches, pelles, farpillieres, couuertures, ne soient corrompues ou gastees d'ordure & immondice. Brief, & si bien commander aux coustillers, que comme vn vray pere de famille, il les face trembler souz sa baguette, toutesfois ne leur soit moins liberal que de leur entretenir le droit des beuuettes: mais avec ceste discretion que la mesure ne passe l'aune, & avec tel cõmandement, que les seaux & le droit de l'estrille ne se perde, à faute de punir, autrement par la faute du dormeur, ou trop abbrevuë coustiller souuent on a receu perte incredible de personnes, maisons & bestial.

comme par l'incōuenient du feu mal gōuernē. Ne faut aussi que le maistre oublie à visiter le foin, la paille, le grain, & les gerbes, & face tirer les cheuaux en sa presence, & les picquer & faire manier sur le trottoir, pour cognoistre l'indiscretion du cheuaucheur, qui quelques fois, comme nous auons dict cy dessus, oubliant le profit de son maistre, & trop ayant son plaisir, cōtraint le cheual à faire plus que sa puissance ne porte, & le refoule, ou le reduist bien souuēt hors de son train naturel: pour aussi apperceuoir, apres auoir chāgē de coustillers, & en auoir prins de plus discrets, le seruice & office que le cheual pourra faire à son maistre. Et quant au regime principal, pour garder que les cheuaux ne tombent en danger: l'escuyer aura ceste discretion d'entendre à la pesanteur de la bēste, qui ne fait rien sans contrainte, & à son lourd maniement. Aussi à la promptitude d'icelle, qui quelques fois la rend plus soubdaine qu'elle ne doit, de sorte qu'elle en perd son alleüre. Aussi faut entendre au desdaing que le cheual genereux prend d'auoir esté trop picqué: car il faut que le picqueur sçache si bien destourner l'esperon au cheual courageux, qu'il ne luy en donne que l'ombre, si ne veut quelques fois prendre terre plus tost qu'il ne souhaite, ou pour le moins quitter la bride & se prendre aux crins. Et faut encores mettre bon ordre que la sueur leur soit essuyee, apres le trot, la course, ou la carriere, il conuiendra doucemēt promener pour leur faire reprēdre, & alors mesmes il leur fera lauer la bouche en tēps chaut avec de l'eau & du vinaigre, & si c'est en yuer avec de la saumure tiede.

Au cheual trop eschauffē tu luy feras aualler avec la corne en yuer trois onces d'huile avec chopine de vin vermeil, & en esté deux onces d'huile seulement, avec la quantité de vin telle que dessus. Et note, que ce mal prenāt traict, le cheual amaigrist, touffe, & sent douleur de ventre. A quoy faut resister par la presente medecine, qui reçoit, sulphre vif demie once, mirrhe, quatre scrupules, le tout reduit en pouldre, & mis dans vn œuf blanc & moyeu, sera présenté au cheual avec demy sepiier de bon vin. Autre medecine plus chere & sumptueuse, mais aussi de plus grande efficace, & qui sert à la vieille toux, aux pōthicques & hēcticques, aux esclācez, & toutes douleurs secretes des cheuaux: Chopine de ptisane, semence de lin &

de fenegré de chacun deux poignées, safran vne once, vne mul-
lette ou nombril de porc gras, ou au lieu de cela vn iambon de
porc fraiz ou encore vne teste de bouc bien pelee, avec les qua-
tre pieds dudit bouc, & les petits boyaux bien lauez & net-
toyez, deux manipules d'hysope, coquilles d'huistres quinze
en nombre, eschalottes autât, figues grasses vingt en nombre,
herbe nommee la rue vne poignée, grene verte de laurier, vn
poisson, dattes vingt en nombre, trois testes d'aulx, sain de che-
ureau six onces, pouliot sec deux manipules, le tout meslé &
bien espeluché, puis pillé ensemble, feras bouillir en eau de ci-
sterne, iusques à ce que le iambon, ou la teste de bouc & autres
drogues qui demandent longue cuisson soient entièrement
cōsummez, & la chair separee d'avec les os: mais il faut de peur
que la colle ne se face trop forte, & q̄ le tout ne sente du brus-
lé, souuent mettre de l'eau tiede pendant que le tout cuist, &
sur la fin le laisser reduire comme en consommé, lequel tu pas-
seras diligemmēt par le coulouer ou le feutre, comme bon te
semblera, & en le coulant, à tiede tu y adiousteras vne once de
dragāt en pouldre: du tout coulé & bien passé, tu en feras trois
portions, desquelles quād tu voudras presenter l'vne, tu la fe-
ras attiedir ou infuser du soir au l'endemain sur les cendres
chaudes: & auant que luy presenter la potion, tu luy feras pré-
dre du vin cuit & passé, la quantité de trois demis septiers, & ce
trois iours durans: & faut que le tout reuienne enuiron à pos-
son & demy pour prinse. Apres laquelle luy feras prendre la
quantité de six œufs durs bien pillez, & bien cōsummez, & des-
melez avec le son ou la prouède, & le iour d'apres tu y adiou-
steras de l'huile rosat avec lesdits œufs en les pillant: & si tu
veux passer plus outre on y mettra trois onces beurre fraiz.
Le troisieme iour tu y mettras de la pouldre de mercuriale
seiche, & amydon de chacun trois onces, pouldre de roue de
charette, autrement dit cambouy, qui se trouue entre l'esseau
& la roue, & pouldre de cossars de febues de chacun demie li-
ure, du tout en feras trois doses que tu bailleras à la beste par
trois iours ensuyuans à ieun, puis la feras promener enuiron
trois bonnes heures: pendāt lequel temps ton cheual ne pren-
dra riens d'autre nourriture.

Des cheuaux maigres & harasséz.

AVx cheuaux atténuez de labeur, & amaigriz outre raison, faudra vser des frictions, ou embrocations cy dessus produittes, qui se font avec de l'huile vieille & du vin vermeil attiediz ensemble à la chaleur du soleil, si possible est, desquelz à ieun ou bien loing du repas tu feras frotter à plusieurs valers l'animal par tous endroits, & le bouchonneras avec torchons & paille meslez ensemble, puis tu l'estableras & couvriras chaudement, iusques à en faire sortir la sueur, que tu feras bien essuyer par tout, par ce moyen les nerfs sen amolissent, & le cuir l'en relasche: Ainsi traictee que sera la beste, tu la feras mettre en lieu plus aéré & sec, toutesfois chaud ou temperé, & la couvriras tresbien par tout que le grand aër ne luy face nuisance: & si c'est en hyuer, tu luy feras prendre ceste composte, qui reçoit semence d'ache en pouldre demie once avec de l'huile trois onces: le tout attiedy luy bailleras tous les matins, iusques à ce qu'elle sen trouue mieux. Si c'est temps d'esté, tu luy feras vser de l'aluyne en pouldre avec du miel rosat & quatre scrupules de safran, & deux onces d'huile d'oliue, le tout froid & sans autrement l'alterer de chaleur. Si tu n'as la commodité de luy faire prendre toutes ces choses, contente toy de luy faire receuoir la quantité de chopine de vin avec la corne.

Si la beste le vault, & tu y veux faire les fraiz, ceste recepte sera plus sumptueuse & singuliere: Dans quatre boisseaux d'orge messe huit mesures de febues, froment quatre mesures, ciches huit mesures, senegré quatre mesures, des ers vn boisseau, raisins de Corinthe & pignons de chacun vne bonne mesure, le tout bien meslé ensemble sera gardé & conserué pour l'usage, qui sera tel, d'en prendre vne bone mesure le soir, & la faire tremper & infuser iusques au lendemain en eau bien nette, puis le iour d'apres le faut seicher ou au soleil ou autrement, & en presenter au cheual demie mesure au matin, & autant du soir: Cela continueras l'espace de plusieurs iours, iusques à ce que la beste comméce à reprendre son embon poinct: Mais il luy faudra bailler son eau en l'estable, dans laquelle, principalement en hyuer, tousiours le tiendras ser pillé, & le promene-

ras quelquesfois le temps estant bien temperé, & commode selon ton iugement.

La trop grande diligēce que lon prent à remettre le cheual en bō estat, quelquesfois le rēd trop gras & replet, si que lon en craint la pousse, & le fetard, selon la complexion dont il est, qui est la principale chose que le cheuauteur doit aduertir. Parquoy si tu apperçois qu'il en deuienne trop replet & comme pletorique, n'attens pas l'inconuenient: mais pour premier, faiz luy tirer du sang de la vene matriquaire que lon nomme les hartz & luy donne faisseaux de chiendent recentemente cueilly du friche pour le ronger par interualles, ou bien le fais detrencher & decouper menu pour luy presenter avec sa prouēde à tous ses repas en estē. Outre ce que nous auōs dit cy dessus: tu luy bailleras faisseaux d'orge vert, en tuyau, ou en herbe à telle quantité que tu voudras: mais si les faisseaux sont de froment, ciche ou senegre il les faut presenter moindres, & non pas si souuent. Encores sera-il bon que tu les face destrencher & fort amenuiser.

Sur tout quant au régime du cheual, il se faut bien donner garde en longue voiture ou voyage que fil a faim d'vriner lon ne l'en empesche aucunement cōme d'aucuns sont impetueux & hastez en leurs traictes & toutes autres actiōs, mais plustost le feras arrester pour pisser à son aise: car ce n'est pas comme la iument, qui apres le pisser se lasse & appesantist, le cheual n'en amende pas d'en estre retenu: mais il en peut tomber en danger. Or ta beste estant establee, il te luy faut en toute diligence frotter les pasturons, nettoyer sous le pied, & bien voir si y est demeuré quelque pierrette, fable, ou aucun limon, & pour le confort & entretenement de l'ongle & des pasturons, fera bon les frotter de cest vnguēt propre à cōforter & entretenir lesdictes parties. Trois testes d'ail, vn manipule de rue seiche, alun de plume criblé six onces, vieil oingt, au poix de l'vn & de l'autre; fiente d'asne recent vne poignée, le tout meslé & cuit ensemble sera reserué dans vn pot neuf, pour en vsfer tant à la maison comme aux champs, & principalement sur le soir.

Autre remede pour dilater & confermer l'vngle des cheueux. Poix noire ou neufue, trois liures, pouldre de barbotine

ou absynthe vne liure, neuf testes d'ail, vicil oingt, huile vieille de chacun demie liure, fort vinaigre vne chopine, le tout bien pillé & delayé, puis cuit à la consommation des deux parties sera reserué pour la necessité, telle que cy dessus a esté dicté. Et sil y a desappetit & douleur de teste, il luy faudra faire tirer du sang de la vene du palais, avec la corne, en decours de Lune, & ce tous les moys, sans oublier toutesfois à luy nettoyer l'vngle par dessoubz avec le paroir ou ttenchant & soigneusement diminuer ce que lon verra estre superflu. Cela euaporé & euenté, donne frescheur au pasturon, & par mesme moyen le confirme & renforcit.

A la morfonture du cheual procedant tant d'auoir esté forbeu comme de mauuais traictemēt en l'estable: Il luy faut frotter & bäsiner la teste, & l'espine du doz, mesme tout le train de derriere des vnguētz ou liniments chautz que nous auons produitz & alleguez cy deuant. Encores luy faut faire prendre breuuages de drogues & herbes chaudes, bref de tout ce que tu iugeras auoir vertu d'eschauffer tant dedans que dehors: Car si le mal ou la cause primitiue d'iceluy demeure däs les intestins, il en faiēt venir d'autres plus perilleux.

Il n'est pas bon trauailler le cheual oultre mesure en temps fort chaut, comme lon pourroit dire aux iours caniculaires, tāt de my May que de my Iuin & Iuillet, auquel temps il le faudra gayer en eaue douce ou fallce, iusques à perdre pied quelque fois, puis luy donner le galop & apres le bouchonner à bon escient, encores ne luy faut faire boire que froid, ne luy presenter que fresche prouende, cōme orge, vesse gerbees d'auoyne, fauatz, coffatz de poix & son destrépé en eaue d'orge: à ce que par ce regime il te serue plus apoinēt & à deliure.

Encores faut-il auoir esgard à biē polir & entretenir le cheual en son en bon poinēt, & que les crins soient façonnez à la mode que tu verras de coustume nouuelle.

Aux cheuaux de coches que lon alimonne & attelle de deux & de trois en ranc, ou bien de quatre qui sont les quadrigues, & aussi aux cheuaux de course à la bague ou ailleur on leur tond les crins assez long. Ce que lon faiēt aussi aux cheuaux de lance, comme rousins, courriers doubles courtaux, & fräcz Allemans à brides chesnees. Les genetz d'Espagne ne deman-

dent rien de tonsure, non plus que les guildrins & hacquenees d'Angleterre, & moins les petis Bretons tant sauages que appriuoisez.

Les barbares quelon vend à Lauzan appelez depuis les cheuaux de Naples. Les cheuaux Turcz & Hungres ne sont escrinez qu'apres qu'ils ont fait les crocz. Encores leur laisse lon la pente du poil grande d'un costé pour donner quelque cognoissance du lieu dont ils sont venuz. Les Turcz leur faonnent les crains de mesmes la queue avec leau fort, dans laquelle ils destrempent telle couleur qu'il leur plaist, & principalement du tornesol. Ce sont mangonismes des cheuaux, ainsi que de planter le fer chaut sur le gros de la cuisse, remonstrant en pourtrait vne Salemādre, vn croissant ou autre figure. Pour ne tenir ce propos plus long ou dilaté, ce que dict est, me semble estre office d'un vendeur ou masquignon de cheuaux, qui a de coustume & comme de serment parer sa denree à son appetit, & l'amignarder à son profit bien cognoissant l'affection des personnes, & comme perstringeant l'œil de l'acheteur, & des paroles fort delicates & gestes de mesme, tellemēt le rendant endormy, qu'il luy est force offrir sans refus. Mais l'escuyer d'un Prince ou grand seigneur a bien autre aduertēce de ne riens parer sans discretion & singulier iugemēt. Vray qu'il y a des cheuaux à qui faut pour les faire remonstrer, parer teste, crains & queue. Cela tresbien entēdent les masquignōs, par ce que la trop grande longueur du poil aux endroits qui plus se representent en vn cheual enharnaché, comme ils ont de coustume faire, le difforme, & rend d'autre façō: mais quoy qu'en soit son naturel ne s'en perd en riens: car le portant & le marcher sous l'esperon dōne l'entiere cognoissance de la valeur & puissance de la beste,

Le marcher est la principale chose & qui plus recommande le seruice du cheual: Auquel l'escuyer expert doit mettre bon ordre, de le corriger & dresser, quand principalement le cheual est nouueau tiré des herbes, ou du haratz, & que les crains luy sont faictz: car il est fort malaisé depuis qu'il a prins vne mauuaise alleure & coustume de cheminer le remettre en bon train & façon propre à ceux qui sen veulent seruir.

Quant aux entraues, c'est à ceux à qui lon veut continuer ou monstrier

ou monſtrer ſi le cheual eſt docile, à l'amble ou à l'entrepas, la perche, le long du col, ou la collee de ronds baſtons ioincts enſemble pour luy faire dreſſer la teſte : & ainſi des autres induſtrieuſes façons que lon a inuenté pour gouuerner les beſtes : mais ſur tout, ie ne ſçache rien ſi ſingulier que le mors, à qui le ſçait bien dreſſer ſelon le port & maniment ou naturel de la bouche : car telz y a qui ne l'endurét que bien rude, à pluſieurs loquets, q̄ lon dit à l'Eſpaignole, autres à l'Alemande, qui ſont peſants, & rabaſſent fort la teſte entre les eſpaules, autres qui ont la bouche tendre les veulent plus delicats. Selon ce mors & le maniment de la bride bien adroit & cōmodement tourné. Apres auoir bien cognu & entendu le naturel du cheual, il n'y a ſi petit cheuauteur qui ne corrige l'alleure & le train de la beſte qui eſt l'ame de ſon portant & meilleure contenance, à laquelle lon cognoiſt quel eſt le trotter ſimple ou double, le tracquenard entier ou demi, le haubain, le doux, le courſier ou d'autre façon que lon pourroit alleguer, ce que lon fait quelq̄ fois d'un trottier vn demy tracquenard, & plus : mais il faut auoir egard de ne ſ'employer ou trauailler en ceſt endroit aux beſtes endurcies & arroidies au labeur de quelque ſorte que ce ſoit : car comme lon dit que l'ozier doit eſtre ieune ployé & fleſchy, autant eſt de la beſte de ſeruice.

La premiere inuention de dreſſer par artifice le cheual à marcher doucement, ou bien à ſe manier adextre & à l'aiſe du cheuauteur eſt procedee des Parthes, qui pour les faire agreables aux grands ſeigneurs, innenterent premierelement les cercles & coliers de plomb, embourrez, & des ſoles auſſi de plōb eſpoilles au double, ainſi que pour faire les pugiles plus adroits au courir : ils excogiterent auſſi certaines ſemelles de plomb & autres plumbees qu'ils tenoient ordinairement en main : toutes leſquelles oſtees, lors qu'il eſtoit beſoing de l'exercice, les corps ſ'en trouuoient plus legers & à deliure.

Encores faiſoient les Perſes ſemer de la croye ou de l'argille ſur le trottoir, ou lon exercitoit les cheuaux, meſmes y faiſoient cauer petites foſſettes par voye, pour ſelon la conduite du cheuauteur exercer le cheual, & tellement ſ'accouſtumer, qu'apres auoir paſſé pluſieurs fois par ces dangers, il ſe peult mieux aſſeurer à ne chopper : qui luy eſtoit beaucoup

plus facile, quand puis apres il se trouuoit aux sirques sur le sable pour courir aux metes, ou biē en la barriere ou à la bague. Ce sont les moyēs d'accoustumer les cheuaux à tel traual, auquel puis apres lon les veult dresser. Là ne faut que le cheualcheur oublie à faire desmarcher le cheual hors de son naturel, pour veoir si par mesgarde estant en carrière il perdrait pied: selon lesquelles manieres de conduire la beste, il la fait & dresse, ainsi que l'escolier au lieu ou il apprend les lettres. Nous retournerons aux medecines propres aux cheuaux quand ils se trouuent mal.

Des breuages qu'il faut presenter aux cheuaux en temps d'esté.

POur raffreschir les cheuaux en grand esté, quand de trop long traual ou voyage ils sont alterez outre mesure il leur faut faire piēdre ceste potion à plusieurs fois de matin, qui les raffreschira & humectera abondamment: Fais infusion d'une once de safran en vin vieil, dans laquelle tu feras destremper trois onces gomme dragant, qui premieremēt auront esté resolues en eau tiede, & sur le tout meslé ensemble, tu adiousteras le iust d'une botte de porreaux recentemente cueillis, autāt de iust d'ache, iust de pourpier chopine, lait de cheure trois chopines, œufs sept en quātité, huile rotat vne liure, miel trois onces, vin cuit vn demy septier, autre vin vieil autant qu'il en sera besoing, du tout bien mixtionné & reserué pour l'usage, tu presenteras au cheual l'espace de trois matinees la quantité d'une chopine avec la corne comme de coustume.

Autre breuage refrigeratif.

PRen vin vieil vne chopine, huile d'oliue demie liure, iust de coriandre vn plein gobelet, des œufs trois en quantité, iust de laitues recentes vn poisson: reserue le tout pour trois prises en la façon & quantité que dessus a esté dit. Aucuns y adioustent quād ils voyēt la beste fort alteree de chaleur, poisson & demy d'eau froide recētemēt tiree, ou du puis ou du fleue.

Breuage propre en temps d'huyuer.

PRen trois poissons vin vieil, huile d'oliue demie liure, poyure rond vne once, iust de rue verte & recente six onces,

cerfueil verd où la semence d'iceluy trois onces, gomme dragant trois onces, & autant de semence de fenoil, grene de laurier vne once, miel recent six onces, œufs autant que tu voudras, & vin vieil & vermeil ce qui en fera de besoing.

Medecine propre à presenter en Automne & au temps nouveau.

PRen roses demie once, casse fresche mondee vne once, spique celtique demie once, sapin aspic d'inde, saxifrage, empatoire, melilot, flambe d'illyrie ou de Florence, de chacun demie once: centauree, gentiane, aristoloche longue, de chacun vne once: auenerō, aristoloche rōde, squiniaut, cabaret, aloes, de chacun demie once: myrrhe vne once, opopanax, racine de grand serpentaire, de chacun demie once: safran demie once, gomme dragant six onces, castor vne once, absynthe ou aluyne pontic deux poignes: le tout reduit en pouldre suffira à presenter à douze fois l'espace de trois iours avec bō vin vieil.

Breuage propre en tous temps.

PRen roses, melilot, hysope, yreos de Florence, aristoloche, suzeau, serpentaire grande, cabaret, dragant, centauree mineur, marrubium, gentiane, lauande, le tout en vert bien meslé ensemble autant d'un que d'autre, tu en feras pouldre pour garder quand besoing en sera. Si c'est pour presenter en temps d'esté, tu y adiousteras safran, miel & dragāt de chacun ce que bon te semblera. Si c'est pour bailler en hyuer, tu y adiousteras poyure rond, semēce d'ache, senneué autāt d'un que d'autre: & ainsi en toutes saisons tu bailleras ceste medecine à l'animal qui se trouuera indisposé, à la quantité d'une bonne cueilleree avec demy septier de bon vin: & luy fais prendre à la corne.

De la retention d'vrine & difficulté de pisser.

SVyuant ce que dessus, il nous faut parler de la retention de l'vrine, qui est quand le cheual ne pisse point à son aise. A ce mal tu prendras de l'vrine de quelque cheual que ce soit, & la melleras avec du vin & la feras tirer par les nazeaux. Item, pile deux testes d'ail, & avec de l'eau & miel fais luy en vn cly-

stere, & de ce mesme frotte luy en le fourreau, & tu en verras l'experience. Item encens en pouldre vne once, & avec vn œuf & de bon vin en y adioustant du iust d'ache & de choux rouges, fais luy en breuueage. Autrement, tu prendras des bettes ou poree avec des mauues & guimaues, & les feras cuire ensemble en eau de riuere, iusques à ce que le tout decroisse des trois parts: fais luy aualler ceste decoction tiede avec du miel, & tantost il vrinera. Quelques vns conseillent prendre vne punaise toute viue, & la mettre dans l'aureille du cheual, & encore vne autre punaise comme escachee mettre sur la teste du fourreau, iustement au pertuis par ou il rend son vrine: ce remede est certain & approuué.

Aux douleurs de ventre, que lon nomme les ventrees.

IL aduient souuent que de trop long trauail & morfonture qui le suit, le cheual se deult du ventre, si qui se couche & veautre, en gemissant, & mesmes le ventre luy bruit bien fort quand on le cheuauche, ou bien en portant quelque charge. A ce mal tu prendras semence de rue sauuage ou de iardins, & la pilleras bien fort, & avec du vin chaut luy en feras breuueage. Pour clystere tu luy feras decoction de poree rouge bien fort cuitte iusques à la consumption des trois parts, en y adioustant du nitre ou salpestre, & enuiron chopine d'huile, tu luy feras prendre à la chauffe. Si tout cela n'y fait, tu auras du miel cuit, en y adioustant la tierce partie de sel, fais en des pillules pour luy en faire vser le matin: & ne plains point à luy faire prendre plusieurs clysteres ou il y ait force miel, mesmes il fera bon destremper du miel bien bollu dans l'eau que tu luy bailleras à boire tiede en l'estable. Autres conseillent prendre vne coquille de limaçon bien nette, & la lier au nombril du cheual si dextrement qu'elle tienne. C'est chose approuuee de prendre cinq ou neuf cantharides entieres, & les enueloper dans vn linge, lequel tu appliqueras contre la cuisse du cheual: & comme que ce soit luy feras tenir quelque temps, cela prouoque l'vrine: mais garde toy bien de luy en faire prendre en pouldre, ny en clystere n'en breuueage.

A l'eschorcheure du dos.

Bien souuent la selle mal rembourree, ou la trop grãd charge que lon fait porter au cheual luy escorche le dos. A ce mal recent: Pren deux gros oignons & en faitz decoction en eau bouillãte, puis tout chaut tant que le cheual le pourra endurer tu les appliqueras sur le mal, toute l'enfleure se partira en vne nuit. Autrement: pren du sel en pouldre & le destrempe avec du fort vinaigre en y adioustant vn moyau d'œuf. Et de ce tout ensemble, tu en frotteras la partie, & tu en verras l'experience.

L'vtilité du breuuage composé de cinq drogues,
que pour ceste cause lon nomme diapente.

Si tu as la santé de tes bestes en singuliere recommandation, tu leur dois souuent, & en leur necessité, faire prẽdre le diapente, que les Grecz ont voulu ainsi nommer, pour ce qu'il ne cõprend que cinq drogues sans plus en cõposition, qui sont gẽtiane, aristoloche, myrrhe, grene de laurier & rasuze d'iuoirẽ en esgale portion, le tout diligẽmẽt pilé à part, puis melle ensemble, & confit ainsi qu'il appartient sera reserué pour l'vsage qui sert toutes & quantesfois que tu apperceueras la beste plus melancholique, ou auoir le poil plus herissẽ que de coustume, brief si mal se sentoit de quelque danger que ce soit, tu luy en feras prendre, comme dict a esté, vne bonne cuilleree dans vn demy septier de bon vin, & continueras l'espace de trois iours, encores qu'il traueille au labour ou à la voicture. Et si luy touffe, tu luy feras prẽdre avec vne chopine de vin cuiet. Et ainsi nous concludrons & mettrons fin à ce premier liure, pour vous appareiller la matiere du second, qui sera de toutes les maladies en particulier ausquelles le cheual est subiect. Et icelles deduire depuis le sommet de la teste iusques aux vn-gles des piedz, selon l'ordre de nature, & pratique medicinale, à fin que le lecteur par ce moyen ne sente aucune confusion.

PVB. VEGECE DE LA SECOND LIVRE DE

PVB. VEGECE RENAY DE

la medecine propre aux cheuaux, &
autres semblables animaux.

Des maladies de la teste auxquelles le che-
ual est subiect.



'Indigestion de la viande que reçoient les bestes, ou pour l'imbecilité de la partie qui la doyuent cuire & confire, qui sont l'estomach & le foie ou par la mauuaise qualité ou quelquefois par la quantité d'icelle viande, est cause de la corruptiō du sang, & par meisme moyē de la douleur de teste, qui est l'endroit de tout le corps qui en reçoit plus grāde abōdance & du meilleur. En tesmoignages des sens naturelz qui cōsistēt en la teste, lesquelz sont fomētez & nourris d'iceluy sang, dās leq̃l consistent les esprits, qui selon l'office & noblesse des parties principales auxquelles le sang est enuoyé comme sont le cūeur & le cerueau, se transmuēt & alterent, de façon que les vns on les appelle de la vie ou vitaux, & les autres de l'ame ou animaux. Or pour reprendre & repeter les causes de ceste indigestion, nous deuons cognoistre que les principales pieces du cerueau estant alterees de l'abondance du sang surmontans, & cōmuniquans ce mal aux membranes & aux nefz, aduiennent cōuulsions, epilepsies, apoplexies, paralysies, que lon nōme entrepris & plusieurs autres inconueniens, desquelz le cōmencement est la migraine, dont les signes ordinaires sont la pesanteur de teste & de tout le corps en general, tellement que la beste en est desgouttee & se plaint, & n'a le repos tel que de coustume, encores de la repletion du sang estant en la teste, & de la distention & inflammation des tayeres qui couurent & environnent le cerueau, procedent plusieurs autres maladies, desquelles il nous faut parler cy apres selon leur ordre.

De la migraine.

LA migraine est dictée, pource qu'elle n'offe que la moitié de la teste ou du cerueau & parties adiacentes, qui sont les membranes. Cela procede de la malignité du sang qui ne laisse la beste prendre son repos naturel, mesmes le tormenté tellement, que la veue luy en est chargée, la teste pesante & abaissée, & se debat contre les murailles, ou perches de l'estable l'endroit de la teste ou elle sent le plus de mal: & quand la beste est hors l'estable elle se tourne & va en cercle ou demy rond, comme si elle estoit attachee au moulin, ou à tirer la roue d'un pressoir.

Du frenetique.

MAis quand la venenosité du sang corrompu parvient iusques au milieu du cerueau, qui est l'endroit où reside le sens principal de la beste, alors pour la cause de l'inflammation des membranes la beste tombe en frenesie. De laquelle les signes sont, qu'il faulte & prend carriere sans propos, & en l'estable il est tousiours en peine, comme de vouloir se partir, leuant les deux pieds de deuant en l'air, comme s'il vouloit grauir contre les parois.

Du cheual accueuré.

LE cheual est accueuré, quand à la verité le cuer luy fait mal, par le consentement que l'entree de l'estomach a avec le cuer: & luy aduient ce mal quand les venes de l'estomach & de tout le poictrail sont remplies de l'infection de l'humeur qui commet ceste maladie ou intemperature, dont les signes principaux sont alienation d'esprit, avec un accident de sueurs grandes & vniuerselles, plus que s'il auoit trauaillé outre mesure. Il est fort mal aisé deliurer la beste de cest inconuenient.

De la rage du cheual.

DE la grand douleur de teste, soit migraine ou autre vniuerselle, le catarre descendant au torax du cheual, enflambe

les taves d'iceluy, mesmes le diaphragme, qui a grande cōmunicatiō aux taves du cerueau, ainsi le cheual entre en rage, principalement en temps d'esté le plus chaut, & apres trop grand trauail, sans auoir esté bien pensé, parce que de la grande ardeur, & comme prefocacion du foye les arteres du cuer & les nerfz du cerueau, & mesmes de toute l'espine du dos sen rescentent bien griefuement, tellement qu'il mord, & rue, & par l'infection de sa bouche, fil touche quelque autre en mordât, il le faiët aussi enrager. Ce mal estant encores recent quelques bestes apres la bonne diligence que lon y met, en guarissent, mais iamais si parfaictement que le cerueau ne sen rescente bien fort, de façon que le cheual en deuient fetard & paresseux, & de l'endroit de la teste ou le mal aura prins siege, il ne se voudra tourner au maniment & conduite de la bride, mesmes de ceste part il s'attache aux paroitz, en cheminant contre son train accoustumé, encores fil se blesse a la teste, il n'en sent point la playe, aumoins il ne s'en deult aucunement. Et combien qu'il ne refuse le boyre ne le manger: toutesfois il ne sen amēde point, mais il ne void pas si clair qu'auparauāt, & a tousiours la teste pesante & abaissée, & quand il est de repos en vn lieu, il n'en veut partir que bien mal-aisément & tardiement. Toutes les maladies cy dessus predictes requierent vacuation de sang, premierement des tempes, puis des hartz à l'endroit des espaulles, & apres cē il les faudra remettre à la diette, ainsi que nous te declarerons maintenant.

Comment lon guarit le cheual par le moyen de la diette.

TE souuienne que toutes maladies de teste que le cheual peut endurer, principalement les inueterées & anciennes se guarissent par triolenes & diette: que les premiers vétérinaires ont voulu nommer le cycle. L'ordre qu'il y faut tenir sera de ceste façon.

Tu le feras ieusner & abstenir trois iours entiers de sa proūēde, & surcrest accoustumé, & mesmes de foin mollet & gerbes delicatēs, de fauatz, cossatz de pois, vesse & autre dragee.

Et de

Et de ce temps ne luy bailleras gueres à boire. Apres ces premiers trois iours, tu luy feras tirer sang des deux hartz ou venes humerales, & le chargeras avec le sang tiré, & le vinaigre comme dict à esté, les trois iours suyans tu luy presenteras viande en verd, comme lectues & choux tendres bien esmondez: toutesfois qu'il sera bon apres les huit iours, luy faire du tout oster le boire & le manger de quelque sorte que ce soit, le neufiesme iour tu luy destremperas environ vingt soupes de pain d'orge en potage de choux & bonne huile d'oliue, & luy en feras prendre ordinairement par maniere de breuuege, & neantmoins tu n'omettras à luy faire prendre du lait de vache trois fois le iour. Et si tu voy que le ventre se lasche outre mesure, à lors tu te deporteras du bouillō de choux. Et au lieu de cela tu luy presenteras de la paille d'orge & du son mielez ensemble, mais l'autre iour d'apres, il ne prendra riens du tout, sinon que belle eaue claire, & le iour ensuyuant tu le feras entrer en l'estuue seiche pour le faire suer obondamment, duquel lieu tu le rameneras si tost que l'aleine luy accourcira, & au sortir tu le feras bien bouchonner & essuyer par tout avec l'huyle & le vin, & puis luy presenteras des fueilles de raphane avec du nitre tant que tu verras estre commode. Tantost apres tu luy offriras des racines de concombres, asini verd & recent destrenchees bien menu & destrempees en bon huile d'oliue, & cuittes en vn pot neuf iusques à la consumption des trois parts, de ce breuuege tu en bailleras à chacune de tes bestes malades la quantité d'une chopine par chacun iour, iusques à ce que tu apperçoyes que le ventre leur soit lasché à commandement: mais aussi si se lasche outre mesure il te leur faudra faire frire des lentilles & de l'orge, que tu leur presenteras ordinairement au piccotin en y meslant autant de paille & de son de froment ou d'orge, pour prinse, iusques à ce que mieux soit à la beste. Tu continueras ceste diette l'espace de cinq iours, pour voir comme les bestes se porterōr, puis tu les feras dextrement promener sur le trottoir pour par cela cognoistre combien par ces remedes & diligence la beste aura profité. Si tu voy que mieux luy en soit, tu ne differeras à l'egayer & bouchonner, & le iour ensuyuant luy faire purgatif de teste par les nazeaux ou autrement avec du iust d'es-

pargoutte ou d'armoyse destrempee, en fort vinaigre. Si cela ny faiët tu prèdras du sain doux & le mesleras avec de l'huile d'oliue, & luy en feras vser comme dessus. Et apres quelque temps tu le tiendras tellement entraué que la teste soit subiecte aux piedz par le moyen de la bende trauese. Voyant qu'il sera purgé & nettoyé à suffisance, tu le deslieras du travail, ou luy feras infuser dans les nazeaux du beurre fraiz fondu & meslé avec de l'huile d'oliue ou rosat, si que chacun nazeau en reçoynie selon la situation que tu feras de l'animal environ vne bonne chopine.

Si tout ce que dessus ne satisfaiët, tu le purgeras plus roide, en prenant de l'elebore blanc le poix d'un escu, que tu feras dissouldre en vn demy septier de vin doux, ou pour plus fort irriter nature, à la deduction de l'humeur: Tu prendras deux racines de scamonee, que tu feras infuser & dissouldre en vin doux, il pourra estre que le ventre du cheual au moyen de ceste purge fera plus que le deuoir en danger de disenterie, causee de superpurgation. Cela suruenant, tu luy feras aualler du iust de moron, avec de la decoction d'orge entiere, & pour sa viande tu luy presenteras de la lentille frite & terree avec de l'orge, puis desmeslee avec du son & paille d'orge bien fresche.

Pour le dernier traiët de ce remede, tu te prendras à la partie efforcee, & apres l'auoir sinapizee iusques à rougeur, tu luy appliqueras le feu par le moyen du cautere de fer ou de cuyure que lon estime le meilleur, puis tu luy feras boire du breuuage composé de plusieurs drogues, qui est comme la composte ou catholicon des cheuaux, & apres le feras exercer & promener iusques à demy galop, pour esprouuer son maniment & dexterité de tous les membres: mais ce temps durant tu surcroistras tousiours sa viande, pour peu à peu le remettre au premieres arres.

Somme, pour dire l'vtilité de ce cycle avec la diette dietitaire cy dessus declaree. Les meilleurs autheurs en cest art, maintiennent qu'il n'y a si forte maladie longue & difficile, fust-ce la rage qui ne se guarisse par le cautere appliqué, disent encores que ce mesmes cycle ou cautere appliqué à la teste, guarist & preserue du haut mal. Et si cest disenterie, courte &

leine, mal de cuer, de foye, ou de ventre, il faut appliquer le cautere en cercle à l'endroit des reins le plus propre & com-
mode.

Du mal du cerueau troublé au cheual.

LE cerueau de la beste s'esmeut pour deux causes, qui sont la quantité ou qualité du sang contenue dans les veines d'iceluy. Ce mal est cogneu par ces signes, quand le cheual marche de trauers, & sans aucune mesure ou cōtenance, chop-pant à toutes heurtes, & n'a partie sur le corps qui ne luy trem-ble. La maniere de preuenir ou abbattre ce mal sera telle: Pren graine de laurier vingt grains en nombre, nitre deux liures, vne poignée de rue, le tout bien pillé ensemble & exprimé avec du vinaigre qui ne soit gueres fort, & quelque peu de bonne huile rosat, si c'est en hyuer tu la tiediras, & luy en frotteras par toute la teste entierement & mesmes les aureilles, puis tu tremperas vne peau neufue dans le reste de ton lauement & luy en frotteras la nucque du col, & encores tout le col, iusques à la gorge. Si tu n'as le moyen de faire ces choses, fais vn cataplasme de resine & farine d'orge meslez ensemble, estends le tout sur vn linge net & luy en enuolope toute la teste, si qu'il puisse tenir sans cheoir, & le laisse iusques à ce qu'il soit sec: puis laue toute la partie avec de l'huile & du vinaigre. Lon faict encores vne maniere de ceroesne avec de l'huile ciprin incorporé en cire neufue, & le tout estendu sur linge net & appliqué comme dessus. Ne faut pour tant laisser d'entendre au general de tout le corps entierement que tu recreeras par breuuages de ceste façon: Pren trois escreuiffes de ruiere, pille les diligemment & les mesle avec deux onces de iust de choux, demy septier de lait, deux verres d'huile, le tout passé & bien destrempé tu le feras prendre au cheual avec la corne. Si tu ne peux recouurer promptement de toutes ces choses, pren deux onces & demie de bon miel, & le fais cuire & bouillir en demy septier d'eau tant que le tout s'espoississe, fais en comme des morceaux de paste que tu delayeras en eau froide, & ainsi luy en feras. Si tu fais ceste cure en hyuer tu luy feras boire de la farine de froment delayée

en eau bien claire, si c'est en Esté, tu prendras de la farine d'orge.

Du mal de teste en general.

PLusieurs auteurs ont beaucoup escrit de la douleur de teste à quoy le cheual est subiect, de laquelle les signes & indices sont: tu luy verras les yeux gros & enflés comme à fleur de teste, il refusera le manger de toutes sortes, la langue, le palais, les nazeaux luy enfleront, & d'autant plus que le mal prendra traitte, son cheminer sera chancellant & estourdy, & s'il void son vmbre, il en aura peur, & s'en approchera comme pour la fleurir. La cause de ce mal procede du vice du sang corrompu, quand par l'indigestion ou mauuaise coction qui se faict en l'estomach & au foye, les conduitz naturelz estans estoupez & reclus, sont contraints prendre autre voye pour monter au cerueau, que celle qu'ils auoyent de coustume, & se retirer l'endroit des tempes, dont les taves du cerueau sont tellement offencees, que toutes les actions d'iceluy en sont interuerties & destourbees de leur naturel office. Pour guarrison, il luy faut tirer le sang de l'endroit des tempes, & tantost apres luy embrocquer toute la teste avec de l'huile & du vinaigre. Si c'est en Hyuer: Tu feras le iour deuant infuser & tremper de l'orge dans eau de riuier, puis bouillir à bon escient. Et toute creuee que sera l'orge, & encores chaude tu le mettras dans des sachetz & luy en fomenteras la teste vniuersellement & assez longuement, puis le feras bouchonner & fort essuyer, & couvrir de paour de la morfonture. Il y a des maistres en cest art qui conseillent tirer le sang par la bouche au cheual & luy donner la corne. Puis ils font prendre de la croye fine destrépee en vinaigre & la meslent avec de la bouse de bœuf ou de vache avec du nitre ou salpestre, & ainsi le font deslayer sur le feu dās vne terrine, & tout chaut l'appliquēt sur toute la teste de la beste, en la façon que dict a esté cy dessus. Toutesfois faudra tousiours enroser le cataplasme par dehors avec du vin aigre, de paour que la craye ne se gromelle & gaste le poil. Cela ne s'applique point coustumieremēt que tu n'ayes fomenté la teste avec de l'eau tiede. Ceste douleur est quelque

fois si violente qu'elle remet la beste en estat de fureur & rage: duquel incōueniēt proche à suruenir, les signes sont. Quād le cheual s'appesantit tellement en l'estable qu'il ne luy chault de rien: il pleure, & gemit en sorte que tu luy cueilleras les larmes à chacune fois: il a les oreilles fort droictes & tendues, la veue pesante, l'aleine courte, & qui le fait cōtinuellement halleter, le poil sec & herissē: il trēble sans cesse, & a le regard fort triste. Sur tout garde toy de le mener à l'eau, mesmes de luy en faire aussi souuent boire qu'il en pourroit bien desirer. Au demeurant ce luy proffitera de luy tirer du sang des hautes harts, qui sont les deux endroits du col, puis luy frotter & bassiner la teste en la maniere susdicte.

Autre mal de teste, que lon appelle distension,
qui menasse la frenaisie ou la rage.

CE mal fut des anciens appellé distension, pource que les taves du cerueau, à cause de la repletion & inflammation des parties d'iceluy sont plus estendues que le naturel ne requiert: la cause en est, quand le cheual est forbeu ainsi qu'il est encores en sueur, ou faute de prendre son repos, ou d'indigestion de viande, ou quand par la negligence du palefrenier il oublie le soir à luy lascher le licol, tellemēt que la beste est contrainte toute la nuit se tenir sur pieds. Les signes sont, que la veue luy obscurcit, comme sil veoit ou eust quelque nuee ou brouillards au deuant: & au demeurant il sue par tout le corps vne sueur froide avec tremblemēt du cuir & de tous les membres. Lon prent ceste maladie pour l'vne des plus grandes, & comme mere de toutes autres ausquelles le cheual est subiect: car si tu ne donnes ordre que le cheual, par le moyen de ce que nous auons predict dorme & repose competemmēt, il n'y pend que la migraine, folie, rage, frenaisie, & langueur: parquoy ne faut differer dēs le commencement à luy faire tirer abondamment du sang de la teste, selon toutesfois l'age & la force de la beste. Si c'est en esté tu luy feras bien & longuement bassiner la teste, & tout le corps en general avec du vin aigre & de l'huile: puis l'estableras en lieu fraiz, toutesfois peu aërié ou descouvert: car le lieu chaut luy empêche le dormir. Et souz sa litiere.

re, tu luy feras espandre de la crotte bien seiche & battue, ou bien de la paille d'orge, à fin que la mollesse de la litiere haute & ainsi faconnee, luy donne vouloit de se plus tost coucher, & à propos. Au demeurant tu n'espargneras à luy faire prendre à ses repas force son, dans lequel auras menuisé des fucilles de laiëtue, & des pailles d'orge fresche cueillie, donne luy peu à boire. Et quand tu verras que mieux luy commencera estre, tu le promeneras à petites traictes & alenees, pour veoir son cueur, & le portant qui luy restera, à fin que par le menu, & que tu verras estre propre, tu le puisses reduire en son premier naturel. Voyant qu'au septieme iour, riens de ce qui est dit ne face profit, tu luy tireras de rechef du sang des venes de la teste, & comme si c'estoit à recommencer, tu le feras bassiner par tout, cōme dit a esté, puis luy presenteras le breuüage propre à telle maladie: Pren semence de cresson alenois, d'ache, de laiëtue, de moron, persil, anet, pauot sauuage, de chacune semence vne once, poyure trois scrupules, safrā vne drachme: le tout bien destrempé en eau fresche, & premierement criblé & meslé subtilement, tu requiras en trocis, desquelz chacun n'aura riens moins de poix qu'une drachme. Ainsi qu'il fera sa diette, tu luy feras prendre chacun iour à ieun vn d'iceux trocizes destrempé en belle eau, & continueras iusques à meilleure & entiere santé. Et fil desdaigne le manger, tu luy feras prendre le dit trociz avec du iust de ptisane, qui est orge biē cuit & espes: & te garde luy faire prédre avec le vin: car en douleur de teste il aigrift & augmente le mal.

De la rage du cheual.

LEs signes par lesquelz tu cognoistras le cheual estre en rage sont, Il hannist sans cesse, comme fil estoit sain, mais plus effrayément, ne demāde qu'a mordre son compaignon, celui qui le pense, ou qui en approche, & ne trouuant à qui se prendre, il s'attacque à son rastellier, à sa māgeoire, & à soy mesmes, iusques à se mordre les flancs & en faire partir le sang. Tu le penseras ainsi que dit a esté au cruel mal de teste: & pendant sa diette tu ne luy bailleras ne feras vsfer prouende quelconque, soit d'orge ou d'auoyne: mais fil veut prendre de l'ache, tu luy

en bailleras tant qu'il voudra. Fais le saigner du cerueau ou des tempes, ou de tous deux, & l'establer en lieu bien obscur, bas, & tenebreux. Au demeurant se trouuera bon que tu luy faces frotter & bafsiner toute la teste entierement, & iusques à la nucque du col de ce qui s'ensuit: Opopanax vne liure, resine & terebentine de chacun deux onces, galbanum vne once, resine cuitte trois onces. mastich en pouldre deux onces, huile vieille vne liure, du tout bié meslé ensemble tu luy feras frotter toute la teste, & mesmes les oreilles, assez longuemēt, & encores luy feras degoutter de ceste huile tiede dans les oreilles, avec lequel tu adiousteras, si bon te semble, de la poix fondue pour bien le tout faire à droict. Luy faut premierement faire bafsiner toute la teste & le col entierement avec des sachets ou des esponges, le tout trempé en la decoction que dessus auons descripte. Encores luy pourra lon faire prēdre des breuuages & trocis au parauant denommez, & ce de iour à autre, iusques à quelque amendement, mesmes tu luy feras lauement & collyre aigre & mordicant, duquel lon luy frottera les yeux, pour engarder que la taye ne suruienne, ou qu'il n'ait puis apres la veue trouble & obscure. Le dernier remede apres tous autres qui ne pourront proffiter, sera le cautere sur les venes temporēlles avec le grain de fer ou de fin cuyure: Mais pource que cela rend la face du cheual difforme & estrange, quelques-vns ont esté d'opinion d'appliquer ledit cautere dans la bouche à costé du palais à l'endroit le plus charneux, estās de ceste opinion, que la ferueur & chaleur actuelle d'iceluy cautere oste plus aisément la douleur de la teste, sans ce que par ce moyen les membranes tant interieures qu'exterieures du cerueau recoiuent plus grande force & vigueur.

De la folie du cheual, ou insanie, que lon dit manie.

LE cheual fol, & maniaque approche fort du rabieux, tellement que par ialousie, s'il hante les iuments, ou par emulation, & enuie contre son cōpaignon (car cela tombe aussi bien au cheual cōme au chien, ou autre beste animeuse) il vient en oubliance de boire & de māger, & par consequent à la manie.

De ce mal le plus souuent, fil continue, il tombe en l'autre: les yeux luy pleurēt, toutesfois que la veue leur apparoit furieuse, & la taye blanche toute tainte de sang, les aureilles droictes comme vn cerf. Au demeurant il faut bien se donner garde qu'il n'eschappe: car il ressemble les nouueaux domptez, ou ceux qui ne se veulēt accoustumer au frain, courans les chāps sans aucune discretion, & donnent du pied bien roidement à celuy mesmes qui les traicte. Au surplus le cheual hannist comme farouche: & quād il est reprins, il se donne de la teste & de tout le corps à grande force & fureur contre les parois, & tout ce qu'il trouue en voye: il gratte la terre avec les pieds de deuant, iusques à se dessoler, & escume par les nazeaux, & par la bouche, comme fil auoit le hault mal. Or ce mal estant conclud & confermé par ces signes, tu feras tirer du sang au cheual ainsi tourmenté, de la vene qui se trouue au coing des yeux, de celle du palais, & semblablement des flancs. Et pren garde de le tenir ce iour que tu le saigneras en diette de boire & de manger: lendemain baille luy à boire l'eau fresche, & luy fais prendre clystere quatre iours durās pour luy donner bon ventre: frotte luy la teste avec l'vnguent ou ceroesne, que son estable soit à part, & là fais luy vser de petits ciuots avec herbe mollerte, ou foin le plus court, ou le plus tendre que tu pourras recouurer.

Pour breuuage laxatif & propre à ceste maladie: Pren encens fin en pouldre vne drachme, vin aigre blāc vne chopine, racine de panaix vne onc. herbe robert ou saxifrage trois onc. mesle le tout bien passé par la chauffe en hydromel, & luy fais prendre par deux ou trois fois. Sinon, pren chopine de laiēt de cheure, & luy fais aualler avec la corne. Autremēt ne pouuāt recouurer de laiēt de cheure, mets du comin sauuage en pouldre & luy fais aualler avec de l'huile d'oliue & de l'hydromel. Sur tous remedes lon prise ceste medecine: Feuilles d'ache, ou iust d'icelles, iusquiane, qui est la hannebane ou potelee, semence d'ache de chacun vne once, semence de laiētue deux onces, semence pauot sauuage, que lon nomme coquelicoqs (autres appellent ladiēte semence nyelle comacie) vne once, du tout reduit en pouldre tu feras prendre à chacune fois vne bonne cuilleree avec de l'eau de riuere: ou fil a perdu l'appetit,

avec de la ptisane. Au demeurant l'estableras en lieu fraiz & obscur, spacieux & loing de tout bruit, à fin de luy faire prendre repos : mais premièrement il te luy faut oindre la teste & toutes les oreilles, ainsi que nous auons dit, à sçauoir avec de l'huile & de la poix liquide, si que de cest vnguent tu luy emplisses les oreilles, & en frottes les tempes, puis luy bailleras sa coëffe & son beguin, qu'il ne luy apparaisse sans plus que les oreilles, les yeux & les nazeaux. Tu prendras aussi souuent de myrtilles que tu feras dissouldre en huile & vin aigre à quantité suffisante, si que tu en puisses fomentier & bafiner tout le reste du corps depuis la teste en abas. On a de coustume les embrocquer par tout de leur fiente meslee avec l'vrine, & les bien couvrir & estraindre avec le foarre, à fin qu'ils dorment & suent par ce moyen : car le sommeil suruenant leur apporte entiere santé.

Quant est de la rage, elle a des accidents plus fascheux & furieux que ceste manie dont nous parlôs, de façon que la beste ainsi affligee ne demande que mordre les autres, qui de telle morsure en enragent : & quand elles ne peuuent ailleurs, elles se mordent & offensent elles mesmes, iusques à se tirer les boyaux hors du ventre : duquel mal la cause prouiet (ainsi que nous auons predict) de la trop grande abondance, & mauuaise qualité ou ardeur du sang : car cela leur aduiet le plus souuēt à la canicule & plus grande ferueur de l'esté, quand principalement on ne les fait pas boire assez souuent, ne de telle eau qui leur est propre : la guarison duquel mal a esté cy deuant amplement declaree.

Mais à ces maux le remede que lon nomme chirurgical, s'entend toutes & quantesfois que lon coupe quelque membre du cheual avec le fer, ou que lon le bruste & cauterise, tant de feu actuel que potétiel, qui est le souuerain moyen de guarir les playes inueterées, ou maladies pertinaces & obstinees aux remedes communs & faciles, principalement à la teste. Il faut doncq entendre, que quâd le cheual se sera blessé en quelque endroit de la teste que ce soit (i'entens violement) & iusques à la denudation de l'os, la principale sollicitude de l'es-cuyer doit estre de mettre peine que les taves ou les nerfs du cerueau, ne le cerueau mesmes par l'indignation de la playe &

vlceré en puissent estre aucunement alterez ou offencez : parquoy ne conuient au commencement vsfer de medicaments aigres ou irritans nature, mais plus tost avec les tentes & applications de miel faut attendre que la force expulsive face exfoliation ou erection de l'os corrompu, qui se monstrera euidément apres le troisieme ou quatrieme appareil, quoy voyant tu ententeras à douce main & avec la forcette ou la pincette tirer ce qui se presentera, & le surplus des squilles, que tu verras pouuoir faire nuissance à ta curation: (car ce qui reste & demeure coustumieremēt fait faire nouvelle ouuerture) tire les avec le bec de corbin, plus tost les lime doucement qu'ils ne t'empeschent la fermeture de la playe, & tellemēt y opere que le sang luy en sorte par la bouche: Car on dit que le maire pitieux fait la playe facheuse. Et d'abōdāt tu dois entendre, que les fistules sont à craindre bien grandement apres la curation imparfaicte, qui diminue bien fort le prix & estime du cheual, ioinct que tu n'en auras iamais boue entiere, mais plus tost quelque maniere de sanie ou ferocité, qui monstre que iamais ne guarira parfaictement.

Si cest incōuenient suruient, voicy le moyen d'y pourueoir: Tu passeras cōme vn cornet de papier au trauers de la playe, si que tu puisses arrester les deux bouts d'iceluy papier chacun avec vn filet, & tellement les contraindre de part & d'autre l'espace de cinq iours, & plus que riens ne puisse tomber: alors tu verras que le cal de la fistule l'enflera par la distētion du papier, en sorte que l'ouuerture de la playe en sera plus grande: & alors selon la grandeur & proportion de la playe, tu feras collyre propre d'vn medicament appellé fistulaire, que tu ietteras dans la playe apres que tu en auras osté le papier, en sorte qu'elle en soit toute remplie, & la garniras bien de toutes pars que riens ne tombe de ton appareil, tu deslieras ta playe environ quatre ou cinq iours apres. Si la fistule cher d'elle mesmes, tu vsferas de medicament propre à cicatrifer, que tu reitereras souuēt, iusques à ce que tu apperçoisues que la matiere espoisse s'accueille en cest endroit, non toutesfois en si grande quantité. Quand tu verras ton collyre net, & non plus baueux ou sanieux, fais cuire des ers mis en pouldre, de lolybā avec du bō miel autant d'vn que d'autre, & par plusieurs iours en mets sur

onguent

la playe en deprimant tousiours les labies de l'vlcere, iusques à ce qu'elles se ioignent & vnissent ensemble.

Si la teste est si griefuement attainte, que tu apperçoisues le mal penetrer iusques au dedans du cerueau, ne differe point à luy faire tirer soubdainemēt du sang des deux tēpes, puis bafiner toute la teste avec de l'eau tiede, en esté à belles espōges. Et si c'est en yuer, avec de l'huile rosat & vin aigre melléz ensemble: apres laquelle fomentation tu luy beguineras la teste, en sorte que l'humidité y demeure assez lōgue espace de tēps, & luy baille de la verdure à manger. S'il la refuse (comme telz chevaux ont de coustume desdaigner toutes sortes de viandes) tu feras piller cōme en pouldre des febues seiches, & avec de la farine de froment tu luy en feras prendre à la corne avec de l'hydromel, iusques à ce qu'il commence à prendre son appetit à l'herbage recent, lequel tu feras arrouser d'eau sallee ou marine, si tu en peulx recouurer.

Du mal des oreilles.

POUR la proximité & voisinance qu'ont les oreilles avec le cerueau le danger n'est pas petit quād elles sont offensees: parquoy faut que tu entendes diligemment, quand par le danger de quelque cheutte l'une des oreilles aura receu contusion, qui paruienne iusques à la racine d'icelle. Si ladicte cōtusion s'apostume, tu la lairras meurir, puis feras ouuerture à la matiere leans contenue: & trois iours durans feras liniment au dessus de la teste, & principalement à l'entree de la partie bleffee, avec de l'huile & fort vin aigre. Le quatriemē iour tu vseras du cicatrisant iusques à parfaite guarison. Ce moyen seruira, encores que la cartilage fust asseuree.

Si depuis la racine de l'oreille le mal festend iusques à la commissure des os de la teste, avec grande tumeur & dureffe, tu feras cataplasme avec des maussillages de semence de lin & fenugrec tirees en eau de butoisne, & les deslayeras avec de la farine de froment. L'apostume meure tu l'ouuriras avec la lancette, en façon que la playe tire tousiours contrebas pour plus facile issue de la matiere, par dessus feras fomentation l'espace de quatre iours suyuan avec du vin, de l'huile, & du sel dans lequel tu tremperas des compresses, & les applicueras

l'une après l'autre, puis tu viendras au cicatrisant & incarnatif. Quoy qu'en soit, la guarison en est mal aisée à raison des fistules qui ont de coustume suruenir en ce lieu après tel inconuenient, ausquelles on obuie par les remedes qu'auons proposez à ce premier mal. Si tout ce que dit est ne profite & apporte entière guarison, il faut pour dernier recours vser de cauterés actuels que tu appliqueras par boutons & petites platines aux parties circonuoisines, mesmes dans la profondeur de l'vlcere, sans craindre à rien rompre ou chiquer, puis tu entendras diligēment à la cōsolidation de la cicatrice que tu auras faicte. Et marque tresbien ce passage, qu'il ne faut estre en riens negligent ou paresseux à la curation du mal des oreilles, suruenant au cheual, ou naturellemēt comme sont les aurillōs, ou par accident, comme de coups, morsure, cheutte, ou autrement : car ce mal negligé bien souuent se communique iusques au cerueau, & engendre rage & folie, à cause de la continuelle douleur: parquoy te luy faut tous les iours soigneusement curer & nettoyer l'oreille malade, mesmes luy faire au dedans petites iniections, pour mitiger la douleur, & inciter le repos. Et entre autres fomentations & iniections tu prendras l'esponge trempée dans de l'eau & du nitre, que tu lairras toute vne nuit dans l'oreille de la beste. Le troisieme iour d'après, tu commenceras à fomentier toute la teste, & la baigner & estuuer d'eau tiède fort & longuement, tant que par experience tu sentes soulagement & aide. Si en le baignant & estuant il entre de l'eau dedans l'oreille du cheual, que tu apperçois luy pouoir faire nuissance, distille luy dans l'oreille de l'huile vieille avec du vin aigre, & du nitre ou salpêtre en égale portio, puis couure le tout, & le beguine avec de la laine grasse, que lon dit à tout le suif. S'il y a vlcere, mets luy vne tente dans l'oreille, & le voila guarý.

Des poils qui surcreissent au dessus des paupieres.

Aduient souuent que le poil des yeux, principalement des paupieres, croist si abondamment & multiplie tellement, que se recourbant sur la prunelle, non seulement cela empesche la veue au cheual, mais encores il l'esmeut à larmoyer: les plus grands & plus droicts on les plume à contre-

poil, les autres qui ont fait (principalemēt aux vieux chevaux) cōme vne façon de paulpiere nouuelle, il les faut rabbatre de telle façon au dedans de la paulpiere que tu penſeras eſtre nouuellement procréé, tu feras vne ſeſſion legiere avec la lancette ou raſouer bien delicat, puis avec les forcettes tu feras vne bādelette de la lōgueur que tu verras propre à ta ſeſſion, & avec l'eſcliffe delicatement faiſte & bien appropriee tu iointras & couldras ta ſeſſion en tendant à mont, à fin que l'œil par ce moyen recoyue ſa premiere force & vertu naturelle, ſans aucune deformité: Faudra auſſi tremper vne eſponge en bonne huile & ſaulmure, & l'appliquer tiede contre l'œil du malade, en luy donnant tel bandage qu'elle puiſſe tenir à l'aiſe. Cinq iours apres que tes bandes & ligatures ſeront oſtees, tu penſeras à luy faire infuſion dans l'œil de choſes qui ſeront à ce propres & commodés, & par dehors tu luy appliqueras du baſilicon, ayant ceſte diſcretion, que tu ne deſſies ton bādages premier que tu ſentes amendement, & que la cicatrice ſe face: Combien qu'encores que les bandes & appareilz ſoient tombez, le collire continué ſeruira beaucoup à la perfection de ceſte cure, & empeſchera que nouuelle excreſcence de chair ne le rengrege. Aucuns pour abbreger nayans ſoucy de la deformité, coupēt avec les forcettes l'excreſcence de la chair ſelon la force & la nature de la beſte, & avec l'eau & le vinaigre appaiſent & fomentent la douleur ſuruenante ne delaiffans toutefois le collyre pour le regard de ce qui eſt contenu au dedans, de paour que l'indignation neceſſairement ſuruenante, n'empeſche la guarifon entiere. Le feu par cautere bien ſubtil & leger fera ce bien que deſſus en l'appliquant à l'endroit où le poil ſurcroiſt, & le conduifant ſi ſubtilement que la partie noble n'en ſente aucun remors.

De la ſuffuſion aux yeux du cheual.

CE mot de ſuffuſion ſignifie abondance d'aquofité engendrée ou par trop grande froideur, ou par trop longue demeure, & relais, dans l'œil du cheual ou il y a au dedans vne humeur appellee aqueuſe, ſur laquelle naige la vitree, & ſur icelle la criſtalline. Toutes leſquelles dernieres humeurs ſont environnees de l'aqueuſe, laquelle expiree & exhauſte engendre

feicheresse & mal que nous dirons cy apres, par trop dormir, & demeurer en relaiz, autre mal que nous appellons superfluité d'eau qui empesche que l'esprit visuel ne puisse par le tuyau du nerf oblique facilement penetrer iusques à la pupille, mere de la distribution des couleurs, & de ce qui se represente au dehors, pour au dedans le representer au chef & prince residēt au cerueau, qui comme iuge demeure assis en son lieu propre pour en cognoistre & discerner, & ne pense qu'il y ait animal à qui ne soit distribuee ceste vertu par la diuine & superieure puissance. Ce mal se nomme l'eau en l'œil, qui se touche, ou par cautere, ou par le fer, ou par l'esguille creuse & ouuerte par vn bout, tellement qu'il puisse entrer sous la premiere taye blanche, mais il y faut dexterité & vsage. Le cautere s'applique aux tempes en bouton de cuyure, ou d'or, si la beste le vaut: toutesfois qu'il n'y a gueres de perte, mais il fait moins de douleur. Et qui veut premierement esprouer l'iniectiō de l'eau de vitriol ou d'alun, faire le peut sans grand dommage sinon qu'il faut d'un defensif par dehors avec le bol & la glere d'œuf biē battue. Pour en deuiser comme l'auteur le décrit, il y a trois especes de ce mal, dont l'une qui n'offense que les membranes à demy prent ce nom de stenochondrose, l'autre qui les offense du tout s'appelle pletochondrose, & la tierce, qui fait distēsiō tant d'eau que de ventosité hipochondrose.

A la stenochondrose, qui est quand la veue accourfist, & la paupiere se restrainct, & que la beste pert sa force, il faut tirer du sang des tempes, puis tu luy feras fomentation de racine de fenouil cuitte avec de l'esclere, ou de la rue recēte & vn peu de miel en eau de riuierē, & luy bassineras la taye tous les iours en luy en mettant dans l'œil la quantité qui pourroit dans la coquille d'un œuf, & ce a tiede, puis tu le frotteras du collyre de suc de baulme, que lon nomme opobasme, qui ne se trouue que la part du grand seigneur, & ne se distribue par luy qu'aux plus grans prince de l'Europe. Mais quand la pupille s'estend outre mesure, & empesche du tout que l'esprit visuel ne se puisse distribuer, ce mal est incurable, & ne cede à aucun remede: car tout ainsi qu'un aulbin d'œuf separé de son germe ne se peut iamais reunir bien entierement comme il estoit, ainsi est il quand l'humeur vitree de l'œil qui est glereuse d'elle mesmes,

est discontinuée & séparée des autres humeurs. Cela coustumiérement aduient apres que le cheual a beaucoup sué & travaillé : quand la petite taye par laquelle se distribue la veue est estendue & eslargie par trop, que lon dit la dilatation du nerf optique, ou bien est aucunement froissée ou desrompue, ou bien la trop grande diligence à laquelle lon contrainct le cheual en lon voyage: estant en pays plus chaut qu'il n'a accoustumé: finablement qui est le pire, quand le seigneur ne prend garde, & soigneuse diligence à faire penser sa beste des le commencement quelle se deult du mal oculaire. L'œil semble alors bien sain & entier comme son naturel, ne par larmes, sang, ou inflammation se monstre fort offensé: mais tu le cognoistras, quand comme te voulant mirer dans l'œil du cheual, tu ne te pourras veoir, ainsi que tu soulois. Ce que les anciens ont voulu nommer hypochondrose, procede du catarre & fluxion du cerueau sur la veue de la beste, & se declare & demonstre premierement en vn œil puis à l'autre: ce que tu apperceueras par la chassie & larmoyement de la partie. A cela ne faut differer la saignée des endroits de l'œil cōme vers le sourcil & des venes qui te sont plus apparentes, ou bien des tēpes & parties du col proches au cerueau. Te souuienne encor' de luy fomēter & bassiner la teste avec de la decoction de racines de fenouil, & de rue, puis tu luy frotteras l'œil du collyre composé d'opopanax & d'opobasme. Lon baille encōres quelques medecines propres pour les yeux & qui deschargent fort le cerueau, & finablement on applique le cautere rōd aux endroits de la fistule que lō nōme lacrimale pour arrester du tout l'affluēce des humeurs en ceste part.

De la taye en l'œil.

LA taye ou l'vngle suit de pres la suffusion, par ce q l'humeur par la traitte de tēps cōgelee s'edurcit & tellemēt gaigne sur la mēbrane de l'œil q lō appelle cornee, qu'elle fait mesmes cōme vne nouuelle corne qui peu à peu se rēge à la pupille & à la lōgue obscurcist la veue au cheual. Si ceste taye est de couleur iaulne, ie n'y voy remede: si elle est fort blāche encor' pis: si elle est moyēnemēt espeffe, tēdre, de couleur oleagineuse, & de consistāce, cōme quelque mussillage, faut q le iour deuātq tu auras deliberé luy couper la taye, par ferremēt simple, ou p cautere tu face faire diette à la beste, & l'estables en lieu fraiz, & enclos

de toutes parts, auquel la mangeoire, ne le rastellier puissent nuire ou empescher à tellement le poser que la teste & le col soient à maniement, & l'œil mesmes en teile quietude & repos que tu en puisses iouyr à ton aise. Ainsi le cheual estant posé & constitué, tu trauerseras ton ferrement que lon nōme paracynthese, depuis le frōt iusques entre les tunique des yeux, sous le pericrane & te garderas tresbien de toucher la pupile: mais si tost que tu te sentiras proche de la taye, tu le tireras vn peu en amont pour deprimer en abas & à main legiere, bien doucement ce que tu trouueras renitent. Si tu le gaignes & abaisles n'en retire pourtant ton ferrement si soudain: car il a de coustume remonter: & pendant que le ferremēt y demeurera, fais fomentation avec lē pinceau ou la tête bien chaude, & comme euaporation legiere, toutesfois assez longuement avec mulsilaige de semence de coing & fenugrec, & vn peu de fenouil & euphrage laissant ton ferrement leans tu attendras que l'autre œil estant fermé tu puisses apperceuoir que la beste voye en quelque façon, sans aucun obstacle, ou chose qui l'empesche, puis tu luy feras vn frontal de compresse trempée en aulbin d'œuf & huile d'amendes douces, & couuerte de laine à tout le suif & le feras tenir dextrement iusques à ce qu'il soit sec & endurcy. Il n'y auroit rien mal d'y adiouster vn peu de bol armeniac. Ce iour q̄ tu auras fait ceste section & cure faut prendre garde qu'il ne mange de paour que le frequent mouuement de la maschouere ne tire l'œil en consentement, & luy face tort à la veine, toutesfois qu'il boyue tāt qu'il voudra. Sera bon luy faire couler dās l'œil mulsillage de fenugrec extraict en decoction de semence de fenouil, puis l'enveloper si bien que riens de l'exterieur ne luy puisse faire nuissance. Ce remede sera continué l'espace de quatre iours, tant de fomentation que vnction & collyre, puis le terme expiré, faudra peu à peu donner librté à la partie, & veoir diligemment comme tout se portera. Finablement tu luy feras vnction de fin miel par tout ou le mal aura couru & donné, iusques à ce que la cicatrice soit du tout conseruee, à la veine restauree.

Autre maniere de taye claire & dure, fait l'œil que lon appelle lunatique, ceste taye se mōstre comme aduste & bruslee, blanche & claire comme la corne de lanterne, & neantmoins espouffe

espeſſe comme eſt le verre d'une lunette. Tu le penſeras en tirant du ſang de la vene ſouſ les yeux, & par pluſieurs fois à iours interpoſez tu le fomenteras par toute la teſte avec de la decoction ſuſdicte bien chaude, & luy ſeras vn collyre vn peu aigre & fort, duquel tu inſtilleras iournellement en l'œil, iuſques à ce qu'il ſe porte aucunement mieux. Si cela ne profite, cerche les venes d'enhaut qui ſont vers les tempes, & principalement au deſſus du mal, leſquelles tu cauterizeras, à fin de deſtourner par ce moyē l'humeur qui eſt cauſe de tout ce mal.

L'autre ſorte de taye en l'œil, que lon appelle l'vngle, me ſemble (quoy que lon y face) du tout incurable : toutesfois ſil reçoit aucune curation, ce ſera par le moyen de ce remede : Tu tireras du ſang de la vene ſouſ l'œil, & le ſeras corneter au collet, non pas trop loing de la partie offencée, puis dreſſeras vne fomētation avec la rue, l'eſclere, & les racines de fenouil. Et ſi tu veux paſſer plus outre, adiouteſ-y du fenugrec à la decoction, puis ſeras vñction ou liniment avec le collyre doux cy deſſus deſcrit, qui ſert aux tayas rompues, iuſques à ce que la cicatrice ſe face, & la place demeure toute vnie. Pour le dernier traitt tu viendras à collyre plus fort & plus aigre, qui toutesfois aura vertu incarnatiue, à fin que par ce moyen la partie ſoit reduitte & remiſe du tout à ſon naturel eſtat.

Pour leuer la taye de l'œil du cheual quand elle eſt recente.

IL n'y a ſi bon cheual qui ne choppe, ne ſi bonne ou franche beſte à qui ne ſuruienne inconuenient, & principalement à la teſte & aux endroits de la conduite d'icelle, & de tout le corps, (qui ſont les yeux.) C'eſt beaucoup à vn chartier de biē cōduire ſa verge, à vn cheuauteur de bien manier ſa baguette, & à vn picqueur de proprement remuer l'eſperon : faute de laquelle conduite & mauvais maniement, lon donne ou en ne regardant point ou autrement ſi roide dans l'œil du cheual que la marque y demeure : Autant en aduiant au laboureur, chartier, voicturier, & mulletier, qui faute d'oreillieres ſinglēt par fois aux endroits de la pupille ſi roide que le ſang ſort des parties voiſines : & cela ſe cōmunique au dedans, de façon que ſil ny eſt preſentement pourueu, il y a danger que l'œil ne

fen perde. A ce mal nous auons esprouué, quand ores le cheual se feroit frotté l'œil trop rudement apres le poulsier y estant, soit de quelque attainte, encores que tout l'œil entierement soit perclus & offencé, de prendre de l'herbe terrestre, & la piller longuement dans vn mortier de bois, du iust qui en sortira, fais en collyre : cela est esprouué pour singulier remede. Au lieu de ceste herbe pren (si tu n'en peux recouurer) de la grene de lierre, ou des fucilles, & en fais iust ainsi que dessus. Aucuns craignans la difficulté de ce medicament, pour abbreger prennét des fucilles & grene de lierre, & les battent en eau froide dans le mortier : & de ce qui en fort ils en font collyre ou infusion par vn tuyau propre, dans le coing de l'œil : en continuant ce remede par plusieurs iours de soir & de matin la taye se pert & consume : vray que qui au lieu de l'eau y mettroit le vin, cela sembleroit plus propre & mieux à propos.

Le moyen de diuertir l'aquosité trop grande en l'œil par les nazeaux.

Nous auons cy deuant parlé de la trop grande aquosité en l'œil de la beste : c'est ce que d'aucuns nomment suffusion, mais nous auons obmis à dire la curation qui s'en fait par la retraction ou reuulsion de l'humeur par les nazeaux. Or faudra-il que tu faces dilater les nazeaux de la beste, pour veoir & diligemment considerer en iceux sil y a quelque tumeur d'apparence dans laquelle tu apperçois des pertuis fort subtils, il te faudra frotter & fort agiter ceste partie, puis y faire arrouser du vin, en sorte que l'eau penetre la substance d'iceluy vin : & cela operera soubdainement par la contrainte que tu feras aux venes qui se retirent en l'œil.

Des diuerfes maladies de l'œil en general.

Sil e bestiaill, de quelque espeece qu'il soit, par blesseure, froisseure ou autrement fait tumeur eminente sur l'os de l'œil, comme en façon de tophe ou nodosité, faut faire tomber la beste, luy bailler entraues & la mettre en cháp estroit, si qu'elle n'empesche ton operation, puis tu luy ouuriras le cuir pour veoir au dessouz qu'elle & combien est grande l'excressence de l'os, laquelle bien descouuerte tu couperas avec le ciseau &

l'appplatiras ou vnieras à l'equipolent de la partie bien saine, & dans la cavit   tu mettras charpies, tentes & linges tremp  z en huile & vin aigre, & lieras la partie bien ferr  , sans y toucher iusques    trois iours apres : cela continueras iusques    cinq iours, puis vseras de medicament cicatrisant : & si la chair croist plus que de raison, tu mettras sus l'egiptiac ou autre medicament c  sumptif, iusques    parfaicte curation. Si l'os ne se veut incarner tu le scarifieras    l'entour par plusieurs fois, iusques    faire sang, duquel la chair se puisse r'engendrer : & dessus la playe y mettras vnguens propres    cest effect : finalement appliqueras le bouton rouge, & luy feras escarre.

A l'epiphore de l'  il, qui est quand l'animal ne voit qu'a demy, soit d'un   il, ou des deux, le sang tir   au dessouz de l'  il amendela veue. Et quant au topique le miel luy seruira d'onction ordinaire & quotidienne iusques    parfaicte guarison. A ce mesmes profite le collyre de ceste fa  on : Myrrhe le poix d'un denier, fiente de crocodile demie once, sel armoniac demie once, os de setche autant, miel fin & du plus blanc deux gobelets, melle le tout ensemble pour en faire onction    l'  il malade.

A la grand lippitude & chassie qui vient avec continuelle affluence d'excremens tombans du cerueau : Pren myrrhe fine, des anapedes ou troglodites vne once, pierre olyb   ou encens fin, safr  , pierre de lydie ou de cypre, de chacun deux onces, melle le tout ensemble, apres que tu l'auras bien tremp   & abreueu   le tout d'eau de cistern  , & de vin cuit aut  t d'un que d'autre, miel fin & blanc autant que tu verras estre necessaire pour esp  sir, mets ton collyre ainsi fait dans vne fiole pour l'vsage.

Si par fortune ou quelque inconuenient de cheutte le sourcil se rompt, tu luy feras prendre de la casse, & mesmes luy appliqueras sur la partie, sinon pren de l'encens fin destremp   dans vn   uf, & l'applique sur le mal.

La composition qui s'ensuit donne remede    la cicatrice de l'  il, spic nard deux onces, sel armoniac trois onces, chalcinite, que lon appelle cadmie demie once, safr   vne once, poyure battu demie once, fais du tout pouldre bien succetrinee & passee subtilement pour l'vsage que tu scauras.

Au blanc de l'œil & à la taye ou cataracte: Pren os de seiche bien rasé, dix scrupules, safran deux scrupules, sel armoniac, myrrhe, fiente de crocodile de chacun deux scrupules. Autrement prendras du fort vin vieil trois poisons, getoffle vn quarteron, miel fin trois onces. De ceste decoction fais en collyre, & tu en verras l'experience apres plusieurs lauements.

Si la cataracte vient ou d'humeur adherente, ou de blesseure: Pren verniz ou sandaraque deux onces, os de seiche bruslé quatre onces, poyure blâc demie once, sel armoniac deux onces, du tout incorporé avec le miel fais en collyre.

La cicatrice dans l'œil se peut guarir en prenant de ton crachat ou salieue à ieun, ou sinon la retenant en ta bouche, & y adioustant du sel que tu lairras fondre, puis le pousseras avec icelle salieue dans l'œil que tu voudras estre guarý. Autrement, pren du gros sel & le pille avec de la semence de sennené, & l'applique sur la partie.

Le collyre, que lon appelle nardin, propre à toutes maladies inueterées de l'œil, se fait en ceste façon: Opopanax deux scrupules, violes deux onces, spicnard, casse, marrubium, de chacun demie once, & autant huile d'olive, poyure blanc six onces, gomme dragant cinq scrupules. Autrement, & plus court, melle de la coupperose & du sel gros autant d'un que d'autre, & le destrempe en vin aigre.

Autre composition singuliere, Rue quatre scrupules, encens fin, fiente de pigeon & de fouriz, huile, safran, miel, calamite ou tuthie preparee, huile rosat, de chacun quatre scrupules, melle le tout ensemble pour l'vsage.

Si l'œil du cheual pour blesseure, ou quelque coup, apres plusieurs applications de remedes se rend contumax à guariton, tellement que tu n'en attêdes que quelque gangrene & sphocele, & encores peril de la vie, il y faut proceder doucement, avec de la farine d'ers, de lupins ou de febues destrempee en huile rosat & deux œufs. cassez tous entiers avec le iaulne & le blanc, de ce tout en feras cataplasme en façon de collyre. Aucuns y mettent mussilage de semence de coing, fenugrec, lin, & psillium tirez en eau de fenouil, & en font collyre avec du miel fin. Nous trouuons encorés plusieurs autres façons de collyres que nous produitions en cest endroit n'estoit que

nous les auons estimez superfluz par ce qu'ils contiennent quasi mesmes drogues ou sont de pareil effect & operation.

Des auiues, escrouelles, gros gosier, & aureillons du cheual.

LE cheual forbeu, ou trop tost apres le grand trauail sans estre promené & deslassé engendre les auiues qui ne different gueres des escrouelles, par ce que tant aux bestes qu'aux personnes l'escrouelle procede de la trop grande froideur de l'eau, le gosier estant eschauffé. Aussi vient du naturel de l'eau mesmes, qui par sa trop excessiue froideur altere tellement le premier endroit ou elle passe, qu'elle fait le gosier gros & enflé, comme lon void aux personnes qui habitent les descentes des montaignes fort eminentes & hautes. Ce mal a plusieurs accidens, quand principalement il est negligé, & lors la beste tombe la teste deuant, comme si elle deuoit suffoquer. Il faut premierement faire fomentations chaudes & de choses propres sur la partie pour esmouoir l'humeur, puis appliquer cataplasme composé de farine d'orge & trois onces de resine le tout cuit à perfection en vin vermeil bon & puissant, & quand tu cognoistras que la matiere sera assemblee & prompte à maturation, il faut donner le coup de lancette pour la faire sortir puis en la caité mettre tentes & plumaceaux trempés en eau, huile & sel. Au demeurant entēdez bien à la dilatation de l'ulcere, & avec les medicamens cicatrisans (desquelz auons parlé cy dessus) referme & consolide la playe, par ce que le dāger est qu'en ceste partie il n'y vienne fistule par faute de bon traitement, ce que toutesfois aduenant, nous auons cy dessus déclaré les moyens d'y pouruoir avec le papier bruslé, & le collyre propre à cest effect.

Quand aux tumeurs des glandules du col, faut entēdre que depuis le col iusques aux fourcelles, le long du cuir, & par dehors en la beste ne sont que glandes qui en santé ne s'apparoissent autrement, en maladies s'enflent de façon que par fois elles apostument, qui n'est sans grand danger des poulains & ieunes cheuaux, & autrefois s'endurcissent & apres monstrent quelques petites ouuertures qui passent d'endroit à autre, tel-

lement que comme chancre cela deambule, & gaigne pays le long du gozier, ce mal est nommé les scrophules ou escrouelles, par ce qu'il semble se remuer & se mouuoir ainsi que les cloportes sous vne pierre en lieu humide. Mais quand la froideur gaigne cōme aux endroits des torrens, & descētes d'eaux des montaignes, lors non seulement aux bestes, mais encores aux personnes le gozier enfle iusques à tumeur difforme, auquel mal nous n'auons delibéré prescrire remede, pource que (principalement inueteré) on le trouue fort dāgereux. Quelquefois aduient que les glandes parotides & iugulaires qui font le long du col & iusques aux endroits des aureilles durcissent & font eminence & tumeur renitēte, toutesfois sous la main vacillāte ça & là sans aucune douleur, à quoy du commencement lon a de coustume obsister, en les frottant rudement & longuement avec de l'huile & de la poix grasse, mais il les faut traicter rudemēt entre les doigts, par ce moyen elles font resolution & se perdent, si que tu n'en as plus cognoissance: Mais si nonobstāt ces choses elles croissent & s'enflent d'auantage, le dernier remede, c'est de coucher le cheual, l'entrauer & lier en champ estroit, & fendre par le meilleur avec le cizeau ou lancette les glandules enflées & trop tumefiées, iusques à leur arracher legierement les racines: mais il te faut auoir ceste discretion de n'offenser le venes iugulaires d'alentour, qui sont nobles. Ce faict il faut entēdre à guarir les playes que tu auras faictes, & y mettre de l'huile avec du sel, & pour suyure la curation d'icelles par les medicaments cy dessus proposez. Quelques vns les ont voulu brusler, (q̄ ie ne reprouue point) pourueu qu'elles soyent encores tendres & petites, mais si elles sont dures & grosses, il ny a (selon mon aduis) autre remede que l'incision, & est ce remede tel que nous auons predict.

Les moyens de guarir les poulains & ieunes chevaux de haraz, ou nouuellement tirez du pastiz.

QUand le ieune cheual nouuellement amené du haraz fait les crocz & grosses dentz, la teste luy deult, & s'engendre enfleure avec matiere aux genciues, que lon dict ietter la gourme, Ce mal n'est sans tension de membrane, en sorte qu'il

mange & prent sa viande à peine: A quoy faut estre soigneux de maturer ce qui est tumefié par le moyen de cataplasmes & cerceles, puis l'ouurir avec la lancette, & apres que la matiere en sera hors frotter les genciues avec de l'huile du sel & du vinaigre.

Pour retourner au premier propos des glandules il en y a d'aucuns qui veulent & conseillent mettre le feu & bruster les endroits avec le cautere actuel, esquelz elles estoient, puis les lauent de sel & d'huile l'espace de huit iours entiers, ou bien avec du nitre destrempé en eau chaude, & si tu as faute de nitre ou salpêtre: Pren de la lessive tiede, ou de l'urine, puis y metz en fin de guarison du vin & de l'huile, dans lesquels sera destrempée farine d'ers ou de lupins: L'espace de trois iours, & pour le dernier, lon prend vin, huile, miel, & farine d'orge ensemble, aucuns soustiennent que le medicament de lice ou appelé licium guarit vniquement toute playe. Apres que les escrouelles, parotides, ou auives sont ostées & enleuées, encores disent que la pouldre d'escorce de grenade seiche, ou encores toute la grenade subtilement battue guarit promptement telz vlceres.

De la fistule en la bouche du ieune cheual.

MAis il aduient aucunesfois que ce mal traicté trop rudement & indiscrettement engendre fistule dans la bouche du cheual. A quoy pour remede: Tu prendras du papier blanc & net & le mettras tellement dans la fistule que la plus grand part luy demeure en la bouche, & pour luy retenir tu le contraindras avec linges ou charpie: bien estât soigneux q̄ de trois iours riens n'en parte: le iij. iour tu tireras ton papier, & y mettras leans collyre de la longueur & cavité de la fistule, & le contraindras par ligature, si que la maschouere demeure en liberté, & que le cheual puisse prēdre & tourner sa viande à son aise. Le tiers iour tu desbāderas, voyant la fistule & l'escarre tūber tu luy appliqueras sept iours suyans de l'vnguent traumaticq. c'est à dire propre à cicatrizer, pour dernier remede & paracheuer de cure, vseras du collyre composé de miel & farine d'ers ou lupins cuits ensemble & bien depurez. Et ce reitereras par

remarque

plusieurs iours, iusques à ce que la cavit  de la fistule soit remplie & reduite   l'vny. Pour dernier tu appliqueras sur la playe ce sarcotic, ou anapleteri  qui tantost te remplira la cavit  de chair nouvelle & le c tinueras iusques   ce que mieux en soit   la beste,anis vn once, ferule ou turbith d'Espaigne, coupe-rose, batture de chaux de chacun vne once, avec autant de sem ce de cumin: de tout ce fais en pouldre, laquelle tu dissoudras en fort vinaigre & selon la qualit  ou malignit  des vlc res, quand besoin sera tu en formeras des collyres.

De toutes fistules en general.

CE que lon appelle fistule, est quand le nerf, tendon cartilage ou los, sont blessez ou alterez de l'humeur contagieuse, & veneneuse continuellement y affluente par l'imperice & mauuaise cure ou traictement de celuy qui au parauant aura pens  la playe, en quelque endroit du cheual qu'elle soit, principalement vers la teste, les cuisses & les iambes, & encores   l'endroit des genitoires: que lon nomme le fil, qui ne se guarist iamais sans feu: c'est   lors que l'affluence de ceste humeur susdicte, fait comme vne taignerie dans la playe, qui s'endurcit & reduit en callosit  malais e   gouverner: Si la fistule que lon peut nommer canal, ou retraicte de l'humeur pecc te n'est du tout extirpee: car autrement si elle est endurcie, & a d n  cours   l'humeur, iamais on ne la peut consolider ne reioindre au moyen de l'affluence qui leans coule perpetuelement.

A ce mal plusieurs autheurs, & singuliers praticiens en cest art ont diuersement oper . Les vns ont est  d'aduis de totalement ressecquer & couper le mal. Les autres conseillent de l'ouurir & descharner avec le ferrement propre   cest effect, & leans appliquer medicaments forts & aigres, pour consumer l'excrecence, puis fermer la playe & la consolider par autres medicaments   ce dediez & propices: qui ne se fait sans grand peine & peu de ressource ou profit. Autres pour le plus abr g  & expedient si la beste le peut endurer, appliquent les boutons de cautere actuel, desquelz ils brulent & exterminent toute la fistule entierement, & encores pour plus grande seur t  brulent & consum t les parties circ uoisines interessees,

  fin

à fin que la callosité leuee par le moyē du feu, les vlcères soient incontinent remplis de chair à l'aide des medicaments incarnatifs: toutesfois q̄ le meilleur me semble curer la fistule susdictē avec le papier trauersé en la façon que cy deuant auons descrit: car par ce moyen lon ne donne peine ou trauail à aucun nerf, vene, ou cōmissure: ce qui n'aduient pas du rasouer au cautère, qui le plus souuent font le mal plus grand & perilleux. Pour le surplus de la perfectiō de ton entreprinse, tu vseras du collyre cy deuant allegué, & le continueras tant que mieux en soit: car il a ceste vertu d'extirper du plus profond toute la callosité de la playe. Vray que si l'os est tellement offencé qu'il le faille effolier, riens n'empesche que la section ne se face: mais encores apres tout ce q̄ dit est, fil demeure quelque squille ou reste de tendon, nerf ou carnosité conformede, riens ne se trouuera plus singulier que ce collyre reduit en pouldre, de laquelle feras frequens sinapismes & iniectiōs. Ceste pouldre en general sert à toutes playes & bleseures.

De la squinancie des chevaux, & enfleure tant à la teste, à la langue, qu'au gozier d'iceux.

A Vtant se trouue subiect le cheual à la squinancie, qui est le mal du gozier, comme les autres bestes, & mesmement les persones, qui leur vient ou de trop grande abondance de sang subtil, qui facilement apres le long hannir au trauail, enflambe les muscles du larynx extérieurs ou intérieurs, ou bien par l'affluēce du sang en ceste partie, apres auoir esté trop trauaillé, & vsé de viādes chaudes & alteratiues, en sorte que par la tumeur qui suruiēnt les bestes entrent en courre aleine; & ne peuent prendre ny viande ne boire quelconques. A cela lon a de coustume fomēter toute la bouche, & la langue avec l'eau chaude; puis la frotter du fiel ou amer de taureau. Et quāt au breuuage, faut prēdre huile vieille deux liures, vin vieil vn poisson, dans le tout tu melleras neuf figues grasses avec neuf testes de poreaux, destrēpe bien le tout ensemble, puis en fais decoction, à la fin de laquelle deuant la colature tu adiousteras du nitre d'Alexātrie bien broyé ce que verras estre necessaire, du tout bien passé tu en feras breuuage, duquel entōneras en la bouche du cheual avec la corne, deux fois le iour, soir

& matin, vn demy septier pour fois, à ce que par ce moyen l'asperité de la tumeur soit relaxee & abbatue. Et pour son manger fais luy prendre de l'orge ou vesse en vert, ainsi qu'auons dit cy deuant : ou sinon de la farine d'orge, dans laquelle tu mesleras du nitre. Et quant au foin, si tu luy en fais prendre, fais que ce soit du plus tédre & mollet : encores trouuerois ie bon que tu l'enroffasse d'eau ou lon y eust meslé ou destrempe du nitre ou salpestre: si tu luy tires du sang, ce sera du palais en necessité. Et pour derniere purge, qui luy auallera les ordures accueillies durant sa maladie : Pren du nitre bien pillé & criblé, dans lequel tu destrancheras pouldre de racine de concôbre sauage, dit asinin, & le tout mesleras en fort vin vieil, fais en breuuage & le presente au cheual.

L'enfleure qui vient à la teste, à la langue, ou à l'entree du gozier se guarit en autre façon par l'opinion d'aucús maistres & autheurs bien experts: encores qu'icelle enfleure en quelque part que ce soit se fust endurcie, ils prennent soudainement, (car ce mal ne donne gueres d'attente) des morceaux de pierre de meule à moulin, quand elles ont esté bien eschauffees les iettét toutes ardentes l'une apres l'autre dans vn vaisseau plein de lessiue forte, qu'ils mettent souz la teste du cheual bien emmufflee de toutes parts, si que riens de la vapeur ne se perde, & que le cheual ait tout entieremēt receu par forme de parfum ou estuue seiche : encores le baillonnent-ils assez doucement, pour faire que la vapeur penetre plus aisément dans le gozier. Et apres auoir continué longuement ceste euaporation, tu luy feras telle fomētation ou friction pour deterger & nettoyer: Pren eau salee, c'est à dire marine : ou sinon iette du sel dans de l'eau douce, & le fais fondre leans, en y adioustant du fort vin aigre sur la fin, & de ce tout laue luy en bien fort & longuement toute la teste, & principalement la bouche, les genciues, & iusques au gozier en dedans: finalement tu dissoudras bouze de taureau ou de vache en fort vin aigre, de ce tout feras cataplasme, duquel proprement estendu sur le linge tu embeguineras ou emmuffleras toute la teste du cheual iusques au dessouz du neu de la gorge, & le lairras ainsi reposer, apres que tu luy auras offert pour nourriture de la farine d'orge en suffisante quantité destrempee en eau tiede.

Mais si la plénitude du sang au cheual trop nourry, & tel que lon dit pletorique, est cause de l'enfleure avec inflammation à l'endroit des gēciues & du gozier (ce q̄ tu cognoistras, si par la tension des venes & membranes il commence à estouffer & suffoquer, & que les yeux luy enflent avec rougeur au dedās,) alors l'extreme remede est de le saigner promptement souz la langue, si la tumeur y est plus grande, ou des tempes, si c'est là, que le mal plus se remonstre: au demeurant tu luy feras vn la- uement de toute la teste en general avec la croye fine, ou terre à lauer fort destrempee en bon vin vermeil, en y adioustant la tierce partie de croye noire, puis en faire cōme dessus, lors que la teste sera bien frottee & eschauffee.

Des tumeurs & enfleures, avec inflammation, ou
sans icelle, qui en general viennent par tout
le corps du cheual.

LEs eminences ou tumeurs, qui naturellement viennent & apparoissent du dedans du corps aux diuers endroits exte- rieurs d'iceluy, causees ou de corruption d'humeurs, ou def- fort, ou autremēt reçoient par l'opinion des anciēs auteurs Grecs diuerſes appellatiōs selon l'humeur dont elles sont en- gendrees, ou de la façon d'icelles, ou biē de la matiere qu'elles contiennent, cōme lon appelle le ſtechatome, pource qu'apres qu'il est creué, il en sort façon de gresse, ou de glaire comme d'œuf. La meliceris cōtient cōme vne façon de chair espoilsie & cōglobée, ou extraordinairement cōcree telle qu'il se trou- ue au dedās des verrures. L'aneurisme est dilatatiō de la vene ou artere avec tumeur dās laquelle ne se trouue autre cas que du sang caillé, d'agerenx toutesfois à toucher & vacuer, pour- ce que l'artere & le nerf y consentent, dont le mal se rapporte bien tost au cuer ou au cerueau. Si dangereuse n'est point la varice, que lon dit vene rompue ou dilatee, laquelle faci- lement & dextrement on peut couper avec le cizeau ou le feu bien subtil. Dans ce que lon appelle l'acterome, riens n'y a que comme vne matiere farineuse leans assemblee. Le ganglion appartient aux glandules, tendons & nerfs redou- blez, & comme par chaleur extérieure ou intérieure retraits & repliez: puis à trait de temps endurcis & renduz comme

insensibles & immobiles. A tous ces maux vne seule curation ou remede satisfait, qui est l'incision apres que tu auras lie, bade & couché le cheual à ton apoinct: & feras ceste incisiõ avec la sagette, qui est la flâmette, ou bien avec la lancette tournée à droict, & à gauche, & en long & trauers, selon la mesure & grosseur ou dilatation de ladicte tumeur: & faut si dextremement faire ceste operation que la moyene raze du cuir qui est sur la tumeur ne soit offêcee: car la tumeur est tousiours au dessous, & ce qui la couure est mendeux & contre nature, que tu ne dois redouter ne differer à entamer hardiment. L'ouuerture faicte, ton intention sera vacuer ce que leans estoit contenu, & mondifier tresbien le dedans, puis reestabli la partie, & la cicatrifer. Le tout avec les medicamêts & ynguents qu'auons cy dessus alleguez.

A la langue refendue.

LA langue du cheual par estorse du chartier en le battât sur la teste, & luy leuant les maschoueres en amont, ou quand le cheual mange de trop grãde force, ou quãd les crocs de luy ou des autres siens compaignons l'offencent à outrance, se sent tellement, qu'il se fait ouuerture ou au long ou au trauers d'icelle. Si cela t'apparoist quand il la tirera, comme te la voulant môstrer, & la laira pendre en abas comme par desdaing, tu mettras peine à la recouldre à petits poincts avec l'esguille, puis la feras tresbien lauer avec du vin vermeil, & sur la cousture apres le lauement tu y sinapiseras de la pouldre de galles subtilement broyee, pendant qu'il se guarira. baille luy à manger foin mollet, battu à profit, si qu'il ne le faille gueres tourner ou remuer en la bouche. Et au lieu d'orge ou d'auoyne, baille luy du son destrempé. Aucuns en y a, qui apres la cousture & le lauement fait avec le vin, ont esté d'auis d'y mettre du miel fin par dessus, que ie ne trouue point mauuais: car cela purge & nettoye la playe. Et au lieu de la galle ils ont trouué meilleure la pouldre d'escorce de grenades bien cicottinee & subtilement puluerisee.

Du mal des genciues & des dents.

POur cognoistre quand le poulain dentit, les genciues luy enflent, il ne fiente que l'auoyne ou l'orge entiere, & com-

me les deuorant, n'en fait compte, combien que pour tout ce qu'on luy puisse faire, il amaigrit & deſine de iour à autre, ne requiert qu'à boire, & tourne la teſte du coſté vers celuy qui le penſe, iuſqu'à l'inciter d'un doux pouſſer de teſte à luy donner ſecours: qui luy vient de la perte & delaiſſement de ſa mere. Contre cela tu deſtreperas de la croye la meilleure que pourras recouurer, fuſt-elle de Reins, en bien fort vinaigre, & de ce luy en froteras les maſchoueres par dehors & plus à l'endroit ou il ſe reſent. Aucuns confeillent froter les genciues avec de la pouldre d'eſcorce de grenades ſeiches, mais c'eſt apres le laticement, & que la boue ou la ſanie de la genciue ait fait yſſue. Il ne faut doubter que ceſt inconuenient ne tombe aucunes fois aux plus dreſſez & exercez, quand par trop grande ſueur & travail, encores qu'ils ayent eſté bien perez, il demeure quelque reſte qui de longue main ſapoſtume & enſe la genciue ſus & ſoubs. Auquel mal pour guarriſon les meſmes remedes profitent qu'aux ieunes poulains nouveaux extraictz de la compagnie. Et ce prouient aux parcreuz, & à dreſſez & accouſtumez au travail quel qu'il ſoit, à cauſe de la deſfluxion ou catarre qui du cerueau tombe (par la negligẽce du palefrenier qui n'aura pas bien ferme la fenestre) ſur les endroits communs, auquelz le cerueau prent fort ſa deſcharge ordinaire.

De la diſlocation des vertebres du col aux ieunes poulains & ieunes cheuaux.

A Inſi qu'aux ieunes enfans (ſi la comparaiſon eſt receuable) par trop euidentement engloutir le laiſt ou la viande, le nucque du col (comme toutes les autres parties, eſtant encores tendre, principalemẽt à l'endroit des premieres vertebres) facilement ſe deſioinct. Au tant eſt-il des nouveaux poulains freſchement tirez du haratz. Ce mal ſe nomme fourchette ou fourchon. Et encores ſouuent aduient que quand le cheual eſt demeure entors du col, nonobſtant qu'il ſoit reduit par bon artifice, ſi eſt-ce que ſouuent il retombe en ſon premier eſtat. A cela faut fomẽter, puis appliquer emplaſtres aſtrictifz apres que la partie ſera reduite en ſon lieu, ſeuſt ce vers la maſchouere inferieure: & uſer, ſi le mal pourſuit (cõbien qu'il doit eſtre

bref) d'emplastres de mastie & poix noire estenduz sur le cuir avec le pilon chaut, puis pour le dernier feras frictiō sur la partie avec de l'huile & du vin.

De la fracture.

IL n'y a si bon cheual qui ne choppe, or en ce chopper soit sur pouldre ou sur paué, il aduient quelquesfois que par la cheute le cheual ne peut plus faire son deuoir, & demeure comme estropiat & boiteux. Noz mareschaux appellēt ce mal entors, & fracture, aux remedes duquel mal sera procedé en ceste facon: Tu fomenteras l'endroit que tu penseras estre offensé, avec l'eau chaude, puis trempe vne bande bien deliée en huile & vinaigre, de laquelle tu banderas vne partie premierement, puis l'autre apres, & apres ce tu les reduiras serrement l'une cōtre l'autre selon que penseras estre raisonnab'le par le premier ordre naturel, puis sur la premiere ligature de ta bāde, tu mettras vne esclisse biē tenue ou subtile pour tenir subiecte la partie qu'elle ne reuienne à sa dislocation, ou solution premiere: & retourneras la bande de rechef par dessus l'esclisse, si que celle luy serue cōme de beguin pour toute la teste. Et ne luy presenteras le repas sinon quand tu leueras ton appareil pour le rafreschir, & lors avec la main tu luy conduiras la viande bien doucement dans la bouche le plus auant que pourras par bon iugement, & pendant que tu tiendras la dislocation ou fracture cōtrainte de ceste main, tu luy presenteras le picotin de l'autre, dās lequel y aura de la farine d'orge meslec avec du son de froment, & ayes la patience de luy tenir tant qu'il n'en vueille plus, puis luy presenteras son eau à boire en suffisance. Et si tu voy qu'il n'ait assez mangé, presente luy du iust de ptisane qui est l'orge creuee, & encores estāt dās son eau ou elle aura boullu, puis en fin tu le rebanderas & traitteras comme dessus. Cest appareil cōtinuant iusques à quarante iours entiers, ceia le remettra en son premier estat de santé.

Du flux de sang par les nazeaux & le palais.

PAR heurt, ou tūber, ou auoir esté battu, au muffle, le flux de sang affluant aux nazeaux coule de telle fureur que du pre-

mier lon ne le peut arrester. Pour remede tu prèdras vne grosse espōge masse ou d'Afrique, & trèpee en vinaigre & pouldre d'encēs fin l'appliqueras aux nazeaux, ou sinō tu feras pouldre d'vne partie d'icelle espōge, de laquelle meslee avec l'oliban susdict tu sinapizeras & pulueriseras la partie, ny aura riēs mal y adiouster du fin bol, & du tout destrempé avec le sang & de l'eau rose en faire cataplasme. Aucūs y adioustēt l'aubin d'œuf ou le blāc & le iaulne ensemble. Si tu apperçois que les cartilages d'audessus des nazeaux se resentent de rupture, ou qu'ils soient cōme souuent aduiēt froissez & vulnerez, mets de cest appareil avec le doigt le plus auant que tu pourras atteindre & cōtinue iusqu'à fin de cure. Aduiēt aucunes fois que pour quelque maladie, qui necessairement requiert la saignee du palais ou soubs la langue, la leuee se fait si large que le sang ne se peut restraindre ou arrester, là tu entendras à mettre ton espōge cōme dessus a esté dict, & l'appliqueras iustement au lieu de la naureure, en redressant tellement la teste du cheual en amont qu'il ne la puisse si fort baïsser, puis luy feras baïssiner à belle eau froide & du puis, le cerueau, les reins & les genitoires: si cela ny fait si tost que tu pourras desirer, pren acacie noire & la mesle avec de l'oliban en pouldre, autāt d'un que d'autre, & du tout destrempé en fort vinaigre, fais-en laüemēt pour baïssiner à froit bien doucement toute la teste iusqu'à ce que le sang s'arreste.

Est aussi à entendre q̄ le flux par les nazeaux viēt quād après longues courses, galops, & carrieres les venes du cerueau (principalement en tēps fort chaud) souffrent si effrenément qu'on ne les peut soudainemēt rectorre. Les anciēs veterinaïres nōmerēt ce mal cuferin, faut à cela baïssiner tout le corps du cheual avec l'huile & le vinaigre, & l'establer en lieu moitte, auquel il sera bien couuert & serpillé par tout: luy faut baïller paille & viande fresche, & outre luy faire avec la corne tumber dans le nazeaux vne once de iust de roquette, ou au lieu d'icelle de la sabine que lon nōme Aristoloche avec le lait de vache: aucūs y adioustent du safran iusqu'à demie once, ainsi dōnce par les nazeaux avec du vin doux. Les autres se contentent du iust de coriandre verte. Ce n'est aussi sans grand & prompt danger quand la vene coupee au palais ne se peut rectorre par quelque remede que lō luy face. A cela pour dernier secours ny a autre

moyen qu'en tenant subiette & bien hauee la teste du cheual avec le gros cheuestre luy donner le feu actuel bien dextremement à l'endroit de la vene ouuerte. Autre remede pour le flux des nazeaux, qui ne se veut arrester par communes applications, fais luy entrer par les nazeaux la teste hauee encheuestree & contraincte, du iust de coriandre verte. Ceste froideur naturelle de la coriandre estoupe soudainement la vene. Autrement brule du papier & de la laine ensemble, & avec le tuyau de plume souffle luy en dans les nazeaux.

Comment il faut cognoistre la qualite de l'ordure qui tombe des nazeaux.

PAR la discretion de veoir quelle ordure tombe des nazeaux du cheual, lon iuge plus asseurement l'espece de la maladie d'iceluy, qui est le premier & principal moye de luy donner remede & guarison. Or entes que l'humefr clere n'est que naturelle & ordinaire à la beste, & pour n'estre point du tout si liquide n'en faut auoir autre soupçon. S'il est glaireux cras & espes, il tombe du cerueau par catarre, & demostre que bien tost & sans delay faut entendre à la teste. Quand il est rouger, cler, & froid en la rougeur, cela demonstre la morfonture de long temps causee & engendree. A quoy faut eschauffer le cheual par medicamens carminatifz & breuuages cordiaux & cephaliques. S'il est comme demy bleu ou fanne, & quelquefois tirant sur le iaulne verdoyant, cela denote que les parties des entrailles ne se trouuent bien: car il procede du coffre & du vêtre qui n'est iamais sans suspicion de fiebre à laquelle faut par medicamens obfister & sections de venes conuenables, selon l'age le temps & la force de la beste. Quand il sort comme espez escumeux & passe, il vient du dedans des poulmons, & denote la courte aleine. Auquel mal est bien difficile donner remede parfait, qui ny va bien à teps & soudainement quand le mal n'est point encores cõfermé. Celuy qui est de couleur come de febre, procede des glades du cerueau, du col ou autres, auxquelles faut entendre diligemment, ou par le ferrement, ou par le feu, comme dessus auons descrit.

Mais quãd il y a doute du Polypus qui est vne maniere d'ulcere chãcreux dans les nazeaux, menassant pis à traitte de teps, & quel.

& quelquefois mort soudaine. Cela se cognoist lors que l'eau qui tombe du nazeau est fort humide & rouffastre, & encores plus quand l'alene luy est si courte qu'il ne la peut auoir qu'à grand peine, comme si continuellement il deuoit estouffer, & sans cesse ronfle la teste baissée & courbée en terre. Aucuns coupent le polype avec le ferrement, puis y mettent les onguents & pouldres propres aux vlcères qui demeurent apres les incisions. S'il est bien profond, le singulier remede est le cautere de plomb qui soit plat & carré, & non en bouton, duquel souuēt faudra brusler & dōner le feu à la partie offencée.

Quand le cheual est entrepris des nazeaux,
& parties de la bouche.

SI le cheual est entrepris des nazeaux & de la maschouere, qui lors apparoit comme torte, il ne pourra qu'à grand peine retordre & remuer le foin ou autre mègeaille dans la bouche, par l'abondance de l'humeur que tu trouueras en icelles parties, mesmes à l'abreuvoir, il plongera la bouche iusques au dessus des nazeaux dans l'eau, pour l'imbecilité des parties qui doiuent faire attraction du boire, parquoy lon a de coustume luy frotter fort & longuement toute la langue & la bouche, mesmes les nazeaux avec du sel & du vinaigre, iusques à faire saigner & escorcher doucemēt ces endroits. Le tiers iour, si le mal ne samende, tu appliqueras le cautere potentiel, c'est à dire sans feu (duquel tu trouueras plusieurs receptes au quatrieme liure) sur la partie que tu apperceueras estre la plus interessée, en luy liant premièrement la langue, & la tenant tellement subiecte, qu'elle ne puisse sentir aucune portion de ce mal. Si tost que tu verras les leures de la beste faire escarre & estre bruslées de la force & violence du medicament, tu laueras la partie avecques l'eau tiede, puis la bassineras bien soigneusement avec l'huile & le vin, comme tu as coustume faire à tous vlcères: par ce moyen ta beste guarira.

Mais si la maschouere est torse & entreprinse, tire luy du sang des tempes de la partie offencée, puis tu prendras vne bouze de bœuf, ou de vache, & la feras fricasser en fort vin aigre assez longuement. Ce cataplasme appliqueras aux endroits des tempes desquelz tu auras tiré le sang: & ce renouueleras par plu-

seurs fois tant & si longuemēt que la partie soit du tout guarie & desicchee. Finablement pour dernier remede, fais luy aualler ce breuuage avec la corne: Pren germādre, autrement chamedree, ou trissage, hysope sauuage, origā, serpolet, sabine ou aristoloche longue, mauue, safran, de chacun portion egale, pille le tout ensemble, & le passe par le menu crible: de ceste pouldre tu luy en feras tous les iours à ieun receuoir par le nazeau gauche vne bonne cuilleree destrempee en vin, huile & eau de miel, si que le tout retourne à vn bon demy septier ou plus: cela cōtinueras tous les iours, iusques à parfaite guarison.

De la dexterité qu'il faut à phlebotomer, principalement à la teste du cheual.

POurce que selon les maladies qui suruiennent lon tire le plus de sang & plus souuent des endroits de la teste du cheual que d'ailleurs, ou que la partie est dangereuse à toucher, il te sera bon sçauoir la dexterité que tu dois tenir en ceste operation. La beste que tu auras fait ieusner de viande & de boire sera situee en lieu bien vny, & luy feras tenir subiect le col & toute la teste, si qu'elle ne puisse vaciller, & mesmes assubiectionas tellement les iugulaires souz les doigts de celuy qui t'aide que l'apparence en soit suffisante. Aucuns estraingnent doucement le col avec vne seruiette grosse pour faire tumefier le vaisseau que voudront toucher. Souz ta ligature tu deprimeras la vene, qui te sera apparente avec le poulce de la main senestre, qu'elle ne puisse iouer, puis tu luy donneras de ta lancette ou flammette si legierement que tu ne profonde gueres & faces moyenne leuee en trauers, toutesfois comme veulent les bons autheurs. Et pource que tu apperceueras deux venes & rameaux notables descendre du sommet de la teste & s'assembler & ioindre depuis les maschoueres iusques au gosier, tu mettras ordre de toucher enuiron quatre doigts souz la bifurcation, que te garderas bien de naurer sur peine de faire mourir la beste. Tien si mignonement ta lancette entre les deux doigts de la main droicte, que riens ne sorte d'icelle que ce que tu voudras enfoncer & profiler: & de tō doigt meilleur, soubleue ta main comme suspendue, à fin que riens ne se profonde trop auant: car il ne faut (comme dit est) profiler

qu'autant de la pointe que tu tiendras subiecte entre tes deux doigts:& voila comment tu toucheras dans la bouche & aux tempes,ou parties adiacentes.Mais si le sang ne vient en abondance telle que tu requiers, fais que le cheual mange du foin ou autre viande, à fin que par la fréquente motion & agitation de la machouere le sang sorte plus librement.

Si le cheual a le col tors.

PAr mauuaise accoustumance le cheual porte quelque fois si mal sa teste, qu'il semble auoir le col cōtrefaict & tortu, qui luy aduiēt aussi par la dislocation d'aucunes des vertebres du col,ou d'une seule d'icelles. Le moyen d'y pourueoir c'est, de coucher le cheual en lieu plat, & luy faire pancher la teste seulement, cōme dans vn creux de fosse faicte au propre, en sorte que tu luy puisses manier à ton apoint toutes les vertebres l'une apres l'autre, & les reduire & remettre chacune en leur endroit, fais onguent de vieil oingt bien passé & coulé avec de l'huile, qui aussi soit vieille, & de ce tout frotteras entierement tout le col iusques au gosier: puis l'enveloperas de laine à tout le suif trempee & infusée en vin & huile meslez: puis laissant la laine dessus la partie, enveloperas tout le col avec vne large & longue bande, assez toutesfois deliée, que tu feras tremper & mouiller en vin & huile, puis sur le tout mettras des esclisses bien ioinctes & appropriées qu'elles ne puissent nuire sus ou souz, en sorte qu'entre deux tu y mettes du linge, en façon de charpy. Si c'est en esté, tu luy baigneras la partie quatre fois le iour: si c'est en yuer, deux fois tant seulement. Tu lairras les esclisses cinquante & vn iour: apres lequel temps tu les defferas, puis ne cesseras de faire onctions & embrocations comme dessus à la partie, iusques à ce qu'elle ait recouuert son bon point. Si cela dure long temps, & qu'il ne puisse si tost reuenir, il te faudra gouuerner le cheual par bon regime:& le cōtinuer assez longuement.

Des escrouelles & auiues au col du cheual, que les anciens nomment malandreës.

LEs escrouelles, comme aussi les auiues, viennent au col du cheual par morfonture tant naturelle comme acquise en

l'estable, ou à cause de la trop grãde froideur des eaux, ou bien que le cheual auroit esté souuēt fortbeu, ou abreueu à chaut. L'extreme remede à ce mal, est de leuer les tumeurs engendrees de ceste froideur, par cauterer actuels, de façon & dextérité telle, que pour le premier acte, tu ne faces que descharner à main legiere, & comme suspendue en l'air, iusques à ce que tu voyes les venes qui sont au tour des glandules interieures ouuertes, & rendre le sang: sur ceste ouuerture tu appliqueras soubdainement ton cautere, si que le flux soit du tout arresté, en te donnât garde faisant ceste operation de tant profiler, que tu faces tort aux tendons & nerfs subiacens, qui ne seroit sans le danger de la beste, tu frotteras puis apres le lieu avec le vieil oingt, & le banderas tresbien par tout, qu'il n'y ait que la veue & la bouche franche: mais le plus serré sera à l'entour du col. Le iour d'apres tu luy appliqueras vn cataplasme, & l'autre iour suyuant tu leueras l'appareil, & les bandes, puis feras laouement à l'esponge avec de l'vrine chaude, en y adioustant du vinaigre: & finalement pour entendre au dedans, tu luy feras prendre du diapente, ou autre medicament propre, dont tu as les receptes cy deuant. Voyant le poil reuenir, fais pouldre d'une teste de chien bruslee & consumee au four, & avec du sain doux reduis le tout en onguent, qui seruira beaucoup à la renouation du poil, & decoration d'iceluy.

Des apostemes du col.

IL se fait tumeur extraordinaire le long du col du cheual causee de la descente des humeurs corrompues au cerueau de la beste: a laquelle, pour prédre garde, il faut deuant qu'entendre à la vacuation, faire maturer l'apostume, & attendre qu'elle soit presté à percer: alors la tumeur sentira mauuais, & apres le maturatif, se fera ouuerture en plusieurs endroits du col: & là tu mettras peine de bien considerer les pertuis ouuerts, quelz ils seront: & si l'humeur qui en sortira est noire & liquide, qui est signe tel que peu qui l'ont en rechappent. Les signes principaux de ce danger sont, quand il siffle de la poitrine & luy tombe de l'humeur claire des nazeaux. Le remede en est, Pren du marrubium & du sel gros pillez ensemble, & en remplis les vlcères & cautez, & au dessus de tout tu y appliqueras.

rel cataplasme que verras estre commode à ce mal. Et si tu sens quel l'endroit le puisse souffrir, tu feras ouuerture par ferrement, telle que l'humeur en puisse partir abondamment. Le tiers iour d'apres, tu laueras l'endroit & le bassineras avec de l'vrine chaude, puis entendras aux medicamēts qui font reuenir la chair, & guarissent la cicatrice, y mettant par dessus force charpy & plumasseaux de linge net. Le medicament se fera de ceste façon: Farine d'ers ou lupins quatre onces, ireos de florence deux onces & autant d'encens fin, du tout ensemble tu feras medicament cephalic & incarnatif, duquel tu vseras iusques à fin de cure.

Du cheual espaulé, & apostemé vers l'endroit des espaulles.

LA trop grande violence ou en carriere, ou au trop longuement & rudement promener & galloper le cheual, quand d'auēture il est chopeux, & le cheuauteur mal adroit à le soutenir en bride, sans obmettre le traict de la lāce, faict qu'il s'espaulle en tombant, & se desnoue tellemēt qu'il ne va plus qu'à trois. Le negligent palefrenier n'en tenant autre conte, laisse gaigner le mal sur la beste, en sorte qu'il se fait aposteme, sous le palleron, encores que quelquesfois il prouienne de morfon-ture. A cela faut que tu entēdes en toute diligēce qu'il ne fac-cueille aucune humeur glieueuse entre les tendons & la boette, si tu l'apperçois, & qu'il y ait lieu propre sur lequel tu puisse faire tes applications. Premièrement il te faudra amollir la partie propre & conferente, avec cataplasme, à ce que tantost tu puisses faire ouuerture du rasouer, ou du cautere actuel, ou potentiel pour faire partir la matiere laquelle du tout euacuee tu guariras la cicatrice par telz medicaments qui ont esté ample-ment descritz au precedēt. En ceste operation il aduient quel-quefois par mal ouurer ou trop soubdainement toucher, qu'il se faict entre les tendons vne sinuosité se reduisant à cauité in-terieure qui n'est aucunement à negliger: mais bien faut soi-gneusement empescher que le cautere, ou le ferrement passe plus auant: & ce qui reste à guarir il te conuiendra gouverner ce mal plustost par choses seiches que moittes ou humides: car

route humidité en telles inflammations, fait augmenter & distiller les humeurs. Apres tous les susdictz remedes, la playe estant recloſe, pour sigiller & mieux confermer la partie, faudra yſer encores du caustique.

Au cheual eſſancé, eſſanché, ou desboetté.

LE cheual refoullé du train de derriere, ou pour auoir trop couru la lance, ou autrement. Le mal estant encor recent, il le faut phlebotomer du milieu des flancs, de tous les deux costez: Et du sang qui sortira meſlé avec pouldre d'encens fin, en faire charger les deux cuiſſes, & entierement toute la crouppe, & si les venes te semblent trop couler, pren de la fiète du cheual meſmes, & avec dudiſt sang & vn peu de vinaigre, fais-en cataplasme pour appliquer sur la partie que tu banderas si estroictemēt qu'il puis tenir. Le iour ensuyuant tu reitereras la ſection des meſmes venes & regimer le cheual de ceste façon, ne luy bailleras trois iours durant que du foin ſeulement ſans autre viande, encores petite quantité, puis tu pilleras trois poireaux & meſſeras le iuſt dans vn demy ſeptier d'huile d'oliue, & luy feras prendre à la corne. Le ſixieſme iour (ou peu apres) tu le promeneras doucemēt, & aſſez longuemēt, puis le gayeras & le meneras iuſques aux plus creux de l'eau pour le faire naiger, & à l'eſtabler tu le banderas à l'eſtroit, & luy mettras compresſes sur la partie, apres toutesſois l'auoir tresbien bouchonné & eſſuyé par tout. Deux ou trois iours apres tu le remettras à la viande accouſtumeé, & le feras cheminer plus roide, pour veoir cōme il ſe portera. S'il ſe deult encores tant ſoit peu, il te le faudra baſſiner à beau ſoleil, avec du vin & de l'huile attiediz & meſlez enſemble. S'il ſe deult encores d'auātage, applique luy des ventofes sur les flancs, avec ſcarification aſſez profonde: & pour le cheual eſpaulé, il le faudra cornerter depuis le commencement des crains en abas: en ſe gardant de ne toucher tendon, nerf, ny cartilage. Aucuns luy frottent puis apres l'endroit, ou la lancette ou raſouer auront paſſé, avec du ſel & de l'huile. Le iour ſuyuant tu luy feras vne eſtrainte de ceste cōpoſition: Pré ſemole ou gruyau deux bōnes poignes, ou au lieu de ſemole pren du froment en pareille portion: de-

strempe les en fort vinaigre & trois aulbins d'œufz, en y adioustant demy once, pouldre d'encens fin : pestris le tout avec la main, & en fais charger les flancs du cheual, iusques à la croupe, & n'oublie à luy bassiner tous les iours la partie avec de la decoction de graine de foin, puis luy applique de rechef le cataplasme cy dessus escrit, & apres que tu l'auras leué, fais le bassiner avec le vin vermeil. Tu le pourras encores oindre de ce ceroesne, graine de laurier demie liure, huile d'oliue, poisson & demy, bõ vin vermeil demy septier, nitre ou salpestre trois onces, apres que tu auras pillé les grains de laurier, avec le nitre & de la cire tant qu'il en faudra, fais en ceroesne ou onguent, duquel tu frotteras la beste au soleil longuement & bien fort, apres que tu luy auras bassiné la partie offēcée, fais gayer le cheual en gué profond iusques à le faire naiger deux ou trois fois: S'il se deboetté ou escuissé de rechef, tu luy remettras la partie avec le rouet, puis feras par remedes ce que dessus auons descrit. Si ce ny aura rien faict du tout, le dernier & souuerain remede sera le feu.

Les signes quand le cheual est escuissé desboetté ou refoulé du train de derriere, sont que quand il iette en dehors le pied de deuant le premier en cheminant, & l'eslance comme roide & impotent (mais il faut bien considerer, si cela luy pourroit venir de quelque cheutte ou batture) & si tu voy que cela procede d'ailleurs, & que la dislocation te soit du tout manifeste. Premier que faire autre chose, il faudra remettre & renouer la partie, & l'escliffer & bander bieu estroitement, puis faire ainsi que nous t'auons dict cy deuant. Mais si la greueure ou refouleure vient de trop grande abondāce de sang, ou de chopper, & s'estre heurté tu luy feras tirer sang des espauls, ou des hanches, puis fomentier & vser de ceroesnes par tout.

Du genouil desboetté.

IL aduient souuēt que le bruncher d'un lourd & pesant cheual, courōne les deux genouilz, en sorte que la cicatrice y demeure tousiours, & si c'est vn cheual de moulin, de harnois, ou qui sert au pressoir, il se desboitte du tout, dõt aduient que l'un des fociles de la iambe sort de son neu & faict eminēce diffor-

me qui corrompt l'action du cheminer. Et si ce mal dure sans remede quelque temps la boette se réplit de mucosité, qui ne se peut tirer sans dāger, dont le cheual demeure boiteux à perpetuité. Le mal donc estant frais & recent: il te faut premiere-ment renouer & reduire l'article en son estat, puis la fomentier & embroquer avec de la laine à tout le suif, trempée en huile d'oliue, ou d'amendes douces, & fort vinaigre: & apres l'auoir longuement fomenté, tu lieras la laine abreuee & imbue par dessus l'article, tellemēt qu'elle le tienne subiect & til luy faut la large esclisse tu luy mettras bien propremēt. Le tiers iour tu deslieras tō appareil, & fomenteras de rechef la ioincture, puis y mettras emplastre de poix noire ou grasse avec la rezine. Finalement tu luy appliqueras le feu ou cautere potentiel selon que tu verras estre meilleur.

De la fracture des principaux articles, comme des hanches ou de la cuisse.

L Es cheuaux de coche attelés & accouplez, deux, trois, & quatre en rāg, dont les anciens nōment au cirque & equitations currules, les biges, triges, & quadriges vont par fois de si grand vistesse, ioinct que laurige ou chartier ne les redresse si apoint, & leur donne le tour trop court & trop roide, que l'vn ou deux des cheuaux, quoy qu'ils soient bien adroits, & de ser-vice, se rompent les cuisses, & l'article des hanches, ainsi comme à la lance vn court accul, & au bout d'vne carriere le trop court retourner en bride contraincte. Faut bien considerer en la necessité de ce mal, si l'os rompu à trauersé ou transpercé la chair & le cuir la guarison en est trop difficile, & quasi desesperé & incurable. Autant en diray, si c'est l'os de la cuisse ou de la iembe, principalement en amont tirant vers le genouil: mais si en telz endroitz la fracture est sans ouuerture ou vulnere de cuir, & de la chair tellement qu'il puisse endurer ligature: il t'y faudra entēdre en ceste façon. Premièrement tu reioindras & remettras les os le mieux qu'il te sera possible, & sans violence, puis tu esclisseras la partie, & sous l'esclisse, & encores dessus y mettras de la laine à tout le suif, si quelle soit doucement cōduite, ainsi que la bāde que mettras, & cōduiras par dessus à ce que le cheual n'en sente nuisance & qu'il ny suruiēne enfleure
extraor-

extraordinaire. Ceste bande fera trempee & imbeue en vin vermeil & huile d'oliue, comme pour defensif propre à ce cas, apres tu dresseras le cheual à l'eschelle, au trauail, à la mouffle & au gros licol, à fin de conduire la fracture plus seurement, tu luy bailleras en ce temps clysteres tous les iours deux fois, le tiers iour tu deslieras ton appareil & le relieras, si tu voy qu'il ne tienne fort, & qu'il y ait apparence de consolidation, lors tu renouuelleras ton emplastre, & tes ligatures de cinq en cinq iours, ou bien sept ou neuf selon quelques opinions, iusques à ce qu'il se face callosité, puis tu y adiousteras de la mouffe de vitex que lon nomme agnus castus, ou au lieu de ce, de la racine de saule: le tout battu avec cinq iaulnes d'œufz qui n'ayent perdu leurs aulbins, & lors tu osteras les esclisses dures, & n'vseras plus que des bastons de ferule, ou de grand fenouil, ou au lieu des plus gros bastons de saule tendre & verd. Trois iours apres ces dernieres esclisses & ligatures, tu te mettras à l'espreuue de le fomentier, puis lenir avec de la resine & vieil oingt. Cōme tu verras la beste se bien porter, qui sera vers le quarantieme iour: car il te la conuiendra tenir autant en l'estable, c'est le temps de consolidation d'article, fais luy comme pour dernier mets vn cataplasme caustic avec les racines de couleuree, seau nostre dame, & grande serpentaire meslee en farine de lupins, destrempee en huile & vinaigre, cela reitereras iusques à parfaicte & entiere guarison.

Des tumeurs & enfleures tant molles que renitentes qui suruiennent aux ioinctures du cheual.

LE cheual remply de mauuaises humeurs, cōme il y en a plusieurs pirement traictez que les autres, fait diuerse tumeur & enfleure aux ioinctures, quelquesfois mollette, & quelquesfois si renitente, dure & esleuee qu'elle engendre deformité. La plus molle ou œdemateuse, si elle est avec quelque inflammatiō & chaleur se nōme flegmon, l'autre qui se nōme marbre a vne certaine dureste quasi telle q̄ le nō emporte. La tierce espeece q̄ lon nōme mail, est cōme vne tumeur dure & fort appatēte, qui toutesfois est sans douleur. A ces tumeurs (si elles sōt recētes) lon peut plus facilement entēdre, q̄ quand elles ont esté negligees & sont inueterrees. Pour remede tu prédras laine à tout le

suif trempee en huile & vinaigre & de ce fomenteras la partie
 assez longuement à chaut, & situeras le cheual cōtre l'eau froi-
 de & courante, puis deuant que venir au ferrement tu le gou-
 uerneras en ceste façon, pour veoir fil se fera ouuerture, se-
 neué & sel alezandrin de chacun quatre scrupules avec demie
 once de viel oingt ou surpoint, fais onguent duquel tu met-
 tras sur la partie & trois iours apres tu leueras ton appareil. S'il
 y vient ouuerture trempe ton esponge en decoction de lizer
 faicte en vinaigre, & ainsi de ce stiptic & astringent, tu parfe-
 ras le surplus de ta cure, & note que tu dois vser de depilatoi-
 re, ou psilotre sur la partie ou tu veux toucher premier qu'y
 riens appliquer. A ce faire pren racine de feuchere, des ers &
 des figues grasses, pille le tout ensemble & en fais vn petit sa-
 chet que tiendras lié l'espace de trois iours sur la partie. Autres
 dient qu'il seroit meilleur ladicte racine & les ers battuz en
 pouldre deslayer en fort vinaigre & viel oingt. Autrement
 pren cendre de fouyer trois onces, chaux visue six onces, de-
 strempes le tout en vin, si qu'il ne soit nō plus espez que pour-
 roit estre de l'oximel, & de ce liniment frottes en les tubercu-
 les de la partie esleuee ou enflée deuant que la mixtion se dur-
 cisse. Ce que faisant souuent, le mal estant encores recent tu le
 leueras & deseicheras entierement, mais les enfleures estans
 vieilles, & fort susannees, l'extreme & singulier remede sera
 leur donner le feu avec le bouton. Autre confection pour si-
 napizer sur les phlegmons des cheuaux. Pren d'vne herbe ap-
 pellee rododaphne, bitume de Iudee, nitre, viel oingt bié cou-
 lé de chacun trois onces, fais en onguent pour la partie. Quel-
 ques vns ont esté d'avis du cautere actuel, avec les boutons
 de fin cuyuré rouge, puis les places ouuertes fomentes avec
 plumasseaux entortz trempes en vinaigre, huile & sain doux.
 Encores vsent aucuns du seton tyré entre les pertuis ouuertz
 par la force du cautere, à fin de faire par ce moyen partir ce que
 pourroit rester d'humeur leans contenue. Puis tu mettras des-
 sus cataplasme composé de vin & farine de fenugrec. Quand
 tu verras l'escarre tumbee & la tumeur abaissée & rendue à
 l'esgal, lors tu leueras ton seton, puis gouverneras les places
 avec de l'onguent cicatrisant, & si la chair baueuse croist par
 trop, il te la faut brüssler & consumer legierement avec le

cautere. Il en y a qui ayment mieux vser de la flammette, en faisant ou par ce moyē, ou avec le rasouer subtiles & moyēnement profondes incisions, pour euacuer l'humeur contenue dans le phlegmon, puis y mettent sus de la laine à tout le suif trempée en vinaigre & decoction de lizer, & lient sur la playe vne esponge mouillée en hydromel, & decoction de lizer, & le tiers iour leuent leur appareil & ostent la laine, & ainsi conduisent le surplus de la curation avec emplastres de basilicon, que lon nomme Tetrapharmacum : enuirō cinq ou sept iours durants. Si le mal se monstre si dur que lon le nomme marbre, il n'y a autre moyen d'y pourueoir que par le cautere, puis que la tumeur empesche le mouuement de l'article, & apres suyure le moyen susdict pour cicatrizer & remettre la partie à son naturel. Si est-ce que ce que nous auons appellé maillet aux articles des genoux, ou autres, il ne faut attendre à promptement y remedier, de peur que ce mal ne degenerate en marbre qui n'est sans la grande deformité de la partie. A ce ne faut craindre faire ouuerture avec les boutons de cuyure bruslans, & les planter, bien dextrement aux endroitz de l'enfleure, puis aux ouuertures, l'escarre tumbée, y appliquer le seron, le cataplasme, l'esponge, & pour abbreger, faire tout entierement ce qui a esté cy dessus allegué. Ceste maniere de guarir seruira à tous les autres maux qui pourront suruenir faisans tumeur, desformité avec eleuation aux articles & autres parties des cheuaux.

De l'eau qui s'engendre aux ioinctures.

AVx eäues qui suruiennent de morfonture de mauuais establement, indisposition de l'aër hybernal, peregrination en lieux froids & aquatiques, ou bien trop fascheux traitement de pallefrenier & vallet d'estable. Si telles eäues se remonstrent encloses dans les articles d'enhaut ou d'embas, il ne faut aucunement toucher avec la lancette ou fer sans feu, pour la doubte que l'abondance de l'humeur affluente à la partie apres la section, ne nous apporte nouuel, & possible plus d'angereux inconuenient : mais il faut proceder par scarification legiere apres la detraction de sang : & apres faut enue-

P V B. V E G E C E D E L A

loper les parties offencees avec laine à tout le suif trempee & bien abreuee en huile, vinaigre & du sain doux si tu veux, avec du sel menu conquassé. Cest appareil ne leueras que le cinquiesme iour suyuant, apres lequel temps si cela ne parfaict la curation, pour dernier & extreme remede, tu appliqueras le cautere actuel & leueras les escares, puis lerras couler les eaues tant que besoin en fera. Autrement prens du tan des raincturiers, & du sel gros broyé en egale portion, & le metz sur les lieux attouchez, liant par dessus de la laine à tout le suif, trempee en huile & vinaigre, & ne leueras cest appareil que trois iours apres. S'il se faict ouuerture par ces moyens, fais decoction de miel & de farine d'orge deslayez ensemble & en la decoction adioustez y de la semence de lin, & de senegré, ou des mussillages d'iceux en incorporant ton cataplasme que tu appliqueras dextrement sur les endroiçtz tumefiez. Pour dernier remede astrictif & toutesfois deterisif: Pren encre de sauetier, galles menues, alun de glace autant d'un que d'autre, pille le tout ensemble, puis l'incorpore avec du sang vieil, en y adioustant par dessus pouldre d'escorce de grenade seiche, du salpestre & de fort vinaigre. Et apres auoir faict decoction, de ce tout ensemble fais en cataplasme. Aucuns trouuent meilleur piller des figues grasses & du seneué en fort vinaigre, & en faire cataplasme avec de la farine de lupins. Trois iours apres l'appareil estant leué, si l'effect ne se trouue tel que tu pourrois desirer, faut reiterer tout ce que dict est, iusques à meilleur amendement, puis pour le dernier, vser de cicatrisant, & confermer la partie par toutes voyes que tu pourras. Aucuns font emplastre d'opoponax cuit en forme de cataplasme avec de la farine d'orge. Autres prennent decoction de febues pillees adioustant du miel, & le tout appliquent bien dextrement sur le lieu, & pour dernier remede y mettent malagmes de cypres. Aucuns en y a qui prennent chaux vifue & des cendres du foyer, & les destrempent en vin, & en miel, & de ce tout en frottent les parties interessees. Pour le dernier, ils y mettent le feu, ce qui sert selon l'opinion des anciens aux piedz & iambes de derriere principalement. Lon trouue par experience que telz maux s'allegent par linges trempes en sel & vinaigre, desquelz on faict forte & conti-

nuelle friction sur la partie, tant que le sang en sorte, & l'elevation se face plus grosse : ce qui peut beaucoup seruir, en obseruant pour l'extreme tout ce que dessus a esté proposé.

Ce mal quelque fois se communique particulièrement aux pieds, qui apparoiſſent tumefiez, & vers le dessus de l'ongle, & les pasturons remplis ores d'humeur aqueuse, ores de vent & flatuosité, auquel mal ne faut toucher de rasoir ne de lancette : mais vſer de cataplasmes telz que nous auons décrit. Et pour extreme scarifier longuement avec le fer chaut ou la flammette bien fort rouge, à fin de reſtraindre par ce moyen les conduits extraordinaires, qui cōtinuellement apportent matiere en ceste partie : car si tu ne touchés & arrestes ces cōduits, il est impossible, quelque chose q̄ tu faces, d'en venir à ton hōneur.

Autant en pouons-nous dire des darts viues, & qui ſuynt continuellement es endroits des principaux articles & ioinctures, cōme des genoux, dos, hanches, & des iambes : ausquelz endroits se font fissures, comme celles qui viennent au muscle du derriere. La cure n'en est si facile que lon diroit, & n'y a plus ſouuerain remede que le stiptic & astringent avec ligature bien serree & contrainte : & finablemēt si le mal est reuesche vſer d'aduſtion & cauter : outre les cataplasmes ſuſdits à ce neceſſaires.

La galle aux ioinctures.

LA mauuaise nourriture du cheual, & tout ce que cy dessus a esté allegué, avec la crudité des humeurs, engendre vne espece de galle & demangeaiſon aux flancs, cuiſſes, pieds & pasturons du cheual, iusques au deſſouz des ongles meſmes, & encores aux ioinctures des espaules, telle qu'outre la defformité ce mal ſemble comme vne espece de lepre crouſteleuſe, en sorte que le cheual atteint de ce mal, ſe frotte & galle de pied à autre, iusques à ce mordre & offencer de la dent, tellement qu'il ſeſcorche par tout, & empire bien fort ſa playe. A ce mal faut tirer du ſang des parties conuenables ſelon l'endroit ou le mal est : faut auſſi purger, faire onctiō, cataplasmes, & tout ce que nous auons déclaré aux maladies precedentes. Et pour purge conuenable & ſuffiſante, ſera bon d'vſer de la pouldre de racine de concōbre ſauage meſlee avec du nitre,

& baillee à la corne avec du vin blanc. Ce médicament souuent presenté, purge les mauuais humeurs.

Des pieds goutteux, que lon nomme podagre.

Toutes bestes à quatre pieds sont subiectes par morfontures & descentes d'humeurs au mal de iambes & de pieds, que lon nomme podagre: duquel mal les signes sont, quand la beste ne se peut tenir en arrest, & cloche, si elle est tât soit peu contrainte, & se debat, & retord, cōme quand elle a la colique. Le poil luy herisse, elle est desgourtee de toute viande, toutesfois non pas du boire: car la chaleur fieureuse tousiours accompagne cest accident, en sorte que par la trop excessiue fureur de la fieure, sa fiente luy adhere aux pieds, cōme si la beste estoit refoulee. Ne faut ce mal durant laisser la beste croupir ne reposer: mais bien la promenez, & contraindre à marcher, iusques à la mettre en sueur: & au commencement de la sueur, il la faut frotter à plusieurs, & fort battre par tout le corps pour la faire suer d'auantage. Tu luy tireras puis-apres du sang des venes de la teste, & le iour ensuyuant des parties inferieures, qui sont vers le talon & la part de la douleur: & te souuienne de n'en gueres tirer à chacune fois. Ne l'abbreuue que d'eau tiede, dans laquelle tu destremperas de la pouldre de nitre, & de la farine de froment. Et pour purge tu luy feras prendre à la corne pouldre d'encens fin avec du vin blanc fort & genereux: & par trois iours suyuant tu luy feras vser de ce mesme medicament par les nazeaux: bref, il te le faudra purger, comme dict a esté, le promener souuent iusques à suer, & encores luy purger le rheume qui tombe du cerueau sur les parties inferieures, avec iust de choux rouges & de poree, en y adioustant quelque peu de gros sel broyé menu. Pour la purge tu suyuras ceste recepte: Fais infusion d'un plein poisson de thim avec la fleur en fort vin blanc vieil, & qui soit doux, cela luy seruira pour faire tirer par les nazeaux: & ce pendant fais luy vser de foin verd, ou de l'herbe de froment ou d'orge fresche coupee: ou au lieu de cela messe du nitre en son eau tiede. Si toutes ces choses n'y font assez, pour dernier remede, si est encores ieune, fais le chastrier: car il est asseuré que ce mal iamaïs ne se range ou infeste sur les bestes chastrees.

Du cheual qui a les membres rentrairs ou entreprins.

QUand la beste a les nerfs des iambes rentrairs & racourciz, par distillation de catterre : c'est alors qu'elle donne fort du bout de l'ongle contre terre, & mesmes ne peut bien estendre à plat toute l'ongle, comme si elle marchoit vnimét. Ce mal procede au cheual d'auoir esté trop chargé, & de luy auoir fait porter faiz trop lourds & pesans, ou quand il a trop lōgue espace de temps cheminé & trauaillé en lieux pierreux & cailloux. Le moyen de resister à ce mal est: Il luy faut tirer sang souz les ongles des pieds, puis le bien dresser & façonner avec le racloir, faire onguent de farine d'orge, poix resine & vieil oingt, duquel tu frotteras les parties offencees, en continuant trois fois le iour: mais auparauant tu luy bāsineras les iambes iusques aux ongles entierēmēt, avec la decoction tie-de de veruene, puis feras onguent propre à délasser les bestes, duquel tu frotteras toutes les iambes, & plus haut, iusques au dessus des cuisses. Apres ceste onction, tu luy appoſeras vn cataplasme, qui comprēdra toutes les parties que tu auras oingtes: & sera iceluy cataplasme composé de farine d'orge, semence de lin & de fenugrec autant d'vn que d'autre, cuittes en vin bon & fort, puis tu couuriras les parties de laine à tout le suif, & les banderas le plus dextremēt qu'il te sera possible, & ainsi estant garrotté, le feras promener doucemēt trois fois le iour. Si ce remede n'y sert du tout, fais cest autre: Pren gōme armeniac, galbanum, opopanax, moelle de cerf de chacun deux liures, & autant de terebentine, resine colophone demie liure, huile vieille, tant qu'il en faudra, fais le tout fondre ensemble à petit feu, le remuant sans cesse, iusques à ce qu'il face corps: mets le tout en vne terrine, pour en faire onction longue & frequente, reiteree par tant de iours que tu verras la beste venir à quelque amendement. Et note que si tu ne prens ce mal quand il est encores recent, tu n'en viendras iamais à bout: car aux inueterrees maladies, telles que ceste entreprinse il ne sy treuve remede qui face. Aucuns sont d'auis de leur bailler le feu bien legierement aux endroits des articles plus conuenables. Autres leur font prendre medecine, commode aux nerfs, & confortatiue d'iceux.

Du mal qui vient aux pieds & aux ongles
des bestes.

NY a si bonne beste, qui par le long trauail & cheminer en lieux cailloueux & pierreux, ne fvyse les ongles : encores fait à cela le souuent destourner & trop court, les carrieres & courses volontaires & frequentes, donnees en lieux aspres, & ruineux : nulle des fautes dessusdictes estât en cause, il s'en faut prendre au trop auoir l'og temps demeuré en l'estable, qui les fait clocher à cause de la cōtinuelle affluxion & descente d'humours sur ces parties. S'il se fait aposteme, pour le digerer par dessouz, il faut soubdain faire ouuerture souz l'alsieté ou semelle de l'ongle, & n'attends que l'aposteme se presente sur la couronne de l'ongle : car la curation en est plus malaisée & difficile. Pour les signes de ce mal, tu marqueras quand le cheual mettra tout aplat le premier pied de deuât : & en ceste position, si tu cognois qu'il faigne le pas, c'est alors que le mal y est. Tu luy feras accourir l'ongle & rongner par dessouz bien dextrement : & alors si tu y vois place noire, tu pousseras du doigt, & par là tu entēdras la douleur & maturité de l'humour colligee en ceste part : si l'est present à sortir, tu le feras percer, & nettoieras bien les endroits circonuoisins iusques au vif apres que l'ordure en sera saillie du tout, tu y mettras sus plumeaux imbibe de huile rosat & de sel destrempez avec la fiente de la beste, ainsi la chaufferas bien proprement, & l'enveloperas, si que l'appareil ne tombe, & le tiers iour d'apres tu delieras ton appareil : & si tu vois la chair surcroistre, fais y embrocation d'huile, dans laquelle ait boullu du chiēt dent, avec la racine : & lairras le marc dessus. Si tu apperçois qu'apres toutes ces choses la chair en noircisse, & ne se mōstre naturelle, tu visiteras par tout soigneusement si y a pierre ou cailloux caché au dessouz qui ait desia prins siege, & se soit encharné. Item si y a quelque fracture ou quelque enclouure secrette, cela quelque fois aduient par vne espine qui s'imprime & se retient leans avec offence du nerf. A ce mal tu feras tels remedes que cy dessus ont esté dictz & declarez : & ne cesseras iusques à ce que par ce qui donne empeschemēt au marcher sort hors du tout, apres que tu auras veu ton vlcere net, tu y mettras

tras l'onguent qui fait reuenir la chair, & apres le tout, appliques-y de la fuye qui soit bien seiche: pour fin, mets-y de la resine liquide, ou tu auras destrépé de la pouldre de soulfre vif. Aduient quelquefois que nouuelle aposteme s'engendre au plus profond. A cest inconuenient faut derechef entendre à faire maturer, comme en vsant de decoction d'orge ou de febues pour fomentier la partie par plusieurs fois: encores par desouz les pieds sera bon faire baignement d'eau chaude, ou de l'vrine de la beste, puis le frotter de vieil oingt par dessus. Aucuns veulent que l'oint & le soulfre soient mis dans vn pot neuf, & qu'il chauffe fort iusques à la rougeur du tez, & avec l'huile & le soulfre meslez & bien destrempez en faire onguent pour appliquer trois iours suyans, ainsi que dit a esté. S'il y a contusion, il luy faut tirer sang de la coronne du pied, le fomentier d'eau chaude, & le frotter de vieil oingt. Ne sera aussi mauuais mesler de la fiente de brebis avec le vin aigre, & en faire cataplasme bien lié à l'entour de la partie: combien que quelques-vns prisent plus la crotte de cheure destrempee en vinaigre ou vrine de la beste.

Si apres la section, ou durant la curation de ce mal, il se fait & engendre quelque chair baueuse entre l'ongle, que lon appelle pulmonicule, pource qu'il ressemble à quelque chair de poulmon, faut bien racler l'ongle par desouz, puis faire incision à l'entour de l'assiette du pied & la commissure: & apres auoir retourné l'assiette en amont, faut chercher la chair baueuse, & la racler & inciser iusques au vif, puis au dessus mettras plumasseaux imbibez en sel, huile & vinaigre, avec de la fiente de la beste, puis le chaufferas iusques à trois iours, pendant lesquels il ne bougera de l'estable: les trois iours finiz, tu le fomenteras, puis feras cataplasme de farine d'orge, resine, & vinaigre meslez ensemble: & ce cataplasme renouueleras & entretiendras par autres trois iours, qui est le moyen de guarir aussi la fracture: mais il le faut tenir sus plus longuement. Finablement faut vser du medicament qui fait la cicatrice. La chair retournée à l'esgal, fais decoction de corce de grenade & bitume iudaic avec le vinaigre, & du tout bien incorporé vse par autres trois iours, iusques à ce que la partie s'endurcisse & face corne nouvelle.

Al'ongle qui tombe du pied du cheual, ou quand il fait pieds neufs, & aux eaues desdits pieds.

AL'ongle tombât au cheual, ou quand il fait pieds neufs, ou par heurt ou autrement, faut grande industrie & riens moins de diligéce. Pren du papier net, duquel lon enuelope les chandelles, trempe le dans l'aubin d'un ou de deux œufs, & le mets sur le mal bien enuélé, puis leue ton appareil trois iours apres, fais fomentation avec de la farine de froment, resine, vinaigre & miel cuits ensemble: & si la playe te semble mal nette, laue la avec du vin tiede, puis mets y dessus du fin miel avec le plumasseau: & finablement vseras de medicament qui sert à cicatrizer. Et apres que les vlceres seront termes, pour faire reuenir l'ongle: Pren coillars de febues, & les fais brusler en cendre avec du cuir de cerf, puis destrépe ceste cendre en fin miel, en y adioustant de la pouldre d'escorce de grenades & du bitume Iudaic avec du vinaigre. De ce medicament tu frotteras les ongles, & le renoucleras par plusieurs fois, tant que l'ongle soit rengendree. Pour final remede, tu prendras du genest vieil, & le pilleras, puis le feras bouillir en vinaigre dans un pot neuf, & de ce frotteras l'ongle commenceant à durcir, & le lieras de bandes qui seront trempées en ceste decoction. S'il y a suffusion ou aquosité souz les ongles, pille des figues seiches avec pareille quantité de sel q̄ les figues pourrôt monter, & de ce tout en enuveloperas les ongles, & tu en verras l'experience.

Aux pieds refoulez & tendres au marcher.

LE bestiaill à qui les ongles defaillent par refouleure & trop estre vsé, ou estre refoulez & retraictz, se peut guarir & reformer en ceste maniere: Pren testes d'ail sept en nombre, rue trois manipules, alun pillé & criblé sept onces, vieil oingt deux liures, fiente d'asne vne bonne poignée, fais le tout cuire ensemble, & en vse ainsi. Mais ie trouue le conseil & aduis plus sage de ceux qui entendent à conseruer la santé & integrité des pieds des bestes, pour par ce moyen empescher & obuier à la fureur de l'inconuenient. A cest effect sert grandement tenir tousiours le pied du cheual net, & tous les iours le curer deux ou trois fois pour le moins, garder qu'il ne croupisse en son

ordure, & q̄ son estable (si la beste le vault) ne soit pauce, mais planchee de membreures de chesne : car l'ongle se rompt & festonne sur le liaiz ou rabort de paué. Bien sert à cela fomentier les pasturons & tout le pied entierement avec du vin vermeil, principalement sur le soir, cōbien que quelques-vns sont cōtens de leur vrine, de laquelle font bāssiner les pieds & ongles du cheual. Le plus singulier remede me semble à l'ongle corrompu & froissé, ou trop mollet, prendre deux portions de semence ou graine de l'yerre, & pillé ensemble vne portion d'alun rond, le tout bien broyé mettras en chaufsons, desquelz tu enuveloperas les pieds du cheual.

A la refouleure sert poix grasse demie liure, vinaigre fort vn possion & demy, sel gros & pillé vne liure, avec des fueillès de l'yerre tāt qu'il sera besoing, faut le tout meller, & de cest onguent en frotter iournellement les pieds du cheual.

Si l'ongle du cheual estoit aussi molle que ce que lon scauroit dire, elle s'endurcira par ce medicament : Pren vn lezard vert, & le mets dans vn petit pot neuf, y adioustāt huile vieille vne liure, alun de Iudee demie liure, cire vne liure, aluyne seiche & bien broyee demie liure: fais le tout cuire & cōsumer dans ledit pot neuf avec le lezard : & quand la consumption en sera faicte, ou que tu penseras que la coction en soit raisonnable, tu le couleras apres auoir reietté les os, & ce qui sera dur & rude: & quand tout sera passé, tu le remettras dans le pot neuf pour le garder au besoing, qui sera de le chauffer bien fort, & avec la canne ou tuyau de cuyure chaut, le faire entrer dans les fissures, ou entre l'ongle & les cartillages & tendōs le plus chaut que possible sera. N'aura riens mal, si auparauant tu deschauffe l'ongle & la roignes de toutes parts: car encores qu'il soit trop accourcy, il recroistra de grand force. Et te souuienne de reiterer souuent ceste maniere de medicament, par laquelle non seulement l'ongle prent sa croissance & vigueur, mais encores le pied entierement en est confermé & renforcy. Ne faut toutesfois oublier à purger & tondre la trop grande excrescence, quand elle passe mesure: car l'indecence & longueur excessiue fait nuisance au cheual.

Pour confermer & conforter l'eschine du cheual
refoulé au trauail, ou à la charge, ou autrement.

LE cheual mignardement entretenu comme en escuyrie de princes & gros seigneurs, ausquelz lieux il est soigneusement gouuerné, n'a occasion de se plaindre, & moins peut remonstrer aucune doléance par auoir esté greué ou offensé sur le dos, faute de selle bien embourree, ou crouppiere mal dressée ou autrement: encores n'ont en telles maisons cause de se douloir, les mules ny mullets: mais bien es lieux ou les palefreniers & valets negligents traictent les bestes à la fourche, & leur font faire traictes extraordinaires, les font porter femmes en croupe le plus souuent si mal adroittes, qu'il n'y a beste qui n'en soit lassée & refoulée. Autant en est des mullets de coffres, desquelz ceux qui appartiennent aux princes ne tombent aux dâgers que les communs de charge ordinaire, comme d'Auuergne & d'ailleurs. Autant en dirons nous des mullets de seruice tant aux champs qu'à la ville, qui selon les personnes à qui elles sont endurent beaucoup de molestes. Qu'aux asnes, encores y doit on auoir elgard, à ceux principalement qui sont grands, & desquelz on a le plus de profit.

Or les accidents & inconueniens qui viennent par ceste faute ne sont moindres que ceux des cheuaux qu'auôs cy dessus alleguez, qui seruent à maistres farrouches, importuns & inconsiderz. De ceste faute aduiennent apostemes, greueures, escorcheures, & pis quelquesfois aux bestes, desquelles lon demande la force pour se seruir.

Si l'enfleure sur l'espine du dos est recente & freschement esleuee, faudra prendre des queues d'oignons qui soient seiches, & les plonger en eau fort bouillante, puis les laisser vn peu rasseoir, & en mettre le marc sur l'enfleure, & le lier tresbien avec la bande qu'il tienne fort sur le mal, iusques à ce que la palpitation de la tumeur se monstre, apres laquelle, sil se fait clou ou fronce, il faudra piller des fueilles de choux avec de la farine d'orge: & ce cataplasme apposer sur la partie. Encores y pourras mettre de la cédre de touer avec de l'huile, iusques à ce que le fronce le pouure & rende matiere. Apres que la tumeur sera tumbee, tu vseras de mōdicatif avec le linge bien

tenüe, & apres le tout tu desseicheras & nettoieras l'endroit si que plus riens ny apparaisse. S'il aduient toutes fois qu'il s'engendre sur le garrot quelque chair baueuse apres l'incarnatif, qui est ce que cy dessus nous auons appelle pulmoncule, il te fera mal aisé le desseicher par medicament en pouldre ou autrement, mais le plus expedient sera, quand la chair n'est point encores grande (car il y faut tost remedier, du commencement) la brusler & consumer avec le cautere actuel de cuyure rouge, pour apres l'escarre tumbee mondifier la matiere qui leans sera accueillye, toutesfois que premier qu'on applique le feu, il sera bon l'eschargoter vn peu alentour avec le ferrement & le faire saigner. puis au reste de la curation tu poursuyuras de point en point la maniere que nous t'auons cy deuant proposee, en mettant ordinairement dans la playe medicament d'huile, sel & vinaigre. Et pour obuier aux flux de sang tu feras sur la partie cataplasme de la fiente mesmes du cheual, ce continuant bien lié trois iours suyuantz, les trois iours expirez tu chageras de medicament, & mettras sur ladiete playe des fueilles de choux rouges pilles avec de l'huile & du vinaigre: & cōtinueras ainsi l'espace de cinq iours. Et quand tu verras qu'il commencera à se refermer & cicatrizer tu y mettras medicament appelle licium qui sert à parer la playe, faire rengendrer le cuir & le poil. Mais sil se faiet playe ou vlcere qui ne se vueille refermer ou cicatrizer à l'aïse, n'attens que cela prenne longue traicte & y metz tâtoist remede. Pourras appliquer sus des galles de figes brullees & mises en pouldre destrempees avec du miel. Autrement, fais pouldre descorce de pin qui soit seiche & la mesle avec de la fleur de chaux viue en esgalle portion, & l'adresse sur la playe. Autres prennent noix de cypres bien pilles, & criblees avec des escorces de chesne en pouldre & mettent dessus la playe. Finalement pour faire seicher bien tost l'vlcere & cicatrizer incontinent ta playe, pren pouldre d'os de seiche & descaille d'huïstres bien broyee ensemble, dās laquelle pouldre tu messeras suyue faicte sous le chandelier ou en quelque vaisseau d'arain letout sinapizeras souuent sur la playe, & auras ton intention. Aduient souuēt que le poil ne recroist pas sitost, & met trop longuement à se rēgendrer, laissant la place quelque temps chaulue & difforme. A cela pren

vne tortue toute viue & la fais brusler sus vne bourree de serment, en y adioustant trois onces d'alun de glace, moelle de cerf, ce que verras estre suffisant, le tout bouillu en fort vin blanc reserueras pour l'vsage: que continueras par plusieurs iours, iusques à l'effect de ce que tu demandes. Lon prend aussi la cendre de febues seiche, bruslee avec les costats, ou bien la cendre de lupins, ou de fucilles de figuier meslees & destrempees avec suif en fort vin blanc.

Si sans cause manifeste le poil tombe & ne veult durer en son entier, pille spicnard, & des raisins de casse tout entiers & en faictz decoction en fort vinaigre, de laquelle tu mettras & fomenteras souuent la place ou le poil ne voudra tenir.

Et si le poil qui recroistra deuient blanc, comme souuent lon voit, pour le norcir ou brunir, pren sept scrupules d'encre à cordonnier, iust de grenades recentes ou pouldre de balaustes & d'escorce de grenade ensemble quatre scrupules de chacun, avec du iust d'oignon & du seing doux, en y adioustât vn peu de papier ou drapeau bruslé, tu en feras remede suffisant.

Au contraire voulant blanchir le poil noir du cheual, pren racine de concôbres asinin ou sauuage vne liure, douze scrupules, dans le tout bien pouldré adiousteras demy septier ou enuiron de fin miel, & de ce bien meslé ensemble vseras à ta commodité.

LE TIERS LIVRE DE

P V B. VEGECE RENAY, TRAIT-

tant en partie de la medecine des bœufz
de labour, puis reprenant les
arres des cheuaux.

Pour bien contregarder la santé des
bœufz delabour.



E A V T que le maistre, ou fermier, ou bou-
uier, qui que soit, estable le bœuf bien chau-
dement à plus bas que le cheual, & que leur
lieu ne soit loing du four ou de la cuisine,
mesmemēt aucuns en tēps d'hyuer aux grā
des froidures dressent terrines pleines de
charbon allumé, ou ilz mettent vne petite
piece de fer pour garder de les entester: car il n'y a riens pour
la santé de cest animal plus propre ou commode que le feu
ou la chaleur, soit pource que de leur corps l'humeur ou sueur
qui se part soit aucunement pestifere & letale, que la vapeur
du feu inspiree peut facilement corriger, soit que la beste apres
le past ou le corps est subiect de son naturel à froideur & trem-
blemēt extraordinaire. Et pour vser de plus grāde & singuliere
diligēce, faudra soigneusemēt aduertir que riens de leur nour-
riture ordinaire ne leur tombe entre les iambes, qu'ils soient
entretenez seichement tant d'estable que de molle litiere. Et
ne faut que cela griesue le bouuier de bassiner le col du bœuf
retournant de son labour avec de vin vermeil, & longuement
le bouchonner & frotter apres. Outre ce leur faut bassiner &
bien lauer les piedz premier que les establer quand ilz sont re-
tournez du labour, ou du pastiz. Pour leur reconforter les
ongles & les nerfz des iambes & des cuisses. Bref ce bestiail
doit estre en yuer traité chaudement & en grand esté bien
freschement. En sorte que de iour en grande chaleur on les
repaire à l'ymbre, & de nuict au serain: car ordinairement ils

accueillent danger de mal ausi bien par trop grande chaleur que par trop excessiue froideur. Au demeurant les fractions humides, cōfortatiues pour les bœufz trauallez sont, de prendre vn œuf avec le iaulne & le blanc, & le battre en vne poignée de sel avec demy septier de bon vin, & de ce tout en frotter le col & les parties lassées, ainsi que dessus a esté dict. Autrement pren des gosses d'ail avec du sang de bouc, aucuns ayment mieux prendre iust de veruene broyee avec de la rue, & avec du fort vin, en faire bassinement. Sur tout pour la conservation de la santé du bœuf, faut se donner garde de ne le trop charger de faits ou traualier au labeur, ou longuement le faire pener par excez: car il n'y a riens qui tue plus la beste que le traual excessif, qui cause grande lassitude. Quant à l'abbreuuer ce bestiail n'est pas si dangereux à l'eau nette comme est le cheual & endure tresbien la trouble & espoisse, comme de maretz & marefcages. Combien que le bouvier doyue tousiours soigner à les abbreuuer à la plus nette & plus claire. Quoy qu'il en soit, il ne faut iamais laisser ieusner le bœuf: mais le tenir tant qu'il sera possible en son en bon point, & que plustost il laisse le manger qu'il en ait faute: car toute maladie de ce bestiail commence par maigreur. Et note que le froid & le chaur penetrent & affligent plustost le bœuf es-lancé & maigre qu'il ne fait vn autre. Encores faut entendre à leur diuersifier pasture en l'estable, tellement qu'en hyuer le bouvier leur presente gerbees d'orge, froment & auoyne avec le grain d'orge, de senegré & des ers pour les engresser. Oultre le foin bien choisy & gardé en bon grenier. En esté les fesseaux d'herbes bonnes & propres fresche cueillies, & attrempees leur recreent l'appetit, & quelques fois du bled en verd, ou de l'auoyne cossatz de febues & poix en l'arriere saison, vesse, &c. Bref ce que tu pourras recouurer & fournir selon l'endroit ou tu seras. Finablement qui veut auoir le profit & vtilité de la beste, il la faut traicter soigneusement & l'entretenir en bon point & santé.

Des

Des maladies des bœufz: & premierement de l'encueur, qui est vne espece de pestilence en toutes bestes.

NE pense donc que le bœuf soit moins subiect à maladie que le cheual ny la personne mesmes qui le pense. Pour t'en declarer ce qui en est, nous commencerons par le mal le plus dangereux, qui est l'encueur, des anciens appellé maillet ou marteau, espece de pestilence es troupeaux de ces animaux. Les signes qui te le donneront à cognoistre sont, quand la beste est herissée par tout le corps, & n'est plus si gaye ne dispose comme elle souloit en ses actions communes & ordinaires. Les yeux luy apparoiſtront comme stupides, & hebetez, le col panche, & tousiours la bouche saliveuse, le pas paresseux, l'espine & tout le train du doz roide, desdaignant la viande, & du tout desgoutté, ne ruminant gueres qu'à bien grande peine. A ce mal y a remede qui y veut entendre bien du commencement: car le mal estant engraué, il est impossible que tu y mettes riens qui bien luy face. Or feras prendre ce breuunge qui aussi peut seruir à toutes autres maladies fascheuses & dangereuses. Pren squille qui est oignon sauuage trois onces menu decoupee & taillee, racines de melons battues & aussi detrenchees autant. Le tout bien nettoyé & purifié, mesleras avec trois poignées de sel gros, puis le destremperas & infuseras en trois chopines de fort vin, & chacun iour tu feras prendre vn demy septier à la beste, ainsi que dict à esté par cy deuant; l'espace de sept iours suyuant. Ceste potion sert aussi aux bœufz que tu veux preseruer pour toute l'annee, & encores apres de tous inconueniēts qui luy peuuent faire nuisance, en leur en faisant vsr au tēps nouueau l'espace du temps qu'auons dict. Cela tiendra toute l'annee la beste en vigueur, & force naturelle. Au lieu de laquelle, tu en feras si tu veux vne autre qui sera telle: cheurefueil, ruscus ou myrthe sauuage, cipres du vray, de chacun trois onces, que feras pilér & destremper en infusion d'eau tiede, puis la mettras reposer toute vne nuit au serain. Cela passé & bien clarifié tu en feras prédre au bœuf tous les matins, mais il faudra qu'il soit

tiede. Aucuns en presentēt aux bœufs sur la fin des quatre saisons de l'annee, puis les font nager apres la neufuaine passee.

Autre breuuage pour preseruer les bœufs de toutes maladies, & pour les faire guarir quand elles sont commēcees: Pren graine de l'aurier trois onces, gētiēne sabine ou aristoloche lōgue myrrhe & betoefne autāt d'un que d'autre, le tout bien laué & espeluché feras destremper en vin fort, & ainsi tiede en donneras à la beste l'espace de trois iours.

Autrement pren gausses d'ail, & les pilles en vin blanc fort & en fais prendre à la beste par les nazeaux, ny a si fort catarre qu'il ne vacue, & ce temps que le mal durera n'obmetz à luy mettre du sel menu broyé dans sa prouende ou dragee quoy que ce soit. Pour autre purgatif de cerueau prins par les nazeaux. Quelques vns prennent du iust de marrubium meslé avec du vin blanc, & en ont comme dict a esté des autres purgatifz par les nazeaux.

Lon trouue aussi que pour le catarre des bœufs, il est bon & salubre prendre iust de poreaux, rue, ache, & fauinier bien purifié, & le faire tirer par les nazeaux de la beste malade, ou bien luy en faire prendre trois demy septiers pour dose avec la corne, l'espace de trois iours suyans. Autres font macerer, & infuser en eau claire la tige & la racine de couleuree detrenchee bien menu, en y adioustant demie partie de iust de serpollet & de squille, font breuuage de cela, & le presentent par trois iours, ainsi que dict est, à la quantité de trois chopines, cela conserue la force de la beste & la garantir de tout inconuenient.

Lon dict, (& le croy,) que pour guarir & bien nettoyer les parties interieures de la beste malade, il n'y a riens plus souuerain que prendre du marc d'oliues apres que l'huile en est hors, & en faire souuent vser à la beste. Vray qu'apres cela elle refuse quelquesfois le boire, combien qu'elle ait grand soif, dont lon ne scait encores la raison, mais le remede cest de tremper leur prouende en eau bien claire & leur faire prendre moitte & humide en ceste façon.

Pour retourner au regime pretendu & promis. Ce n'est sans danger, que lon faict courir le bœuf plus que sa coustume, principalement en temps d'Esté: car cela luy engendre

fièvre lente & difficile à cognoître du commencement. Encores se faut garder que les pourceaux ou la volaille n'entrent dedans leur estable ou ils logent: car la plume de l'un & la fiente de l'autre leur font grand tort. Pis ny a que la fiente de la volaille prinse par mesgarde: (car le bœuf prend son repas estant couche & assis) cela luy enfle tellement le ventre, qu'il meurt comme hydropique. Auquel mal on a de coustume luy faire vser de ce qui s'ensuit: semence d'ache trois onces, cummin vn poisson, miel deux liures, le tout meslé ensemble, apres la decoction faicte, feras vser à la beste en la façon qu'il a esté dict des autres medecines. C'est grand cas que si le bœuf a vrsé de la fiente du pourceau, cela luy engendre la peste, & ce qui est appellé le maillet, en sorte qu'il se faut bien garder de hanter lors avec les troupeaux des autres bestes, car il les infecteroit toutes entierement, parquoy il les faut separer en autres pastiz, & bien garder qu'elles ne boyent au rif ou ruisseau ou le bœuf ainsi malade aura prins son eau. Autât en faudra-il faire des bestes dont tu auras suspicion: car si tu ne les enuoye en autres fermes & pastiz loin de la, pour le danger qu'elles n'infectent & corrompent non seulement les eaus: mais encores les herbages.

Quoy qu'en soit, ce mal n'est autre chose que la peste du bestail, dont tu en cognoistras les signes principalement de celui que lon appelle l'humide, quand la beste se couche souvent & longuement oultre la coustume, & desdaigne les viandes, aussi accoustumees, mesmes quand il luy sort quantité d'humeurs par les nazeaux. Et quand lesdictz nazeaux sont fort secz, & que riens n'en sort, lon nomme ce mal peste sèche, combien qu'il soit ainsi qu'à l'humide, le bestail est fort desgousté de toutes viandes qui luy sont propres & accoustumees, & journellement le bœuf define, & ne veut plus riens prendre de nourriture.

Mais quand les bœufs clochent tantost d'un pied tantost de l'autre, ce mal s'appelle articulaire, ou la goute, quand lors principalement qu'ils ont l'ongle saine & entiere. Ils sont aussi atteints du mal que nous auôs au liure precedent nôme subrenal, quand ils se montrent debiles & lasches du train de derriere. Au cas pareil ils se deulent du farcin, quand par tout

le corps en general ilz fesseient comme des cloux ou gallez, qui tontost se perdent tantost reuiennent & se representent en vn autre endroit que la premiere fois. Semblablement le mal d'entre chair & cuir, que lon nomme subterculaire, saparoist avec humiditez & apostemes remplies d'eau espoisses & couleurs diuerses selon la complexion de la beste. La ladrerie aussi à ses signes particuliers, quand le cuir ou la peau est vlceree deformement comme en façon de menue gratelle ou de tumeurs esleuees en façon de semence de l'entille. Le bœuf est aussi maniaque quād il perd du tout le sens accoustumé d'auoir bon en ses actions ordinaires, il n'oyt ne voyt cōme il souloit, cest le mal qui les tue le plustost, encores qu'ils soient plains & refaitz. Tous ces maux en general descritz en ce dernier article sont cōtagieux, & se prennent aisément d'une beste à autre, de sorte que pour garder les troupeaux sains & netz, il te faut mettre ordre & bien prendre garde que les bestes atteintes de ces maux, principalement quand ils commencent par les signes que nous auons dict, soient soudainement sequestrees & separees, ou estables chaudemēt, & en lieu obscur bien loing des autres: car aussi ne faut il qu'ils soient repeuz qu'en l'estable, par ce que les herbes qu'ils attrouchent estans en ce danger acquierent mauuaise & dangereuse qualité pour les autres bestes. Bien les peut on mettre en pastiz bien loing ou les autres bestes ne peuuent hanter. Autrement le sorbouvier ou mestayer pourroit imputer ce mal à l'influence du ciel & punition diuine. Toutesfois pour ne laisser du tout les bestes entichees sans remede, fais fourniture de panaiz fueilles, tige & racine, & des racines d'eryngion que lon nomme chardon testu, ou à cent testes qui sont fort longues & bien fort auant en fonds de terre, fais seicher ces herbes & racines à l'ombre du soleil, puis garde les soigneusement pour la necessité, qui sera en faisant breuuage de chacune trois onces, semence de foin autant, pile le tout ensemble, adioustant à la fin farine de froment vn bon poisson, destrempe bien en eau tiede & assez chaude, baille neuf soupes de potage trempées en miel fin, & les fais vser par chacun iour à la beste q tu voudras estre guarie. Autres prēnēt du sang de tortue de mer & luy en font prendre & vser à la corne, ou au lieu de celle de mer, si tu

n'en peux finer des autres tortues nemorales ou aquatiques tu en verras l'experience, la continue & vsage ordinaire. Pour caputpurge ou lauemens de nazeaux: Pren pouldre d'escorce de casse & d'encens fin autant d'un que d'autre, destrempe le tout en vin blanc fort, & le fais entrer par les nazeaux de la beste, en la façon que cy deuât. Ce remede continueras l'espace de trois iours ensuyuans.

Et pource que toutes ameres (c'est à dire aspres & difficiles maladies) se doiuent guarir par amertume & acrimonie de medicaments: nos anciens ont esté d'aus de prendre pouldre d'absynthe, de lupins cruds, herbe appelée la centauree grande, ou au lieu d'elle le peucedam autant d'un qu'd'autre, avec demy septier ou chopine de bõ vin vieil, & trois onces d'huile d'oliue. Tu luy en feras prédre par la bouche par trois iours comme a esté dit. Autrement qui a esté esprouué, Racine de consilige, que lon dit poumelee ou pulmonce, que tu cueilleras de la main fenestre deuant l'aube du iour: car en ceste façon lon tient qu'elle a plus de vertu, fais avec l'esguille large ou la flammette vn cercle à l'entour de l'aureille du bœuf, la part ou tu la verras plus large & estendue, si que le cuir estant rompu tu en voyes le sang sortir doucement, perce le milieu du cercle avec l'esguille, par ce pertuis tu es asseuré que toute la venenosité & infamie de la peste sortira hors. Tu continueras ce remede à obseruer & nettoyer, iusques à ce q tu voyes que par putrefaction & corruption qui sera fait à la partie, la playe ou cicatrice tombée, laisse l'aureille cõme racourcie, & que par tel moyen la beste s'en trouue mieux.

Pour autre caputpurge tel que dessus, aucuns prennent du iust de guy de chesne extrait en vin blanc: qu'ils disent estre fort singulier à tout bestiail attenté de ce mal encores commençant à seruir.

Lon faide aussi pour nettoyer & corriger l'air de l'estable de parfums, dõt ie t'en veux produire vn: Pren du soulfre vis, bitume iudaic, ail, origan & semence de coriandre, le tout ensemble mis en pouldre seruira pour plusieurs fois mettre sur la terrine ou rehaut que tu poseras avec la braise au milieu de l'estable, de soir & de matin, mesmes tu en mettras souz la teste des bestes que voudras parfumer serpillées & enuelo-

pees, si que de la fumee du parfum sortant comme d'un sac ou grand vaisseau, l'animal en puisse estre remply, iusques à touffer bien fort. Ce remede est souuerain pour gouverner les entrailles & parties nobles du bœuf & autres veterinaires, si que puis-apres lon en pourra tirer le seruice deu & accoustumé. Encôres ne sera hors de propos de suffumiger ainsi tout le corps de la beste pour plus seurement arrester la defluxion, & garder ou obuier que le mal ne s'engendre. Et ce suffise quant aux remedes pour les maladies contagieuses. Disons maintenant des autres maladies des bœufs, qui ne sont si dangereuses, mais toutesfois offencent la santé d'iceux.

De la crudité & indigestion.

QUand le bœuf par sa trop grande gulosité ou malice de la viande, comme estant mouillée, ou sentât le relant ou non accoustumée, ne peut faire digestion suffisante, cela s'appelle crudité, qui rend la beste recreue, mal appetissée, & fort desdaignant la viande, avec paresse au labour : il ne peut lors ruminer, mais il rourte souuent, & a les yeux gros, le ventre luy bruit fort, & ne tourne point si bien sa langue hors des costez de la bouche cōme il souloit, il remue & tourne la queue plus que de coustume: brief ce mal luy menasse l'enfleure. Sera bon le faire ieusner, & apres que longuemēt il sera abstins de boire luy faire prendre & aualler trois bonnes mesures, qui vallēt chacune demy seau, puis luy bailleras potage de choux avec le vinaigre, & ainsi par quelques iours le feras ieusner de toute autre viande, qui est le remede singulier que veulent aucuns obseruer, sçauoir l'abstinence & diette en temps d'indigestion: autres disent qu'il est bon les tenir chaudemēt en leur estable, & lors leur faire prēdre égale portion de summitez de lentisque (qui est l'arbrisseau portant le mastic) & d'oliuier sauvage, qui ne porte iamais fruiēt à maturité, pource qu'il n'a pas le soleil, & n'est cultivé : & deslayent le tout avec vne liure de miel & vn seau d'eau bien claire & douce, & laissent ce médicament ou aliment medicamenteux infuser & prēdre son eau vne nuit entiere. Et quand ils en veulent faire prendre à la beste, ils y destrempent quatre liures d'ers, bien pillez & macez, & iusques à ce que la beste se trouue bien, ils ne luy per-

mettent prendre autre viâde. Chose experimêtee à la crudité: quâd principalemēt le bœuf par trop auoir prins & mal digéré ne peut rédre son vêtre, pren luy la queue & l'arreste avec vne bâde ou autrement si cōtraint entre les deux fesses, qu'il ne le puisse retirer que par ton cōgé. Cela fait, il faut q̄ la chaleur retenue en dedâs soit cōtrainte faire coctiō de ce qui est cōtenu ou plustost retenu aux intestins, & lors feras prendre au bœuf chopine de vin blâc avec le double d'huile d'oliue, & ainsi en tirant promener le bœuf enuiron l'espace de mil cinq cēs pas, à cause & le plus vistemēt, q̄ possible sera. La douleur persēuerât tu luy feras roigner les ongles, & avec la main trēpee en huile douce on luy tire de l'intestin la fiente y demeuree, puis on le fait & contraint on, courre comme deuant en le tenant bien ferré en l'esse. Si cela n'y fait ou opere trop tardiement; pren fueilles & graine de laurier, & les fais bouillir en eau, puis de ceste decoction fais en vser au bœuf malade. Si cela n'y sert fais autre decoction de deux liures de bruscus pillé premiere-ment: & ainsi tiede fais luy prédre par la bouche avec l'escuelle de bois, comme lon a de coustume. Encores leur fait on à ce mal, comme pour extreme remede tirer du sang quatre doigts ou enuiron souz la queue: & apres qu'il aura assez saigné faut luy arrester le sang avec du papier brulé, ou du drapeau, si tu en as faute: & le lēdemain lon fait courir le bœuf ainsi que dit est, iusques à la grosse aleine. Au parauant que le saigner aucuns vsent de ce remede: Ils meslent en trois demy septiers de vin blanc, quatre onces d'huile d'oliue: & apres ce breuage ils contraignent le bœuf à la course. Et pour clystere lon préd deux onces de sel broyé avec dix onces d'oignons plumez, & avec de l'hydromel ou eau de miel lon le iette dans le ventre de la beste avec la chauffe comme est la coustume: & ainsi on la contraint à courir. Lon dit que tous animaux, soiēt bœufs, cheuaux ou autres perdent le mal du ventre quand ils regardent nager en l'eau des oyes, & principalement des canarts, que lon dit par leur veue seulement pouuoir guarir la beste mal saine: aduient que le ventre grandist, le mal estant contumax & reuesche. A cela pour remede singulier: Pren cypres quinze poignes, verueine autant, galles fort pillees au double, & fromage vieil vne part & demie, lon pille le tout en

trois chopines de bon vin, & en fait on breuuage pour deux fois. Aucuns y adioustent ce que dit a esté, qui sont fueilles de lentisque & de leastre. Au flux de ventre suruenant, ce qui est de coustume au bœuf, & luy est comme naturel apres la crudité & indigestion, en forte que comme en diarhee il red ainsi qu'il a prins tout indigest, & non cuit, qui deiette grandement la force de la beste, fais luy faire la diette vn iour entier, tant du boire que du manger: & le lendemain ne luy baille riens à boire, mais pour manger seulement le sommet de l'oleastre & de la canne sauage, & lors t'abstiendras du lentisque, & du myrthe agreste, & trois iours apres done luy à boire bien fort peu. Il y en a qui font decoctiō des tendrōs de laurier & fueilles d'iceluy les plus vertes, avec autant d'aluyne de iardins, le tout cuit en deux chopines d'eau claire & douce, font prendre cela à la beste de grand matin: & là dessus, apres l'auoir vn peu promence, luy font prendre leur viande accoustumee. Autres ayment mieux prendre deux liures de pepins de resins qu'ils font terrefier au feu, puis les mettent en pouldre fort delice & subtile, & avec vne chopine de gros vin vermeil luy en font vser, & luy presentent souuēt du marc de pressouer bien aousté & destrempé en gros vin dur & vermeil. Aduient quelquefois, que cōbien qu'il n'y ait flux de ventre ne bruit d'intestins: toutesfois la beste est tellement desgoustee, qu'elle refuse entierement toute sorte de viande accoustumee, lors la teste pesante, les yeux gros, desquelz elle monstre les larmes luy tōbēt, & des nazeaux luy sort quantité d'humeur. A cela nous sommes d'auis de luy cauterizer le milieu du front iusques à l'os, & que les aureilles luy soient decoupees & refendues avec le ferrement: & faudra bassiner les lieux cauterizez avec de l'urine du bœuf mesmes: & sur les aureilles refendues tu y mettras de la poix grasse avec de l'huile.

Les ramules aux bœufs ce sont tumefactions des venes qui sont souz la langue, qui leur cause grand desgoust avec la fièvre. Le mal ne me semble du tout sans danger, & y faut promptemēt faire section de flâmette souz les deux costez de la langue, puis frotter les playes avec vne teste d'ail battue & broyee en sel menu, à fin de faire par ce moyen sortir toute l'humeur prouocque. Il sera bon à la flâmette donner quelque adioinct

adioinct d'une petite cannelle bien delice, puis laver les playes avec le vin vermeil, puis vne bonne heure apres on presente l'herbe verte à manger, & foin bien fort mollet, iusques à la consolidation des playes faictes souz icelle langue. Si la ranule n'est point cause de ce mal & desappetit, & mesmes que l'animal face difficulté de prendre & vser son accoustumee nourriture, frotte luy les nazeaux, & mesmes luy en fais entrer de reste d'ail broyé avec de l'huile.

De la fieure des bœufs.

Tu entendras quand le bœuf commencera auoir fieure, si la grande inquietude, tremble par tout le corps, puis a grand chaut au milieu du front, & vers la racine des cornes, & aussi aux oreilles: il a lors la bouche fort chaude, & sue bien fort apres auoir beu plus que de coustume; ne mange gueres, hallette & tire la langue fort seiche, il a la teste pesante, les yeux larmoyans & demy cloz, le muffle remply & humecté de salive, le respirer plus long, & toutesfois à peine & avec grande intermission, sans ce qu'il se plaint & retourne souuent. Le premier iour que tu apperceueras ce mal, fais le ieufner ledit iour entier: le lendemain la beste estant à ieun tu luy feras tirer sang souz la queue en petite quantité. Cinq iours apres tu le repaistras de decoction de gloutteron avec de l'huile & de la saulmure. Aumoins tu luy presenteras cela deuant toute autre viande, verte ou humide, comme seront les summitez de lentille, oliuier tendre, & autres bourgeons que penseras estre agreables à l'animal. Encores ne sont mauuaises les fueilles de vigne bien tendres, si s'en est le temps. Avec l'esponge trempée en vinaigre tu luy laueras la bouche trois fois le iour: & apres le feras boire eau bien froide aussi par trois fois: & ne le laisse aller au pastiz, iusques à ce qu'il soit hors de fieure entierement.

De la toux du bœuf.

La toux du bœuf doit bien estre aussi diligemment traictee que celle des cheuaux: & ne la faut laisser enuieillir ou longuement durer: car il n'est que remedier au commencement. Tu luy feras lors prèdre à ieun vn demy poisson de farine d'or-

ge, d'as laquelle tu mettras vn œuf entier sans la coque, & avec demy septier de vin cuit tu luy feras aualler à la corne ou autrement. Autres prennent du chien dent, que lon nomme gramen, & le pillent, puis le meslent & destrempent en eau chaude avec de la farine de febue fritte groulee, & de la farine ou gruiau de lentille, & le tout bien mixtionné presenteras à la beste, de bon matin. A la vieille toux, sert prendre deux manipules d'hysope vieille ou recête, & en faire decoctiō en eau cōmune : puis apres l'auoir passée, tu y mesleras farine d'amydon deux parts, & le feras ainsi prendre à la beste. L'eau d'hysope distillee se pourra mesler parmy, ou la decoction de menthe & hysope ensemble. A ce mesme faict le iust de poreaux bien exprimé & baillé avec l'huile d'oliue : & ne sçauoit estre la toux si vieille ou ancienne, que les racines de poreaux bien lauees & nettoyees & presentees en decoction avec la farine de froment ne la mette abas & hors de force. De ce mesme effect est la farine des ers baillée en commun vsage, ou presentee de force avec l'hydromel, lors que la bouche salue le plus fort à la beste.

Des apostemes qui suruiennent aux bœufs.

LA suppuration, que lon nomme aposteme aux bœufs, se guarit plus soubdain & mieux, quant à l'ouuerture, par le moyen du fer que du cataplasme, puis apres l'ouuerture faicte, & la matiere qui estoit contenue en l'aposteme bien & deueement euacuee, faudra bien bassiner la playe avec de l'vrine de la beste mesmes, & avec plumasseaux trempes en poix grasse & huile vieille le surplus se parfera : encores sera bon tremper les bandes en vin & huile, pour tousiours conforter & adoucir. Si tu ne peux bāder la partie apostemee, enuelope la avec la laine à tout le suif mouillée & imbuee de suif de cheureau, ou du bœuf mesmes. Aucuns y ont faict bassinement d'vrine d'homme, qui auroit esté quelque temps gardee & conseruee, ou bien la meslent avec de la poix grasse & vieil oingt : & de ce cuit ensemble en font emplastre.

Au bœuf qui cloche.

Quand par quelque force ou contrainte le sang descend abondamment aux ongles du bœuf, soit des pieds de

deuant ou de derriere, cela fait enfleure, & le cōtraint clocher. Tu cognoistras le mal en attouchant le pied de la beste, lequel tu trouueras à l'endroit & souz la corne comme sieureux & plus chaut que le naturel, si que le bœuf n'endure pas aisémēt que tu luy manie cest endroit. Si cela se rend au fourchis entre deux ongles, fais ouuerture de l'aposteme meur avec la lancette, puis avec l'estouppe trempee en sel ou eau salee, apres que tu auras bien fait purer le mal, tu en feras enuelope, & par dessus le chaufferas avec du genest bien delié, duquel on fait les cabats. Et ce chaufson ainsi fait luy seruira iusques en fin de guarison : durant lequel temps ne le faudra laisser entrer en l'eau, mais bien attendras que tout soit sec. S'il y demeure du sang caillé, & que tu ayes laissé leans, ou qui depuis sy soit accuilly, il te faut faire ouuerture nouvelle sur la sanie & la matiere qui se sera engendree, & tendra à suppuration. Ceste ouuerture me semble plus conuenable entre les deux parties de l'ongle qu'au dessous. S'il cloche nonobstant toutes ces choses, & se rend mutile au cheminer tu luy accourciras la corne par les bouts iusques au sang & à la chair viue, puis enueloperas la partie avec l'estouppe trempee en vinaigre, sel & huile commune, & sur l'euelope mettras le chaufson de genest bien fait artificiellement, & ne le deschauffe point si ce n'est pour l'appareiller, iusques à ce qu'il ne cloche plus.

S'il cloche à raison de quelque douleur de nerfs & de tendōs refoulez (ce qui aduiet le plus souuent aux grādes ioinctures, comme du genouil & des flancs) il y faut proceder par fomentatiōs ou embrocatiōs faictes avec le sel & huile & le vinaigre, le tout bien chaut, & dessus y faudra mettre de la decoction de semence de lin & millet cuits ensemble avec hydromel : & ne differeras y appliquer tout le marc entier. La fomentation se fera depuis les genouils & iarrets iusques bien auant avec l'esponge fort chaude & fort esprainte, puis auoir trempé derechef ladiete espōge en icelle decoction, & bien esprainte cōme dessus, tu la lairras fort chaude liee sus la partie. Aucuns trempent les bandes en bon miel, & l'envelopent par toute la ioincture, & iusques au haut d'icelle le plus serré que lon peut, sans toutesfois riens offenser.

Si tu penses ou apperçois qu'il y ait matiere souz la tumeur,

fais maturatif fait avec farine d'orge, leuain cuit en hydromel, puis l'humecteur t'apparoissant cuitte, luy faudra donner esuent & issue avec la lancette, & poursuivre le reste de la curation en la forme que nous auons cy deuant explicqué. Aucuns y mettēt toutesfois pour faire maturatif de l'oignon de lys avec de la squille & vn peu de sel & de leuain, & la boue estāt sortie & la playe du tout nettooyee font onguent de l'herbe de saint Innocent, ou qui croist aux cimitieres, que lon appelle sanguinaire. Cela sert fort bien de restringent avec le vin vermeil, cōbien que quelques-vns y adioustent le marrubium.

**A toutes douleurs qui font faindre le marcher,
& ouurer à la beste.**

Toute douleur, en quelque partie du corps qu'elle soit, estant cause que la beste ne marche ne fait riens à son aise, se guarit plus tost estant recente par cataplasmes & fomentations qu'en d'autre façon: combien que si le mal est inueteré, il n'y a riens plus souuerain que le feu, & sur la playe que le caustere aura laissé, tu mettras ou beurre frais, ou sain de cheureau, ou tous deux ensemble.

La galle se guarit avec la gresse de canart meslee avec l'huile d'oliue, aucuns y mettent le canart tout entier mis & reduit en pouldre, & appliqué avec l'huile vieil, qui est aussi remede fort singulier contre la morsure du loup, ou bien d'vn chien enragé: combien qu'à cela mesmes aucuns n'y veulent que de la saumeure bien vieille, & qui ia commence à sentir.

Contre la galle: Autres prennent du fiel de bœuf, & y pouldroient du soulfre vis en y adioustant du myrrhe, de l'huile & du vinaigre, c'est vn des plus singuliers onguents: puis quand l'onguent commence à s'attiedir, ils y adioustent de l'alun de plume bien broyé & menu pillé.

Aux parties vlcerées sans cause manifeste, ou bien encores qui soit par accident, la pouldre de noix de galle bien broyees y fait beaucoup: aussi fait le iust de marrubium, dās lequel lon aura destrempé de la suye de four.

Du mal de la peau tenant aux costez principale-
ment, & autres maladies que tu verras
deduittes en particulier.

LE bœuf par langueur de mauuais traictement se trouue par
fois si emacié que la peau luy tient aux costez, qui procede
aussi quand lon la laissé trop tost refroidir apres le labour, ou
s'il a esté imbu de la pluye, quād par fortune il est tumbé sous
le faiz ou autrement: noz vulgaires appellent ce mal l'apeau
seiche, ou tenant au corps, si que auec la main on ne la peut es-
leuer: car le bœuf aussi bien que le cheual a quelque sentimēt
au cuir, & lequel quand quelque chose exterieure l'offence, il
le replie & refricque pour la faire partir: faute de bien gouver-
ner le bœuf quand il est retourné du labour, & de luy presen-
ter quelquefois, quād il est recrand, vne soupe trempee au vin
pour luy conforter le cueur, & le rendre plus de hait à conti-
nuer son labour, à personnes principalement qui n'ont le
moyen de rechâger le bœuf du matin à la soiree. A ce mal pre-
nant cours & continuant, fais fomentation de toute l'espine
du dos & des iambes & cuisses à contrepoil, avec la decoction
de fueilles ou rameaux de laurier faicte en eau de riuere, y ad-
ioustant à la collature force vin vermeil & huile commune,
puis pren à deux doigts la peau de l'animal & la separe douce-
ment, tellement qu'elle puisse iouer & se manier cōme du pre-
mier. Cela faut faire ou en lieu biē fort chaut, ou à l'ombre du
Soleil de Midy bien feruēt & chaloureux. Quelques vns pour
fomentation ne veulent que de la lie de vin blanc destrempee
auec du sain doux: & de cē tiede manier & oindre toutes les
parties du corps, en les gouuernant doucement avec les deux
doigts, comme dict est.

Autre mal du bœuf s'appelle catarre, & est longue distillatiō
sur les poulmons, de laquelle iceux estāt vlcerez la beste ama-
gri grandement, & avec toux fâcheuse deuient phtisique &
en chartre, qui n'est maladie de petite importance, à laquelle
pour remede tu prendras racine de consoulde avec du iust de
poreaux & d'huile de chacū demy septier & luy en feras boire
p plusieurs iours a tiede le matin, avec vn possō de fort bō vin.

Si le palais estant enflé & aucunement tumefié fait desappetit & desgoust à la beste & luy rend souspirs trop frequents, il fera bõ le saigner de la vene dudict palais, & lors apres la saignée ne luy bailleras à manger que des ers bien macerez pillez & escorchez, avec de la fucillee & autres verdure ou foin bien mollet, iusqu'à ce qu'il se trouue mieux.

En labourant ou trauaillant le bœuf quelquesfois se blesse & contuse le col, sil s'en plaint & que tu y voye apparece: pour singulier remède tu luy feras tirer le sang de la part de l'oreille & luy feras frotter le col avec saulmure & vin ensemble, ou avec son vrine propre. S'il a le col desnoué ou demis, faut premierement regarder de quel costé il le panche, & tirer le sang de la partie opposite de la vene de l'oreille que tu verras. la pi^e apparete, & la maniere sera de battre ladicte vene & toute l'oreille avec vne spatule de bois bien vnye, puis quand la vene apparoistra, tu luy donneras de la flammette ou lancerte. Et le lendemain tu entendras à luy faire sortir le sang caillé sil y en est demeuré. Ces deux iours la beste fera vaccatiõ de tout ouurage: le tiers iour tu luy bailleras petite rasche, & ainsi peu à peu le remettras en son premier train. Si le col ne se fleschit d'une part ne d'autre: mais est enflé par le meilleu, alors tu luy feras tirer sang des deux aureilles. Ce mal apres les trois iours quelquefois ne s'appaise entieremēt, & demeurent les tendõs & cordes imbibees, enflées, roides, & tēdues outre mesure tellement qu'à raison de ceste dureté le bœuf ne peut endurer le ioug. Tu prendras à ce mal de la poix noire avec moelle de bœuf, suif de bouc, & vieil oingt avec huile qui soit aussi vieille, de ce bien meslé ensemble par egale portion de chacun, & bien cuit moderement en la terrine tu en feras onguent, duquel tu feras oindre le col de la beste: toutesfois & quātes que elle sera retournée de son labeur, iusques à ce qu'elle s'en trouue mieux. Aucuns ont de coustume lauer premieremēt la partie d'eau de piscine, puis passer l'onguēt par dessus, & pour detorsion encores vser de l'eau susdicte. Mais si ceste tumeur le fasche tāt qu'il ne vueille du tout reprēdre ny endurer le ioug, il le faudra tenir en repos, & luy souuēt bassiner le col avec de l'eau ou tu ayes deslayé & meslé de l'escume d'argent. Celsus à ce mal conseille piller l'herbe nommee ama, & mettre le marc

sur la partie offēcée : facilēmēt toutesfois ce mal se guarit avec l'huile instillee dessus, cheant d'vne lumiere ou lampe ardente & allumee, mais il faut aller par discretion qu'il ne s'engendre tumeur de venes.

Le col du bœuf deuient chaulue & desnüé de poil quand par sueur grande, & en temps de pluye lon le tient trop longuement au traiaill. A ce danger, fais pouldre de thuilleaux ou de brique fort broyee, & auant que leuer tout le collier entierēmēt iettē là par tout sur le mal, puis quand la place sera bien seiche, il y faudra de rechef distiller l'huile.

Le soc de la charrue ayant blessé le pasturon ou l'ongle du bœuf en labourant, enuelope le mal de laine avec le suif: mais premierēmēt tu mettras de la poix seiche meslee avec du vieil oingt & du soulfre, le tout à la paelle chaude, puis de ce qui restera feras onguent par dessus. Ce medicamēt sert au mal qui viēt à l'ongle pour auoir marché sur vn cloud ou sur quelque tez de pot de grez bien aigu, ou sur quelque petit caillou de mesme façon. Si ce mal est profond il le faut eschargotter & plumer ou descouurir tout à l'entour, puis luy bailler l'onguēt tout bruslant, ainsi qu'auons dict, & mettre du vinaigre avec le linge à l'entour de la partie qui n'est offēcée, & encores sur toute l'vne & l'autre entierement, ce remede faudra cōtinuer par trois iours suyuant. Si le soc est entré dedans, lon y met sus du marc de laitue marine avec du sel gros fort broyé.

Aux piedz de bœuf qui sont refoulez, lon fait bassinement de son vrine propre vn peu plus que tiede, puis lon le fait marcher sur de la cenise chaude de bourrees de serment bruslees, & luy fais vn onguent de poix grasse meslee avec du surpoint ou de l'huile. Le bœuf ne cloche pas si fort, si apres qu'il est desattellé, lon luy bassine les ongles des piedz & tout le pasturon entierement avec l'eau froide: & quand on luy frotte les pasturons & toute l'ongle avec le vieil oingt.

L'asperité du chemin cailloueux ou trop dur & aspre, ou bien quand l'herbe appellee arreste bœuf, & des Grecz monis luy donne grand peine, aussi que la terre qu'il rompt à la charue est par trop dure & reuesche font qu'il s'espaule quelque fois, & se deult grandement ou d'vne ou de toutes les deux. Si c'est d'vne espaule seulement, tu luy tireras du sang des cuisses

de deuant : si c'est la droiſte eſpaule du coſté oppoſite, ſi la ſe-
neſtre du coſté droit, ſi toutes les deux, auſſi de deux coſtez.

S'il ſe deſioinct & corrompt les cornes, tu les enueloperas
tresbien de bandes de linge, trempées en huile, ſel & vinaigre,
& luy laiſſe ceſt appareil trois iours durans. Apres leſquelz ſi le
mal n'eſt guarý, tu renouuelleras tes bádes mouillées comme
deſſus. Le ſeptieſme iour tu n'y mettras que du ſain doux avec
de la poix ſeiche & de l'eſcorce de pin, autant d'un que d'autre,
& cela continueras iuſques à ce que la cicatrice ſoit fermee.

Note qu'à tous vlceres ou playes, pour remede lon met de
la poix graſſe, de l'huile vieille, & du ſain doux ou du vieil oing
& meſmes de ceſt onguent on en frotte l'entour des parties
bleſſées, pour empêcher que les mouches ne donnent ennuy
à la beſte, & qu'au dedans de l'ulcere ou de la playe les vers ne
ſ'y engendrent comme ils ont de couſtume, quand principale-
ment le mal n'eſt ſi ſoigneuſement penſé qu'il deuroit.

Comme que ce ſoit ſi la vermine ſ'engendre en la playe ſur
le doz ou autrepart, il te la faut lauer le matin avec l'eau freſ-
che, cela faiſt remouuoir le cuir & toute la partie, & par ce
moyen il tombe. Sinon tu prendras du marc de marrubium &
poreaux pillez enſemble avec le ſel, & le mettras ſur la playe.
Aucuns ayment mieux pouldrer la playe avec de la chaux vi-
ue: autres la font deſtrempier en fort vinaigre, ou bien luy baſ-
ſinent la partie vlcerée, avec du iuſt de courge verte & du
vinaigre. Il y a auſſi danger que ce mal ne tourne en chancre,
& pour y obuier faut prendre de l'herbe à chat avec du cumin
vert ou de la cegue. Et le tout pillé en vinaigre mettre ſur la
playe. Mais ſi par negligence le ver deſia engendré faiſt telle
putrefaſtiõ que la playe en ſente mal, il n'y a autre remede ne
plus ſouuerain que le feu ſubtilement & legierement donné ſur
la partie, puis y mettre ſus de la gluz avec du miel & du vin. Les
plumaffeaux trempez en huile & vinaigre font grand biẽ aux
vlceres. Finablement pour deſeicher, faiſ cendre de corne de
cheure ou de bouc, & la iette ou pouldroye par deſſus.

La morſure de ſerpent ne faiſt tant de tort au bœuf comme
la poinſture des verueux, lezards, ou autres petits ſerpenteaux
de buiſſons. Combien qu'en Afrique & Aſie autres manieres
de ſerpens comme baſilic ſont plus dangereux quand le bœuf
de

de ceste region se couche dessus. l'entens du scorpion, vipere, ou myseraigne, qui est souris terrier, qui fort blesse le bœuf, & tout autre bestiaill, sil en approche & se couche dessus. A la picqueure ou morsure de la vipere & semblables bestes venimeuses, cōme de ce que Galiē appelle, Tiry (qui a dōné le nom au tyriaq̃) faut sur la tumeur qui procede de la venosité de la morsure, faire scarificatiō, & apres le sang bien tiré & exprimé iusqu'à la derniere goutte y mettre du iust de grād lapatū que lō a nōmé personnier (pour ce q̃ les enfans en font masques des fueilles parcreues) & en appliquer le marc avec du sel gros biē menu pillé. La racine de ceste grande ou moyenne personniere y faiēt beaucoup, & encor plus la racine de persil de montaigne avec le cythize que lon nomme l'herbe aux cheures pilees ensemble, & presentees en iust avec du vin blanc la quantite d'un demy septier pour fois, le marc apres l'expression forte sert bien à mettre sur le dos. La semence en est bonne à faire breuuage avec le vin blanc, & la racine pillée avec la farine d'orge, iust de choux & telle quantite de sel que verras estre bonne, & de l'eau de miel, fait bien quand on l'applique en cataplasme par dessus la scarification. Autrement pren les plus tendres bourgeons de freine, & les pille avec six onces d'huile d'oliue, ou autant de bon vin, & luy fais prendre en breuuage: car la morsure du loer ou du verueu, & autre petit serpenteau faiēt aposteme qui s'aboustit. A la morsure du verueu ou Celi-ce faut transpercer le mal avec vne aiguille d'arain, & y mettre dessus de la craye destrempee en huile. Au myseraigne faut en faire mourir vn autre, ou le mesmes qui a faiēt la morsure en huile d'oliue, & de cest huile en frotter le lieu souuēt ou il a mis la dent. Quant au scorpion, les Venitiens & autres ou il est frequent le tuent sur la picqueure ou la frottent avec de l'huyle, ou le scorpiō mis par cōtraincte avec plusieurs autres, aura esté mis & suffoqué. Si le myseraigne ne se peut recouurer lon prêt du cumyn pestry avec du sain doux & de la poix noire, & en faiēt on cataplasme sur la partie. Quand on ne peut garder que l'aposteme ne se face il n'y a autre remede que de l'ouurir avec la planchette ou fer bruslant, ou le bouton, puis y faire liniment de poix douce avec de l'huile. Il en y a qui prennent vn miseraigne, & tout vif le mettent en vne petite bourse de lin-

ge avec de la croye à potier, & la pendent au col du bœuf ou cheual. Au mal des yeux fils sont enfliez & tumefiez, lon y faict collyre de farine de froment pestrie avec de l'hydro-mel. S'il y a taye ou ongle, lon prend sel d'Espaigne ou armoniac, & en faict-on onguent avec le miel, la coque d'une seiche ou tasseron mise en pouldre, & soufflee trois fois par iour dans l'œil de la beste y faict profit. Pren aussi si tu veulx pouldre de racine de liset grand ou petit, & avec la dixiesme partie de sel armoniac souffle luy ceste pouldre en l'œil avec le canon ou la canelle comme tu voudras. La mesme racine pillée avec l'huile de lentisque qui est l'arbrisseau du mastic faict cela mesmes.

A l'œil du bœuf qui sans cesse larmoye & fallit toutes les ioues de l'humeur y distillant, qui est le mal que les Grecz nomme Opiphore, encores que ce fust la suffusion: Pren de la bouillye de farine de froment, & en fais embleme ou cataplasme sur l'œil. Le panaiz sauuage tige & racine pillé avec le miel fert de collyre à cest effect. Et te souuienne deuant que tu appliques le miel sur l'œil du bœuf, ou du cheual mettre au parauant, peur de l'empeschement des mouches; de la poix noire & liquide deffaicte avec de l'huile en forme de liniment.

Si l'eau ou le bœuf sabbreuue, est pleine de sangsues, il aduient qu'il s'en attache quelques vnes non desgorgees sur le muffle de la beste & mesmes à l'endroit de la gorge, qui luy faict grand tort & principalement quand on ne peut tuer la beste avec les doigts sur le mal, & puis baysiner le lieu mordz: car il s'enfondre quelque fois si profondemēt que lon ne peut tirer ny emporter la beste viue. A cela faut que tu mettes dans la bouche iusques au gosier de la beste vne canelle ou quelque tuyau creux, par lequel tu puisse faire tomber de l'huile chaude dans le gosier d'icelle, cela fera tost partir les sangsues. Autrement pren du cumyn & la fais torrefier sur le rechaud, la vapeur de cela fera tost partir ce bestail. Si la sangsue se plante au ventre à l'endroit de l'estomach ou des intestins, il la faut faire tomber avec l'huile chaude, & ny a plus souverain remede.

Le m'estoye oublie te faire description du lieu ou i'entends que les bestes malades & separees des autres soient traictees à commodité, qui seruira tant aux cheuaux comme aux bœufs,

& toutes autres bestes de piedz forché. Pour instruction donc tu feras vn parquet loing des autres estables, bien cloz daiz de quartier bien forts, & embouttez ou enclaeuz, le plancher de neuf piedz de long sera sellé de membreures de chesne bien arrestees au dessus de la fesse que l'on n'ome pissouere. Et quant à la couuerture, elle sera de mesmes aiz que les cloisons: mais plantez & couchez en sorte que l'un prenne sur l'autre. Et au dessus tu mettras de l'estrain ou de l'esteule comme bon te semblera, pour le danger de la pluye & de l'esclair. Et quant aux cloisons, j'entends que le deuant soit plus estroit que le derriere, & comme en triangle, mesmes le derriere plus haut que le deuant, si qu'il ny ait au deuant plus grande hauteur que trois piedz & demy sur le seuil, & le derriere portera le double, la largeur du dedans cinq piedz en estable, & deux & demy en allee: Le rastellier ne sera haut que de trois ou quatre piedz, pource que la beste malade, ne se peut tant estendre, mais tu feras proportion & come distinction entre les cheuaux bœufs & montons, comme bien aduisé que ces bestes ont differente façon, l'espace qui demeurera tant des costez comme au deuant, seruira pour reserue des ostilz du labour que tu craindras estre gastez à la pluye.

Au mal de l'eschine & des flancs, tant des bœufs que des cheuaux.

LE cheual se dict arrené ou efflanché quand par trop grande pesanteur de faiz il tombe, s'escuisse, s'escatte, & fouure par les flancs. Quand aussi il se refoule & blesse en effort de passer ou sauter vn fossé, & que les piedz de derriere luy faillent, ou à la iouste, quand il est accullé de la force du combatant, en sorte qu'il est contraint se plonger à terre, dont au relief il se trouue recreu, & en pert toute seureté de marcher. Il peut aussi aduenir que par trop grand trauail en lieu froid, & temps de mesmes, ou mauuais establement en pays estranges, les parties qui sont plus subiectes à l'air, comme aduient es têtes du camp, ou de Prince tenant grande court en lieu peu logeable, se refroidissent & roidissent, tellement qu'elles semblent retraittes & accourcies, si que le maniment n'en est plus

PV B. VEGECE DE LA

naturel. A ce mal faut faire baignement par tout le corps avec decoction de foin, ou de semence & fleur d'iceluy, & tant de fois l'en frotter & bouchonner que quelque sueur suruenant admōneſte de l'eſſuyer à ſec, & l'eſtabler & ſerpiller bien chaudement: puis le faut frotter d'onguens les plus chautz que lon pourra compoſer avec l'aphir, nitre & autres choſes propres. Le trouue bon le mal eſtant contumax aux remedes que lon applique, le feu leger, pour renforcer les parties offencées. Si le mal continue, il faudra picquer les venes du dedans des cuiſſes, & du ſang qui en ſortira meſlé avec du ſain doux & de l'huile en charger les flancs & les cuiſſes. Lon en faiſt cataplaſmes de cela, en y adiouſtant du bol d'armenie & du vin vermeil: mais pour breuuage il faut prendre douze noix de cypres & les ſeicher ſur les charbons, iuſqu'à en faire cendre, avec trois onces de nitre ou ſalpeſtre cuit, du tout cōuert y en poul-dre, fais prēdre à la beſte par quatre diuers iours avec trois onces de fin miel, vin vieil trois poſſons, huile douce trois onces.

Au mal des flancs, qui ſouuent tourmente les bœufs faut faire cataplaſme de trois poignées de ſemence de choux avec vn poſſon d'amydon bien pillez enſemble & deſlayez en eau froide puis appliquer ſur les parties dont ils ſe deulent. Autant en faiſt le cyſimbre avec vn poſſon de farine deſtrépé en eau bien froide. Le plus ſingulier que i'y trouue, c'eſt prendre des fucilles de cypres, ſans le rameau, trois manipules, & en faire cōme deſſus, en y adiouſtāt du fort vinaigre au peſtir & diſſouldre. Sinon pren trois onces poix refine ou colophone, qui eſt plus dure, & les fais diſſouldre & liquefier à la chaleur du feu, & quād le tez ſera encores biē chaut, tu y meſleras la farine d'orge tant que ce ſoit comme boullie, ce cataplaſme tu applicueras bien chaut ſur les flancs iuſques aux reins. Ce remede, ſouuent renouuellé oſte la douleur de l'enfleure. Pour extreme remede, ſi toutes ces choſes ny font riens, il faut appliquer les boutons de cautere moyennement chaux & ſi legieremēt que le cuir n'en ſoit beaucoup deſſormé & corrompu.

Du mal des reins.

L On cognoiſt quand le beſtail a mal procedāt des reins, lors qu'il ſe ſaint du train de derriere, & ne peut auancer les piedz de ceſte partie à ſon aiſe, il chancelle des flancs, ne re,

trouffe plus la queue, mais la laisse trainer en long, son vrine sent mauuais, & tout le train de derriere empesantist, se contraint & accourcit, fil y a inflammation il vrine rouge comme sang: si cela dure, & qu'il en iette beaucoup, il n'y a plus de remede: mais si le darte n'est qu'un peu tainct de rougeur de sang, il y a quelque esperance de guarison. A ce mal tu luy feras tirer du sang des venes du train de derriere, ou bien de la vene appellee matrice, qui se trouue le long des flancs approchant du rein. Pour breuuage fais luy boire du iust de poreaux avec de l'eau tiede, ou mesmes de son vrine.

A ceste maladie approche l'inflammation des muscles, tant exterieurs comme interieurs des reins & des flancs, qui procede de la cheutte du bœuf en lieu dur & pierreux, & qui n'est sans descente de quelque contusion. Pour continuel remede, ie trouue bon que la beste cheutte, apres qu'elle est establee, lon ne la remue d'une place, & que lon bassine la partie offensee avec de l'eau froide, puis par dessus vsfer de liniments & cerofnes confortatifs, qui ne soient trop chauds. Les signes de ce mal sont que les reins par dehors endureissent, les testicules luy accourcissent, & se retirent en dedans, tellement qu'ils apparoissent bien peu, il tire de l'esparuin, & ne remue la cuisse à son aise: & quand il est couché, il se releue à bien grande peine: qui prouient quand le bœuf est tenu trop longuement au trauail, & qu'il pene en lieu de descente & cailloueux. La course, & extension en lieu buissonneux sont cause de ce mesme mal. Il luy faut tirer sang des endroits du ventre, selon que la force de la beste le pourra endurer. Et en outre sera establi en lieu ou il puisse estre mollement & delicatement traitté. Finalement tu luy feras vsfer de tous remedes purgatifs & confortatifs que nous auons alleguez cy dessus.

Quand le talon sort au bestiail comme estant desmis.

DE trop grâde froidure, par auoir trauaillé en lieu neigeux, ou congelé, ou bien apres le desgel: faut aussi que le pasturon des bestes n'est au soir bien bassiné d'vrine, & enuélépé de fiente, le talon s'vlcere & semble comme vouloir se partir & disloquer, là se fait vne eminence qui puis apres s'vlcere, & donne peine au marcher de la beste: il faut scarifier la partie

bien fort avec la lăcette, puis mettre le feu legier aux endroits scarifiez, & par dessus de l'onguent doux, ou rosat, avec le defensif d'oxicrat à la bande & enuelope. L'escarre tombee, faut bassiner la place avec de l'vrine & du vinaigre à chaut tāt que la suie soit du tout partie, & la place non plus enflée ou tumide: & ainsi sur la fin, fil y a dislocation, tu la remets bien à l'aise, en remuant bien doucement le pasturon, & en tournant çà & là, puis faisant cataplasme ou emplastre de melilot que tu mettras par dessus: sinon, pren trois onces castor bon, sel gros bien broyé de chacun deux poignées: sel armoniac vne liure, seneué six onces, le tout pillé ensemble & passé grossièrement, apres l'auoir fait bouillir en eau commune iusques à quelque espaisseur, remettras en vn pot pour ton vſage, qui sera de le lier au pasturon & sur l'ongle, à nouuel appareil, pour iour, l'espace de tant de temps que tu apperceueras amendement, en bassinant toutesfois bien souuent la partie avec de la lessiue chaude. Quelques-vns n'y mettent que du surpoint ou du vieil oingt defait entre les deux mains, puis apres la friction reduisent la partie en son premier estat. Somme, pour acheuer & accomplir ceste curation, l'vrine gardee & appliquee par maniere de fomentation sert de mondificatif & deterſif par tout à ce mal.

Au mal des reins, tant du cheual que du bœuf.

ACes signes tu cognoistras quād l'animal aura douleur aux reins, soit par calcul, trop grand trauail ou autrement, il ne se peut tenir bonnement ny couché ny debout, les flancs luy enflent avec grāde demission. A ce mal le faut saigner de toutes les deux cuisses, puis faire parfum sur des pierres de meule excessiuelement chaudes avec de l'vrine bien longuement gardee, & ia putresce, la beste estant couuerte de serpillieres doubles iusques aux ongles, à ce que le parfum ne sorte hors de ce que le corps de l'animal peut contenir, & que par le moyen de ceste vapeur les testicules rendent sueur, puis on les bassine avec l'eau chaude: & pour le dernier lon leur frotte les testicules avec de l'huile, dās laquelle on aura meslé à chaut de l'alun de glace, & du nitre en pareille quantité. Sinon, pren quatre scrupules de fueilles de cypres, pille les en vin vermeil dans vn

mortier, & incorpore le tout avec du sain doux, en y meslant tousiours a destremper autant de gros vin vermeil que besoing en sera, & avec du linge sur lequel tu coucheras ton cataplasme chaut, applique le sur les genitoires: & continue ce remede iusques à fin de cure. Pour extreme remede il luy faut bailler le feu bien legier & subtil aux parties genitales, ou bien les scarifier doucement.

Si les testicules sont enfléz pour quelque cause que ce soit, fais grossier & brusler de l'orge entier, ou le mets en pouldre, de laquelle tu mesleras avec du sain doux pour en oindre les genitoires de l'animal, au soir, ou au matin. Lon tient pour remede physical, que le fiel de chien guarit les genitoires enfléz des cheuaux, bœufs & mulets, quand on les en frotte souuent. Aucuns autheurs ne les fomentent ou bassinent qu'avec l'eau chaude simplement: les autres y veulent adiouster parfum de fueilles de cypres, soient vertes ou recentes, & au parauant mettre les testicules enflambees dans vn pot d'eau moyennement chaude, puis prennent croye fine & la destrempent en fort vinaigre & bouze de bœuf, & en font liniment sur les testicules, qu'ils renouellent iournellement iusques à parfaicte guarison.

A l'animal qui ne peut retenir sa nature.

LOn trouue des cheuaux, mulets & bœufs qui ont si grande quantité de sperme, ou bien l'arrest d'iceluy qui est pres de la vessie tât debile & resolu, qu'ils se gastent iour & nuict tout le ventre & les cuisses de leur nature. Quand tu verras cest inconuenient qui les rend fort foibles & lasches, principalement en esté, il les faut guayer en eau bien froide, iusques à faire que les genitoires y trempent, puis apres tu les fomenteras ainsi que dit a esté: ce fait tu leur mettras la main & le bras dans le fondement, iusques à ce que tu trouues la vessie, que tu puisses frotter & gratter doucement avec ses parties voisines, qui sont les vretères & vaisseaux spermatiques, puis tu couuriras la beste bien soigneusement qu'elle ne prenne froid. Pour breuuage, tu luy feras prendre iournellement de la fiente de pourceau avec du vin vermeil, ou de l'eau douce, iusques à fin de guarison.

Au flux de sang par le fourreau, ou bien à l'vrine
sanglante:& autre flux de quelque endroit
que ce soit.

Pour remede à ce mal,fais tirer du sang à la beste de la venē
des harts: & pour breuuage, pré racine de sphodele, que les
vulgaires nōment aphrodilorum, & la choisiz bien visqueuse
ou glereuse, puis l'auoir bien decoupee & menu detrachée,fais
en infusion en doux & bon vin blanc, q̄ tu luy feras prédre par
la bouche trois matinees fuyuans. Autrement,fais decoction
de farine de froment avec du sain doux, & pouldre d'escorce
de grenades seiches, & le tout passeras pour en faire breuuage,
& luy donneras tous les matins:pendant lequel temps que
tu le penseras ne le fais aucunement trauailler en violence,
course,galop, ou autrement, mais fais le promener bien doucement,
que la vene que tu tasches à reformer ne soit ouuverte de-rechef:car il n'y a riens pire aux cheuaux & mulets que
de les galoper & poster si souuent. Lon leur fait pareillement
cataplasme sur le dos & sur les reins, avec de la centinode du
bol d'armenie & du sang de la beste meslez ensemble avec du
fort vinaigre ou gros vin vermeil, qui peut encores seruir &
proffiter aux errenez & eslancez.

Aux cheuaux ou bœufs à qui le sang sort bien souuent par
les nazeaux ou par trop grande imbecillité des venes, ou trop
excessiue chaleur exterieure en esté, ou interieure, causee de
trop longue peine & violence: fais bassiner la teste avec de
l'hydromel bien froid,dans lequel tu ayes pouldré vn peu de
sel gros:puis avec le cataplasme cy dessus declaré,tu l'embegui
neras proprement,si qu'il ne luy apparaisse riens sans plus,que
les aureilles,les yeux & le muffle.

A ceux qui ont le flux de sang par bas, procedant de quel
que vlcere d'intestins ou rupture de venes au dedans, ou
bien de l'imbecillité du foye.Pour breuuage fais leur boire de
la decoction de centinode, avec des galles & noix de cypres.
Et par bas fais clysteres avec la decoction de bouillon blanc,
ozeille & germandree, & au passer à chaut, adioustes y de l'a
xunge de cheureau ou de pourceau,ou bien de canart avec de
l'huile de coings.

La trop grande repletion à la beste grasse, de relaiz, & trop en bon poinct, comme elle engendre trop grande abondance de sang, aussi fait elle flux d'iceluy par les nazeaux, & par l'vrine, autrement les vaisseaux se romproient promptemēt: combien q̄ cela aussi aduienne aux cheuaux gressles & maigres, qui sefforcent trop de leur promptitude & generosité naturelle: car tels comme coleres & subtils à toutes actions ont coustumierement les vaisseaux des venes & arteres plus larges, gros & pleins, que les bien gras & replets. A ceux là ne faut tirer le sang par saigner, mais le restraindre, & les laisser en repos bien freschement. Aux autres pletoriques faut donner la flammette aux espaules, aux harts, au col & entre les deux yeux, ainsi que ton iugement portera: la potion du iust d'herbe terrestre avec de la centinode & fouchet, fait grād bien à tous les deux, quand elle est prinse ou avec le vin vermeil ou avec l'eau rose. Autremēt, pren gomme dragant demie once, neffles vn scrupule (i'entens de la pouldre des noyaux d'icelles) avec dix noyaux de pomme de pin & storax, calaminthe trois scrupules: fais de ce tout infusion chaude en fort bon vin vermeil & doux, puis formes en comme des bols, & morceaux à manger, desquels tu destremperas tous les iours vne once & demie, & le feras prendre en breuuage à la beste malade par l'espace de sept iours ordinairement, & à ieun, iusques à ce qu'elle se trouue bien. Encores y en a-il qui n'en baillent que la grosseur d'une bonne febue destrempee en vn œuf fraiz.

Mais si le sang vient comme par vomissement, qui monstre qu'il y a quelque faute aux poulmons, ou de vaisseau rompu ou erodé. A cela, prendras du iust de geneſt, que tu mesleras avec du vin, de l'huile, iust de poreaux & bonne huile d'oliue, & luy feras aualler à la corne. Autre potion se peut faire, selon l'opinion de quelques vns, en prenant de l'absynthe pontic, qui est nostre aluyne de iardins, du spic'nard, ou sinō des sumitez de lauande autant d'un que d'autre, & en decoction en eau de pluye dans vn pot neuf luy en font prendre comme dessus.

Quelquesfois, apres la saignee, à cause de la leuee, qui a esté faicte trop grande, le sang sort en si grāde abondāce du ruyau de la vene que lon ne le peut estācher. Le remede sera, la fiēte

de la beste, soit cheual, mulet ou bœuf, appliquee sur la partie. Si cela n'y fait, le feu subtilement appliqué & à main legiere, en gardant que les nerfs ne soient offencez. Quelques vns y appliquent vne compresse de cotton bien abreuee d'huile d'oliue bonne & recente. Pour plus present remede: Pren vn getton ou vn grand blanc de monnoye, & l'envelope dans du linge bien proprement, & le serre & applique bien subiect sur la vene.

Des maladies de la vessie, & principalement de la retention & difficulté d'vrine.

L'Indignation de la vessie se fait pour plusieurs causes, & a plusieurs especes de maux: Nous dirons premierement de la retention de l'vrine en icelle, de laquelle retention tels en sont les signes: Il ne peut vriner, & par force de s'espraindre, il se courbe fort, quasi iusques à terre, principalement tout le train de derriere, en soufflant bien fort, & ouurant les cuisses tant qu'il peut. Vray que quelquefois il red ainsi son eau, mais bien petit à la fois, & quasi goutte à goutte, ou par lōgs filets: & cela s'appelle disurie, qui est difficulté d'vrine: combien que fil ne pisse que goutte à goutte, ce mal particulièrement se nomme strangurie, comme qui diroit estrangement de vessie. S'il ne peut pisser du tout, cela luy menasse la mort: dōt les accidents sont les extensions avec tubercules sur le dos, & suffocation au gosier, de force de la douleur qu'il sent au ventre. A cela luy faut tirer sang du poitrail, ou du milieu de la gorge, & en vacue tant que tu verras estre bon & raisonnable, puis luy fais lauerement à l'entour de la partie à tiede & avec linges chauds. Tu luy fais aussi mettre la main enrosee d'huile d'oliue dans le siege ou le bras iusques au coude, pour tirer la matiere fecale que tu trouueras dans l'intestin, qui peut empescher le cours de l'eau, puis le clysteriseras avec la chauffe, en prenant vne liure d'huile & vne poignee de sel, pour veoir si par ce moyen la douleur se pourra appaiser. S'il n'est ainsi deliuré, mets luy encores la main & le bras bien auant dans le fondement, & tourne ta main deça & dela, en maniāt toutes les parties que tu pourras atteindre en cloyant le poing, & pressant à dextre & à senestre. Cela leur vient quand par force on con-

traint le bestiail à faire grandes traictes ou trauailler trop fort & longuement, mesmes quant au trauail de course ou de galop, ou autrement, la beste, tirant le fourreau pour rendre son eau, tu luy denies l'issue d'icelle, & le contrains passer outre en chemin ou trauail. Quand aussi la beste ayant accoustumé le trauail est trop long temps retenue en l'estable & en repos non accoustumé, & que neantmoins elle est trop nourrie & substantee. De ceste indigestion les excrements se rendent espez & visqueux, qui empeschent en haut & en bas le cours de leur ordinaire. Sans ce qu'il apparroist quelquefois tumeur à l'entour de la glande du fourreau, qui fait qu'avec douleur de redre l'eau, le pertuis par ou elle sort s'estrecist & appetisse.

Quant à la distillation qui se fait goutte à goutte en espraignant fort, cela procede ou de trop grand froid qu'aura enduré la beste, ou d'auoir beu de l'eau trop froide, ou du serain & trop long repos en lieu froid en attendant son maistre, ou autrement. Ce mal se guarit facilement par son contraire, qui est le chaud, tant en friction comme en fomentation. Il peut aussi venir d'auoir trop mangé, & n'auoir trauaillé de mesmes, qui est la cause de la pierre, principalement aux ieunes animaux, qui se peut engendrer aux reins & aux conduits vretiques, mesmes dans la vessie d'iceux. Aduient aussi ce mal, comme d'autres plusieurs, quand le bestiail avec sa mangeaille aura auallé la fierte de quelque volaille que lon laira hanter à l'estable quand les bestes n'y sont plus, & entendent à leurs affaires, ils mangent quelque ordure & infection qui sera tombee leans, dont la beste en enfle, & par la distention des membranes, l'vrine n'en coule à son aise. Par inconuenient le bœuf & le cheual aux champs & pastiz auallent des mouches verres, qui s'engendrent de leurs bouzes ou fiente mesmes, & cela leur cause difficulté d'vrine. Peut estre semblablement qu'ils auront esté abreueuez en eau bourbeuse, trouble, & mal nette. Les vers & l'ombrics qui s'engendrent aux intestins des bestes les offencent par fois, tellement, que par leur morsure, les boyaux & les membranes, & parties vrinaires s'en recentent & contraignent, dont aduient que l'vrine ne peut fluer à son aise. Les signes en sont, quand la beste qui vrine tardiuement & longuement, & comme à filets, se frotte les costez des flancs

par tout ou elle peut, en mordant la terre en y donnant des pieds de deuant à grande force. Pour remede, broye fort delié fueilles vertes de choux rouges ou autres, & du iust meslé avec le vin blanc, tu luy en feras prendre & aualler par les nazeaux, principalement par le fenestre & par la bouche tu luy fais decoction de lizet que tu destrempe en pouldre de nitre, & luy dōne à aualler à la corne. Tu exerciteras & promeneras guaye mēt la beste ou en prarie ou lieu mollet & herbu pres de l'eau de quelque rif, ou ailleurs, ou le long de quelque cau brouifante & murmurante, auquel lieu tu linuiteras en siffiant, à rendre son eau. Et la ou tu verras quelque endroit ou de fraiz vne autre beste viendra d'vriner, tū luy feras fleurir, & l'arresteras ceste part. Ce qu'il faut faire deuant que venir aux autres remedes, qui seront de le bassiner à l'endroit des reins & du garrot avec de l'eau chaude bien longuemēt : puis tu prens de l'aueneron & le fais cuire en vin le plus doux que tu pourras recouurer: de ce tout coulé & passé, luy fais aualler par les nazeaux pour caputpurge. Autrement, pren figues, des meilleures, & en fais decoction en trois demy septiers d'eau de riuere, & de ce tout coulé & attiedy en feras le pareil, en y adioustant toutesfois sur la fin de la pouldre de nitre. Lon tient que l'ail pillé & cuit en vin doux, bien parcoulé, puis ietté dās le nazeau fenestre, fait vriner la beste. Et te souuienne, si tost que tu auras doubte de ce mal, de leur oster du tout l'auoyne & l'orge, & ne les sustenter que de fourrage & verdure propre, fil s'en recouure selon la saison. A ce mal les Sarmates eurent de coustume parfumer la beste bien couuerte iusques aux pasturons avec du castoreum ietté sur la braize, & longuemēt tenu souz le ventre, & vers les testicules: puis promener l'animal assez roide, cela le fait biē tost vriner: le suppositoire d'alū de plume fait avec du sauon noir & du miel, appliqué biē lōg dedās le fondemēt de la beste luy prouoque l'vrine à puissance. Autres prennēt trois ou cinq oignons vieux, & en iettent le iust dās le fondemēt de la beste avec la chauffe, puis font promener ladicte beste sur ceste prinse. Aucuns ont soustenu que riens n'est meilleur à ce mal que prendre de la racleure ou rogneure de l'ongle de la beste mesmes qui ne peut vriner & la piller avec du vin & luy faire prendre par les nazeaux. Il en y a

qui prisent sur tout l'hydromel ou mellicrat ietté sur le foin ou la gerbee & la prouende de la beste, disent aussi que l'eau de miel ou miellée avec de la prisanne fait à ce remede. Autres prisent fomentier le train de derriere & les genitoires mesmes tout le ventre par dessus avec de la decoction de rosmarin. Autres encores criblét des cendres dudit rosmarin bien menu, & luy en font souffler dans les nazeaux, & mesmes en frottent le fourreau & les testicules par tout. Il y en a qui frottent lesdictes parties avec des punaises broyees.

Autre medicament prins par les nazeaux, principalement par le gauche vn poisson de iust de decoction de poreaux avec pareille quantité de bon vin vieil, puis promenant fort la beste. Autres prennent pour infunder par les nazeaux de la boue du ruisseau avec de la fiente de quelque boeuf ou cheual que ce soit, & passant le tout avec du fort vin. Baillie luy au surplus de la decoction de racines d'ache faite en hydromel & luy en fais prendre vne bonne chopine avec la corne, & pour onguent ou cataplasme sur les reins & les flancs: Pren pouldre d'encens fin, vn œuf entier sans la coque, fais le tout boullir en vin doux, & du tout chaud frottes en les reins de la beste à contrepoil assez longuement. Lon fait des chandellertes de miel cuit avec du sel, & les met-on dans le fourreau par le pertuis dont sort l'vrine. Ou sinon on en induit vne bien petite chandelle de cyre, & la met-on leans. Au pertuis dudit fourreau aucuns y mettent & font tenir vne mouche toute en vie en vn petit grain d'encens entier: & le log du fourreau il le font frotter de beurre fraiz sallé avec du bitume Iudaic.

Du flux de ventre que lon nomme la corance.

NOus auons cy dessus assez souuent parlé comment lon doit lascher le ventre trop dur & restraint aux bestes de travail. Maintenant nous faut proposer les remedes pour le restraindre quand elles l'auront trop lasche & en cours. Or y a-il plusieurs sortes de flux de ventre que les aucuns nomment corance, l'vn se fait par indigestion, l'autre par morfonture, l'autre apres trop grande repletion, & aussi d'auoir esté ou demeuré trop longuement à l'eau ou à la pluye. Au flux qui vient par indigestion, que tu cognoistras quand ses excrements sont li-

quides, & que par iceux il remet ce qu'il a prins cōme tout entier, il faut clysteriser, avec choses confortatiues des boyaux, comme de vin vermeil, d'huile de rue, & de myrthilles, & fil y a trenchées avec de l'huile de noix & d'anet, & vn peu de safran, n'oubliant sur tout la decoction de miel à la quantité de trois demy septiers : Mais par la bouche, tu luy feras prendre pouldre de galles avec vin vermeil & farine d'amydon destrépez ensemble. Si le flux vient de morfonture outre le clystere confortatif, il te le faudra faire frotter les reins & le ventre avec du vin vermeil, de l'huile rosat, & quelque peu de sel. Aucuns y veulent encores mettre le safran en fort petite quantité & deux iaulne d'œufs. Autres y adioustent du lait bouillu, & fil y a sang, ils y pouldrent du bol d'armenic avec de la gresse de pourceau ou du sain doux d'iceluy, & du son maigre : & par la bouche luy font prendre decoction de centinode ou sanguinaire avec de la pouldre de noix de cypres seiche, & du vin vermeil. Si c'est apres trop grande refection, lon conforte la beste par haut & par bas, & luy faict-on faire diette. Si par morfonture de pluye ou autrement, lon luy faict boire du vin vermeil auquel seront dissouls six ou sept grains de poyure en pouldre, & bien peu de gyngembre. Autres luy font prendre des soupes trépees en vin vermeil doux & eau rose, & le frottent de vin & huile comme dessus.

Des verrures ou poreaux.

SUr le corps du cheual cōbien qu'il soit de prix & genereux, s'engendrent par corruption de sang trop espez & aduste, vne façon de verrures que lon nomme des poreaux, laquelle pour sa deformité semble requerir ayde pour le parement du cuir de la beste. A ce mal sont propres les setōs appliquez doucement aux lieux plus conuenables. Aucuns ny veulent que le fer seul sans autre chaleur. Autres y mettēt le feu bien legier, & quelques vns l'escorchent ou escargottent, & en font sortir le sang puis y mettēt pouldre d'alun avec le linge, en façon de tente qui brulle par dessus depuis la pyramide iusques à la basse. Autrement, y mettent iust de feuilles ou de rameaux de figuier, iust de chelidoesne, que lon nomme esclere, ou de purge, & pour plus fort operer des feuilles de raphane sauage

broyees avec de la moustarde. Somme, à l'extreme remede il n'y a riens plus souuerain que le cautere legierement appliqué, & puis l'onguent restauratif du cuir & du poil pour reparer la place desgarnie.

Quand le cheual à la cuisse haironniere ou desmise.

PAr trop long trauail & violent, le cheual, le mulet, ou le bœuf tirent bien souuēt de l'esperuin & clochēt en faignāt vne cuisse ou vne hanche. A cela fault tirer du sang des venes de la partie affligee, & dans le sang, soigneusement reserué, y mettre pouldre de soulfre, nitre, graine de laurier pillez subtillement ensemble, & de ce tout charger l'endroit ou il clochera, & n'oster cest appareil de trois iours, apres fais luy prendre par iour de l'eau de decoction de veruene, & luy fomente de ceste mesme decoction les pasturons des quatre piedz mesmes de ceux desquelz les iambes & les cuisses ne sentiront aucune doleance. Et aux iambes qu'il ne pourra leuer à l'aïse, tu feras appliquer vn faux fer & haut pesant sous le pied, avec lequel tu le feras marcher contre son gré, ou sinon, tu luy feras chaufsons de genest bien appropriez, & luy bāderas les piedz & pasturons de la partie offencee, si estroitement que cela luy face douleur, & que par icelle il soit contraint marcher à pied plat. Tu luy feras aussi frotter à la chaleur du soleil les hanches & parties inferieures sous la croupe avec l'onguent restauratif cy dessus descrit, & ce par l'espace d'une bonne heure entiere. S'il se faict quelque fente, il la faut inciser par quatre tailles, & leans mettre le cautere bien legier, puis y trauffer tentes deliees, qui pourront leans demourer iusques à trois iours entre chair & cuir seulemēt, & dessus y mettre defensif d'oxicrat, c'est à dire, de vinaigre & d'eau avec du sel. La partie reduite à son naturel, il faudra entēdre à l'onguent restauratif & incarnatif pour remplir l'endroit où le feu aura passé. Si par fester entre-taillé, vne cuisse aura blessé ou offence l'autre, il faudra tenir longue espace de temps la beste au soleil, & la frotter, & longuement aussi bassiner la partie avec vin vermeil, & huile tiede, en frottant de ceste embrocation les ioinctures fort & sans intermission, iusques à faire sortir la sueur en abondance.

Cela fait, & lors que la sueur y sera faut tirer à deux ou à quatre le cheual avec son cheuestre auquel serōt adioinctes autres cordes pour mieux en cheuir, & lors que la beste sera bien en train de marcher à demy course, toy qui suyuras pour y entendre tu orras bien quand la partie aura fait bruit, comme de se remettre, & au cheminer aussi tu apperceuras l'experience, & lors tu cesseras de le faire tirer plus violentemēt, & à petit pas le feras retourner en son estable, & tu luy appliqueras le cerceol ne restrictif & consolidatif comme t'auons cy deuant mis par forme. Trois iours apres tiendras le cheual en repos, en le fomentāt tous les iours deux fois avec la decoction de veruene: Mais si du premier iour la ioincture ne se remet entieremēt, il faudra luy tirer souuent les cuisses tous les iours & luy donner le trottement cōme dessus, iusques à ce que bien en aduienne. Bref si quelque partie est rompue, desmise ou froissée par atteincte d'autre beste, ou de rouē de charruē ou charette ou autrement. ie n'ay trouuē riens plus singulier à ce mal, que prendre potirons iaulnes trente en quantité, mousles visues autāt, moron vne liure, plātain verd vne bōne poignée, pille le tout ensemble, & avec trois œufs entiers sans coque estāns ce cataplasme sur des estoupes, & lie le tout bien serré sur la partie tu en verras l'experience.

De cheual ou du bœuf qui a mal aux iambes.

Les iambes morfondues ou trop lasches engēdrent au cheual enflure de cuir de part & d'autre d'icelles iambes, que lon nomme les eaues. Ce mal se guarit en la mesme façon que nous auons cy deuant predict en la guarison des enflures au genouil, & outre tu prendras la petite herbe qui naige sur l'eau ou ruisseau, qui na gueres de cours lon l'appelle lentille, & la pilleras avec du viel oingt & l'appliqueras biē serré sur le mal. Si la tumeur vient par quelque heurt ou coup que lon ait donné à la beste à l'endroit de la iambe ou ioincture d'icelle, fais cataplasme de croye de Reims ou fine, avec de la pouldre de brique, & le tout bien destrempé en fort vinaigre applique sur la partie.

Le cheual estant deuenu boiteux pour quelque inconueniēt que

que ce soit, si le mal est recent & frais, tire luy du sang de la iãbe, & luy mets sus de la laine à tout le suif: garde toy sur tout de le fométer ou cauterizer: car ces deux remedes nuisent fort aux iambes, les cataplasmes y seruent, & notamment la terebentine lauee avec de l'eau de vie, mais à lors que la partie est bien forte & remise, à lors pour la roborer d'auãtage tu pourras vser du legier cautere. Si la boette vient au cheual par rupture de cuisse ou de iambe, ne pense qu'il y ait autre remede que reparer la partie: car de tout le reste de sa vie, soyez assure qu'il demourera boiteux. Mais sil est boiteux par auoir receu quelque coup de roue ou d'esseul quand deux voictures se rencôtrent à l'estroit. Le mal estant frais, lie le avec de la laine à tout le suif, bien abbreuuee d'huile & de vinaigre, & laisse cest appareil par l'espace de trois iours entiers, apres lesquelz tu feras autres applicatiõ avec les figues grasses & le nitre, l'espace encores de trois iours. Si cela ny fait, applique du basilicon par autres trois iours, à la fin sera bon vser de cataplasme appellé melicrat, iusques à parfaite guarison.

Du bœuf ou cheual qui se faine d'une iambe & la retire en arriere en cheminant.

LE cheual ou le bœuf attainct de corruption d'humeurs ou pour son naturel, ou pour mauuais traitement tant en viures, qu'au penser ordinaire: sans ômettre en ceste part la froidure qu'il prend la nuit au serain, & mesmes apres le long travail, sans estre promené & bien essuyé: tombe en inconuenient de se douloir, & faindre tantost d'une iambe tantost d'une autre, ce qui depent de la ioincture d'enhaut ou d'embas de la iambe, de laquelle le catarre pourroit estre tombé & auoir prins son cours, duquel endroit l'humeur corrompue selon les nerfs & conduitz ordinaires s'espand vniuersellement par toute la partie si qu'elle en demeure bien souuent entreprinse, & comme à demy immobile. Ce mal fut nommé des anciens Syrmaticque, duquel les signes sont quand le cheual sortant de l'escuyrie, ou de son estable ordinaire, se deult & faine d'une cuisse ou d'une espaule, & iette la iambe & le pasturon, comme au contraire du droit cheminer, iusques à ce qu'il

soit eschauffé au marcher, & par longue traite acheminé à la voye qui luy pourroit estre facile. Le moyen d'y remedier est quasi semblable à la refouleure. Et trouuerois bon que lon luy tirast sang de la vene sous iambe, & que lon le chargeast sur la partie dolente, & par tout en ce lieu avec ledict sang auquel seront destrempez, sel, soulfre vif, pouldre de coques d'huistres marines, nitre, grainé de laurier autant d'un que d'autre bien puluerisez & battuz, puis deslayez & dissoulz en vin vieil & huile d'oliue aussi vieille; & apres auoir faict enfler la beste tu luy en feras onction, & si tu voy qu'il s'en porte mieux, fais luy fomentation de decoction de veruene, & en bafine les parties dolentes quelque espace de temps, puis renouelle ce que dessus. Pour extreme & dernier remede ie ne trouue riés plus salubre que le cautere actuel, bien legier & subtil appliqué à l'endroit de la ioincture que tu verras le plus conuenable qui est ce que nous auons proposé cy dessus aux sciaticques. Merque ce passage, que tout ce que nous auons dict pour les ioinctures & parties anterieures de la beste: cela mesmes seruira pour les posterieures.

Du mal que lon appelle hors du sens.

LEs bestes bruttes aussi bien que les raisonnables, ont passions d'esprit; qui leur trouble & aliene les sens contenuz au cerueau: parquoy les anciens & premiers maistres veterinaires appellerent ce mal alienation d'esprit. Lon cognoist ceste maladie de premiere entree quand la beste a ce que lon dit vulgairement des morues de petit pont, c'est à dire grands yeux, & plus ouuerts que de coustume, & neantmoins ne cognoist ny celuy qui le pense, ny ceux qu'ils ont accoustumé de le hanter, mesmes il a l'ouye si hebetee, qu'il ne sent point quand on l'approche, & oultre ce les leures, & generalement tout le muffle luy enflét si fort, qu'il ne peut plus respirer qu'à bien grand peine, tout ainsi que fil auoit esté mors ou atteint de vipere, ou quelque autre animal venimeux. Ce mal n'est moins contagieux que la peste, ou ce que nous auons nommé l'encueur, en ce qu'il passe trop aisement d'une beste à l'autre. Et si a plus, que lors que tu penseras ta beste en estre guarie

par ton bon traitement: ce sera quand elle mourra enflée comme vn ticquet & definera en son en bon poinct. Outre ce que dict est, il aduient que la vermine qui s'engendre naturellement dans les intestins par la double putrefaction se fortifient en sorte, qu'ils gagnent contre la force de nature, si que estans maistres & vainqueurs, ils rongent & percent iceux intestins, de façon que la matiere ne sy peut procreer, mais se dissipe contre l'ordre naturel. Ce bien y a pour garentir la beste en ceste sorte affligée, de ne differer le remède si tost que lon en apperçoit le danger: c'est de tirer du sang à la beste de l'endroit du fronc ou du col, si mieux tu ne peux, & puis luy feras prendre breuuage composé de ceste façon: toute bonne vne liure, hysope autant, aurofne demie liure, aristoloche ronde, que lon nomme sauine autant, succe de cassons trois onces, germandree autant, de ce tout bien broyé & passé, fais suffisante & bonne decoction en hydromel, puis apres fais en prendre tous les iours à la beste enuiron demy septier, iusques à ce que mieux se trouuera. De ceste mesme potion pour preseruatif (pource que, comme dict est, ce mal est fort contagieux) tu en feras prendre aux autres bestes qui pourroient en estre entichees: & mesmes ie serois d'aduis pour plus grand & singulier preseruatif, que lon feist le parfum à l'estable des bestes, tel que nous auons au liure precedent descrit, en parlant du maillet, & des bestes enforcees. Le seroye aussi de conseil que le mal commençant, lon transportast les bestes saines & entieres plus tost que plus tard, assez loin du lieu ou sont les infectees, mesmes que lon se gardast de les faire passer par ou les autres auroient mis le pied.

Des bestes qui se deulent du percluz que
lon nomme contraction
de membres.

Ceste indisposition au cheual ou au bœuf se cognoist quand ils ont les iambes & toute l'eschine si roides qu'un pieud, ou poteau, ou quelque baston. Au demeurant tout le corps en general s'accourcist comme au petit pied, les nazeaux leur

esslargissent, les aurreilles sont froides au toucher; le col se roidit, la bouche sestraint, la teste sestend, les espaules & les flancs se harassent & amaigrissent à veue d'œil. Somme depuis la teste iusques aux pieds, il ny a article qui face son deuoir de flectissement raisonnable, avec ce que les yeux, comme se resentans de ce mal, appetissent & sen ferment comme à demy; & n'est pas, outre l'espine entiere, que la queue n'en ait participation, en sorte que l'animal est contrainct la tappir & plus ne la remuer ou mouuoir ça & là, en sa liberté. Bref tout le train de derriere s'eslance, en sorte que la beste ne se peut plus coucher ne tenir à son aise. Beaucoup de causes font ceste maladie, ou la trop grande froidure, quand (comme dict a esté cy dessus) lon neglige les bestes & oublie lon a les bié traicter apres leur morfonture, ou autrement quand par mauuaise curation & application de cautere actuel, que lon nomme le feu, les pasturons, les iambes & les hanches & mesmes les espaules sont offencees en leurs tendons, ligaments & nerfz, dont principalement s'engendre ceste contraction: aussi bien que quād apres le feu on les laisse morfondre, ou que lon leur applique defensifs trop froids & stupefactifs des parties, & outre quād ils ont esté trop lōg tēps au froid, ou à l'eau, ou à la pluye, & n'ont pas apres esté bien pēsez, mesme apres la course, ou quāt au changement d'estable chaude & froide, venteuse & trop exposee à l'air, cōme lon ne trouue pas tousiours ses cōmoditez ils engēdrēt morfonture, & ce que les anciēs ont voulu nommer perfrigeration, & d'auātage quād les bestes adōc ne sont bien couuertes & cottinees par tout, ou q̄ leur litiere n'est doublee & rafreschie: car la litiere moitte & humide leur faict bien autāt de tort. De ces rigiditez & contractions, celle qui se faict cōme si le cheual auoit à tomber le nez en terre s'appelle emprostoton, & au cōtraire epistoton. Et quād tout le corps se roidit droit comme vn baston, cela se nomme, tetanes, qui est la pire rigidite de toutes les autres. A tous ces maux les frictiōs & fōmētations de vin & d'huile sont fort necessaires & vtiles, mesmes d'huiles chaudes, & si souuēt & fort cōtinuees que la sueur en soit copieusement excitee. Et pour les eschauffer d'auātage faudra leur faire maschonner des petits rameaux de laurier verd, & aussi leur presenter à ieun des febues entieres avec

deux grains ou bacques de laurier, & luy faire boire, puis de l'eau peu plus que tiede: pour clystere luy seruira le castoreum en hydromel: & pour luy purger la teste, tu luy feras prendre par le nazeau senestre de bonne huile d'oliue avec la pouldre de grene de laurier: finablement pour toute soustenance tu luy feras prendre du gruyau d'orge avec du son maigre, iusques à ce qu'il se trouue mieux.

Aucuns ont voulu dire cela estre bon de tenir les cheuaux longuement en plein aër de soleil ardent, & les lier sur l'arene ou la greue d'un fleuve, ou de la mer, & mesmes les couvrir le plus que faire se pouuoit d'icelle arene, & tenir si longuement les bestes en cest estat qu'ils suent en abondance & à grosses gouttes. Beaucoup en y a qui les plongent si auant dans icelle greue ou arene, que lon ne leur voit que le muffle & les yeux. Pour remede plus violët, en ay veu qui leur faisoient donner le feu bien legier aux endroits du collet de costé & d'autre; & par trois iours suyans luy faisoient facellations sur toute l'eschine entierement avec du son bien chaut & fricassé dans la poesse avec du sel & du millet. Apres ladiète facellatiõ luy frotent iournallemēt lesdictes parties de ce liniment, & ce au soleil le plus chaut, ou en lieu bien eschauffé par quelque artifice que ce soit avec vne liure de cire, & y mettent autant du fort nitre, demie liure de terebentine, vne liure de galbanum & de opoponax autāt, avec vne once de poyure, castor demie liure, moelle de cerf, huile vieille, de chacun deux onces, vin vieil bon & genereux la quātité que verras estre suffisante, du tout meslé tu en vseras pour onguent. Nous auons experimenté de prendre de la poix noire & grasse, que lon fait dissouldre & incorporer en huile vieille & bon vin vieil: & de cest onguent bien chaut en frotter par tout, & nommément sur toute l'eschine de la beste: encores se trouuera bon le frotter entre les deux oreilles de cest onguēt assez chaut. Au demeurant, ceste potion ou breuuage sert grādement aux entrepris, Semence de d'aucus de Crete deux onces, & autant de cumin d'Alexandrie, agalec, castor, garderobe ou abroton, de chacun vne once, germādre ou chamedryes deux onces, mauue, de safran & sucre de chacun vne once, & autāt d'hysope, poyure blanc demie once, de ce tout mis en pouldre feras prendre tous les

iours deux cueillerees assez bonnes au bestiaill avec de la decoction d'orge bien boullue & creuee, & aux bestes plus puissantes & vigoreuses avec du bon vin vieil, toutesfois q̄ cela n'aux vns n'aux autres ne se propose sans y mesler de l'huile pour adoucir l'asperité du canal du gosier. Quelques autheurs sont d'avis de tirer à la beste du sang des tempes de part & d'autre: & d'iceluy sang avec pouldre de sel, nitre & de castor, frotter & charger la beste en lieu bien chaut & sec. Apres ce luy baille breuuage avec du lait de cheure, de la rue, grene de laurier, poyure blanc, huile, & gruyau de febues. Encores leur semble bon d'y adiouster de l'orge ou de l'arene broyees, pour eschauffer les maschoueres en prenant ceste nourriture ou medecine, comme il te plaira nommer. Le tiers iour d'apres il luy font tirer sang dessouz la queue, ou par mesme moyen ils luy font onctions & embrocations en la façon que nous auons dit. Et si la region le permet, ou que le cheual soit de si grand pris & valeur, ils le mettent dans le bain naturel, & là quelque fois, apres estre souuent guayé, ils le plongent iusques au nager, & ne faillent iournellement à leur baille breuages commodes: encores les baillonnent de bois de faux ou de chesne pour accoustumer les maschoueres, & les remettre en leur naturel, apres les douze iours passez, lon tire le cheual bien couuert hors l'estable, & le fait on promener iusques à la sueur. Cela ny seruant à ton desir, fais ce que nous auons cy dessus predit. Beaucoup sont en opinion que les fueilles de figuier offertes à la beste entreprinse luy fait appetit & luy sert de medecine: & pour breuage prennent deux onces d'opopanax, storax, calamynthe trois onces, gétiane, manne de sucre. doux chacun autant, myrrhe vn scrupule, poyure long deux scrupules, fais le tout bien dissouls prendre avec le vin vieil à la corne comme dessus. Cest onguent au cas pareil sert à la morfonture ou entreprinse des nerfs, vne liure de cire, terebentine trois onces, opopanax deux onces, & autant de moelle de cerf, storax quatre onces, grene de laurier demie liure, huile de pin, ce qui sera besoing: de ce tout cuit en eau de riuere & reduit en onguent frottent la beste en aër chaut, & la couurét bien fort puis apres.

De l'hydropisie ou enfleure des bestes.

CE mal, que lon appelle hydropisie, qui est quand le foye ne fait plus son deuoir, & au lieu de sang ne fait que de l'eau faigneuse, infeste autant les bestes que les creatures raisonnables. Les anciens l'ont nommé eau entre cuir, combien que ce n'est pas tousiours l'eau seule, mais elle est meslee auec du vent qui enfle le ventre comme vn tabourin: & cela s'appelle tympanite, quelque fois plus de l'vn que de l'autre, aduient neantmoins que les eaux le gaignēt, & aussi qui y ayant meslé quelque portion de sang s'engendre vne façon de carnosité, non toutesfois naturelle, qui bien fort estend les taves du ventre, iusques à les rōpre. Ce mal est cause d'auoir trop prins de viandes & glouttement, en sorte que la chaleur de l'estomach ny du foye ne peut suffire à les cuire, ou aussi quand les viandes sont flatueuses & venteuses, comme quand indiscrettement lon fait manger du pur froment aux bestes, au lieu de prouender ordinaire. Encores aduient ce mal, d'auoir trop trauaille la beste en tēps de pluye & en lieux marescageux & aquatiques: les signes sont quand tout le ventre entierement, & mesmes les cuisses & les iambes sont esleuees & fort enflées par fois iusques aux espaules, quand le mal est vniuersel, de sorte que lon ne leur apperçoit plus vestige de venes, ny à la teste, ny ailleurs: & si tu touches la beste tant soit peu souz la langue, elle ne finera de tousser. Pour remede, il te faut promener le cheual ou le bœuf à l'ardeur du soleil, estant bien couuert par tout iusques aux yeux, & tant le haster par fois, que la sueur en sorte, si possible est, puis il luy faut faire friction telle que dessus auons déclaré, & ce par tout le corps en general, & à contre-poil. Pour viande presente luy des raues auec leurs fueilles: car elles purgent & font contre ce mal: & sur son foin tu enrouseras de l'eau nitreuse, Iour & nuit aussi tu luy lairras deuant luy des lupins cuits & amolliz en eau de choux, puis deseichez, & qu'ils ne soient humides. Et pour purge fais luy prendre de la decoction de racine de courge sauage, ou les fueilles d'icelle, pour tirer l'eau du corps, tu luy dōneras vn coup de flammette ou deux quatre doigts au dessouz du nombril en tirāt vers le fourreau, si que tu touches iusques à la grande taye qui en-

uelope tout le ventre, que lon nomme le peritone: mais garde roy bien de picquer le boyau. Dans le trou que tu auras fait, mets-y vn ciphon ou cannelle de fer blanc, par lequel tu puiffes faire sortir ton eau en telle quantité que tu voudras, & aufsi quand il te plaira: car il se faut garder de tout tirer en vn coup, mesmes de tout espuifer, qu'il n'en demeure. Et pour faire reclorre la playe que tu auras faicte apres la vacuatiõ de tes eaues, mets-y leans trois ou quatre grains de gros sel battu ou tel qu'il fera, & dessus met-y vn plumasseau. Si l'eau retourne comme souuent aduiant, ta playe se couurira fort facilement, & continueras par icelle comme dessus. Tu luy feras prendre souuent à la corne des potions purgatiues, comme de iust de flambes & de racine de cabarets, herbe à chat, & autres, & la feras promener doncement & bien couuert, iusques à luy esmouuoir les sueurs. Quoy qu'il en soit, le boire de quelque eau que ce soit luy est interdit du tout, si ce n'est en grande necessité, en laquelle tu luy presenteras peu de boisson tiede, & avec le nitre.

L'autre espee d'hydropisie ou enfleure que nous auons descrite plus charneuse que venteuse s'apparoist quand le cheual souffle fort apres boire, & ne scauroit si peu prendre d'eau que le ventre ne luy enfle, comme fil deuoit creuer. A ce mal lon fait boire à l'animal de la lessiue de cendres de serment, dans laquelle on mesle & destrempe cinq onces de semée de plantain, & luy fait on boire le tout avec du vin fort & de l'huile douce, & ce souuent soit reiteré iusques à parfaicte guarison. Et pource que ce mal n'est iamais sans grande quantité d'eau meslee avec la carnosité, aucuns sont d'auis d'appliquer la cannelle apres suffisante section aux endroits, & cõme nous auõs dit cy deuant, en se gardant de vacuer trop soubdainement ne tout à la fois, de peur que la trop grande seicheresse n'apporte plus grand danger: ce pendant conseillent que lon les purge, ainsi qu'auons narré, & bien souuent mesmes de faire partir la sueur par les pores avec le promenement en lieu chaut & friction de tous les membres, longue & assez dure. Au lieu de foin le chiendent & la veruene luy sont bõs: & au lieu d'auoyne ou d'orge des ciches concassez. Lon dit que bon seroit aufsi promener souuent & longuement en rue ou il y ait des parfumeurs.

fumiers, & que les bonnes & fortes odeurs luy reconfortent le poulmon. Pour luy faire breuuage, tu prendras du persil & des grenades, & luy en feras boire avec le vin vieil & puissant. Et si la beste pouuoit prendre goust à manger de l'ache, que tu luy presenterois fresche & bonne: ie serois de cest aduis que lon luy en baillast tant qu'il en voudroit. Encores y sert prendre deux onces de racines d'asperge sauuage, & les luy faire boire avec le vin vieil, après en auoir fait decoction, iusques à les faire descroistre des trois parts.

Ce que nous auons appelé cy deuant le tympanite, ou la tympanie, c'est quand le ventre de la beste enflée luy sonne comme vn tabourin: car c'est lors qu'il y a plus de vent que d'eau: mais les testicules ne les cuisses n'enflent pas tant, bien à elle le col, & tout le train de deuant plus gresse & roide que de coustume: il ne dort point, ou biē peu, & refuse toute nourriture: & alors, sil luy sort ordure par les nazeaux, il n'y a plus d'esperance, sil a le nazeau sec, tu prendras de la cendre bien chaude destrempee en bonne saulmure, & la lie bien dans vn sachet sur le nombril de la beste, si qu'il y puisse tenir quelque espace de temps, & estre souuent renouuellé: & faudra bien entrauer & mouffler le cheual lors que luy mettras ce remede, de peur que tes bandes ne se deslient & desuelopent. Item, pren racines de panaiz, de grand persil, & de fenoil, & les fais longuement boullir, puis de la decoction presenteras à la beste avec du vin & de l'huile. Item du thim sauuage, avec de la racine de chardon testu, le tout cuit en bon vin, & par trois iours, en faire prendre demy septier au matin à ieun: Ce remede sert grandement. Autrement: Fais luy boire par trois iours trois gobeles de vin cuit avec autant de decoction d'orge creuée. Autre potion à prendre aussi par trois iours, hysope quatre onces, huile verd demy poisson, dattes vingt en nombre, fenugrec six poignées, melle le tout en esgale portion d'eau de cistern & de fort bon vin vieil & odorāt, passe ceste decoction, & luy en fais prendre, comme a esté dit cy dessus.

De ceux que les anciens nommoient lieneux, qui est le mal de la ratte avec la fieure.

LEs signes de l'animal lieneux, sont aussi prompts à cognoistre, cōme le pronostic en est aussi facile à iuger, qui iamais n'est sans danger de mort. La beste atteinte de ceste passion a les yeux rouges par dedans en ce qui souloit estre blanc en iceux, & les tourne à la teste avec quelque signe de fureur, le marcher luy est le plus lent & tardif, & a le col roide & tendu, cōme s'il deuoit se tourner à estre percluz : car mesmes tout le col, le derriere de la teste, & grande partie de toute l'eschine roidissent & se courbent en dedans, & n'est pas les maschoueres qu'il ne tienne roides, & comme inutiles au mouuement ordinaire. De ce mal est cause la morfonture de la beste, tant de la pluye, gresle, qu'autre mauuais temps, comme d'auoir sejourne trop longuement en lieu froid & reumatique. Pour remede, tu luy feras tirer du sang souz la queue en petite quantite: car d'auantage augmenteroit le mal : puis tu prendras le sang que tu auras tire, & le destremperas en vin vermeil & huile d'oliue, & en chargeras tout le dos, iusques au dessus du col. Ledemain tu le facelleras par toutes lesdictes parties avec sachets fricassez & pleins de son, sel & millet, & continueras l'espace de cinq iours: apres laquelle facellation & friction, tu feras onction ou liniment sur lesdictes parties avec cest onguent, moelle de cerf vne liure, encens fin quatre onces, castoreu trois onces, opopanax & poix resine fritte aussi trois onces, terebentine, cire neufue demie liure, huile laurin huit onces, suif de cheureau vne liure, huile bone vn poisson & demy: de ces drogues tu pilleras & cribleras les plus dures & malaises à incorporer: le surplus tu le dissouldras & liquefieras sur le feu, & en y adioustat de la croye, tu feras le tout cuire legierement, & en vn pot neuf, dans lequel sera garde soigneusement pour en vser au besoing. Et pour breuuage, pren absynthe vne once, & autant de persil, betoesne deux onces & demie, germandree vne once, herbe sarrazine, dicte aristoloche, trois onces, & autant d'encens fin: castoreum deux onces, & autant de manne de sucre, passe le tout & clarifie comme il faut, & en fais prendre tous les iours à la beste avec de l'eau de

miel, & de l'huile: c'est remede certain & esprouué. Aucuns des plus experts auteurs veulent que lon tire du sang à la beste des venes souz les flancs, & que lon mette parmy de l'huile, du nitre & du iust de marrubium: encores leur plaist y adiouster de l'aluyne, & avec du gros vin vermeil luy font prendre par la bouche, puis le promener fort, en le trauaillant iusques au suer, & rendre vrine: & ce pendant faire ieusner la beste, principalement de sa prouende. Apres le promener, & que la medecine aura fait quelque operation, lon bouchonne la beste, puis luy fait-on friction avec les esponges trempées en vin & huile le plus chaudement qu'il est possible: Ce faict le frotter, bouchonner & encores estriller iusques à la rougeur du cuir, & ce faict, establer la beste bien couuerte en lieu chaut & bien estoupé. Quant au cautere, ou au feu que lon conseille appliquer aux venes du cueur sur le poictral: cela s'entend seruir cōme d'extreme subside, au mal inueteré, en quoy faut bien aduertir de ne brusler quelque vene: car il n'y pend que la mort à ceste faute. Ce mesme remede sert aux entreprins, i'en-ten l'onction, la friction & le cautere, que lon appelle le feu.

Du cheual phreneticque.

SOuuent aduient, que par trop grande chaleur qui suruient apres le trauail & mauuaises viandes, qui n'est sans auoir eu longuement la fieure continue, & le mal de teste continuel, que lon cognoist par les signes alleguez, le cheual tombe en frenaisie, & passion telle, qu'au regarder il rouille & tourne fort les yeux à la teste, desquelz ce qui doit estre blanc apparoist rouge, & la pupille du dedans comme flamboyante, combien que l'œil se retire fort en son centre: & lors les aureilles luy sont fort roides & tendues: il poulse la terre aux pieds de deuant, & se demene comme en perpetuelle inquietude. Tu luy feras tirer sang de la vene matricaire, & avec l'huile & le vin, le tout attiedy en chargeras la beste par tout, en la frottāt diligemment à contrepoil, & l'establant en lieu tiede, c'est à dire temperé, qui ne soit ny trop froid ny trop chaut.

A ceste passion est conioincte vne autre qui iamais n'est sans fieure, & de laquelle les signes sont pareils, à ce que des-

fus a esté dit, sinon que d'auantage la beste craint si fort l'eau, que qui la luy mène, ou luy monstre dans le seau, depuis qu'elle s'est myree & regardee leans, cela la tourne en fureur & manye extreme. Pour signes, tu le cognoistras au suer continuel, aux yeux chargez, venes estendues & replettes, tremblement de toute la peau, & prendra le frain aux dents, mesmes sans frain, les grincera si fort, que lon le pourra ouir d'assez loing, il se heurtera contre les murailles sans discretion de cognoistre ne chemin ne là ou il doit aller. Ce cheual, ou autre beste, il te le faut establer en lieu bien chaut, & là luy tirer du sang des flancs, ne luy bailler que bien peu à manger: & quât à l'eau la faudra apporter si coyement dans le seau qu'il ne la puisse ouir ne veoir. Au demeurât ce liniment luy seruira si tu prens iust de rue deux onces, grene de laurier quinze grains bien pilez, huile rosat vne liure, vinaigre fort vne once, de ce tout bien cuit ensemblement luy en frotteras les nazeaux & toute la teste par plusieurs fois, si bon te semble, il guarira.

De spasme & douleur de cuer qu'endurent les bestes.

LE cheual par conduits ou trop grande repletion, mais bien plus par mal de teste continuel ou autrement, comme que ce soit s'esuanouist, & chet comme pasmé, & demy mort, aussi lon appelle ce mal spasme, & lors il tire & roidist les iambes apres estre tombé, & fremissent par tout le corps, & quelque fois à la fin de ce mal escumēt. Autres ne s'estendent point tât, mais demeurent cōme souz quelque faiz, combien qu'ils n'en soient chargez: & ne tirent ne vent ny alaine, mesmes ont les yeux & la veue comme immobile, apres leur auoir présenté de la pouldre d'aloes aux nazeaux & la bouche ouuerte luy en auoir faict aualler avec le vinaigre sur sa viande, quand il sera retourné à bien tu arrouseras de l'hydromel avec du nitre. Et pour purge donne luy de la pouldre de concombre sauage, ou asinin avec du nitre en vin vermeil, ou cuit: & ce l'espace de sept iours suyuant. Autrement, pren vn poisson de sang de tortue marine avec autant de vin aigre & quelque

peu de decoction de lizer, & de cela frotte luy les nazeaux & par la luy en fais aualler, si faire le veut, ou le peut. Lon dit qu'il ny a riens meilleur de luy frotter souuent & longuement tout le train de derriere, & les cuisses avec le liniment cōposé d'huile, de vinaigre, & de nitre, ou salpestre.

Du haut mal que lon nomme caduque & epilepsie.

LE haut mal se nomme quād le cheual aussi bien que la personne par certain temps de la lune tombe de son haut par terre, dont aussi à ce nom de mal de lune, & mal de terre, caduc, comitial, epilepsie & de saint Iean, & alors il se demene fort asprement, iusques à ce faire sortir sang par toute la teste, & faire partir au creuer vne vessie pleine d'humeur, qui par certain cours de la lune s'emplist & luy faict grande nuisance. Finalement apres long debattement il saliue par la bouche & escume outre mesure. Quand ce mal les voudra prendre tu le cognoistras fils se taisent, & neantmoins tremblent & salient outre leur coustume, souuent se leuent la nuit pour manger. Si tu en veux estre plus certain, mets leur les doigts dans les nazeaux & leur bouche les cartilages qui sont leans, tant plus tu les trouueras froides & arides, saches que tant plus ils seront rentez de ce mal. Et au contraire pour guarison tu le feras saigner abondamment de la vene du cerueau, le cinquiesme iour apres tu en tireras de rechef de l'endroit des tempes & l'estableras chaudement, y feras de frictions, liniments & facellatiōs confortatiues des membres, & principalement sur la teste & le long de l'eschine, & avec la poix liquide destrēpee en huile laurin bien chaude, tu luy frotteras tout le cerueau, les oreilles & mesmes luy en feras prendre par les nazeaux & luy beguineras la teste le plus estroit que pourras, mettant sous le beguin de la laine noire à tout le suif. Pour breuagement prendras deux onces de racines de raue sauage, iust de panaiz vne once, diagrede autant, & iust de concombres sauage en pareille quantité. Tu pilleras le tout ensemblement avec vn bon demy septier de bon miel, & en feras decoction de laquelle prendras tous les iours trois grosses cueillerees, & avec de l'eau tiede &

demie once d'huile d'oliue le feras prendre à la beste. Tu n'oublieras ou n'obmettras ce pendant à luy fomentier & frotter la teste ainsi comme dict a esté. Et pour purger la teste, & luy faire ietter humeur visqueuse & phlegmatique, tu luy feras souffler avec le tuyau propre dans les nazeaux de la pouldre d'ar-moise seiche. A quoy profitera aussi la racine de lizet reduite en iust & prinse de ceste façon. Pour extreme & dernier remede, si les precedents ny font riens, ton secours sera à l'application du feu actuel en la maniere qu'a esté dict au chapitre du cheual furieux & maniaque.

Si le cheual remet & reiecte son eau apres
auoir esté abreueué.

DE la trop grande froideur que le cheual pourroit auoir & aux causes que nous auons déclaré cy deuant l'estomach premier de la beste est tellement morfondu que ne pouuant contenir l'eau qu'il a receu par la bouche il est contraint la remettre, & comme reuomir, qui n'est sans le definement & alteration d'icelle partie. Attendu que cest comme vne resolution & paralisie d'icelle. A cela lon tire sang du col, & baille-on à la beste toutes potions cordiales que lon dict thermantis. Et outre lon fait onctions & liniments les plus chauds que la beste les peut endurer & de drogues aussi fort chaudes sur les espaules, & le poictrel du cheual. Lõ purge la teste ainsi que dict a esté, & finalement fil est mestier lon vse de dropaces & synapismes.

Du cheual entrepris de mauuais vent ou autrement.

LEs cheuaux ou autres animaux s'appellent percluz & entrepris quand les venes d'iceux vuydes & inanes, ont esté touchées de mauuais vent, nous y adiousterons les nerfz & tendons qui sont principales parties du mouuement, par fois cela aduient de la chaleur du soleil en ciel fort net & serain, de vent, de la fouldre qui approche de la beste sans la toucher de premier assaut. Encores procede de crudité, & plus souuent de trop auoir esté esiusné, puis repeu trop largemēt & abondamment. Or quand le cheual est espris de ceste maladie, il chan-

celle, comme fil estoit enyuré & na plus sens naturel qui luy serue à propos, il luy faut lors presenter toutes nourritures molletes & delicates selon le pays, la coustume & la region, avec l'abbreuuer semblable. A cela sert prendre vne once de iust de lizet, & la mesler avec de la decoction d'orge & d'eau miellee: mais si ce mal vient de froid, fais luy prendre avec du vin tiede. Si de trop grande estuation ou insolation avec de l'huile rofat. Si c'est de crudité laissant toute nourriture, fais luy faire la diette par trois iours, qui ne soit toutesfois trop estroite. Si le mal vient de trop grand appetit extraordinaire, fais luy vser de ciches tant qu'il luy viendra à souhait.

Mais le mal estant procedé d'insolation quant au temps de la fin de Iuin & de la canicule de Iuillet, j'y adiousteray encores les iours excessiuelement chaudz du seziesme & vingthuitiesme de may. Il ne faut pour le reume & inquietude febrile qui suyuent, obmettre à luy tirer sang des endroits des tempes, car les signes principaux sont quant à peine les bestes peuuent porter leur teste tant elle leur semble plus pesante que de coustume. Au demeurât feras pour le reste des remedes en la maniere que dict est.

Si ce mal vient de crudité, opilation, indigestion, ou obstruction des premieres venes par trop long relaiz ou indiscretion du palefrenier, qui d'affection qu'il a de faire l'en bon poinct de ses bestes les engorge & rend anheleuses & poussiues le plus souuent, qui se cognoit quand la beste se vire à l'estable ça & là, & ne se tient couchee en vne façon, mesmes au cheminer ne veulent tenir la reigle & aleure accoustumee, il leur faut à cest inconuenient tirer sang des endroits du cerueau & ce pendant elle fera diette, comme dessus. Et en Esté, leur seront offertes potions froides, ou plustost refroidies. Si c'est en Hyuer faudra faire comme dict est.

La faim rabieuse, que lon dict canine & excessiue, leur faict encores ce mal, quand ayant les viures à commandement, elles en prennent si grande quantité qu'il leur en vient desgoust & desdaing puis apres. Cela procede encores de trop grande lassitude en lieu difficile au cheminer ou d'auoir esté par trop esleufnez selon la traicte longue ou negligence du palefrenier. Les signes en sont quand la beste demande tousiours

aller & galoper deuant le train des autres, & ne se soucie ou elle se mette ou arriue pour prendre son repas: & tremble sans occasion. Pour guarison & remede faut faire la friction ordinaire avec l'huile & le vin tiede, & ne sera besoing traiter les parties molettes si rudement ne si ferme, que celles qui sont plus fermes & solides. Pour son remede purgatif destrépe gruyau de froment ou de la farine de feuerolles avec chopine de vin blanc bon & subtil & luy fais prendre avec la corne, & la ou tu n'auras l'entiere commodité tu deslayeras de la terre avec le vin & luy en feras breuue si mieux tu n'aymes en faire tempettes, pour luy en faire vser à sa commodité, & dextrement comme bien pourras executer. Si aussi les souspirs & courte aleine qui fort menassent la poulse, procedent de trop auoir prins de viade sans exercice. A cela le remede du cōtraire sera bō & à propos. Ne pouuāt trouuer la cause entierement: pour remede cōme au souspir, tu luy fomenteras avec l'esponge toute la teste & le poictrail, en prenant de la despense, ou bien avec du vin & de l'eau tiede, lequel des deux te semblera mieux à propos. Outre tu luy pourras instiller de l'huile laurin dans les aureilles, & l'estableras freschement, en luy frottant & chatouillant doucement les nazeaux à ieun pour le prouoquer à esternuer, qui seruira beaucoup à le resiouir.

Après auoir longuement trauaillé la beste en lieu chaut, & au soleil ardent sans luy donner loisir de rafreschissement aucun, il tombe en fiebure & mal de cuer, iusques à perdre le vent. Pour remede tu luy feras purgatif de cerueau, en luy faisant tirer par le nazeau du costé fenestre, iust de fueilles de choux rouges, & d'ache autant d'un que d'autre, avec demy septier de vin blanc. Si la courte aleine est plus vehemente, & le mal plus fort: il faut aussi medicament plus pregnant, qui sera prēdre decoction de persil. D'aucuns filer ou persil de montaigne, garde robbe, spic nard, squinaut autant d'un que d'autre, & le tout bien coullé & passé nettement, luy faire prendre avec le double de hydromel. Si la foiblesse dure & tient si longuement qu'au trauail, & mesmes à l'estable tout le corps luy deffaille, iusques à ne se pouuoir plus soustenir. Aucuns sont de cest aduis de leur oster du tout le boire pour quelque tēps, & quand la soif les pressera, ils consillent de les mener à l'eau,

& la

& la le tenir comme par contraincte quelque espace de temps sans leur permettre le boire aucunement sinon au retour. Quelques autres auteurs leur permettent de la farine d'orge, avec le vin à prendre au cornet par forme de medicamēt. Plusieurs ont experimenté la farine de froment destrempee en eau froide, leur estre fort profitable contre ce mal, & pour leur medicament prendre trois œufs cruz sans la coque, & avec iust de pouliot & bonne huile d'olieu la faire prendre aussi à la corne.

Du cheual ou autre animal semblable entrepris de la moitié du corps, que le nomme paralytique.

LE cheual est aussi bien subiect à paralysie qui est resolution de la moitié du corps ou de quelque partie simplement, il chemine lors de costé, & comme en escreuiffe il courbe le col, comme fil l'auoit tors, ou desmis, iamais n'asserra les pieds adroit en cheminant, & yra tousiours s'accostant aux paroiz, & combien qu'il ne refuse la nourriture, toutesfois il n'en profite point d'auantage. Tu luy feras tirer sang des tempes de la partie opposite, & la partie offensée, tu la feras biē fort & longuement frotter de liniments chauds & confortatifs, mesmes lon luy met la grisse de bois au col, qui sont bastōs liez ensemble pour faire par force tenir le col droit à la beste, il te faut aussi establer en lieu chaud, comme de l'entrepris a esté dict. Pour extreme remede lon luy donne le feu au col de la partie opposite, & qui est saine. Aucuns y en mettent vers l'oreille, & autres aux endroitz des espaules. Sur la tempe lon luy baille l'estoille de feu, & sur les flancs & les cuisses, les verges chaudes en longueur à feu bien legier, ce luy faict beaucoup.

Si le cheual a quelque chose rompu au dedans du corps.

CElle souuent aduient aux bestes, que par trop saulter & estre contrainctes à passer fossez, tailliz, bocages, buyssons ou lieux difficiles, elles se blessent au dedans du corps, & se rōpent quelques venes membranes, tendons ou ligamēts, si que lon ne scauroit riens exprimer pour certain, sinon à la doleançe de la beste qui se demonstre par ces signes, elle aura difficul-

té d'vrine, si c'est vers les flancs, si cest vers le poictral & es endroits des poulmons, il iettera par la bouche quelque sanie, ou matiere purulête, & si elle se veautre d'une part encores que ce soit sur paille fresche, elle ne se peut retourner à l'autre, & la demeure tout court, & ne se secoue aucunement. Marque ce poinct que si la rupture est recête il iettera plustost par haut ou par bas le sang que la boue. Pour regime, les viandes glutineuses & legieres leur sont cōmodés. Et quāt au breuusage propre à cest inconueniēt. Pren (comme le plus cōmun vsage le veut) encens fin, ache, mille pertuis, rue, de chacun vn once, pille le tout ensemble, & dans le iust mets y vin vermeil espez & rude qui soit vieil, vne chopine. Cōtinue ce medicament à luy bail-
ler tous les iours iusques à fin de cure.

De la rage du cheual.

LA rage du cheual prouenant des causes cy deuant deduites en plusieurs endroits du premier & second liure, se peut guarir en ceste façon. Apres que tu en auras cogneu les signes, quand elle rompt son rastellier, sa mangeoire, & ce qu'il trouue à sa voye ou il puisse atteindre, quand aussi il se mord soy-mesmes, & ceux qui le traittent par ordinaire. Les oreilles luy reluisent & se dressent comme en grande attente, les yeux luy reluisent, & la bouche ne leur est iamais hors d'escume. Pour luy donner remede, il le faut lier bien estroit, apres laquelle ligature tu luy tireras sang du col & des flancs, & l'estable en lieu obscur, iusques à ce qu'au ronffler tu sentes qu'il desire à manger, & à son geste la demande. Si tu voy qu'il commence auoir quelque quietude à sommeil, & que le dedans des yeux ne soient plus si rouges, ny la contenance tant farouche que de coustume: tu prendras vne once de iust de segue, & la destremperas en eau commune, & luy feras prendre à la corne. Pren puis apres de la rue, & pillée, mets luy iust & tout sur le cerueau, comme pour frontal, en y mettant sus vne peau d'aigneau de gresse & le beguinant comme lon a de coustume, fil sen trouue bien. Apres quelques iours que tu auras continué ces remedes, tu l'estableras en chaut lieu. Autre potion pour les cheuaux rabieux: Pren neuf grains de l'aurier, grains de genefure, xx. en nombre, le tout pillé ensemble & meslé avec du

bon vin vermeil luy feras tirer par les nazeaux, & ce continueras par quelque espace de temps iusques à parfaicte guarison.

De la plenitude trop grande prouenue tant de l'orge, auoyne, que froment prins à trop grande quantité.

L'Indiscretion du palefrenier ou cheuaucheur negligent, permet aucunesfois ceste faute de bailler au cheual eschauffé premier qu'il soit promené, & rassis sa prouéde. Autre quelquesfois qui de coustume, selon le paillier ou il se trouue, qui n'est pas petit inconuenient pour la beste. Lors que ce mal de repletion trop grâde luy prend, que les anciens appellent plethore ou plenitude, il commence à se fascher de toute viande, & n'en prend que comme à regret, & ne demande que l'oisiueté, il sue sans cause, & a les espaules & les flancs comme liez, & au marcher il ny aura ordre de tenir la droicte voye, quoy qu'il y soit bien conduit. Fais luy tirer sang des endroitz du col, & pour friction sur tout le corps, fais prendre de l'huile & du vinaigre sans plus, & le commande promener à petit pas par le valet d'estable, mais ce pendant tu luy osteras toute prouende, & manger ordinaire, & sil a soif, baille luy peu à boire, breuage conuenable à ce mal. Pren fucilles de choux, & en fais ius iusques à vn poffon, à cela tu adiousteras poul dre de myrrhe vne once, saulmure deux onces, vin vieil trois onces, & ce tout luy feras prendre à la corne trois iours suy uans. Quelqu'vns veulent entendre à ce mal par forme d'incantation pour remede, mais ie suis en ceste opinion, quoy qu'en mentent les Egyptiens & singanes, que les paroles ny seruent de riens, ny telles folies, & qu'il n'est que la medecine naturelle.

Du mal des poulmons qui engendre la poulse aux cheuaux.

Les poulmons comme instruments propres à ventiler le cœur & le rafreschit, outre leur autre office, sont quelquefois têtéz & imbeuz comme parties spougieuses, de reumes & descentes ordinaires, principalement es bestes froides & de long relaiz, mesmes es lieux froids, & en temps d'hyuer. Les si-

gnes sont, qu'il ronflera & sera fort endormy, & neantmoins la toux le pressera bien fort, & iettera par la bouche cōme de la boue d'aposteme. Si la maladie prent quelque traitt, il clochera des pieds de deuant, & iettera des nazeaux vne odeur fetide & puante: il se couchera à malaise, & n'estât sans fiebure s'appuyera tousiours à sa mangeoire, & sa fiente sentira fort le corrompu. Quelque fois nature estant forte pour expeller ce qu'il luy nuist, t'apparoistront par tout le corps du cheual certaines esleueures, comme de cloux ou fronces. Ceste maladie est fort difficile: toutesfois fil y a remede, lon luy baillera ceste potion, encens fin trois onces, hyssope deux onces, fueille d'inde vne once, & autant de manne de safran, & de myrrhe deux onces, pille le tout ensemble bien subtilement, & le passe par le sasset, & quand tu luy voudras faire prendre de matin, tu n'en donneras pour fois qu'une cueilleree sans plus, deslaye ce en caue tiede avec le iaulne & le blanc de trois œufs fraiz. S'il refuse la viande, pour le remettre en goust, baille luy du laiët de cheure à boire tât qu'il en vouldra en y adioustât vne bone cueilleree de miel. Et si tu veux luy bailler la medecine q̄ dessus, avec la decoctiō d'orge, & de l'huile rosat & des œufs, faire le pourras à ta cōmodité. Encores luy pourras faire trépettes ou potages, de deux ou trois poignes de farine de fromēt, & vne poignee de gruiau d'ers, & y adioustât cinq cueillerees de la pouldre susdicte, & ne faux tous les iours à luy bailler sept trempettes de bon pain, en vin vermeil, ou en laiët de cheure, iusques à ce qu'il commence à rentrer en appetit, & pour viãde oste luy le foin verd, & froment aussi verd, & au contraire, fais luy manger des lentilles, du cumin, du miller, des febues, le tout torrefie & comme en groslee, ce que tu destréperas avec de la farine d'orge & d'auoyne, en eau biē nette, ou bien mets à part ces viandes prediëtes, & les luy presente qu'il choisisse, & n'oublie à luy faire prendre tous les iours vne pinte de laiët frais & recentemente tiré de la vache ou de la cheure: & ce pendāt fais le tous les iours promener, vn iour plus long tēps que l'autre, à fin de le renforcer, & remettre ou reduire peu à peu à sō labour ordinaire, si tu n'as la cōmodité du laiët, baille luy des ers lōguemēt destrépez en eau chaude, & biē nettoyez premieurement, puis pillez bien fort, & de rechef deslayez en eau tiede.

Si le mal depend du tout des poulmons, il faut tirer sang du palaiz, ou du col, en petite quantité, pour ne point affoiblir la beste : outre prendras cendres d'orme bien lauees & infusees en bon vin vieil & fort, à la dose de quatre possons pour fois. Si ce mal aussi prend de trauail, & se fait ordinaire, pren racines de lëtisque (c'est l'arbrisseau qui porte le mastic) vne drachme, encens fin deux onces, myrrhe vne drachme, sucre de cassons demy once, le tout reduit en pouldre, fais luy prendre avec le vin tous les matins, ce par cinq iours suyuant. Si c'est le temps des vendâges, esprains luy dans la bouche par trois fois le iour vne ou deux grappes de raisin blanc bien bon & bien menu, ou sinon de la semence de raue reduitte en pouldre, & prinse avec du vin vermeil, ou des amandes frites à la paelle, & destrempees en eau tiede. Pour plus forte potion, pren grene de paradis deux onces, casse grosse & storax, calaminthe, de chacun vne once, mesle & destrempe le tout en vin & luy fais prendre tous les matins, sil est sans fieure : & sil a fieure, avec de la prisane.

Du cheual anheleux, & qui ne peut rauoir son vent, lon le nomme poulsif.

LEs anciens ont nommé le cheual anheleux, suspireux & orthopnoique, quand il n'a plus son vent à l'aïse : & combien qu'il soit piequé, tiré & fouetté, toutesfois il ne veut marcher, mais hallette bien fort, & iette souspirs en abondance, mesmes en mangeant il ne cesse de tousser, il ne va point du train de deuant, & tire de l'esparuain en arriere. Ce mal, pour en dire le vray prognostic, pource qu'il tient aux parties vitales, ou prochaine d'icelles, ne se guarit iamais, ou qu'à bien grand peine : & est de grande difficulté & longueur, approchant bien fort de la pousse : quoy qu'en soit, le poulmon estât offensé & trop trauaillé de souuēt se remuer, fait la beste heticque & en charre, à la fin comme seiche anatomie, qui est l'ombre de la mort prochaine. Vray que le mal estant recent, comme causé de poulfier ou vent pouldreux, ou bien d'auoir mangé quelque ordure dās sa prouède : le remede pourroit estre, luy tirer sang des harts, & l'en charger à chaut par le poictral & sur le dos, ledit sang estant meslé avec du vin & de l'huile d'oliue, cinq

iours apres tu continueras lesdits cinq iours suyuant luy faire tirer par les nazeaux de la lessiue ou il y ait de l'huile mistionnee, puis tu luy bailleras ce breuuage : Senneué d'Alexandrie bien frit, soulfre vis, semence de paradis, autant d'un que d'autre, fais en pouldre, de laquelle tu feras decoction en hydromel, ou bien en feras composte bien espesse, de laquelle tu luy feras prendre tous les matins la grosseur d'une grosse noix de iaulge, avec du gros vin vermeil, mais bon & genereux. Autre ment, comme veulent aucuns, pren myrrhe deux onces, soulfre vne once, nitre demie once, poix grasse bien peu, avec le miel & bon vin veul, luy en font un caput purge ou errhine iour nez, qui luy contraignent tirer par les nazeaux, & bien souuent. Cependant mets ordre qu'il ne soit trop eschauffé, & toutefois donne luy l'exercite du cheminer bien temperé, si qu'il reuienne tout en sueur, que tu feras bien diligemment deterger & essuyer avec le bouchon come de coustume : & te souuienne de luy bailler tousiours le nitre destrépe en eau, & en mouiller le foin & sa prouende ordinaire.

Du cheual percluz à cause de la rigidité des nerfs
& tendons qui le font pancher & courber
en deuant ou en arriere.

QVand le cheual a esté picqué en soleil ardent, & loquement trauaillé, en esté principalemēt, ou si en faisant sa traite en voyage, cōbiē qu'il se deule d'un pied, ou de deuant, ou de derriere, toutesfois il est cōtraint poursuyure & passer oultre, & encores par l'indiscretiō du cheuauteur endurer la course & le galop pressé iusques à bien forte sueur : & en ceste course il tombe & se blesse la hanche ou l'espaule, de laquelle il n'est pensé sur l'heure, & moins sa sueur abattue : & si c'est en hyuer, quand apres auoir esté trauaillé longuement, mesmes du valet ou du page attendant son maistre, qui cependant gouverne la courtesane ne daigne promener son cheual, qui combien qu'il dōne du pied de deuant en terre pour l'esueiller si s'endort ou qu'il samuse à conter des fables à ses compaignōs, gabber, chanter la Peronnelle, & dire mots de paillardise, come il en est de bien aprins en ceste court & ailleurs, & ce pen-

dant les maschoueres du cheual, qui ne peut plus manier son mors, se rafreschissent, les nazeaux luy coulent & les iambes comme endormies luy roidissent, quand principalement c'est sur le paué, ou en lieu exposé au grád aër de toutes parts, si que le lieu pour se mettre en est trop descloist & separé. Ce mal difere d'orthopnee, en ce que les parties posterieures, principalement demeurent roides & percluses, en sorte que la chaleur naturelle ne peut plus auoir passage pour eschauffer ces endroits : mais à l'orthopnee toutes les parties entierement, principalemēt les membres articulez demeurent roides & refroidiz. Les signes de ce mal sont, qu'il aura les oreilles roides & trop tendues, le col aussi bien roide, les yeux & la veue appetissée, & le cuir de toute la face moult estendu, les nazeaux & tout le muffle gros & enflé, tellement qu'il ne peut ouurir la bouche, ne mesmes bailler à son aise, il hait & refuse tout boire & viande, il choppe & varie au cheminer, a les membres racourciz & roides, & ne marche plus à l'aise, quoy qu'il soit fort picqué : & sil brunche, c'est bien lourdement en arriere, dont le mal prend son nom. Ce mal en esté, est bié fort à guarir : & sil est recent, plus facile en temps d'esté. Pour remede, pren vieil oingt deux liures, terebenthine demie liure, pouldre de poyure rond vne drachme, cire neuue vne liure, huile vieille deux chopines, apres auoir fait cuire le tout ensemble, cela te seruira de liniment pour en frotter la beste par tout le plus chaudement que tu pourras. Quelques vns luy bassinēt la teste de decoction d'ers bien fort chaude, ie trouuerois les lupins autant bons : autres enfondrent la beste en leur fient tout chaut, tellement qu'il ne leur apparaisse que la teste, & là les font longuement suer & reposer. C'est à rencontrer à l'opinion de ceux qui en ce mal cōmandent les bestes estre estables chandement, & couuertes de double couuerture, si elles le valent, de façon, que iusques aux yeux & aux nazeaux tout le corps soit entieremēt couuert, & les couuertures bien liées & bouchonnées, qu'elles ne tombent. Pour breuage, lon dit qu'il faut prendre vingt grains de poyure lōg, & les piller bien fort, cedre deux drachmes, nitre vne once, composition du laser de Naples la grosseur d'une febue : le tout bié meslé avec du vin blanc, tu luy en feras breuage à prendre chopine deux

fois le iour, autremēt à faute de recouurer ces choses, lon mesle de la pouldre d'encens fin avec du sel broyé, & luy en fait on prédre en vin comme dessus. Et ne faut laisser à tousiours luy faire frictiōs d'huiles chaudes: lon y fait autre infusion par les nazeaux, composée de sain doux, meslé & dissouls en miel & bon vin vermeil, & ainsi cuit dās vn pot neuf sur le brazier, sera bon le reiterer quand besoing se verra: aucuns adioustent en l'onguent de la friction, huile ciprin & laurin en égale portion: i'estimerois autant l'huile de stecades ou de cade, puis qu'avec l'huile cyprin l'auteur y veut des especes. Apres ceste friction il conseille couvrir le cheual, & ainsi le monter & picquer doucement comme par forme d'exercice: cela se fait au plus chaut du iour, puis au retour il veut nouuelle friction, iusques à ce qu'il sue par tout vniuersellement. Apres laquelle sueur bien detergee & fort bouchonnée, lon recommence de rechef la friction, tant que la beste en soit à la grosse alene: ceste friction derniere se fait avec la poix grasse ou liquide, destrempee en bonne huile: & faut se garder d'y mettre trop de poix, ou de faire la friction trop aspre: car cela blesse le cuir, & le garde de plus engendrer poil. Il plaist à d'aucuns leur tirer sang du col, mais c'est aux fortes & puissantes bestes: autres les menent aux bains chauds, si les cheuaux sont de prix, & valent la despense, & la leur font prendre breuuages cōposez de toutes choses chaudes, comme du laser, cumin, anys, fenugrec, grene de laurier, le tout consumé, destrempé & meslé en huile vieille, & de ce breuuage luy font prendre par ordinaire tous les iours demy septier, iusques à fin de cure.

Autre aliment à ceste intention: Cire neuue vne liure, resine quatre onces, huile laurin autant, opopanax deux onces, moelle de cerf, ou pomade, & huile de storax, de chacun trois onces, de ce tout cuit ensemble & bien liquefié comme il faut, on en fait onction par tout le corps de la beste, ou au soleil, ou en lieu bien fort chaut. Autre façon: Pren de la grene de laurier vn littron, cumin le double, soulfre vis, resine, galbanum, de chacun vne once, huile demy septier, ou trois poissons, fais en cuisson en neuue terrine sur le charbon moderé, & en vse à la necessité.

De la letargie du cheual, ou autre beste.

TV ne peux ignorer, que comme dit a esté des autres maladies, le cheual ne tombe quelquesfois en ce danger de letargie, qui luy procede de grande froideur & obstruction des nerfs du cerueau. Les signes en sont, que sans cesse il dort, & ne bouge couché de sa litiere, ne reçoit à gré viande ne breuuage aucun, & soubdain qu'il est esueillé ou excité, il se remet & reprend à dormir. Voicy le moyen de secours, tien-le le plus plat que pourras en l'estable, pour là luy faire prendre ce que voudras, tu luy fomenteras ou bassineras la teste avec decoction de pouliot bien chaude, puis le liniras avec de l'huile, dâs lequel sera pillé de l'adarde ou du peuoesne masse, fucille, grene & racine. Pour breuuage, fais decoction d'armoise & de franche camomille en eau cômune, & de ceste decoction fais luy en prendre tous les iours vne bonne chopine. Le train de deuant tu luy fométeras souuent d'eau chaude, ou de son vrine ou d'autre meslee parmy: car ce mal a de coustume bien fort offencer le pied droit du faulx montouer, qu'autre partie. Quant aux signes de ce mal, plustost mortel qu'autrement, il a les yeux larmoyants & côme chassieux: en l'estable il est tousiours endormy & couché comme paresseux à se leuer: le train de derriere luy faut ou decline au marcher: somme, il est côme grief & pesant par tout. Il te luy faut tirer sang du pied droit de deuant, & de la cuisse gauche, duquel sang meslé côme dessus, tu luy feras charge par tout. Trois iours suiuan le cheual prêdra de matin de la decoction d'armoise, avec demy septier lessiue de sarment, & trois gobeles d'huile d'oliue: le quatrième iour tu le lairras en repos. Et sil a perdu l'appetit, fais luy boire du bol d'Armenie, ou de la decoction d'ers consummee bien fort apres que tu luy auras rechange d'eau: la prise en terra d'vne bonne chopine pour fois. S'il n'en amende point, fais luy breuuage de semence de lin cuitte en vn pot neuf, & consumer à perfection, & avec du miel bien bon, fais luy en vser trois iours suiuan enuiron demy septier. Ce breuuage sert encores à la fieure du cheual. Quand le mal de letargie commence, lon doit fort & longuemêt promener la beste, iusques à luy faire venir la fieure, plustost que le laisser dormir. Et apres luy

auoir fort fomenté les pieds de deuant, il le faut de rechef beaucoup tormenter & exciter sur le trotteouer. Or sera faite ladicte fomentation avec du son de froment, sel & vinaigre: le tout à chaut: n'oublie pas à luy faire prendre deux fois par iour de la decoction d'armoise, & d'espargoutte, avec l'huile & la lessive en petite quantité. Oste luy en ce temps la prouëde d'orge & d'auoyne, & luy baille des cossats de febues grossees & pilees grossièrement: & tousiours le feras veiller & tormenter, pour le garder de dormir. Apres luy auoir vacuë les venes du col, tu luy feras prendre ce breuuage: Afronitre trois onces, noix de galle deux onces, spic nard & racines de cappres, de chacun autant: le tout bien pillé & passé ensemble par l'estamine, luy sera baillé à la quantité de trois bonnes cucillerees, destrempee en chopine d'eau tiede. Et marque ce passage, de ne luy faire riens boire que tiede, c'est à dire, ne chaut ne froid. Il le faut souuent reueiller à haut cry, & avec la verge fort agitée, & remuer, comme tous valets sçauët bien faire: pour faire passer ce mal par crainte, & violēt mouuement de tout le corps.

De la iaulniffe.

LA iaulniffe du cheual se cognoist quand le blanc en l'œil se monstre comme vert, tirât sur le iaulne: alors le col luy panche du costé droict, & semble clocher, tâtost d'un pied, tantost de l'autre: il te le faut establer en lieu tenebreux & obscur, qu'il ne puisse voir aucune lumiere, & le couuriras fort par tout: & de ce lieu ne le bougeras, tant qu'il soit guarý. Auquel tēps que le penseras de ce mal, il te le faudra bien & longuemēt, & deux fois par iour l'oindre & frotter avec le vin & l'huile tiedes, puis luy feras parfum sur trois ou quatre quarreaux de pierre de meule de moulin, & apres qu'avec vne longue lasniere, tu auras lié la teste du cheual à l'un de ses pieds de derriere: sous la couuerture ou seront tes pierres bien rouges de feu, tu ietteras huile commun, tant que la vapeur fort chaude, luy puisse entrer & penetrer dans les nazeaux & par toute la teste. Continue ce parfum sept iours suyuant, quelque temps que ce soit. Lors pour breuuage, luy feras prendre sang de cheureau, destrempe en lait de brebis, avec de l'anagal, cost, & huile d'olive. Et sera ce breuuage cōtinué l'espace de douze iours suyuant.

Du fiel, & de l'humeur melancolic, tormen-
rans le ventre du cheual.

A Insi qu'aux personnes l'humeur colerique, que lon nomme le fiel, cōtenu en vne petite vessie souz le foye, ou aussi l'humeur noire appellee melancolique cōtenue dans la rate, dōnent peine & douleur extreme à la beste: que tu cognoistras, quād trop souuent il se reuoltera & veautrera sur le dos le ventre amont, avec ahan & gemissement ou souspir, cōme si le cheual se plaingnoit à celuy qui le traite. Pour guarison, il luy faut tirer sang des venes du col, & luy faire prendre souuēt ce breuuage : germandree demie once, succe vne once, nitre, & aloë, de chacun deux onces, avec demy septier de bon & fort vin vieil, & le double d'hydromel, tu luy en feras souuent instiller & tirer par les nazeaux.

A l'humeur noire & melancolique, pren racine de ruscus, que lon nōme brusci, & apres l'auoir fort pillee & destrempee en vin blanc, fais luy en prendre par les nazeaux ainsi qu'a esté dict. Et lors au lieu d'orge ou d'auoyne tu le repaistras & bailleras prouēde de froment: & pour breuuage, le diapētē cy deuant descrit au premier liure : & continueras iusques à parfaite guarison.

De la colique des cheuaux.

Combien que de ce mal nous ayons traitté au second liure, toutesfois, comme pour addition, nous adiousterons, que la colique au cheual se cognoist quand estāt debout, & la douleur le presse au dedans, il se laisse tomber, & se plaint comme de grande rage & douleur qu'il sent. Si tost qu'il a beu il tremble & hallette, & neantmoins il sue vniuersellement par tout le corps, toutesfois que la sueur n'est pas chaude: Préaniz vne once, & autāt de la grene de fenouil & de persil, leuesche quatre scrupules, marrubium & garderobe, de chacun vne once, anet trois onces, poyure noir, deux onces, centauree maieur & mineur, de chacun vne once, germandree demie once, aigremoine quatre scrupules, & autant de pouliot & de racine de flambe iaulne, ache demie once, avec chopine de bon hydromel, tu luy feras prendre pour dose. Si la douleur neantmoins continue, pren semence de persil sept bonnes cueillerees, pille

les & destrempe avec bon vin vieil, & luy fais prendre à la corne. Lon tiét pour singulier remede, que sept taves qui sont au dedás du iuzier d'autant de poulets assez grands, icelles taves seichees au four, & avec de la pouldre de biscuit, le tout destre pé en bon vin vermeil : cela fait singulierement à la colique : aucuns y adioustent vn peu de safran.

De la vomique.

CE mal est bien profond au dedás du corps de la beste, & se móstre quand elle ne veut, ne se peut leuer ny souldre de sa litiere : la bouche luy sent fort mauuais, & tousiours se tiét couché sur son mal, il touffe fort profond, & par fois apres sa toux il iette côme vne maniere de boue ou matiere fetide & puante : Pren encens fin, & aristoloche de chacun deux onces, & les destrempe en vin blanc, pour luy en faire vsfer par les nazeaux : item, soulfre vif deux onces, avec demie once d'aristoloche fais comme dessus. Ne luy refuse le manger tant qu'il en voudra : car sa toux & son cracher le rendent assez debile. Si la vomique se presente au dehors, apres qu'elle sera rompue, & bien espuree, il te luy faudra donner le feu, pour empescher que plus il n'en suruienne.

Du cheual en chartre, ou hettique.

ENcores que de ce mal ait esté fait mention, toutesfois puis qu'il vient à point nous adiousterós encores ce petit mor : Quand le cheual amaigrift de iour à autre, avec fieure qui le deseiche, & rend aride comme bois, si que le cuir luy tient fort aux costes, que lon nombreroit l'vne apres l'autre : quád aussi la peau du col luy durcift, & par fois sur l'eschine luy sortent force cloux en maniere de froncles, qui ne suppurent pas aisément, & lors le cheual deuient gormant & goulu. Pour cure, en entendant premier aux froncles : Pren thim sec, & sel gros, mets le tout en pouldre, & avec du miel ou du vin vermeil, tu en froterás les endroits ou iceux froncles s'apparoistrót. Autremét, poix noire, cire, & resine, autant d'vn q' d'autre, avec de la pouldre d'encés fin, & de l'huile d'oliue, fais le tout bien cuire en vne terrine ou pot neuf, & estant cuis, agite le tout & remue sans cesse avec vne espatule de bois : Quand ton onguent sera refroidy, tu en vsferas comme dict a esté : sans ou-

blier les frictiōs predictes, que tu feras longuemēt, fort, & avec les mains de plusieurs personnes. Pour breuuage, pren poyure rond xxx. grains, myrrhe demie once, avec chopine de bon vin vieil, fais luy prendre de matin à ieun. Autrement, rue verte trois manipules, opopanax deux onces, avec chopine de bon vin vermeil, fais luy prendre à la corne: quelques vns y adioustent huile verd, vn gobelet. Ce mal ayant prins longue traicte, pour la malignité des causes qui l'engendrent: pren du sang d'une ieune truye, & tout chaut avec du vin vermeil fais le aualler à la beste: mais notte qu'il ne faut qu'une paellette & demie de sang, avec le double de vin: autrement il y auroit danger de pis pour la beste. Autre breuuage singulier: plume trois gros oignons, & les pille avec vne once de semence de rue: fais prendre le tout avec la corne, meslé dans chopine, ou demy septier de bon vin blanc, selon la grandeur de la beste: & continue tous les iours, iusques à parfaicte guarison, en faisant longuemēt promener le cheual, apres auoir auallé son breuuage. Au surplus, tu reprédras les remedes cy deuant alleguez, quand nous auons parlé des cheuaux entrepris, & percluz de tous membres.

Du mal de cueur qui prent aux bestes hetiques en maniere d'esuanouissement.

DE ce mal, nostre Vegece, ou celuy qui a faict ceste collectiō, en a parlé cy dessus: toutesfois par maniere d'adiecction, dit encores en ceste endroit, qu'il n'est moins fascheux que l'encueur, quant aux accidēts & symptomes, & qu'il menasse quelque autre mal bien dangereux, pour ce qu'il attient aux venes arteres & nerfs, premiers maistres & autheurs du mouuement & sentiment de tout le corps. Ce mal rencontre à celuy de la beste qui a mangé par mesgarde, ou mauuais traictement, la fiente de la volaille ou autre bestail qui ait hanté en l'estable, & qui l'aye deuoré avec son foin cheut à bas, ou comme que ce soit. Il aduient que le corps de la beste enfle, & principalement le ventre, comme si elle estoit hidropique, que l'appetit en est plus grand, le marcher plus lent, & toutes actions plus remises. Pour cerocfne, pren cire deux liures, terebentine vne

PVB. VEGECE DE LA

liure, autant de moelle de cerf, sain doux vne liure, autant d'yreos de florée, pouliot demie liure, huile laurin ce qui sera de besoin, fais en decoction à petit feu, & apres l'auoir coulé, l'onguent estant encores tiede, tu y adiousteras ta pouldre d'yreos avec la croye bien fort broyee, en remuant sans cesse, iusques à ce que le tout refroidisse, & se rende espez, de cest onguent tu frotteras la beste à ieun, ainsi que t'auons predict aux autres maladies: iusques à faire venir la sueur abondante, apres laquelle tu le feras essuyer, frotter, estriller, & puis tant couvrir que de nouvelle sueur suruenante, il soit besoin en faire autant que deuant: si le cheual siente, il faut auoir esgard quel en sera l'excrement, ou dur, ou fort humide, parquoy tu iugeras comme se portent les interieures parties, & suyuant ce tien iugement, luy ordonneras potions conuenables à son mal. Au demeurant pour diette, tu l'estableras & couuriras chaudement & soigneusement, par trois iours suyuant. Et pour voir s'il digererá, il le faut promener de son pas, assez loin du giste ou estable, puis le recourir comme dict est, & prendre garde à sa siente. Pour breuage, pren aurone quatre onces, aluine autant, german-dree, chamepiteos, dragant, de chacun quatre onces, iust de pannaiz autant, gentiane, encens fin, de chacun deux onces, rue vne poignée, sucre demie liure, pille le tout ensemble, avec deux bonne cueillerees de farine d'ers, fais en cōposte, de laquelle tu bailleras à la beste en façon de bol neuf iours suyuant, à la quantité de trois bones cueillerees, avec du vin vieil. Apres luy auoir laissé reprendre sa force, quelque temps intermis, tu recommenceras, iusques à ce que la beste sente parfait amendement. Ce temps durant, pour nourriture, tu ne luy offriras que des soupes trempées en lait, & luy refuseras cestuy tēps les faisseaux d'herbe verd, iusques à ce que mieux luy soit.

De la iaulnisse.

A Ce mal tant de fois resumé, tu cognois le liure de Vegece, n'estre qu'une collection de plusieurs auteurs, assez mal digerée. Toutesfois puis que ceste curation ne contient riens de ce que deuant a esté dict, nous dirons avec luy que le cheual à qui l'opilation de la vessie contenant le fiel sous le foye,

aura le dedans des yeux comme verd tirant sur le iaulne, sera chassieux, le cuir luy durcira cōme sec par tout le corps, le poil luy herissiera, il cheminera en chopinant à toutes heurtes. A ces signes confermez, pour son breuuage: pren semence de panaiz & d'ache de chacun vne liure, fais le tout fort bouillir avec des lupins & du bon miel, & du tout bien parcoulé, fais luy prendre chopine, huit iours suyuant. Si cela ne faiēt à ton intentiō tu adiousteras trois demy septiers de bon vin vieil, dans lequel tu auras destrempé de la fiente de chien qui ne mange que des os, c'est la plus dure, & plus blanche, & apres que ce tout aura reposé quelque temps, tu en donneras tous les matins à la beste, la quantité de trois cueillerees, avec du vin blāc vieil & du meilleur. Aucuns destrempent l'estronc de chien tel que dessus, avec la puree de pois ciches.

Quand le cheual ne peut fienter, & neantmoins
se plaint comme des ventrees.

LE cheual attaint & se doleant de ce mal, se veaultre trop souuent, & se plaint en soufflant & gemissant (nous en auons parlé cy dessus) le ventre luy bruit, il a tousiours l'œil vers les flancs, il fiente dur & bat rudement la terre avec les pieds de deuant, combien que par interualles le grand & outrageux trauail luy enuoye quelque peu de repos, mais avec froideur par tout le corps. Pour breuuage à ce mal, pren racines d'acorus, qui est flambe iaulne, avec semence d'aniz & opopanax: de ce tout ensemble & pilé fort menu, en feras trois prinſes, avec trois onces de bon vin vermeil, & autāt d'huile d'oliue, l'espace de trois iours. La restrictiō de ventre estant si obstinee quelle ne permette riens sortir d'excrements, lors que tu luy verras tenir la queue si serree, qu'à peine tu la puisses retirer, & qu'il aura tousiours l'œil tourné vers le ventre, bailles luy ordinairement de la pouldre de rue sauuage, avec la semence d'icelle destrempee en bon vin vermeil: & au surplus pren dix oignons vieilz, cinq figues grasses, nitre cinq scrupules, fiente de pigeon quatre scrupules, melle ce tout avec de l'vrine & vn peu de saumon pour en faire suppositoires long d'vn palme, & gros d'vn doigt. Le vêtre ne se voulant relascher pour cela, apres l'auoir

par tout bassiné avec la decoction de guimaulues, pour amollir les taves ou membranes qui l'envelopent: en clystere tu luy mettras iust de flambes deslayé en vne liure de decoction de maules & poree, & dans le tout adiousteras nitre & fiente de pigeon de chacun trois scrupules, huile laurin vne once, huile de rue demie once: tout cela baillé par la chausse comme de coustume, luy seruira grandement: mais apres qu'il aura receu son clystere, il le faut longuement & doucement promener. Quelques veterinaires, ont experimenté la fiente de lieure, avec neuf cueillerees de miel, & quize grains de poyure rond, de ce tout en faire breuuage, qui sera prins avec la decoction de poix ciches, ou de choux rouges.

Du mal de foye.

Comme les personnes, aussi sont les animaux subiectz à mal de foye: qui procede ou par opilation, ou par trop grā de chaleur. Les signes sont quand le cheual ou autre beste refuse la prouende ordinaire, & comme fiebureux ne desire qu'à boire à toutes heures. Au demeurant le ventre luy enfle, & tout le reste du corps amaigrist outre ce que le testicule droict luy enfle & endurecit. Pour premier, tu luy bailleras decoction d'orge mundé vne chopine dans laquelle, comme pour potion tu mesleras yn pesson d'huile d'olive, si cela ny fait, pren semence d'ache trois onces, hysope trois onces, garderobe vne once, huile verd ou vin cuit ce qu'il en faut. Sinon, fenugrec cuit en eau de fontaine iusques à ce qu'il descroisse des trois parts: & luy en fais prendre à plusieurs fois. Aucuns prennent encens fin, deux drachmes, & avec du vin vieil & bon, le font prendre à la beste. Puis la font frotter longuement & à plusieurs personnes, ainsi que dict a esté, iusques à luy exciter forte & grande sueur, puis l'establent en lieu chaud & obscur, en continuant iusques à parfaicte santé.

De l'enfleure du ventre au cheual.

JAy veu quelques bestes auoir le ventre grand & enflé, sans aucun bruit que l'ouïst du dedās, ou que la beste feist plainte. En

te. En ce mal les genitoires luy enfont plus que de coustume, & donne icelle beste souuent du pied contre terre, & se tourne & reuolte de part en autre plus qu'elle n'a de coustume: & tousiours tourne la veue & le col vers les flancs: se plaignant & tremblant par tout le corps. Il se faut promener le cheual, assez longuement, puis luy tirer par le fondement, avec le bras bien oingt la fiente qui se pourra atteindre: puis tu mesleras du sel & du miel ensemble, desquelz ton bras imbeu & comme embroqué, remis aussi comme dessus, sera cause de luy exciter le vouloir de fienter, si c'est en hyuer, frotte luy les oreilles & les flancs avec de l'huile, & de la poix grasse. Et pour breuuage propre à ce mal: pren feuilles de laurier verd, & de la grene d'iceluy recente, poyure & cumin, semence de persil & fenouil, avec du nitre: pille le tout ensemble, & avec du fort vin, fais luy en prendre à ieun. Et de ce temps ne luy presente à boire que de leau tiede, en petite quantité, puis le fait doucement promener, iusqu'à ce que ses douleurs cessent. Si c'est la colique proprement appelée à cause du boyau cueille, qui est le plus gros & large de tous, & que remply de vents en quantité, il face les douleurs, telles que cy dessus, tu le promeneras fort & longuement, & le bouchonneras comme nous auons dict: l'estableras chaudement & en lieu obscur, & le couuriras par tout, si que la sueur s'en ensuyue en quantité. Et par les nazeaux luy feras prendre graine de nyelle romaine avec de la barbotine, le tout destrempé en bon vin blanc.

A la toux.

Comme plusieurs causes se trouuent de la toux du cheual, ou par auoir auallé le poulcier, en temps de grande seiche-
resse ou en longue carriere, pour auoir beu froid, ou estre mal
establé, & mal couuert quand il a douleur, ou bien pour auoir
auallé par la negligéce du valet quelque plume de volaille qui
hante à l'estable, les accidens estans legiers, le mal est aussi bien
tost guarý, & quasi comme de soy-mesmes, si le cheual est ge-
neroux, & en sa force. Vray qu'estant ia si decrepit qu'il ne se
puisse plus reuencher contre la force ou furie de son mal, à ce-
la ne peut la medecine: parquoy nous auons pëse pour le pro-

fit de ceux qui voudront entendre à traicter les bestes, faire quelque distraction particuliere des accidens, selon lesquelles tantost s'enfuyra le remede: *ulq curus no itaqob onle uirtu*
 Si donc le palaiz ou le gosier est entierement exasperé & si rude qu'il cause desappetit à la beste pour raison du poulcier, offelet, ou areste (i'entens des espiz qui tous entiers demeurent quelquesfois aux gerbees de seigle principalement, ou pour quelque autre cause que te soit, il s'enfuit vne maniere de toux pour la communion qu'a le gosier selon le fifflet de la gorge, avec les poulmonis & le diaphragme. A cela faut secours propre & diligent: comme de promener longuement la beste, & apres luy auoir fait ouurer la bouche, avec la mouffle, regarder en toute diligence, ce qui luy peut nuire, & faire offence, & le tirer doucement avec la forcette ou bec de corbin. Cela faudra que tu executes à la rencontre du grand & plain iour, ou bien du soleil, si lors il reluist, & te donne grande clarté. Apres que tu auras osté & enleué doucement ce qui nuisoit à la beste, il luy faut mettre leans pouldre de nitre, avec l'esponge trempée en bon hydromel: puis y adiouster la lene à tout le suif, aussi mouillée en bõ huile & vinaigre: & de tout cela estouper bien estroittement & seurement l'endroit ou le mal estoit, que tu leueras trois iours apres, & apres auoir fait decoctiõ d'hydromel & huile, tu y appliqueras succe quatre scrupules & d'alun faite en decoction, & bien coulée vn scrupule, infuse cela en la corne dans le gosier de la beste. *mod c. hermesob tuor ol, onit*

De trop grand froid par les inconueniens deuant dicts sengendre la toux au bestiaill, duquel mal les signes sont, que quãd il touffe, cela le presse si fort, qu'il est contraint abaisser la teste, & la mettre quasi contre terre: & quand il boit, l'eau luy sort par les nazeaux: mesmes apres qu'il a prins son eau, c'est lors que la toux le presse. Mets luy le mirouer de la bouche, & au deffouz l'endroit le plus commode. En y mettant la main, tu trouueras souz le doigt comme vne façon de vessie assez grosse, laquelle il te sera facile rompre avec les ongles, puis tu luy bailleras trois pillules d'aloës assez grosses & dissoutes en hydromel & vn peu de sain doux, pour les faire plus molletes: trois iours apres tu le froterras bien chaudement avec huile, le vin & le sel. Puis pour dernier remede tu luy fe-

ras prendre pillules avec la pouldre d'espiffes, *non usq. omnes*

Le mal prouenant de l'estomach ou premier ou secôd de la beste, se cognoïstra quand apres le boire ils ruminent incontinent, à raison de la putrefaction ou maligne humeur contenue au fond de l'omase: Pren vn œuf entier, & le broye en fort vinaigre, & apres que la coque sera tellemēt leuee que la peau ou la membrane demeure, tu mettras le tout avec de la poix grasse, & de l'huile, & en feras liniment par tout: Pren apres alun, sain doux, sel, & le tout avec du vin blanc dissouls: Baille luy en façon de bolus par morceaux avec du miel, toutesfois & vn peu d'eau tiede. Si tu as le moyen, tu le feras souuēt frotter de musillage de guymaulues extraictes en vin blanc, bonne huile d'oliue. Et pour breuuage, myrrhe deux onces, poyure blanc demie once, pignons bien treyez vn pisson, & autant de raisins de Corinthe: fais de ce tout decoctiō en eau qui soit bonne. Et apres qu'elle aura descreu des trois parts, tu la passeras & luy en feras prendre tous les iours, iusques en fin de guarison. *en iustes ou assés, en iustes ou assés*

La toux prouenant du coffre, comme des poulmons & parties circonuoinines, ou bien des autres internes & inferieures nobles toutes, & de grande office, pour le traitt de la vie me semblent moins guarissables, poutce qu'elle est pire de toutes les predictes: parquoy elle requiert remedes d'autre façon, ou plus confortez, que ceux que cy dessus ont esté proposez.

Premierement, tu feras resfendre les nazeaux à la beste, comme lon fait à celles qui sont poussiues: & si apres cela le mal n'en reçoit autre amendement, en prenant garde & soing diligent, sil s'ellance par les flancs, & amaigrit fort, sois assure que le mal depend dudit coffre & des parties subiacentes, qui sont gueres moins nobles, pour le regard de leur office, comme seroit du diaphragme perc de la respiration, & aussi le mediastin, avec la pediculle du foye, qui en touffant ne peut soutenir son maistre qu'il ne s'ellieue à mont come par force: & autant en prononcerons nous de la ratelle, comme il n'y a boyau qui a ce mal & succussatiō qui ne se remue, & quelques fois chage de place: mais aussi quad il viët d'auoir trop couru, sauté & galopé, puis apres auoir esté refroidy au ferain. Quand nature forte & valide expulse ce mal au dehors, elle demōstre

comme par frondes, cloux, galles, & apostumes le dedans n'estant lors tant affligé: combien que la chartre ou l'estique s'en approche; toutesfois il y a plus d'esperance qu'à ce que nous auons dit: combien que ce ne soit sans la iacture & inconuenient de la sente de la beste, que lors lon enuoye aux pastiz d'herbes vertes en temps propre; commode & bien temperé. Et pour compote salubre en tout temps, & à toutes bestes. Pren fenugrec & semence de lin de chacun vn poillon, gomme dragât, olybâ, myrthe, de chacun vne once, sucre, gruyau d'ers, de chacun vne once: le tout bien pillé & passé par le sasset, feras infuser toute vne nuit en eau chaude, & le iour suivant en bailleras à la beste vne bonne chopine avec la corne: & ce continueras en y adioustant vn gobelet d'huile rosat, iusques à fin de guarison. De ceste cōposition la maladie recente en sera du tout guarie: la vieille en sentira allegement. Et marque ce passage de ne donner iamais plus forte medecine à ce mal: car le doux remede & refrigeratif luy est du tout propre & commode. Au surplus, iamais ne t'aduienne en cest inconuenient faire tirer sang à la beste de quelque endroit que ce soit: mais les matins il sera bon luy bailler & continuer de la gomme de dragant avec de l'huile douce. Aucuns ayment mieux le iust de raues avec le vin blanc prins de grand matin, & puis apres luy font prendre potion refrigeratiue avec le bol & terre cygellee destrempee en eau rose.

Et pour ne rien obmettre des remedes qu'autresfois nous auons leu & esprouué, ie trouue cestuy conuenable de prendre farine de febues groslees deux septiers, & les infuser où destremper en autât de vin cuit. Ce tout agiteras doucemēt dedans le mortier de bois ou de marbre, en y adioustant sur la fin pouldre de trente grains de poyure rond, suif de bouc trois liures, le tout bien agité & meslé ensemble, te seruira pour trois princes, & de grand matin. Aucuns ne veulent sans plus que du gruyau de febues groslees: autres en ayment mieux la farine destrempee en bon vin vieil, pour en faire prédre à plusieurs fois. Lon fait aussi des trocisez quand ce mal vient de rupture ou de relaxation: en prenant de la mercuire & de l'aparitoire, autant d'un que d'autre: & de ce iust destrépe, & fort agité, avec du vieil oingt, ils en font trocisez en façon de bol,

pour en presenter à la beste, à nombre impar, tant des iours, comme d'iceux trocisez.

Contre la toux legiere, & qui n'est fort inueterée : pren poireaux & mercuire autant d'un que d'autre, & en tire le iust, en adioustant l'apparitoire, si bon te semble. Dissoulz le tout en bonne huile d'oliue, & avec du miel formes en pillules, ou trocisez, pour prendre comme dessus, en forme de bolus. Et apres la prise, il ny aura riens mal luy faire prédre decoction de poireaux ; sinon prens de l'opium de Syrie, & luy en fais aualler à petite quantité, avec du bon vin vieil. Lon prend aussi pour la purge de la teste, huile rosat verte ou autre, & avec de l'eau un peu plus que tiède, lon luy fait tirer par le nazeau droit, l'espace de trois matinees.

Ala hargne, rupture, & descente du boyau.

Outre ce que nous auons descrit de ce mal, au liure precedent, il me souuient te rememorer & adiouster ce qui fen suit : Pren gomme dragat deux onces, fais les infuser vne nuit entiere en eau tiède, y adioustant apres l'infusion vne liure decoction de fenugrec & semence de lin, de chacun trois bonnes poignées. Le iour suyuant, mesle les deux decoctions ensemble, & les coule & passe subtilement : & sur ce qui sera passé, tu adiousteras moelle de cerf deux onces, suif de bouc vne liure, racine de serpentaire maieur, gentiane, centauree maieur, suif de taureau de chacun vne once : le tout bien mixtionné adiousteras à ce qui a esté dict cy deuant, si raisonnablement incorporé, que le tout soit come bouillie. Sur la fin tu y adiousteras vin vieil trois demy septiers, decoction de fenugrec telle que tu auras preparée, avec celle de la semence de lin, de chacun, ce qui sera demeuré de reste, fais le tout cuire de rechef & bouillir ensemble : & par trois iours suyuant en donneras à la beste avec la corne, ainsi que de coustume.

Autre remede, tant pour la hargne que pour la toux : pren vn iambon gras de pourceau masle, fais le tant bouillir & cuire que la chair laisse les os : lesquelz auoir bien separé entierement, faut faire nouvelle decoction, en la faulmeure premiere, y adioustant trois demy septiers de bon vin cuit & doux, avec demy septier de fort vinaigre. Apres que ce tout aura enduré

deux ou trois bouillons, & qu'il sera bien reposé, tu y adiousteras autre decoction de fenugrec, & de lin de chacun vne once, & en passant le tout, fais y infuser doucemēt moelle de cerf & de bouc de chacun deux onces : cela te seruira pour sept prin-
ses du moins, à iours suyans, en y adioustant, si bon te semble, du vin cuit, ou de la decoction des semences susdictes. Aucuns prennēt de la decoction d'une teste de mouton cuitte la peau & bien fort consumée, puis apres en auoir séparé les os, ils adioustent du fin miel, & en font trois prin-
ses, pour trois iours suyans. La toux prouenāt plus du gosier que de l'aspere ou trachee artere, qui est ce que nous disons vulgairement le cor-
net ou le sifflet: Pren myrrhe trois onces, graine de paradis vne once, pouldre de noyaux de pesches, & de pepins de raisins de damas de chacun vn bon poisson & demy, fais en decoction à petit feu de charbon, puis le tout estant encores tiede, fais en des morceaux que tu feras prendre à la beste, à la quantité de trois, par trois iours durans, ou cinq ou sept en quantité, avec du beurre fraiz. Aucuns conseillent à ce mal prouenant de la cause susdicte, prendre vn poulet tout vif, & le fendre par le
meilleu du corps, en long, non point de trauers, & en prendre l'estomach, que tu feras battre tout chaut avec la fiente dudit
poulet, & du fin miel, & luy en feras vne dose. Autres prennēt myrrhe deux onces, poyure autant, semence de lin fricassée &
battue vn poisō, graine de paradis demie once, noyaux de pes-
ches, & pepins de raisins de damas bien trayez deux poignées, apres la decoctiō faicte comme dessus, tu en formeras trocisez,
desquelz tu feras prendre à la beste trois iours suyans, cōme cy
dessus a esté dict. Mais quand la toux procede de lacrimonie
de l'humeur descédant du cerueau, & exasperant ou escorchāt
le gosier de la beste. Pour premier remede, il la faudra purger
de ceste façon: Concombre sauuage avec ses racines pillees en
nitre d'alexandrie, & avec du bon vin vieil, tu luy en feras pré-
dre à la corne. Apres q̄ le vêtre en aura esté lasché, le tiers iour
suyuāt, tu plumeras vne squille vieille, & en tireras quatre on-
ces de iust, que tu messeras avec de l'opium de Syrie, & en feras
breuusage bien passé & coulé, cōme nous auons dict cy dessus,
trois iours de suite. Pour parfums qui seruiraient autant, ou plus
que les breuages: pren verniz, asphalte, ail & oignon de cha-

cun trois onces, fais en trois potions, pour trois iours suyans: & lors q̄ tu en voudras vser, fais couvrir la beste depuis la teste iusqu'aux pieds & souz la couuerture, iette ton parfum sur les grez ou pierres chaudes telles que nous auõs descrit cy dessus: mais sur tout, donne toy garde que le parfum ne luy entre dās les nazeaux, car il luy pourroit offencer le cerueau. Autremēt: Pren vne poignée de marrubium, & autant d'herbe à chat: du iust de ces herbes destrempé en bon vin vieil, & deslayé avec vn œuf fraiz, & avec de l'eau tiède, fais luy en prendre à la corne, en y adioustant de la moelle de cerf. A faute de ce, pren iust de veruene sauuage, & le dissouls avec de la cire, ou bien huile vierge. La toux pourroit estre bien cruelle & fascheuse, si avec la decoctiõ de noix de cypres elle ne sarreste, en y adioustant, si bon te semble, iust de moron & de paritoire: de ce tout bien arresté avec la gomme dragant, tu en formeras trocisez, desquelz tu feras prendre trois pour fois, & à iours impairs ou inegaux, avec du vin, de l'huile, & du miel passez en mixtiõ de trois œufs fraiz. Si tu veux y piller des fueilles de cypres recentes avec du vin blanc, faire le pourras commodement. Aucuns luy presentent de la poix grasse à boire avec du vin blanc bon & vieil: autres prennent gomme dragant, myrrhe, spic nard, de chacun vne once, & avec chopine de bon vin blanc en font medecine, qu'ils presentent à la beste, l'espace de trois iours suyans.

A la poulse, ou au souspir, que lon nomme aussi
la toux seiche.

DE la descente du caterre, qui continuellement distille & abreue l'artere, par laquelle incessamment l'aër extérieur entre dans le coffre de la beste, qui est comme la fermeture & chasteau du cueur, icelle artere est aucunes fois si desdaignée, & les poulmons, par leur frequente motion & agitation si deseichez, qu'outre la toux, de la grande force & peine que le cheual se donne à s'espraindre, comme voulant expulser tout en vn coup, il aduient tel inconuenient & danger, que la beste en tombe en syncope, & s'esuanouist à chasque bout de champ. A cela prendras hysope vne liure, fenugrec demie liure, semence de lin, gōme dragant, moron rouge, rue, le tout:

en vert, de chacun demie liure, avec demy littron de sel: pille toutes ces choses ensemblement, & les fais bouillir iusques à la consommation des trois parts, apres que le tout sera coulé & passé par l'estamine, tu en feras prinse pour trois fois au cheual qui touffe, & à celuy qui sera rompu, pour neuf doses. Autrement, pren perfil de Macedoene vne once & demie, d'aucus, myrrhe, dragant, spic hard, cost, de chacun vne once, fais le tout infuser en eau tiede, & du miel, & au cuire dernier deuant que riens passer, adiouste racine d'acore, poyure, sucre de casson encores de chacun vne once, gomme amoniace deux onces, cannelle grosse vne once: de toutes ces choses bié pillees & meslees, lon en fait des trocisez avec de l'hydromel, puis le font prendre au cheual recréu, avec du vin cuit, par tât de fois qu'il puisse estre guarý.

A la vieille toux, au suspir, & à la pousse, mesmes à la squinancie, pren storax, çalaminthe & garence trois onces de chacun, myrrhe, opopanax, yreos de Florence, galbanum, de chacun deux onces, terebentine de Venise trois onces, du tout mixtionné à profit, feras trociz pour le mesme effect. Autrement, sain doux demie once, figues grasses quinze en nombre, baston de lin brulé & mis en cendre, saulmeure vn gobelet & demy, miel vne liure, avec du bouillon de choux rouges, lon en fait comme des soupes que lon trempe dans le vin cuit, & les fait lon prendre au cheual à plusieurs fois. Aucuns prennent fueilles de l'ierre & de peuple blanc (c'est ce qu'on nomme du bouleau ou du tremble) de chacun esgale portion, & avec du vin blanc en font entrer dans les nazeaux à la façon cy dessus. Quelques vns ne prennent que des fueilles de rue pillees en miel, & luy font brouffer avec le vin cuit. Autrement: Pren fueilles de concôbre sauage, & avec du foin verd, & pille à part la racine du mesme concombre, & avec la decoction de semence de lin, & d'orge ensemble fais en le pareil: Pren du soulfre vis avec du rosmarin, du miel, & du vin: Ité iust de racine de panaiz, avec vn demy septier de bon vin, & trois gobelets, huile d'oliue, infusez par le nazeau gauche. Autrement, rosmarin quatre scrupules, myrrhe deux scrupules, avec le vin vieil & l'huile, fais en comme dessus par trois iours suyans. Autrement avec demie mesure, yreos de Florence
 potion

en pouldre vne once, rue vn scrupule, avec de l'huile, sert de potion à prendre par la bouche. Ité racine de meurier vn scrupule, soulcis ou heliotrope trois onc. avec demy septier de vin blanc: c'est breuuege fort singulier. Autrement, farine de lentille vn bon littron, fais en boire par trois iours à la beste, avec belle eau tiede: autres se contentent de deux septiers de iust de poreaux, avec de bonne huile, à en faire breuuege par plusieurs iours, & à tiede, iusques à fin de guarison. A la toux & à la hargne, racines de panaiz deux onces, soulfre vif vne once, encens fin deux onces, myrrhe vne once, mets le tout en pouldre, & en fais prèdre à la beste deux cueillerees avec deux œufs fraiz destrempez en demy septier de bon vin vicil, & ce l'espace de cinq ou sept iours. Il a esté experimēté, prendre vne poignée de cèdres d'orme faictes au propre, & bien passees les faire boire à la beste avec de l'huile bien destrépees, & iij. œufs fraiz, autant de iours que tu voudras. Pour abbreger, ie trouue à ce mal aussi bien qu'à la pierre autant ou plus de remedes qu'il y a d'accidēts & diuersitez de façon, que mon aduis seroit que tu en feisses cueillette des plus experimentez, & ainsi executer: car le maquignon ne peut pas fournir comme le gentilhomme, ne le petit marchand comme celuy qui a mieux de quoy. Or ie t'en vueil encores descrire d'autres outre les precedents, puis que le propos s'y addonne. Iust de marrubium vne chopine, figues seiches vingt cinq en nombre, bon miel, ou decoction de cumin demy septier, fais le tout decroistre en decoction iusques à la moitié, & apres la colature mets y casse vne once, camomine grosse demie once, encens fin demie once, sarazine ou aristoloche longue deux onces, opopanax vne once, yreos de Florence demie once, racine de panaiz vne once: mesle le tout ensemble, & sur la decoction de miel estant adiousté passe le bien soigneusement, puis avec grande diligence, dōne luy vne legiere coction sur les charbons moyennement chauds, en remuant tousiours avec l'espatule pendant qu'il fera sur le feu, mets en vn pot de grez pour en vser au besoing, qui fera tous les iours deux bonnes cueillerees avec demy septier de bon vin. Autrement, fricasse à part semence de fenugrec, lin, & de lentille, & mixtiōne le tout ensemble, apres qu'il aura esté bien subtillement battu & puluerisé, ou les re-

tiens en pouldre chacun à part, & en fais prendre tous les matins à la beste, avec du iust de moron rouge & de plantain, en y adioustant de bon vin. Item, febues grosses vn littron, fais en coction à part, & autât aussi de fenugrec: iette la premiere eau, & sur la secôde cuiffon en y remettât de l'eau tu y adiousteras figures seiches vintg cinq en nôbre, reclisse ralee vne once, fais le tout tant bouillir qu'il reuiène à trois chopines ou environ: pren tes figures, fenugrec, & la febue, avec la reclisse, bats le tout en vn mortier: sur la fin mets-y beurre fraiz & sain doux, de chacun deux onces: & avec la decoction desdits fenugrec & febues, fais luy en prendre tous les matins à la corne la quantité d'une chopine, peu plus, peu moins: si le breuuage te semble trop espéz, mets y du vin vermeil ou vin cuit, tât que bon te semblera.

Les Barbares fort studieux des cheuaux, contre la toux inueterée, & qui a prins long traict, prennent la racine de campanee seichee à l'ombre du soleil, puis la mettēt en pouldre, laquelle ils font long temps tremper en vin doux, puis encores la seichent, & de la pouldre secondement tirée, ou bien avec ledit vin en baillent salubrement à la beste. Aucuns se contentent faire mâger du pas d'asne en vert ou sec en pouldre, meslé avec le vin & le succe candy, si la beste le vaut. Autrement: Pren lentille d'Alexandrie, fenugrec, semēce de lin, de chacun deux bonnes poignées, fais en decoction, en y adioustât le iour d'après à la coction moron rouge deux poignées, le tout bien espraint fera pillé dans le mortier, puis fais nouvelle coction en vn pot neuf, avec trois chopines d'eau: de ceste decoction bien passée faudra que la beste en prenne tous les iours vn demy posson avec le double de bon vin: en trois iours lon tient que la beste receuera guarison.

La toux prouenant des vlceres du palaiz ou du gosier, pren yreos de Florence vne once, poyure long demie once, succe vn scrupule, myrrhe fine, encens fin, de chacun demie once, gomme dragât infusée en eau, du pas d'asne vne once, avec du vin cuit, dans lequel tu destremperas cinq œufs, fais en pour trois prinſes à iours suyans. Façon de trocisez ou trempettes, miel, beurre, sain doux, sel, & poix neuue, melle le tout ensemble sur le feu, & comme par façon de sôuppes ou trempettes,

donnés en tous les iours à la beste, avec du vin cuit tant que besoing sera.

Si la toux vient des parties du dedans, avec de la decoction d'orge bien creuee, tu mesleras vin cuit vn gobelet, & luy en feras vsfer quelque temps. S'il touffe encores plus fort & griefuement, comme par forme de quinte, febues fraizees & reduites en pouldre vn littron, suif de bouc trois onces, ail trois testes, fais decoction, puis pille le tout ensemble, fais en prendre à la beste avec le vin cuit.

Et quant à la hargne ou rupture dont cy dessus auons faict mention, pource que les mesmes remedes que lon baille à la toux y sont bien souuēt, I'ay memoire encores d'auoir leu cestuy: vn littron de fenugrec, figues seiches vingt en nombre, avec vne poignee d'ache & de rue verte, fais decoctiō iusques au descroistre des deux parts, & sur la fin, apres la decoctiō coulee, tu y dissouls dragant bien infusé, comme auons dit cy dessus, moron rouge, & ail de chacun autant, le tout bien incorporé seruira pour faire morceaux comme de bol, à la grosseur chacun d'vne bonne noix: le premier iour baille luy en trois, le second cinq, & le tiers sept, avec du bon vin.

De la galle.

LA galle au cheual, le rend difforme, & non souuēt sans danger, car elle est contagieuse, & passe facilement ou se communique de l'vn à l'autre. Quand ce mal est encores en vert, & que tu cognois qu'il commence, laisse luy prendre son traitt, & n'espèche nature par dehors ne par dedās à faire son deuoir d'expulsion. Mais si tost qu'elle sera toute sortie, premieremēt tu purgeras par dedans, avec la pouldre de la racine de concombres sauuage destrempee avec le vin, sinon que ladicte racine detrenchee menu tu luy vueilles faire aualler avec sa prouede, si cela sert. Trois iours apres tire luy du sang de la nuque du col, si tu voy qu'il n'y ait ordre au col mesmes, ou aux espauls. Si tu peux attaindre la vene du poictal sans danger, cela sera bon & conuenable. Le mal estant plus fort aux cuisses & aux flācs qu'ils prēnēt de mauuaise nourriture & boisson d'eau trouble & bourbeuse, le sang sera tiré des venes interieures des cuisses. Et pour remede exterieur, pren du bitume de

Iudee, nommé asphaltum, soulfre vif, poix grasse, melle le tout & le dissouls en beurre fraiz salé: de cest ouguent tu feras frotter la beste par tout le corps, au plus chaut du soleil, & à plusieurs personnes, & longuemēt. Si mieux tu n'aymes fort vinaigre demy septier, poix resine quatre onces, poix de cedre ou gomme d'iceluy quatre onces, melle bien le tout ensemble en onguent avec de l'vrine d'homme & eau tiede, y adioustant sain doux & huile vieil de chacun trois onces, fais en liniment, ou ceroesne: fil ne te semble meilleur le lauer par tout, ou biē fomentier avec l'vrine & l'eau tiede, puis passer ton liniment par dessus. Item sain doux vne liure, soulfre vif deux onces, bitume Iudaic vne once, huile vieille demie liure, poix liquide deux gobelets, fais comme dessus. Item vrine de chrestien longuement reposee, avec sa lie & subsidence, fiente de brebis, de chacun demie liure, huile vieille vn pesson, soulfre vif trois onces, poix liquide trois gobelets: du tout bien mixtionné fais onguent pour l'effect que dict est. Autrement, bitume de Iudee demie liure, soulfre vif trois onces & demie, cire liure & demie, olybam demie liure, fais le tout bouillir en decoction de scabieuse, pour le mesme cas.

Mais la beste estant affoiblie, & trop affamee, tant de ce mal, que des remedes, pren huile & sain de grenouilles recentemēt cuittes, & avec d'eau, farine de lentille, sain doux & huile, fais liniment. Autre façon, pren decoction de racines de concombre sauuage, & avec de l'huile vieille fais en liniment à frotter par tout ou le mal se monstrera. Si mieux ne te plaist, la decoction de soulfre vif en vin blanc.

La galle ayant fait comme cal par tout & duresse & la longueur du temps que la beste sera gaignee de ce mal, ie conseille qu'avec le verre, tez de pot, ou mesmes le fer, lon la gratte iusques au vif, & puis avec l'vrine humaine & l'eau marine, ou artificiellement salee, tu la bassineras par tout ou il y aura galle: & que ce soit au soleil, pour faire la friction subsequente plus adroit: L'herbe appellee rhododaphne, cuite en huile, i'entens les fueilles seulement, est vn remede bien exquis à ce mal, en y adioustant de la poix grasse, du vinaigre & de la cire: & aye souuenance en toute friction, ou bien onction que tu feras, de frotter tousiours la beste à contrepoil.

Ala beste qui se sent mal d'auoir mangé
mauuais foin ou auoine.

LE foin ou trop recent, ou reland, ou eschauffé au grenier, ou mal gardé, quoy que soit meschant & pernicieux aux bestes, qui sont pour la grand faim contraintes en vser, engendre grande maladie, que tu cognoistras aux yeux vagues & reluisans, & au marcher incertain & mal composé. Il leur faut tirer à telles bestes du sang des venes matricaires, ou dessouz les aisselles: & pour leur ordonnance prepareras des figues seiches trempées & infusées longuement en bon vin odorant: & ce pendant ne leur baille ne foin ny auoine, mais pour potiōs, il faut qu'elles soient toutes diuretiques, c'est à dire qu'elles prouoquent l'vrine, desquelles nous auons parlé à la retentiō d'vrine, & au calcul.

Quant à l'auoine corrompue, mal espoussée, moette, sentant le trop gardé, ou bien trop recente, cela dōne encores autant de peine à la guarison, tu luy feras ce breuuage, qui aussi seruira au mal precedent, prendras la taye du dedans du iusier de trois poulets, & les feras bien seicher au four, puis les pulueriseras avec huit scrupules de poyure, & quatre cueillerees de miel, & vne once de pouldre d'encens fin, fais luy prendre ce remede avec chopine de vin tiede.

Si le cheual est enchanté ou enforcelé.

LE cheual est enchanté, comme bien scauent faire ceux que nous appellons Egyptiens, qui par certains temps, comme Scythes circuissent toutes regions & prouinces viuans de rapt & avec la chiromatie, & sort, ou diuinatiō ne se font moins riches que les Iuifs. Ceux-là, comme de leur mestier & serment quelquesfois enclouent vn cheual, puis par certaines paroles luy ostent le charme, & font beaucoup d'autres mangonismes que les nostres pourroient auoir aprins d'eux: car le plus souvent vn marchand s'adresse à son cōpagnon. Si tost que le cheual, ou par auoir mangé, ou par auoir passé soubs la croix de festu charmee, ou sur la buchette enseignee, se sentira de ce mal, il deuient triste, & moins gaillard & prompt à ses opera-

tions, tellement que sans bien fort prompt remede, la maladie sensuyuroit, sans que l'estique & la chartre, luy donnent grandes alarmes. Les premiers autheurs ont esté de ce conseil, de leur faire purgatif par les nazeaux avec du bitume Iudaic, du soulfre, & de la graine de laurier ou de geneure, & le tout fort destrempé en eau tiede, luy feras brouffer ou soudain attirer en dedans à la maniere accoustumee. Autrement, pren maroutte ou coriandre, ou la semence d'iceluy entiere, sans preparer, avec du soulfre & charbon de torche, tu le mettras alentour & en rond d'un feu de charbon, que tu auras allumé, tu feras bassiner la beste avec de l'eau bien chaude, & alentour de luy dresseras le parfum: qui ne sert pas seulement au cheual, mais encores à toutes autres bestes.

Contre toutes maladies que pourroit auoir le cheual.

NOn seulement au cheual, mais encores aux bœufs atteints de quelque mal que ce soit, ceste potiō ou purge leur sert, prise au commencement de l'affliction dudit mal, racine de squille, de rhamnos, sel commun, le tout bouillu en eau & passé, fera breuuage propre à ce mal, pren le medicamēt avec l'eau tiede. Ceste potion continuee par quatorze iours, abat toutes infirmités de la beste. Mais si la beste, quelquesfois par sa folie ou importunité de celuy qui la pense, ou par tousser qui luy suruiuent, ou bien n'auser & vouloir de vomir, & de rendre sa potion, ne peut pour ce remede profiter: i'auois obmis quand la farouche ou folastre, par son aspreté & facherie, en se demenant, laisse passer quelque cas de la potion que lon luy baille, dans la voye des poulmons, dont suruiuent toux & facherie à icelle. Lors il ne la faut laisser en repos, ne prendre viande aucune, mais en lieu sec & salubre, nō pas au serain ou au brouillats, la promener doucement & assez longuement: ce fait meslez de l'huile avec de l'eau tiede, & continuez non seulement à le promener, à faire prendre au cheual ce remede & preseruatif, Et pour purgatif du cerueau l'hydromel avec de l'eau & du vinaigre y font assez. Pour remonstrance te souuienne de iamais donner au cheual le boire & le manger, iusques après la premiere vacuation de sa purge.

Quand la beste a esté morse d'un serpent
ou autre animal venimeux.

LE scorpion, le phalange, le serpent, la couleure, le verueu, le loer, le crapault de terre, le lezard verd ou tanné, la miséraine ou autres bestes venimeuses, viuantes & prenans leur repaire aux lieux de buissons, hautes prairies, & autres lieux bocageux, ausquelz les cheuaux prennent leur pastiz, ou demeurent pour quelques temps, car telles bestes susdictes froides & venimeuses, se retirent volontiers aux estables des bœufs, cheuaux, & moutons, & les offencent iusques à enflure & eleuation de la partie, & quand le venin se communique au dedans, elles commencent à desdaigner le boire & manger, & à retirer iambes & pieds lors qu'il est besoin de faire leur office, sinon estant contraintes, quoy que peu elles succombent & demeurent sur le faiz, ou choppent à chacun pas, & bronchent à toutes heurtes. Le pis est quand l'humeur sanieuse leur tombe des nazeaux, & que la pesanteur de teste leur empesche l'alleure accoustumee, somme, que toutes actions naturelles leur faillent de garent, iusques à les laisser tomber en syncope, quasi à toutes heures: pour premier remede, fais parfum de coques d'œufs de poule, & en suffumige la partie blessée, sur lesquelles fort eschauffées & quasi en cendre aspergeras vinaigre, & pour exciter feu, mets y de la corne de cerf ou de galbanum. Apres la fomentation, te faudra scarifier les parties attaintes, & en faire partir sang d'icelles: & te garde bien en ceste operatiō de n'appliquer sur l'article, sur le nerf, tendon, ou os principal, de peur de n'offencer l'action ou mouuement. Au demeurant la sueur prouoquee à l'animal est singulierement bonne, quand il a ce mal, & que pour ce faire il soit promené bien couuert, & en lieu chaud, iusques à perte d'alene, la farine d'orge luy sera bonne avec son eau tiede: & sur la playe, quelques vns conseillent y mettre des feuilles de fresne recentes, & de couleuree avec du miel, ou du cumin cuit en vin vieil, ou bien de la fiente de pourceau aussi destrempee avec le vin, & l'vrine de l'homme, le tout à chaud.

Si la beste en mangeant son foin a deuoré vn scorpion, ou vn eschargot que lon nomme bupreste, le ventre luy enfle in-

continent par tout, la viande luy sent mal & l'offence, & combien que souuent il fiente, toutesfois c'est fort durement, & assez souuent il ronffe, or il le faut contraindre à courir, & luy donner grande & lōgue carriere, apres laquelle il luy faut bien legierement & hastiuement tirer du sang de la vene du palaiz, lequel ausi tost qu'il sera tiré, luy feras aualler tout chaut, à mesmes qu'il sortira. Pour viande tu luy feras prēdre poreaux & froment cuitz ensemble: & pour breuuage cordial, presente luy au cornet du vin cuit, & des raisins de casse passez ensemble. Pire morsure ny a que de la vipere, ou de verueu, toutesfois que de ceste attainte, la venenosité a de coustume s'apostemer & fort bouer, mais ce qui sort sera fort mauuais. Le phalange, ou le miseraigne, ne sont moins dangereux, ausquelz maux lon a de coustume prendre la terre d'vne formiere ancienne, & avec le vin la faire aualler à la beste: & de ceste mesme terre, en frotter souuēt l'vuule, qui est à la racine de la langue, & mesmes tout le gosier: car souuent & coustumierement le venin s'attaque en cest endroit, & engēdre squinantie aux bestes, & souuent mort soudaine. A ces maux la terre de la taniere de taulpe y sert, selon l'opinion de plusieurs. Sinon, pren à la necessité que tu ne pourras trouuer les drogues susdictes, poyure rond trente grains & en pouldre, fais luy vser avec du vin blanc vieil attiedy. Lon tient ausi que le thym cuit en vin blanc faict le mesmes. Le present remede a la morsure des bestes cy dessus nommees, c'est, prendre la fressure d'un mouton, ou d'un bouc tout fraiz tué, & encores bien fort chaude avec son sang, le retenir & arrester sur le mal, le plus longuement que faire se pourra. Aucuns tuent & ouurēt par le meilleur du corps vn coq tout vif, & chaudement l'appliquent & font tenir sur la playe ou morsure, puis tout soudain luy font potiō de pouldre de racine d'acore ou flābe iaulne, avec du fort vin & du sel. Si cela ny faict: pren couleuree ou brioesne racine fueille & fruiēt, & la mets en cendre, de laquelle tu feras tous les iours prendre à la beste avec de bon vin, cōme dessus, & de la mesme cendre destrēpee avec du fort vinaigre, tu en pourras appliquer sur la playe, si tu n'ayme mieux faire cataplasme de farine d'orge cuitte avec le vin, l'huile & le sel.

Quelquesfois vne araigne de l'estable ou d'ailleurs se trouue dans

dans la botte de foin ou gerbee, ou dragee, dont la beste vſe, laquelle araigne auallee, la faiſt enfler par tout, iuſques aux nazeaux & aux yeux. Fais luy tirer ſang du palaiz, & melle ce que tiré en ſera avec du vinaigre & du ſel, & en fais cataplaſme ſur la playe, que tu couuriras & banderas tresbien, meſmes couuriras le cheual par tout de ſes couuertures ordinaires, & le promeneras fort iuſques au ſuer, puis le feras eſtabler bien chaudement, cela le guarira.

Vray que ſi c'eſt vn phalange, que lon nomme l'eſcharbot, qui naiſt dás le vieil fiés, & eſt de couleur rouſſe ou iaulne plus que l'eſcreuiſſe, & va ainſi en reculons, le fourreau, ou le membre luy eſtendra, iuſques à ſe tenir touſiours roide, comme ſi la beste auoit mangé des lizettes ou des mouches cantharides. A cela pren poyure battu vne once & autant de piretre & de ſta-phifagre, & luy fais boire avec du vin vieil.

Le miſeraigne, qui eſt comme vne ſouriz de terre ſe tenant aux hayes & coſtaux des vignes & buiſſons, ayant les barbes longues, & le groin comme d'un pourceau, faiſt grande nuiffance aux bœufs & aux cheuaux quand ils paſturent. Lon prent, ſi lon peut, ceſte ſouriz ou vne autre, & toute viſue lon la faiſt mourir en huile, comme lon faiſt auſſi le ſcorpion: de ceſte huile la beste qui en eſt frottee guarit, & l'enfleure ſe depart de la playe: ſi tu n'en peux trouuer, pren du cumin, & avec de la poix graſſe & du vieil oingt le tout cuit enſemblement, fais en ceroeſne ſur la morſure. Mais le mal apoſtemé, il le faut faire ſuppurer, & la matiere vuydee, appliquer ſur la playe le cautere aétuel de la platine flambante, & bruſler tout ce que tu verras eſtre corrompu à l'entour, puis avec l'huile & la poix liquide tu paracheueras la guarifon. Lon faiſt vn collier de fine croye en rouleaux percé par le mylieu, & tient lon pour certain que la beste qui porte ce beau goſaran iamais n'eſt atteinte de miſeraigne. Autre remede à ceſte morſure: Pren trois teſtes d'ail & les pille avec du nitre ou du ſel, en y adiouſtant du cumin, & de ceſte pouldre en faut frotter les endroits offencez. Si les playes ſouurent de rechef, fais pouldre d'orge torrefié ou bruſlé, & avec du vinaigre ſinapizeras la playe: pour breuuage du gruiáu de froment, orge, & gomme de cedre, avec du vin vieil. Et quand les

puistules sortent par tout le corps de la beste, cest signe qu'il ny a gueres qu'elle est atteinte de ceste venimeuse foriz.

Quand le scorpion aura donné quelque part, les signes seront, il courbe les genouils & les cambre, il cloche de tout les piedz, & bronche à toutes heurtes, il pert l'appetit & luy sortent des nazeaux, comme eaves verdes & espesses, & ne se peut releuer quand il est couché. La fiente d'asne avec le vinaigre & l'huile de scorpion font beaucoup sur la playe. Le surplus tu le penseras ainsi que dict a esté de la morsure de vipere ou verueu.

La morsure du chien enragé, est nombree entre ces maladies, & bien doit estre cortee comme la plus dangereuse: car si dans les neuf iours, l'escumeuse tasche n'est leuee par le feu ou autrement, il ny a plus de remede que la beste aussi n'enraige. Pour faire donc l'operation de la lame ou du bouton de cuyure, le plustost que pourras, il faut establer la beste fort chaudement, & en lieu bien ferré & obscur, qu'il ne voye lune ne soleil. Si tu peux recouurer le chien qui la mors, tue le promptement, & luy tire le foye, & le fais cuire, & manger à ton cheual mors, ou sinõ pille le avec le vin, & luy fais aualler à la corne. La fleur de saint foin bruslee, & meslee avec du vieil oingt est salubre appliquee sur la playe, ou bien la piller avec le vin blanc viel, & la luy faire boire, par ce moyen il ne craindra point à voir l'eau (qui est le pire accident de la beste) & bien tost en reschappera. Aussi la racine desglantier mise en poul dre sur la playe, ou luy faire aualler avec bon vin viel, est fort souueraine & singuliere, tant aux hommes qu'aux bestes. Autremet pren trois scrupules de nitre, bitume de Iudee vn scrupule avec demy septier de vin viel fais luy aualler. Item graine de susseau, ou du iust des fueilles d'iceluy, ou de l'escorce mesmes, cela fait beaucoup prins avec le vin viel, mais le plus souuent est du susseau qui n'est point creu en terre labouree, mais dans le creux d'un arbre ainsi que le guy.

Non moins est venimeuse au cheual la fiente de poule qu'il aualle par fortune, ou quant & son foin qu'il prend cheut par terre, ou quant & sa prouende, cela vient de l'indiscretion du valet d'estable qui y laisse entrer la volaille, quand les bestes en sont hors faute de la tenir close. Et ne me semble moins d'a-

gereux le suif qu'il laisse tomber dans l'auoine, en mal tenant la chandelle quand il distribue la prouende à ses bestes, car il ny a riens qui plus les desgoust. Quand donc le cheual a mangé de la fiente de volaille, il est en perpetuelles trâchees & torment de ventre, qui n'est sans douleur & enfleure d'iceluy, ainsi qu'a esté dict des vètrées. Pren ache vieil & le seiche deux onces & les luy fais boire avec du vin & du miel, puis le promene iusques à ce que le ventre luy brouisse & qu'il face la premiere egestion. Si par trop long trauail il en deuient comme roide & entrepris, faut prendre graine de laurier vne liure, nitre demie liure, pille le tout ensemble, & le destrépe en deux parts de fort vinaigre, & vne part d'huile, puis les fais chauffer assez longuement, & au soleil ardent fais en frotter par tout la beste à plusieurs personnes, longuement & à contrepoil, ou sinon en yuer cela se fera en lieu chaut, iusques à ce qu'il sue abondamment par tout le corps. Autre remede physical & bien experimété, pren le dedens d'un poulet grandelet, tout fraiz tué, & luy fais aualler avec du vin vermeil, & de la fiente de la beste mesmes. Autres disent que de prendre trois morceaux de plastre bien deslayé & destrempé en vin vermeil, & les presenter à la beste, cela est fort singulier. Encores disent estre remede physical: pren de la cendre de serment ou autre (mais la plus singuliere est de celle d'orme) & la destrempe avec de l'huile, & par trois iours suyans luy faire aualler au cornet.

D ij

LE QVATRIESME LI-

VRE DE P.V.B. VEGECE RENAY,
de la medecine des cheuaux.

Du nombre & situation des os au corps du cheual.



A beste veterinaire cōme le bœuf ou cheual, a deux os à la teste, depuis le fronc iusqu'aux nazeaux autres deux, à la maschoire de dessous encores deux, & de dets en tout le nombre de xl. à sçauoir marselières ou maxillaires xxiiij. canines ou œilleres, que lon nomme aussi crocz & defenses iiij. anterieures ou incisoires xij. Et quant aux vertebres de l'espine du dos, il en y a vij. au col depuis la nucque, huit iusques aux reins, & de là iusques au dernier sept autres. L'os que lon dict moscaire plat ou sacre a douze commissures. Aux espaules y a deux grandes excressences que lon nomme pallettes, & deux os depuis lesdictes espaules iusques aux forcelles, depuis là autres deux iusques aux premieres ioinctures, aux genouils deux parastates ou paellettes, depuis le genouil & la cuisse d'au dessus, y a deux os pour la composition de la iambe, appelez claponniers ioincture de la claponnice, depuis là iusques au bout de l'ongle seize petits os, & vn grād à la poictrine auquel sont attachees trente & six costes, & iusques à la columelle par derriere y a deux os, & autres deux depuis les molaires iusqu'aux vertebres deux, & encores deux vers les costes. Depuis le bord de corbin iusques à la iābe, deux petits, & depuis la iambe iusques aux deux fociles des iambes autres deux assez petits, & seize depuis les pasturons iusques aux ongles. Somme, de tous les os du cheual le nombre est de cent septante.

Du nombre & quantité des membres du cheual.

Pour te deschiffrer en bref les mesures, & nombres des membres, ie trouue douze degrez au palaiz & dans bouche, la

langue à demy pied de l'og, la leure ou nazeau de dessus a bien six onces, & celuy de dessous cinq : chacune maschouere a dix onces, depuis le meillieu du front ou le dessus iusques aux nazeaux vn pied de roy, chacune oreille, de bœuf principalemēt contient six onces, celles du cheual, du mulet, & de l'asne varient en cela: chacune orbité de l'œil contient en circunference quatre onces, depuis la nūque du col iusques à tout le col & au metaphren y a huit calculs, depuis les espaules iusques aux reins vingt deux: & de là iusq's à l'os de la queue ou mouchetiere douze: la longueur de la cuisse de deuant porte douze onces, depuis là iusques au pied ou pasturon six onces, des iambes de derriere la cuisse iusques au genouil comprend vn pied: de là iusques à l'ongle quatre onces: en longueur le tout porte six pieds selō la parfaicte croissāce de la beste : car nous entendons de la mieux composee, & mieux prinse & proportionnee. Et ne doubtons qu'aux coursiers, cheuaux de lances, & doubles courtaux ils ne soient plus grands, aux Turcs, Barbares, de pays & Phrysons encores fort loings, aux Bretons, Guildins & Genets assez courts: aux Alemans gros & longs, & souuent bien fort lourds.

Du nombre & qualité des nerfs.

ENcores nous faut descrire le nombre, qualité & mesure des nerfs de la beste: depuis le meillieu des nazeaux en dedās, & depuis le sommet de la teste descendent le long de l'eschine, iusques au bout de la mouchetiere, deux grands fils ou cordes, de la l'ogueur de douze pieds chacun, les deux nerfs paulmiers & principaux du cerueau contiennent & comprennent quatre pieds: depuis les espaules iusques à la ioincture deux gros nerfs & tendons : & depuis la ioincture iusques au pasturon quatre gros nerfs. Au deuant & au poictral par dedans & dehors y a dix nerfs, & autāt au derriere : depuis les reins iusques aux genitoires quatre: somme, de tous les nerfs qui se trouuēt sur le corps de la beste, trente quatre en nombre.

De la qualité des venes, & nombre d'icelles.

IL te faut aussi consequemment prendre l'aduertissement du nombre des venes du cheual, pour cognoistre principalemēt

les saignées: car nous entendons plus traicter d'icelles, que cōme par forme d'anatomie, reciter & descrire toutes les interieures, precedātes du foye, qui est la fontaine du sang en toutes creatures. Or entens donques, qu'il y a au palaiz du cheual, en dedans bouche, deux venes notables, que lon touche coustumierement aux maladies de la teste & du cerueau. Souz les yeux y en a pareillement deux notables & assez apparentes, souz les aisselles ausi deux: au poictal, ou à l'estomach du cheual y en a encores deux autres grosses & puissantes, que lon saigne en fieures & maladies de cueur & de poulmons: lon en trouue encores quatre en dedans les cuisses, que l'auteur nōme soubfarrhes: aux pasturons ausi y en a deux, que lon saigne quand le cheual est fort laz ou ausi forbeu, des cornes de l'ongle & sur iceluy encores deux: aux flancs il y en a quatre, aux iarrets deux, aux soubfiambes encores deux, à la mouche tiere souz la queue n'y en a qu'une fort eminente: outre les venes matricaires qui sont au col vers le chesnon d'iceluy, lesquelles nous appellons les harts. Somme, de toutes ces venes, en trouueras le nombre de vingt & neuf notables pour les saignées, ainsi que dict est.

Comment on cognoist l'aage des cheuaux.

LE commun prouerbe dit, que lon cognoist l'aage des cheuaux en leur regardant la bouche ouuerte, ou par cōtraincte ou autrement: qui est vray, car outre le portāt, la charneure & l'ongle, cela donne grāde certitude: mais que le maquignon ne leur ayt cié les crocs, & fardé les dents de deuant qui sont les plus apparentes. Quant à nostre intention, elle n'est autre, sinon pour sçauoir qu'elles medecines leur pourrōnt estre vtilles, ou fortes, ou foibles selon leur aage: car aux ieunes poulains de trois mois, ou cheuaux neufs de six mois les dēts d'en hault, que lon dit masticatoires ou de lait leur tōbent les premieres. Et quād ils ont attraits les quatre ans les crocs ou cēlleres renouellent: vers le sixieme les marselières tombent & se renouellent: au sixieme tout recommence estre neuf & en bon estat: mieux toutesfois au septieme, auquel les dents prennent tel pied & façon, qu'elles ne dōnent plus de cognoissance & prognostic, lors q lon les voit au iour la bouche ouuerte:

si ce n'est par accident les choses suruenues ne luy facent apparence de dehors. Au dixieme an les tempes commencent à se cauër, & les dents à refermer, de sorte qu'elles ostent toute connoissance de pouuoir prononcer l'aage. Le douzieme an lon ne leur scauroit oster vne certaine noirceur naturelle qui leur croist au milieu des dents avec vne iaulniffe extraordinaire, si le tout n'est par artifice d'eaux distillees ou pouldrees à ce propres subtilement desguisé. Beaucoup d'autheurs ont ceste opinion, que les rides des nazeaux d'enhaut que lon peut compter en regardant bien pres, & les comptant en nombre marquent les ans du cheual. Et bien est vray, que les rides du frôt & des nazeaux, avec la veue abaissée, & les oreilles pendantes mōstrent l'aage du cheual sans autres indices, si tu n'y veux adiouter le col pāché, & tirant de costé. Encores pour la vieillesse faut noter l'oreille pendante & qui ioue au marcher de la beste, stupeur des yeux, marcher lourd & ferme, ne rebouchant à l'esperon, & quand les paulpieres commēcent à ce deflorer & perdre, si que plus ne retournent.

Pour cognoistre le pays dont les cheuaux sont issuz.

CE n'est pas peu de chose que de bien cognoistre au regarder & au cheuaucher ou voir trotter vn cheual, ou scauoir dire de quel pays il est: car à la verité le terrouer fait beaucoup à la bonté, & aussi la nourriture & l'aër du pays. Et pour en proposer exemple, prenons pour les premiers les cheuaux Turcs, desquelz l'alleure est douce, & neantmoins grande & viste en ceste douceur, au pris du hault Alemant, qui est ventru combien que grand, mais il a la teste & tous les membres plus gros & plus lourds. Le Turc se contentera de fauade, millet, quelque peu d'orge, & paistrā par tout, beura de toutes caues, & endurera la faim longuement: à l'Alemant, si tu faux donner nourriture à son heure, & abondāte, avec bonné eau, il te faudra au besoing, & au trauail te lairra en ta necessité. Le cheual de Barbarie, d'Albanie, d'Hongrie, de Naples, que lon nōme de Pays, est assez delicat, & plus que le Turc: mais il est viste & prompt, courageux, animeux, & au besoing viste pour sauuer promptement son homme: tous ces cheuaux sont de

courſe plus que de guerre, & de port d'armes: comme ſont les courſiers, rouſſins, courtaux & doubles courtaux d'Alemaigne. Du haraz de la France en ſortent de toutes façons, & fort adroits à toutes choſes ou tu les voudras employer: mais peu ſ'en trouue qui ne ſoient delicats & difficiles à choyer. Vegece priſe les Perſes, qui eſt le pays montaigneux où habite le Soul-dam, & dit toutesſois qu'ils ſont delicats: que ie ne puis croire, pour l'aſperité du pays, non plus que noz cheuaux Bretôs, qui couſtumièremment ſont trappes & bien encolez & fourniz de meſmes: durs au trauail, & à l'iniure du temps, ayants bouche à toutes viandes, & beuans à toutes eaues, peu mala diſs, mais oſtez leur les armes: car ce n'eſt leur meſtier comme à l'Ale-mant de lance, & de croupe pour porter males, & deux per-ſonnes en voyage: dont lon les appelle ſommiers. L'eſpaignol eſt prompt à l'eſperon, principalemēt le genet, & n'eſt malaiſe à traiter à l'eſtable ny au viure: mais il ne dure pas ſous le faiz, & ne veut, ou le plus ſouuent ne peut paſſer ſa traitte ordinaire: il eſt adroit aux brauades, viſte à la courſe de l'anneau & lance guaye, mais il ploye ſouz le gros harnois. Tel eſt le Hun-gre & le Phryſon. Le Flamant eſt d'aſſez belle remonſtrance, mais il eſt fetard au labeur, & entre incōtinent en fueur. Som-me, comme lon trouue de toutes tailles bons leuriers, & de tous pays bonnes beſtes: auſſi en peut-on dire des cheuaux, mais couſtumièremment ils ſont ſelon les regiōs où ils ont eſté nourriz telz que nous l'auons dit cy deſſus. Quant aux Guil-dins, traquenarts, & balzans, ce ſont cheuaux de plaifir, le plus ſouuent chaſtrez, comme ſont les iuments à bōcles: ils ſeruēt aux mignons & damoiſelles pour aller à l'aiſe & à leur plaifir. Somme, il y a cheual de courſe, de lance, de ſelle, & de harnois. Les premiers ſe trouuent en Turquie, Barbarie, & Hongrie: les autres en Alemaigne, & les autres par tout en general: mais le Breton eſt pour le voyage, & l'Alemant auſſi outre la lance pour le harnois & voicture.

Des cheuaux de longue ou courte vie.

Selon les lieux dont viennent les cheuaux, il y en y a de plus longue vie les vns que les autres. Les Turcs, Perſes, Hun-gres & Barbares mangent peu, & toutesſois ſont de plus lōgue

vie & plus dur trauail que ne font les Alemans, qui n'ont que vêtre, & peu d'execution, & fuent au double. Lon dit cōmunement, que le cheual Barbare se medecine de luymesmes par dedans, tāt il est de bonne complexion. Le Breton vit longuement: l'Alemant n'a que six ans de bon seruice: le Frāçois, s'il est bien nourry, & peu trauaillé vit assez: l'Anglois moyennement: l'Espaignol vit plus longuement en son pays qu'ailleurs: bref, les chastrez sont de plus longue vie que ceux qui harassent, ou ne sont chastrez: aussi sont ceux qui sont trauaillés & nourriz discrettement: car le trop long & dur trauail, avec la mauuaise nourriture, diminue fort la vie de la beste.

A quelles bestes il faut tirer le sang.

CY deuant, & au liure precedent, a esté parlé de la phlebotomie des cheuaux, maintenant il me vient en souuenance vous repeter, ce que nous pensons y auoir obmis: qui est, qu'aux hacquenees, & à tous cheuaux chastrez, iamais il ne faut tirer sang des harts, si la necessité n'y est extreme, à raison que quād' & les genitoires ils ont perdu partie de leur chaleur naturelle, comme lon apperçoit au trauail d'iceux. La corne se donne à toutes bestes indifferemment, principalement quand elles sont desgouttees ou trop eschauffees. Il y en a qui ne faillent tous les mois à la donner à toutes leurs bestes, encores qu'elles soient de seruice: Mais aux ieunes poulains ne faut tirer sang, ny aux cheuaux que lon retient pour saillir les iumēs, ou haraz: car lon dit que la saignée les rend auégles en peu de temps, ioinct aussi que le sperme qu'ils employent les debilité assez.

Du soing qu'il faut auoir à l'entour des bestes.

ENcores auons ce mot à dire & adiouster au chapitre que cy dessus a esté descrit touchant la diligence que le bon palefrenier doit obseruer à l'entour de ses bestes: c'est que sur tout, il doit mettre peine à les tenir grasses & en bō poinct, puis aussi qu'il les contregarde tellement en santé, qu'elles ne soient atteintes de maladie: q son estable soit tousiours nette, son estrille principalemēt, que le fient ne demeure lōguemēt à l'entour des bestes, qu'il ait soin les essuyer fort au retour de l'eau, &

bassiner les iambes avec l'eau fresche en esté, le souuent manier, frotter & estriller le cheual deux fois le iour principalement, le nourrit autant que la viande: car il desire estre hanté, & ouir la parole & le siffler des personnes. Et quant aux medecines qui pourroient cy deuant auoir esté obmises, il sera bon les resumer & repeter en cest endroit.

Pour entretenir les bestes en bon poinct, & les restaurer si elles entrent en quelque danger.

C E n'est pas tout de voir le cheual en santé, mais il faut garder qu'il ne tōbe en maladie, car il est impossible que tous les ans à trait de temps, il ne s'accueille tousiours quelque humeur au dedans du corps, qui se pourroit aigrir ou enflamber par la moindre occasion. Le bon homme Chiron, ancien medecin, faisoit (cōme j'ay entendu) ce breuuage pour entretenir les bestes en santé: qui aussi sert à la toux, à la hargne, & à la lassitude: Dans chopine de ptisane il mettoit vn quarteron de semence de lin, safran vne once, faisoit à part decoction d'vn gras doublé de pourceau, ou d'vne teste de veau avec le poil, ou d'vn iābon de porc fraiz: & pour herbe fine y mettoit deux bouquets d'hysope, vn bouquet de sarriette, & autāt de sauge, quinze huiſtres à l'escaille biē lauees, ou bien deux tortues sauages, champignons vne douzaine, avec vingt figues grasses, & autant de dattes, demy bouquet de rue, graine de laurier trois onces & demie, pouliot sec vn bouquet, ail plumé trois testes en nombre, sain de cheureau six onces: mets le tout en vn chauderon biē net, & le fais bouillir en eau de pluye ou de cisterne, iusques à ce que les os se separent du tout avec la chair: mais tu y adiousteras souuent de l'eau que riens ne brule, ou tienne au chauderon. Apres que tu l'auras coulé & passé diligemment, y adiousteras gomme dragāt trois onces bien infusees vn iour deuāt, vin cuit trois chopines, six œufs cruds, huile rosat deux onces, beurre frais trois onces, amydon trois onces, & autant de pouldre d'esfeul de charette, farine de febues vn poisson: mets à part, & en fais prendre trois iours durās à la beste la quantité d'vne chopine avec la corne: & quinze iours apres autant, si tu veux. Ceste pouldre guarantit les be-

stes de toutes maladies, gentiane, aristoloche ronde, myrrhe, rasure d'yuoire, grene de laurier autant d'un que d'autre, fais piller & battre le tout ensemble bien subtilement, en y adioustant hysope battue quatre scrupules, miel ou vin cuit quatre cueillerees, vin vieil trois onces, fais prendre cela à ieun avec la corne. A la beste qui halette de chaut, & entre en fievre, pre hydromiel avec de la pouldre de pouliot sec, & luy en bafine les nazeaux & tout le muffle iusques aux yeux. Item, prends œufs sans la coque & les pille avec bon vin vieil, & luy fais prendre à la corne.

A l'ecticque & chartre & secheresse de tous les membres du cheual, tu mesleras demie once de soulfre vis, avec quatre scrupules de myrrhe, en y adioustant deux œufs & vne chopine de vin vermeil vieil, fais luy en aualler souuent à ieun.

Nous auons encores cy dessus parlé du diapenté, qui est le plus souuerain medicament de tous, pour toutes maladies, & ne dois iamais en estre sans: prends gentiane, aristoloche ronde, myrrhe, rasure d'yuoire, grene de laurier, pouldre de menue espisse, mesle le tout ensemble, fais luy prendre de ceste pouldre vne bonne cueilleree trois iours suyuant avec trois onces de miel, & demy septier d'eau tiede, ou bien avec de la decoction de racine de ionc, ou d'ache: Ceste pouldre à la quantité de deux petites cueillerees baillee avec le vin blanc & vn peu de pouldre de cumin, resiste contre la morsure du chien enragé, & generalement contre tout venin que la beste pourroit auoir receu: & mesmes sert à la vieille toux, prise avec demy septier de vin cuit & trois onces d'huile & vn œuf entier, en y adioustant deux cueillerees de farine de febue & de fenugrec.

A la toux, que lon dit forte & quinte, prend vn littron de gruyau de febues, & le fais cuire en eau d'orge sans sel, à la collature passes y suif de cheureau trois onces, trois testes d'ail bien pilles, bailles en trois iours duras telle quantité que voudras. Pour plus forte operation prend figues seiches vne once & demie, fenugrec demy littron, dragant vne once bien infusée du iour de deuant en eau tiede, agallee vne once, rue verte, ache, de chacun vn bon boucquet, fais en decoction, & bien coulee, bailles en à la beste trois iours continuels.

P V B. V E G E C E D E L A

Lon tient que pour la hargne & la rupture, n'y a rien si souverain que prendre sept onces cendre de sarment ou d'orme, avec trois onces d'huile d'oliue, eschallottes broyees sept en nombre, miel trois onces, beurre fraiz & suif de cheureau, de chacun vne once, iust de plantain trois onces avec du vin blâc vieil, ou de la decoction de poix ciches, cela seruira pour trois prinſes, à iours ſuyuants.

La toux presque deſperée a eſté ſouuent guariée par ceſte médecine facile à executer, pouldre de febues fraizees, de fenugrec, de racine de campane ſeiche, de chacun ſix onces, avec autant de beurre fraiz & de bon vin blanc doux, cela ſeruira pour trois prinſes à continuer. Autremēt, febues frites & miſes en pouldre vne liure, ſuif de bouc trois onces, beurre fraiz cinq onces, pille le tout & broye fort au mortier, & le baille à boire par trois iours comme deſſus avec du vin blanc. Sinon, pren decoction de fenugrec vne bonne chopine, dans laquelle tu deſtremperas vingt figues graſſes, recliſſe quatre onces, & avec de la decoction de febues & du vin blâc, paſſe le tout par la chauffe, & en fais breuuage pour vſer comme deſſus : cela y fert vniquement.

Contre les vers & lumbrics du cheual.

FAis cendre de bois d'oliuier, bailles en à boire avec de l'huile verte & recente trois iours ſuyuants la quantité d'une bonne chopine. Autrement, pouldre d'aluyne ſeiche avec la grene, & de lupins cruds, & de centauree autât d'un que d'autre, avec deux onces de ſemence de raphane, corne de cerf vne once : & avec vin blanc ſeruira à prendre à trois fois, comme dict a eſté. Le iour ſuyuant les trois que deſſus, tu luy feras clyſtere de decoction d'aluyne & de rue, y mettât au paſſer deux amers de bœuf, & vne once d'aloë, fais luy prendre à la chauffe. Autre compoſition de breuuage ſervant à ce meſme mal, racine de cappres avec les fueilles & le fruit vne liure avec deux onces de vinaigre, & vne once & demie de bonne huile d'oliue, fais breuuage, & tu en verras l'experience.

Contre toutes especes de maladies.

POur obuier que le cheual ne tombe en maladie de quelque sorte ou espece qu'elle peut estre, pren myrrhe, encens, escorce de grenades seiche, de chacun vne liure, poyure & safran de chacun trois onc. acacie demie liure, resine, absynthe, serpollet, centaure, sagapen, saxifrage, peucedan de chacun demie liure, le tout fort battu ensemble & criblé sera destrempé en six onces de bon miel, puis cuit sur le feu de charbon, à petit feu, en tousiours remuant & agitant iusques à parfaicte cuisson, reserve le tout dans vn vaisseau de grez ou d'estain, pour en vser à la necessité ou quand tu verras le cheual trembler sans cause, ou se faindre comme las au labour ou trauail commun, qui sera à la quantité d'une bonne cueilleree & demie avec trois onces de bonne huile d'oliue & vn peu de vin blanc, encores sert ce medicament aux fiebres & autres maux des cheuaux, comme tu pourras voir par experience.

Compositions de parfums contre plusieurs maladies.

Les parfums tant aux creatures raisonnables seruent beaucoup aux maladies, par ce moyē lon oste le fort, lon corrige les mauuaises humeurs, & dōne lon force & secours à la debilité des parties interieures & nobles. Somme, ny a si forte maladie que le parfum n'amende & ne face diminuer. Pour t'en bailler preuue, fais ceste recepte, soulfre vif, bitume de Iudee, ou asphalte de chacū vne liure, opopanax vn once, galbanum demie once, castor, rasure de corne de cerf & d'iuoir, de chacū deux onces, sel ammoniac trois onces, sinople, agarthe masle & femelle, oniche, pierre amatiste, fiderite, argerite de chacū vne once, cabillons de mer sept en nombre, paille marine autant & quatre estoilles de mer qui sont especes de cruches & excrements marins se trouuās aux paludz, moelle de torche de pin, avec la resine du dedans trois liures, gomme de cedre autant, poix liquide autant os de seiche sept en nombre. Le tout fort pillé ensemblement sera reserve pour l'vsage, qui sera d'une bonne cueilleree ietee sur le reschaux à feu de charbon ou sur la terrine cōme mieux te semblera, à lors que les bestes ne feront à l'estable ou bien qu'elles en soient assez loing.

P V B. V E G E C E D E L A
Confection de la pouldre quel'on appelle
quadrigaire.

On appelle ceste pouldre cy apres descrite, quadrigaire, pour ce qu'elle est composee de diuerfes drogues, que de soy-mesmes sont fort salubres aux bestes malades, & encores meslee ladiete pouldre avec autres choses medecinales, telles qu'il te plaira inuenter, elle profite singulierement bien. L'ancien medecin Chiron en faisoit recepte de ceste facon : gomme dragant trois onces, aloë six onces, mirrhe six onces & vn scrupule, cost, ammoniac, casse de chacun vne once & vn scrupule, gentiane, aristoloche, centauree, betoesne, saxifrage, sampsuc, opium, garderobe ou abroton de chacun vne liure, aigremoine, graine de paradis de chacun six onces, fueille dicte malobatre, spic nard de chacun trois onces, lauande six onces, cabaret vne liure, daucus trois onces, castor, opopanax, galbanum, struthium, panaiz, reclisse de chacun six onces, absynthe ou aluine trois manipules, iust d'herbe nommee peristeron seiche & criblee, cinq onces, tu pilleras le tout ensemble bien fort, & diligemmet, puis mettras ceste pouldre en vn vaisseau de verre pour en vser quand besoin en sera.

Autre composition de la mesme pouldre, selon l'ordonnance de Pelagonius. Cinnamome, spic nard, spic d'Inde, safran de Sicile, myrrhe des troglodites, scien, poyure noir, poyure long, manne de safran, betoesne, casse noire, germandree, fueille, nard de lentice, c'est à dire oignon dinde, nard, storax, acore de pont, encēs fin, ireos d'Illyrie, thym de Crete, poyure blanc, calame aromatic, cabaret pontiq, persil, manne de safran, pomme terrestre, gentiane, rose seiche & aride, casse en baston, racine de campane, selō la nature & force de la beste tu mesleras toutes ces choses ensemblement, les faisant bien piller, & cribler, puis mettre dans vn vaisseau bien bouché pour l'vsage qui en sera d'une bonne cucilleree & demie pour prinse, avec du vin & de l'huile, quelquesfois tu mesleras ceste pouldre avec d'autres medecines, si l'exigence le requiert.

Autre composition de l'ordonnance d'absyrtus. Fueille que lon nomme malobatrū, spic nard, safran, poyure blanc, poyure long, poyure noir, opopanax racine, casse nidafantis, casse

marmalitis, casse nardine, yreos d'Illyrie, semēce d'ache, pomme terrestre, peucedanum, fauine, gentiane, herbe rosine, thym, myrrhe, germāndree, cost, encens fin, iossemin, grenade, calame aromatic, rose seiche, rue sauuage, persil, aristoloche lōgue, amome, calame syriac, armoise, le tout bien meslé, pouldré, & passé par le succotrin, tu reserueras pour l'vsage q̄ verras estre raisonnable, selon la beste à qui tu presenteras, ainsi que dict a esté cy dessus.

La composition du cautere potentiel.

LE cautere potentiel equipollé à l'actuel, en ce qu'il brulle, & consume ce qu'il attaint & profonde, en sorte que l'escarre tombee, l'ouuerture donne lieu aux medicaments propre à la partie, sans ce qu'il restraint les parties trop relaschees, & cōforme celles qui sont trop debiles. De ceste façon, le bon homme Chiron en fit telle composition, bitume de Iudee que lon nōme asphalte, & du bitume d'apollonius de chacun vne once & demie, manne d'encens six onces, bdellium d'Arabie deux onces, moelle de cerf deux onces & demie, populeon, galbanū, goutte de styrax de chacun deux onces, cire commune, resine colophone de chacū demie liure, gluz d'Italie trois onces: poix noire vne liure.

Pelagonius a composé ce caustic, pour les nerfs refraichiz & pour les eaux qui s'accueillent ordinairement aux articles & ailleurs des membres, avec vessie qui les contiennent. Cire neufue vne liure, resine deux onces & demie de gros poix, galbanum trois onces, asphalte de Iudee, myrrhe de chacun vne liure, ammoniac & cost amer de chacun six onc. Fais en coctiō en vn vaisseau de terre tout neuf, & ne mets ton asphalte ne ton amoniac, iusques à ce que le tout soit refroidy. Cela te seruira aux venes rompues, aux membres refoulez, & aux aquositez qui tombent sur les iambes, avec vessies qui les contiennent, principalement aux articles & ioinctures des membres.

Luy mesmes a composé ce cataplasme caustic, poix noire & galbanum, de chacun deux poix, & autant de sain de taureau, poix resine vne liure, bdellium sept onces, pouldre d'encens fin trois onces, terrebetine de Venize six onces, guy de cheſne

P V B. V E G E C E D E L A

ou gluz bien bonne trois onces, fais en comme tu entens.

Abfyrus en a fait vn caustic de ceste sorte, refine glandulaire bien fritte trois onces, poix dure trois onces, bitume de Iudee, & gluz de chacun autât, bitume de Grece trois onces, galbanum autant. Le tout cuit en bon vin fera cest effect que tu desire: mais il te faut prendre garde que le bitume de Iudee soit mis le dernier & subtilement puluerisé sur le tout en le remuant pour la derniere fois.

Aux tumeurs dures & inueterées.

FAis ce malagme, ou ceroesne, galbanum deux onces, refine vne liure, ammoniac demie liure, poix noire autât, cire vne liure, huile autât qu'il faudra pour incorporer le tout en bonne façon. Autrement, galbanum deux liures, ammoniac & terebentine de chacun demie liure, opopanax, storax, cire rousse, de chacun vne liure, bdellium, poyure blanc, graine de laurier poyure long de chacun vne once, poix refine, demy liure, huile de flambes tant qu'il en faudra pour incorporer.

Collyre pour les fistules qui suruiennent apres la playe.

QUand les playes ont esté pensees trop negligemment, il suruient vne fistule qui coule ordinairement, & fait danger à la beste. A cela il te faut faire comme vne maniere de suppositoire, formé de la longueur & largeur de la fistule: tellement qu'il la puisse remplir aisement. Pour ce faire pren misy vne liure, lye de vin blanc ou tartre vne liure, coupperose, calcitis, cumin en pouldre de chacun six onces, pille le tout avec du vinaigre & en fais collyres, ainsi qu'a esté dict. Autrement, misy, coupperose, calcite, de chacun vne liure, miel six onces, fais le tout cuire & bien dissouldre en vin blanc vieil, & en forme des trocisez pour mettre & appliquer dans les fistules inueterées.

Composition du ceroesne que lon nomme crud.

CHaux visue deux liures, sinople d'Alexandrie vne liure, figues grasses six onces, sain doux tant qu'il en est de besoin,

soin, melle & dissoubs le tout ensemble pour en vser.

Composition du syncrisme.

Cire rouffe deux poix de gros, resine fritte autant, huile laurin, suif de taureau, sain doux, moelle de cerf de chacū vne liure, huile cyprin, couperose, hysope, viel oingt autant de chacun, sus feu de charbon, fais en cataplasme ou ceroesne.

Confection du traumatique.

L'Onguēt cicatrisant apres la curatiō des vieilles, & fascheuses playes, qui faict renaistre la chair & parer le cuir, se faict en ceste façō: Misy vne liure, calcite deux poix de gros, couperose vne liure, coule le tout ensemble, & dans vn pot neuf fais en cuisson iusqu'à la rougeur de ton ceroesne, puis pille le tout ensemble en vn mortier de fonte, & tant le remue à froid en destordāt ton pillon de toutes parts que tu en face cōme pouldre en façō de farine. Puis apres prē deux gobeles de fin miel, que tu feras cuire en vn pot neuf, ou quād tu verras que le vin commencera à bouillir, tu y destremperas ta pouldre, en remuant sans cesse avec la spatule de bois, & quand il sera froid, tu le garderas, pour mettre sur les playes chancreuses, & vieilles, qui ne se veulent par communs medicaments cicatrifer, & reduire au naturel.

Autrement: pren misy, tuthie ou cathmie, aloē, acore, de chacū vne liure, couperose deux liure, calcite vne liure, miel deux liures, fais le tout cuire en vne terrine neufue, & remue sans ces se iusqu'à ce que tout se prenne & se forme cōme en ceroesne.

L'on estime encores ce ceroesne appellé basilic & royal, aux effectz, que dessus. Miel vne liure, galbanum, storax, bdellium, poyure blanc de chacun vne liure, ammoniac deux liures de gros poix, moelle de cerf, graine de laurier, de chacun liure & demie, pouldre d'encens fin deux onces, suif de cheureau cinq onces, fais en ceroesne ou cataplasme pour l'vsage.

Autremēt, ammoniac trois onces, cire neufue vne liure, fleur de nitre, ou salpestre fin, deux onc. terebētine de Venise deux onces de gros poix, storax trois onces, graine de laurier six onces, huile cyprin & laurin de chacun trois onces, moelle de cerf six onces, huile rosat trois onces, gresse de canard six onces, pouldre d'hysope quatre onces, moelle de cerf six onces, opo-

panax autant, poyure blanc deux onces, vieil oingt vne liure, encens fin quatre onces, avec du fort vinaigre tât qu'il en faudra, fais comme ceroesne pour l'usage que dessus.

Confection de l'vnguent nommé anacollimate.

A Bsyrtus a inuenté la cōpositiō de ce ceroesne, qui est telle, fleur de nitre vn litron, opopanax trois onces, safran de Sicile deux onces, poyure blac vne once, pouldre d'encens fin trois onces, coques d'huistres en pouldre, dix en nôbre, eschalottes vingt en nombre, aueleines autant, destrempe tout ce que dict est en fort vinaigre, & il ny aura si forte separation de chair, qu'il ne réplise & referme, mais pour le faire de plus grande efficace, il sera bon que tu y destrempes du sang de la beste, & le mixtionne avec tout ce qu'auons proposé.

Autre cōpositiō de syncrisme, storax liquide quatre onces, ammoniac trois onces, moelle de cerf deux onces, huile vert ou vierge six onces, huile cyprin trois onc. suif de taureau trois onces, terebentine quatre onces, suif d'ours trois onces, gresse de lyon quatre onc. populeon trois onc. huile vieille six onces, vieil oingt vne liure, huile de cade vne liure, opopanax, & galbanum de chacun trois onces, fais le tout bien cuire à petit feu de charbon, en remuant sans cesse: & tu verras vn onguent braue, & fort profitable à ce que tu desire.

Composition du malagme ou ceroesne crud.

L On fait le ceroesne appelle crud en ceste façon: Cire neufue demie liure, ammoniac autant, bdelium trois onces, storax deux onces, sapin quatre onces, encens fin six onces, huile vieil quatre onces, populeon deux onces, moelle de cerf six onces, sain de taureau, refine frite, gresse d'ours, sain de lyon, opopanax, graine de laurier de chacun deux onces: huile cyprin quatres onces, gentiane trois onces, colophone & galbanum de chacun six onces: fais en comme dict a esté cy deuant.

Autrement: cire neufue, ammoniac de chacun vne once, storax liquide six onces, gomme de pin trois onces, encens fin autant, moelle de cerf quatre onces, opiū d'Espagne deux onces, populeon quatre onces, suif de cheureau six onces, galbanum autant, poix liquide quatre onces, terebentine trois onces, refine frite quatre onces, vinaigre quatre onc. huile de mastic six

onces, huile de flambes quatre onces : fais ainsi qu'a esté dict.

Autre malagme ou ceroesne pour les galles : Sel d'Afrique vne liure, eschalottes & soulfre vif de chacun autant, mysi deux liures, huile, mastic, tant qu'il en faudra.

Autre ceroesne pour cōforter les nerfs: Soulfre vif, alun, resine, poix grasse de chacun vne liure, cire iaulne deux liures, moelle de cerf vne liure, terebentine deux liures: mesle bien & dissoulz le tout ensemble en ceroesne.

Et pour la composition du traumatiq, qui est onguent cicatrisant & incarnatif: pren galles quatre onces, cuyure brullé trois onces, escorce de grenades trois onces, misy quatre onc. vin fort vne once, vinaigre trois onces : fais en cuisson en vn pot ou terrine neufue pour l'effect que tu desires.

Des collyres.

ABsyrtus pour oster l'ongle qui naist & se procree dans l'œil du cheual, a inuenté collyre de ceste façon : Cēdre de noix auellenes bien pillees & subtilemēt demenees au mortier vne liure, encēs fin le mesme poix, avec du miel, ou du musilage de graine de coing: fais en collyre pour l'vsage.

Autre collyre du mesme autheur: Poyure blanc huit grains miel fin & blanc, safran, seiche marine, rue & baufme de chacun deux once: fais en collyre à ton appetit.

Pelagonius en fait de ceste sorte: huile, sel, resine, ceruse opobasme, avec du miel: voyla le tout.

Luy mesmes a fait la composition du collyre appellé nardin en ceste façon: violetes vn once, spic nard demie once, myrhe, casse, safran, de chacun trois onces, huile cyprin six onces, poyure blanc deux onces, cumin trois onces.

Autremēt, opobasme, safran, myrhe, sel d'Espagne, lepidio, os de seiche de chacun vne once, cathmie ou tuthie preparee deux onces, affronitre vne once, miel blanc vne liure.

Le bon homme Chiron, aux vieilles taves & cataractes en l'œil, fait prendre de la corne du bœuf la partie plus forte & solide, & en fait pouldre ou cendre, dans laquelle il mixtionne, encens fin, fiente d'homme mise en cendre, sel ammoniac en esgalle portiō, la pouldre faite, il adioust poyure lōg, os de seiche, fleur de couperose, avec du safran & de la rue, le

tout destrempé en vin vieil, & du miel, le meilleur que trou-
uer se pourra, il en faißt onction & médicament.

Encores a il faißt vn autre collyre, seruant d'onguent: os de
seiche trois onces, myrrhe, sel, fiente de crocodile, de chacun
esgale portion, faut le tout piller, & mettre en pouldre bié sub-
tile, & avec du miel en faire onguent.

C'est ce que nous auôs peu colliger & deduire de tous les au-
theurs veterinaires, qui ont traité des maladies des cheuaux
bœufs & mulets qu'il te plaira prendre en gré, lecteur, & d'aussi
bõ cuer q'ie t'en presente la peine, ayât toutesfois ceste bõne
cõfidence, que nature meilleure, & fauorable en toutes fautes,
excusera ma peine. Pour le surplus & closture de ce liuré, iete
vueil encores conter & deduire ce que i'ay trouué d'auantage,
qui te seruira cõme d'appendice & adiection à ce que dessus
a esté dict, toutesfois non à negliger.

Autres medicaments oultre les cy dessus pro-
duits, seruans à plusieurs maladies.

Medicament cephalic pour refermer & cõforter tous vlce-
res difficiles à se reduire en leur naturel: racines de panaiz,
encés fin, myrrhe, farine d'ers ou de lupins, roses seiches, le tout
bié mis en pouldre, cicotrinee cõme il faut, fait deseicher & re-
mettre tous vlceres au naturel de la partie atteinte: & si tu y
veux adiouster du miel, tu en feras collyre fort profitable.

Pour abreger, & n'estre point subiect à tant d'ordonance de
medicamets, feras cestuy-cy cõme pour catholicon ordinaire à
toutes maladies: couperose, calcite, fleur d'erain, cuyure brullé,
le tout ensemble bien puluerisé font cautere potentiel, qui cõ-
sume la chair baucuse surcroissante aux parties, desquelles sera
faillly boue ou aposteme, cela mesmes, avec du vinaigre & du
miel faißt beaucoup contre la carnosité des os, vlceres chan-
creux, & qui ne veulent ceder aux autres medicaments.

Autre medicament, appellé chlora, qui sert à reformer tous
vlceres contumax & difficiles: cire neufue, terebentine, moelle
de cerf, couperose & huile vieille, fais en medicament ou ce-
roefne: tu en verras l'effect à l'espreuue.

Tetrapharmac noir, qui est cõme basilicon, à nettoier toutes
playes, ou purifier les humeurs affluents, greffe ou suif de tau-
reau, cire, poix resine, avec de l'huile: cela te satisfera à proffir.

Glycion, médicament antiquement composé, contre tous vlcères sordides, boueux & chancreux: Pren marc d'oliues au pressouer, & avec du sel & du vinaigre fais (en y adioustant du miel, si tu le trouues bon) médicament propre à ton desir.

Medicament pour les petis os deiectez & desioincts, desquelz cy deuant a esté fait mention, poix grasse, vieil oingt, couperose bien fort battue, mets le tout en terrine neufue, & sur le feu de charbon, petit & lent, agite & remue, tât qu'il s'en face onguent.

Stiptic ou astringent pour les vlcères trop humides, & qui ne se veulent desecher pour quelque chose qu'on y face, alun de plume, galls, escorce de grenades, escorce interieure de grenadier, fais en pouldre ou incorpore avec le miel, tu auras ce que tu desires.

Autre médicament pour reftermer tous vulneres, absynthe, sinople, lepidium: ces trois bien pillez, & meslez avec le miel & la cire font grande operation.

Pour remplir toutes playes cauees, pren farine d'ers, farine de lepidium, encens fin mis en pouldre, cela te seruira.

Pour contregarder les tuniques des yeux, quand par accident elles sont froissées ou rompues, pren pour collyre singales, du fiel de cheure & de bouc, & le mesle avec du laict d'icelle cheure, & en frottes les yeux deux fois le iour à tiede.

Aux tàyes, pren chopine & demie de vin vieil souverain, clou de girofle deux onces, miel quatre onces, mesle le tout ensemble pour en vsér. Et si l'œil a esté recentemente touché, ou de lance, ou de baston, ou de verge, baguette, ou autrement, pren safrā, myrrhe, encens fin, moellé de bouc, miel & grene de paradis, autant d'un que d'autre, avec du vin vermeil, fais en collyre, tu en verras l'experience.

Autre syncrisme, cire iaulne trois onces, vieil oingt six onces, opopanax deux onces, galbanum trois onces, myrrhe trois onces & demie, ammoniac trois onces, moelle de cerf & huile cyprin, de chacun trois onces & demie, hysope deux onces, storax liquide vne once & demie, huile de mastic, ce qu'il en faudra, fais en onguent.

Encores autre syncrisme, galbanum quatre onces, opopanax vne once, cire quatre onces, moelle de cerf trois onces, poyure

blanc vne once, terebentine vne once & demie, storax vne once, gresse de canart deux onces & demie, euforbe six onces, gresse de lyon, miel, castor, de chacun vne once, huile de myrtilles deux onces, huile de mastic vne liure, & autat d'huile de Syrie & de laurier, huile de storax vne once, opium deux onces, fais en confection de medicamēt pour l'effect que desires.

2 Pour faire ce que lon nomme lippaire, pren escume d'argent deux onces, ceruse trois onces, vin vermeil genereux trois chopines, huile demy septier, fais en comme dit est.

Autrement, escume d'argent, ceruse, encens fin, vinaigre blanc, & huile d'oliue, & avec du vin miellé, fais en comme dessus.

3 Le traumatique ou cicatrisant se fait ainsi, calcite deux onces, misy vne once & demie, couperose vne once, fiente de pigeon demie once, adarce trois onces & trois scrupules, fais en decoction pour l'usage.

Autrement contre toutes duresses, encors qu'elles soient enflamees, pren senneue quatre onces, figues seiches trois onces, vieil onguent six onces, avec du vinaigre, fais en composition.

Et pour lauer les porreaux ou verrues, fleur de calcites deux onces, nitre autant, laser trois onces, avec vn demy septier de vinaigre: cela te fera l'effect.

Autrement, couperose, alun de glace, de chacun deux onces, herbe syderite ou chardon estelé, ferriere, de chacun vne once, avec du fort vinaigre, tu en verras l'experience.

Contre les inflammations, racines d'ers, vieil oingt, fort vinaigre, avec du linge, tu verras l'operation.

4 Aux duresses sur les nerfs, tendons ou parties charneuses, mesmes au cal, & ce que lon dit rosignol, galbanū, opopanax, moelle de cerf, terebentine, ammoniac, miel fin, violetes, encens fin, resine grasse, autat d'un que d'autre, bitume de Judée, trois onces, poix dure deux onces, resine & cire de chacun trois onces & demie, huile de cade vne once, storax vne once, opium once & demie, gluz vne once.

Caustic, pour la douleur des nerfs & tendons, galbanum, storax, violetes, propolis, resine, de chacun deux onces, colophone, terebentine, de chacun six onces, opopanax deux onces, encens

fin, hysope, ammoniac, grene de laurier, poix grasse, de chacun vne once, resine, bitume, de chacun once & demie, fais cuire le tout en vne terrine, & le passe par le linge, pour ton vsage.

Ceroesne, caustic, cire blanche, galbanum, de chacun vne once & demie, terebentine deux onces, gresse de taureau trois onces & demie, hysope vne once, bdellium deux onces & demie, yreos de Florée trois onces, gresse de canart deux onces, melle le tout ensemble pour en vsier à ton besoing.

Autre ceroesne à la lassitude des nerfs & refouleure, mente, galbanum, storax liquide, viole, de chacun six onces, fais le tout liquide par coction en vne terrine neufue, à vis feu de charbō, mais qu'il soit lent, & que tousiours tu faces remuer, puis tu destréperas la semole ou gruyau avec du vin vieil, sur le linge tu l'appliqueras le plus chaut qu'il te sera possible.

Pour faire ceroesne propre contre les enfleures, avec duresse, cire neufue six onces, gresse de cerf trois onces, galbanum, violes, poyure blanc, de chacun trois onces, ammoniac & gentiane, de chacun vne once, terebentine & storax, de chacun trois onces: le tout bien melle, sera prins & appliqué avec le vin mixtionné.

Si tu en veux faire emplastre à cest effect, pré cire verte deux onces & demie, huile cyprin ix. onces, huile de meurthe, gresse de canart, encens fin, de chacun deux onces, le tout cuit & bié agité cōme il faut, festéd sur le linge & sur le cuir pour l'vsage.

Ceroesne pour les vlcères, de quelque sorte qu'ils soient, cire vieille quatre onces, huile de meurthe six onces, huile vieille huit onces, alun neuf onces, huile cyprin dix onces, chaux viue cinq onces, pour l'vsage.

Fomentation à quelque duresse ou renitence que ce soit, racines de guimauues, ou roses d'outremer, cuittes en bon vin blanc, & avec du sain doux fais en liniment: sinon pren du sauinier, & en fais iust, & avec le marc cuis en bon vin vieil, duquel tu fomenteras la partie.

Contre la colique, cabaret fueille & racine, persil, fenouil, de chacun vne once, poyure noir deux onces, marrubium vne once, garderobe demie once, miel fin vn poisson, cuys bié & escume le tout ensemble, & en fais trocises en grosseur de noix aueleines, & avec vn demy septier de bon vin tu en feras

prendre à la beste en façon de breuuage. Et le iour que la collique le tient, tu pilleras trois ou quatre cueillerees & demie semence de fenouil, & luy feras aualler promptemēt avec le vin: & le couuriras fort pour le faire suer.

Pour le cheual qui cloche, à cause des nerfs refoulez, pren suif de bouc vne liure, molibdene demie liure, resine vne liure, couperose demie liure, fais en onguent.

Et pour le genouil enflé & tumefié, pren chopine de fort vinaigre, dans lequel tu destremperas vn peu de sel, cuyure bruslé demie liure, synople, ce qui sera propre & necessaire.

Breuuage pour faire prendre aux cheuaux en hyuer, quand ils sont atteints de mal, ou que lon doubte de leur santé, safrā, cost, persil macedoesne, myrrhe, encens fin, dragant, cumin, crocomagnie, poyure blanc, de chacun vne once, vin, huile, & œufs, le tout destrépé ensemble sera présenté à la beste avec de la prisane, en y adioustant dattes & eschallortes de chacun vingt cinq, hysope vne poignée: encores à la cuisson quelques vns y veulent ietter vne fressure ou deux de cheureau, & autres des petis chattons ou chiens nouueaux naiz: & le tout bien consumé, & descreu des trois parts, sera baillé au cheual, avec de l'huile bien douce.

Breuuage pour l'esté, gōme dragant, safran, garderobe, grene de paradis, glaucium, persil macedoesne, de chacun deux onc. gingembre vne once: le tout bien destrempé, & cuit comme il appartient, sera distribué aux cheuaux que lon veut preseruer, & leur en sera baillé à chacun vne bōne chopine: lon y adioust du iust de poreaux trois onces & demie, filer François, encens, opium, huile claire & bonne, de chacun vn poisson: & en destrempé, tu y adiousteras du bon vin vieil ou cuit. Voyle surplus au dixsept chapitre du second liure.

F I N.

ADVERTISEMENT.

EN tout le premier liure, non plus qu'aux autres, il ne nous a esté possible, pour ton singulier proffit (Lecteur) suyure la traduction de celuy, qui de langage Alemant ou Germanic, nous a voulu reduire Vegece en langue Latine: tant pour l'inuersion & confusion de l'ordre, que luy-mesmes propose (suyuant son Autheur) comme pour les maladies repetees, & mal couchees par escrit en plusieurs endroits: sans ce que les remedes, ne m'ont semblé rencontrer au propre d'icelles maladies qui t'ostera toute doubte & suspiciõ de ce que tu pourrois syllogiser en conferant l'une & l'autre version. Le plus seur, & de plus grand proffit m'a semblé, non seulement paraphrafter, mais encorès vser de la seure voye d'interpreter: & par fois excuser, adiouster, & remettre le tout en tel estat, qu'il puisse estre, à toy, de grád proffit, & à nous de quelque peu de louage.

TABLE ET REPERTOIRE DES choses contenues es quatre liures de Pub. Vegece Renay, de la medecine propre aux cheuaux malades, & autres Veterinaires alienez & alterez de leur naturel.

Ce qui est contenu & compris au premier liure.

Le premier nombre, marque le fueillet: l'autre
la page suyuant.

DES signes par lesquels lon cognoist le cheual, ou le muler estre prest à tomber en maladie.	1. 1
Des especes de maladies, ausquelles le cheual peut estre subiect.	1. 2
Les signes de la maladie, que l'Autheur nomme humide.	1. 2
Les signes de la maladie appellee seiche ou aride.	2. 2
De la galle, c'est le mal d'entre cuir & chair.	2. 2
Les signes de la goutte aux ioinctures.	2. 2
Des signes du farcin.	3. 1
Des signes du mal subrenal.	3. 2
Des signes de la ladrerie des cheuaux.	3. 2

De la maniere de guarir les maladies cy dessus declarees:& premierement de la curation du mal humide.	3. 2
Curation de la seiche maladie au cheual.	5. 2
Comment il faut remedier au mal vlcereux, ou bien à la galle.	7. 1
Les moyens de guarir la goutte au cheual.	7. 2
Remedes au farcin.	8. 1
Remedes au mal subrenal, que lon dit pissoire.	8. 2
A guarir le cheual ladre.	9. 1
Pour guarir le martel, ou maillet de cheuaux, que les escuyers appellent le mal.	10. 1
Preparatif contre toutes maladies du cheual.	10. 2
Dés signes en general.	11. 1
Preseruatif de Pelagonion, ancien Autheur, contre toutes maladies du cheual.	11. 2
Chiron ancien medecin Veterinaire, à ce mesmes.	11. 2
Remede commun & ordinaire, preseruatif à bailler tous les ans à certains temps aux Veterinaires.	12. 1
Parfums cõtre le maillet, qui est la peste & clauelée des bestes, c'est lencueur, ou le mal.	12. 1
Autre composition de parfum, qui mesmes oste le danger du fort.	12. 2
Les moyès de tirer du sãg au bestiail trauaillẽ de maladie.	13. 1
Ce qu'il faut obseruer à phlebotomer & tirer sang à la beste.	13. 2
Des bestes qu'il ne faut saigner.	14. 2
Les maladies des bestes, ausquelles il faut saigner, & de quelz endroits.	15. 1
Des cheuaux ou autres bestes, qui ont mal à la corne, aux pasturons, ou qui ont faict pieds neufs.	15. 2
Des saignes au cheual, ou autre bestiail coliqueux, hargneux, rompu, & qui se deult des reins.	16. 1
Si le mal respond aux cuisses ou aux iambes.	16. 2
La maniere de donner le feu actuel, & cauterẽ potentiẽl aux animaux qui en ont mestier.	16. 2
Des fieures du bestiail, & de la guarison d'icelles.	17. 2
De la fieure ephẽmere, ou diaire, qui ne dure qu'vn iour sans plus.	18. 1

T A B L E.

De la fieure continue.	18. 1
De la fieure Autumnelle.	18. 1
De la fieure qui prend en esté.	18. 2
De la fieure qui prend en hyuer.	18. 2
De la fieure prouenant d'indigestion & trop grande plénitude.	19. 1. & 2.
De la fieure accidentale, causée de l'vlcere de la bouche ou du gosier.	19. 2
De la contrainte ou lassitude de la beste, que nous appellons refouleure.	20. 1
De diuers maux qui procedent de la contrainte.	20. 2
Les signes du cheual lasche & fetard, & de la guarison.	21. 2
Des diuerses maladies du ventre, ausquelles les cheuaux sont subiects.	21. 2. 22. 1
Des ventrees, qui est la colique des bestes.	22. 2
Du boyau retourné & renuersé.	22. 2
Du mal de ventre en general, que lon nomme tranchees ou tranchaisons.	23. 2
Des vers qui s'engendrent aux boyaux.	24. 1
Si le bestial est subiect à colique de reins, grauelle ou pierre.	25. 2
Repetition des maladies des boyaux & curatiõ d'icelles.	26. 1
Du mal de vessie au cheual.	26. 2
Les causes & curation du vermine & lumbriz.	27. 1
Des defaillances, & mal de cuer.	27. 2
Du sang que rendent les bestes par les nazeaux.	28. 1
De la trop grande abondance de sang à la beste.	28. 2
Du regime & diette qu'il faut obseruer pour entretenir les bestes en bon estat, & principalement de l'establer.	28. 2
Au cheual trop eschauffé.	30. 1
Des cheuaux maigres, & harassez.	31. 1
Au cheual trop gras & replet.	31. 2
Le bon regime qu'il faut donner au cheual quand il fait traicte & voiage.	31. 2
Pour dilater & confermer l'ongle des cheuaux.	31. 2
A la morfonture du cheual.	32. 1
A l'eschauffeture en temps fort chaud.	32. 1
La façon d'entretenir les crins.	32. 1

T A B L E.

Aux cheuaux de coche, & courriers.	32. 1
De façonner, polir, & paindre les crins.	32. 2
Du marcher, & comme il faut conduire la beste.	32. 2
Des entraues, & coliers de bois.	32. 2
De l'artifice qu'il faut à dresser le marcher du cheual : pour la lisse & autrement.	33. 1
Des breuuages qu'il faut presenter aux cheuaux en esté	33. 2
Autre breuuage refrigeratif.	33. 2
Breuuage propre en temps d'hyuer.	33. 2
Medecine propre à presenter aux cheuaux en Automne, & au renouueau.	34. 1
Medecine propre en tous temps.	34. 1
De la retention d'vrine, & difficulté de pisser.	34. 1
Aux douleurs du ventre, que lon nomme les ventrees.	34. 2
A l'escorcheure du dos.	35. 1
L'vtilité du breuuage composé de cinq drogues, que pour ce- ste cause lon nomme diapénté.	35. 1

C E Q V I E S T C O M P R I N S, A V second liure de Pub. Vegece, de la maladie des cheuaux.

D Es maladies de la teste ausqelles le cheual est subiect.	36. 2
De l'indigestion, des causes, & curation de ce mal.	35. 2
De la migrene.	36. 1
Du cheual frenetique.	36. 1
Du cheual accueuré.	36. 1
De la rage au cheual.	36. 1
Comment lon guarist le cheual, par le moyen de la die- te.	36. 2
La purge apres la diete.	37. 1
Du cycle, & de ce qu'il faut faire sur la partie offencee.	37. 2
Du mal du cerueau troublé au cheual.	38. 1
Du mal de teste en general.	38. 1
Autre mal de teste que lon appelle distension qui menasse la frenaisie, ou la rage.	39. 1
De la rage du cheual.	39. 2

T A B L E.

De la folie du cheual, ou infanie, que lon diët manie.	40. 1
Breuage laxatif propre à ce mal.	40. 2
De la rage encores.	40. 1
Remede par chirurgie, à ce mal.	41. 1
A la fistule qui vient apres ce mal non entierement ne feurement guarý.	41. 2
Si le mal penetre iufques au dedans du cerueau, le moyen d'y pourueoir.	42. 1
Du mal des aureilles.	42. 1
Quand le mal de l'aureille penetre & s'efpand iufqu'à la cõ-miffure de l'os coulé ou petreux.	42. 1
D'ouurir l'aposteme meure à l'endroit des aureilles.	42. 1
Des poilz furoiffans au deffus des paupieres du cheual.	42. 2
De la fuffufion aux yeux du cheual.	43. 1
De l'eau en l'œil.	43. 2
De la ftenochondrofe, qui eft quand la veue accourcift au cheual.	43. 2
Quand la pupile f'eftend outre mefure	43. 2
Les caufes de ce mal.	44. 1
De ce que les anciens ont voulu nommer hypochôdrofe, pro-cedant du catterre fur la veue.	44. 1
De la taye en l'œil.	44. 1
Remede à l'autre maniere de taye clere & dure.	44. 2
De l'autre forte de taye en l'œil, que lon appelle l'ongle.	45. 1
Pour leuer la taye de l'œil au cheual, quand elle eft encores recente.	45. 1
Medecines à ce mal.	45. 2
Le moyen de diuertir l'aquofité contenue en l'œil, par la voye des nazeaux.	45. 2
Des diuerfes maladies de l'œil en general.	45. 2
A l'epiphore de l'œil, qui eft quand l'animal ne voit qu'à demy.	46. 1
A la grande lippitude & chaffie.	46. 1
Au foulcil rompu par inconuenient de cheutte.	46. 1
Compoñition contre la cicatrice de l'œil.	46. 1
Au blanc de l'œil, taye ou cataracte.	46. 2
Si la cataracte vient d'humeur adherente, ou de bleffure.	46. 2
A la cicatrice dans l'œil.	46. 2

T A B L E.

Collyre nardin, propre à toutes maladies inueterées de l'œil.	
46. 2	
Autre composition singuliere.	46. 2.
Si l'œil du cheual apres plusieurs remedes , se rend contumax à guarison.	46. 2
Plusieurs collyres à ce mal.	46. 2
Des auiues,escroelles,aureillōs,& gros gosier du cheual.	47. 1
Aux tumeurs des glandules du col.	47. 1
Les moyens de guarir les poulains ou ieunes cheuaux,nouuellement tirez du pastiz.	47. 2
Autres remedes à la gorme ou glandules du col.	48. 1
De la fistule en la bouche du ieune cheual.	48. 2
De toutes fistules en general.	48. 2
De la squinancie des cheuaux , & enfleure tant à la teste , à la langue,comme au gosier.	49. 1
De l'enfleure à la teste,& à la langue.	49. 2
Si la plenitude du cheual trop nourry est cause de ce mal.	50. 1
Des tumeurs ou enfleures avec inflammation , ou sans icelle, qui en general viennent par tout le corps du cheual.	50. 1
Le meliceris.	50. 1
L'aneurisme.	50. 1
La varic,vene rompue ou dilatee.	50. 1
L'acterome.	50. 1
Le ganglion.	50. 1
Curation générale à tous ces maux.	50. 2
Ala langue refendue.	50. 2
Du mal des genciues,& des dentz.	50. 2
De la dislocation des vertebres du col,aux poulains, & ieunes cheuaux.	51. 1
De lentors & fracture.	51. 2
Du flux de sang par les nazeaux & le palais.	51. 2
Quand la vene coupee au palaiz , ne se veut reclorre pour remede que lon y face.	52. 1
Comment il faut cognoistre la qualite de l'ordure , qui tombe des nazeaux.	52. 2
Quand il a doubte du polypus, qui est vne maniere d'vlcere chancreux aux nazeaux.	52. 2
Quand le cheual est entreprins des nazeaux , & partie de la bouche.	53. 1

Si la maschoëre est torse.	53. 1
De la dexterité qu'il faut à phlebotomer, principalement la teste au cheual.	53. 2
Si le cheual à le col tors.	54. 1
Des escroëles & auies au col du cheual, que les anciens ont nommé malandreës.	54. 1
Des apostemes du col.	54. 2
Du cheual espaulé, & apostemé à l'endroit des espaulës.	55. 1
Au cheual eslançé, efflançé ou desboesté.	55. 2
Au cheual escuissé & refoulé.	56. 1
Du cheual desboesté.	56. 1
De la fracture des principales ioinctures, comme des hanches & de la cuisse.	56. 1
Des tumeurs & enfleures, tant molles, que renitentes, qui suruiennent aux ioinctures.	57. 1
De l'eau qui s'engendre aux ioinctures.	58. 1
Aux piedz tumefiez.	59. 1
Aux darters viues.	59. 1
La galle aux ioinctures.	59. 1
Des piedz goutteux, que lon dict podagres.	59. 2
Au cheual qui a les membres retraictz ou entrepris.	60. 1
Du mal qui vient aux piedz & aux ongles des bestes.	60. 2
A la chair baueuse ou pulmôcule, qui s'égèdre sous l'ongle.	61. 1
A l'ongle qui tombe du pied du cheual, ou quand il fait piedz neufs, & aux eaues desdictz piedz.	61. 2
Aux piedz refoulez & tendres au marcher.	61. 2
A la refouleure en general.	62. 1
Pour cōfermer & conforter l'eschine du cheual refoulé ou au trauail, ou comme que ce soit.	62. 2
A l'enfleure recente sur l'espine du dos.	62. 2
Au poil qui met long temps à reuenir, & laisse la partie chaulue & desnuee.	63. 1
Si sans cause manifeste le poil tombe, & ne veut demourer en son entier.	63. 2
Si le poil qui recroistra deuient blanc, la maniere de le brunir ou noircir.	63. 2
Pour blanchir le poil au cheual, ou luy donner autre telle couleur qu'il te plaira.	63. 2

T A B L E.

CE QVI EST CONTENV AV TIER S liure de Pub. Vegece Renay, traittant en partie de la curation du mal aux bœufs de labour, puis reprenant ses arres, des mala- dies des cheuaux.

P our bien contregarder la santé des bœufs de labour.	64. 2
Des maladies des bœufs, & premierement de l'encueur, qui est vne espece de pestilence en toutes bestes.	65. 1
Pour le catarre des bœufs.	65. 2
Pour guarir toutes les parties des bestes malades, & les bien nettoyer.	65. 2
Au mal articulaire ou goutte des bœufs, quād ils clochēt, puis d'vn pied, puis de l'autre.	66. 1
A toutes ameres & aspres maladies de bœufs, qui se guarissent par amertume.	67. 1
Parfums pour nettoyer & corriger l'aer de l'estable, infectee de mal dangereux.	67. 1
A la crudité & indigestion des bestes.	67. 2
Au flux de ventre suruenāt au bœuf, à cause d'indigestiō.	78. 1
Aux desgoust & desappetit.	68. 2
Des remedes aux bœufs, qui sont enfleues de venes sous la langue.	68. 2
Encores du desappetit.	69. 1
De la fiebure des bœufs.	69. 1
De la toux du bœuf.	69. 1
A la vieille toux.	69. 2
Des apostemes qui suruiennent aux bœufs.	69. 2
Au bœuf qui cloche.	69. 2
S'il cloche à raison de quelque douleur de nerfs.	70. 1
S'il y a matiere sous la tumeur de la partie dont le bœuf cloche.	70. 1
A toutes douleurs, qui font faindre le marcher & ouurer à la beste.	70. 2
A la galle.	70. 2
Aux parties vlceres sans cause manifeste.	70. 2
Du mal de la peau tenant principalement aux costes.	71. 1
Autre	

T A B L E.

Autre mal du bœuf qui se nomme catarre, destillant principalement sur les poulmons.	71. 1
Si le palaiz estant aucunement tumefié faict desappetit à la beste.	72. 2
A la cõrussiõ q̃ le bœuf sent du trop grãd trauail au colier.	71. 1
S'il a le col desnoué ou desmis.	71. 2
Si le col ne se fleschit d'vne part ny d'autre.	71. 2
S'il ne veult reprendre le ioug.	71. 2
Si le col du bœuf deuient chauluc & desnué de son poil naturel.	72. 1
Si le soc de la charue à bleisé le pasturon ou l'ongle du bœuf.	72. 1
Aux piedz du bœuf refoulez.	72. 1
Quand le cheual espaulé, ou le bœuf, pour l'asperité du chemin, ou trop dur labour.	72. 1
S'il se desioint & corrompt les cornes en labourant.	72. 2
A toutes playes ou vlceres du bœuf.	72. 2
Si la vermine s'engendre sur la playe du dos du cheual.	72. 2
Si ce mal se tourne en chancre.	72. 2
A la morsure du serpent; poincture des verueu, lezards, ou autres serpenteaux de buissons.	72. 2
A la morsure du celice, ou verueu, ou tiry.	73. 1
A l'attaint du scorpion.	73. 1
Au mal des yeux tumefiez & enflezz.	73. 2
Au mal du bœuf qui sans cesse larmoye, & se sallit les ioues.	73. 2
Si l'eau ou le bœuf s'abbreuue est plaine de sangsues, ou petits intestuz ou escroelles.	73. 2
Du lieu où les bestes separees des autres, doiuent estre traitées, & comment.	73. 2
Au mal de l'eschine, & des flancs tant des cheuaux que des bœufs.	74. 2
Au mal des flancs qui souuent tourmente les bœufs.	74. 2
Au mal des reins.	74. 2
A l'inflamation des muscles tant exterieurs comme interieurs des reins.	75. 1
Quand le talon fort au bestail; comme s'il estoit desnoué ou desmis.	75. 1

T A B L E.

- Au mal des reins tant du cheual que du bœuf. 75. 2
- Si les testicules leur enflent pour quelque occasion que ce soit. 75. 2
76. 1
- A l'animal qui ne peut retenir sa nature. 76. 1
- Au flux de sang par le fourreau, ou bien à l'vrine sanglante, ou autre flux de quelque endroit que ce soit. 76. 2
- Aux cheuaux, ou aux bœufs, à qui souuent le sang sort par les nazeaux. 76. 2
- A ceux qui ont le flux de sang par bas. 76. 2
- Au flux de sang qui procede de trop grâde repletion, ou nourriture en toutes bestes. 77. 1
- Au flux des bestes trop s'efforcent, par leur generosité. 77. 1
- Si le sang vient comme par vomissement, qui sort des poulmons. 77. 1
- Si c'est à cause de la leuee qui se faict trop grande en saignant la beste. 77. 1
- Des maladies de la vésie, & principalement de la retention d'vrine. 77. 2
- Quand la beste, par auoir esté trop long temps retenue en l'estable, par la viscosité des excrements ne peut rēdre son eau à l'aïse. 78. 1
- De la destillation d'vrine, qui se faict goutte à goutte en fort fespregnant. 78. 1
- Au cheual ou au bœuf qui par inconuenient ayant auallé des mousches vertes endure retention d'vrine. 78. 1
- De la corance, qui est flux de vêtre aux cheuaux & aux bœufs. 79. 1
- Des verrures ou poreaux, qui viennent aux bestes par corruption de sang. 79. 2
- Quand le cheual a la cuisse haironniere, ou desmise & disloquee. 80. 2
- Du mal des iambes au cheual ou au bœuf. 80. 1
- Si le cheual est boitteux. 81. 1
- Du bœuf ou cheual qui se faine d'une des iambes, & la retire en arriere en cheminant. 81. 1
- Du mal que lon appelle hors du sens. 81. 2
- Des bestes qui se deulent du percluz, que lon nomme contraction des membres. 82. 1

T A B L E.

De l'hydropisie ou enfleure du ventre.	84. 1
A l'autre espeece d'hydropisie, qui participe de carnosité.	84. 2
A la tympanite, qui est hydropisie, plus participât de vent que d'eau.	85. 1
De ceux que les anciens nommoient lieneux, qui est le mal de ratte avec la fiebure.	85. 2
Du cheual phrenetique.	86. 1
Du cheual qui craint l'eau, l'on le nomme lunatique ou limphatique.	86. 2
De spasme & douleur de cueur qu'endurent les bestes avec esuanouissement.	86. 2
Du haut mal, que lon nomme caduque, epilepsie, & mal de terre ou de saint Iehan.	87. 1
Si le cheual remet & reiette son eau apres auoir esté abreueué.	87. 2
Du cheual entrepris par mauuais vent ou autrement.	87. 2
Si cela vient de crudité.	88. 1
Si de trop grande estuation ou chaleur.	88. 1
S'il vient d'insolation.	88. 1
S'il vient d'indigestion, & opilation.	88. 1
Si de la faim rabieuse, que lon diët canine.	88. 1
Si de trop grande lassitude.	88. 1
Si les souspirs & courte alene procedent, d'auoir trop prins de viande, sans exercice.	88. 2
Ne pouuant trouuer la cause, quel remede.	88. 2
A la fiebure & mal de cueur, iusques à perdre le vêt, lequel mal procede, apres auoir trop longuement trauaillé la beste en lieu chaut.	88. 2
Si la courte alene, est plus vehemente, & le mal plus fort.	88. 2
Si la foiblesse dure si longuement, que mesmes à l'estable tout le corps luy deffaille.	88. 2
Du cheual, ou autre animal semblable, entrepris de la moitié du corps, que lon diët paralitrique.	89. 1
Si le cheual a quelque cas rompu au dedans du corps.	89. 1
De la rage du cheual.	89. 2
De la plenitude, à cause de l'auoine, orge, ou froment prins à trop grande quantité.	90. 1
Du mal des poulmons qui faict la poulse aux cheuaux.	90. 1

T A B L E.

Si ce mal prent traist.	90. 2
Si le mal depend du tout des poulmons.	91. 1
Du cheual poulssif, & qui ne peut rauoir son vent.	91. 1
Le mal estât recent, & causé de poulfier & vër pouldreux.	91. 1
Du cheual percluz à cause de la rigidité des nerf & cordes ou tendons, qui le font pencher & courber en deuant ou en arriere.	91. 2
Alorthopnee, qui est quand le cheual ne peut rauoir son vent, fil n'est tout debout.	92. 1
De la letargie du cheual ou autre beste.	93. 1
Breuage seruant aussi à la fiebure du cheual.	93. 1
Si le cheual a perdu l'appetit.	93. 1
De la iaunisse des cheuaux.	93. 2
Du fiel, & de l'humeur noire que lon diët melancolique, tourmentans le ventre du cheual.	94. 1
De la colique des cheuaux.	94. 1
De la vomique.	94. 2
Du cheual en chartre ou hectique.	94. 2
Du mal de cueur qui prend aux bestes hectiques, en maniere d'esuanouissement.	95. 1
De la iaulniffe.	95. 2
Quand le cheual ne peut fienter, & neâtmoins se plaint comme des ventrees.	96. 1
Du mal de foye.	96. 2
De l'enfleure au cheual.	96. 2
À la toux du cheual.	97. 1
Si le palaiz & le gosier sont exasperez.	97. 2
À la toux prouenant de trop grand froid.	97. 2
À ce mal prouenant de l'estomach.	98. 2
À ce mesmes prouenant du coffre.	98. 1
Contre la toux legiere, & qui n'est fort inucteree.	99. 1
À la hargne, rupture, & descente du boyau.	99. 1
Remede pour la toux, autant que pour la hargne.	99. 1
À la toux prouenant du gosier plus que du sifflet de la gorge.	99. 2
À la toux qui vient du catarre, tombant du cerueau sur le gosier & le sifflet.	99. 2
Remede general pour la toux qlque griefue quelle soit.	100. 1

T A B L E.

A la poulse ou au soufpir, q̃ lō nōme aussi la toux seiche.	100. 1
A la vieille toux, au soufpir, & à la poulse.	100. 2
A la toux, & à la hargne.	101. 1
Contre la toux inueterce.	101. 2
A la toux prouenāt des vlceres du palaiz ou du gosier.	101. 2
Si la toux vient des parties du dedans estans offencees.	102. 1
Encores à la hargne & rupture.	102. 1
A la galle.	102. 1
A la beste affoiblie & afañnee de ce mal.	102. 2
A la galle qui a faict comme cal & dureffe par traitt de temps.	102. 2
A la beste qui se sent mal d'auoir mangé mauuais foin ou auoyne.	103. 1
A la prouēde corrompue & mal espouffee que pourroit auoir mangé le cheual.	103. 1
Si le cheual est enchanté ou enforcélé.	103. 1
Contre toutes maladies que pourroit auoir le cheual.	103. 2
Quand la beste a esté morse du serpent, ou autre animal venimeux.	104. 1
Si la beste en mangeant son foin ou prouēde, a deuoré le scorpion, ou escargot agreffe, fust-ce le bupreste.	104. 1
Contre la morsure de la vipere ou du verucu.	104. 2
Contre l'araigne d'estable, qui se rencontre dans le botteau de foin ou la gerbee.	105. 1
Contre la morsure du miseraigne.	105. 1
Quand le scorpion aura dōné en quelque endroit de la beste.	105. 2
A la morsure du chien enragé.	105. 2
A la fiente de la poule que deuore le cheual parmy son foin cheut, par la negligence du valet.	105. 2

C E Q V I E S T C O M P R I N S A V quatriemeliure de Pub. Vegece Renay: traittant de la medecine des cheuaux.

DV nombre & situation des os au corps du cheual comme par forme d'anatomie.

106. 2

T A B L E.

Du nombre & quantité des membres du cheual.	106. 2
Du nombre & qualité des nerfs, souz lesquelz il comprend les cordes ou tendons.	107. 1
Des venes, & nombre d'icelles.	107. 1
Comment on cognoist l'age des cheuaux.	107. 2
Pour cognoistre les pays dont les cheuaux sont yffus.	108. 1
Des cheuaux de longue ou courte vic.	108. 2
A quelles bestes il faut tirer le sang.	109. 1
Le soing qu'il faut auoir à l'entour des bestes.	109. 1
Pour maintenir les bestes en bon poinct, & les restaurer en danger.	109. 2
A la besté qui hallette de chaut.	110. 1
A l'ectique & chartre.	110. 1
Du diapenté, médicament singulier à toutes maladies	110. 1
A la quinte, qui est la toux plus vehemente.	110. 1
Pour la hargne, & la rupture.	110. 2
A la toux presque desperée.	110. 2
Contre les vers & lumbrics du cheual.	110. 2
Contre toutes especes de maladies.	111. 1
Composition de parfum contre plusieurs maladies.	111. 1
Confection de la pouldre que lon nomme quadriguaire, de l'ordonnance de Chiron.	111. 2
Autre confection de la mesme pouldre, de l'ordonnance de Pelagonius.	111. 2
Autre confection souz la recepte d'Absyrtus.	111. 2
La composition du cautere potentiel, de l'ordonnance de Chiron.	112. 1
Caustic potentiel de Pelagonius.	112. 1
Cataplasme caustic de Pelagonius.	112. 1
Caustic potentiel de l'ordonnance d'Absyrtus.	112. 2
Aux tumeurs dures & inueterées.	112. 2
Collyre pour les fistules qui suruiennent apres les playes.	112. 2
Composition du cerocerne, que lon nomme crud.	112. 2
Confection du syncrisme.	113. 1
Confection du traumatique.	113. 1
Autrement.	113. 1
Composition du basilic & royal aux effects que dessus.	113. 1
Autrement.	113. 1

T A B L E.

Confection de l'onguent anacollymate.	113. 2
Autre composition du syncrisme.	113. 2
Composition du ceroesne ou malagme crud.	113. 2
Autre composition de ce mesmes.	113. 2
Ceroesne pour les galles.	114. 1
Ceroesne pour conforter les nerfs.	114. 1
Composition du traumatic, qui est onguet cicatrizant.	114. 1
Composition de collyre, selon l'ordonnance d'Absyrtus, pour oster l'ongle de l'œil.	114. 1
Collyre appellé nardin, de l'ordonnance d'Absyrtus, à ce mes- me effect.	114. 1
De l'ordonnance du bon homme Chiron, collyre à ceste mes- me inonction.	114. 1
Onguent de luy-mesmes, à ce mal.	114. 2
Autres medicaments oultre ceux que cy dessus, qui peuvent seruir à plusieurs maladies.	114. 2
Cephalic à tous vieux vlceres, & de difficile guarison.	114. 2
Façon de catolicon, ou composte ordinaire à toutes sortes de playes.	114. 2
Medicament appellé chlora, qui sert à reformer tous vlceres contumax à guarir.	114. 2
Tetrapharmac, qui est comme basilicon à nettoier toutes playes.	114. 2
Glycion, medicament composé contre tous vlceres foidides, boueux & chancreux.	115. 1
Medicament pour les petis os desnouez.	115. 1
Stiptic, ou astringent, pour les vlceres trop humides.	115. 1
Medicament pour reformer tous vulneres.	115. 1
Pour remplir toutes cautez des playes.	115. 1
Pour cōtregarder les tuniques des yeux froissees ou rompues par accident.	115. 1
Aux taves en l'œil.	115. 1
Autre syncrisme à ce mesmes.	115. 1
Encores autre syncrisme à cest effect.	115. 1
Pour faire ce que lon nomme lipaire, en deux sortes, & con- fections.	115. 2
Le traumatic & cicatrizant, en deux sortes.	115. 2
Pour leuer les porceaux, ou verrues, en deux sortes.	115. 2

T A B L E.

Cõtre toutes inflámations, que lon nõme phlegmons.	115. 2
Aux dureffes sur les nerfs, tédõs, ou parties charneuses.	115. 2
Caustic pour la douleur des nerfs & tendons.	115. 2
Ceroesne caustic.	116. 1
Autre ceroesne à la lassitude.	116. 1
Ceroesne propre contre les enfleures.	116. 1
Emplastre de ceroesne susdict.	116. 1
Ceroesne pour les vlceres.	116. 1
Fomentation à quelque dureffe que ce soit.	116. 1
Contre la colique.	116. 1
Pour le cheual qui cloche à cause des nerfs refoulezz.	116. 2
Pour le genouil enflé & tumefié.	116. 2
Breuage pour faire prendre aux cheuaux en hyuer, quand ils sont atteints de mal.	116. 2
Breuage pour faire prendre en esté, à ceste mesme intention.	116. 2.

FIN DE CESTE TABLE.

A V C V N E S F A V T E S O M I S E S

en l'impression.

Au fucillet 3. page 1. ligne 20. maniere, lisez matiere: & f. 4. p. 2. l. 33. aux pieds, lisez vers les pieds. f. 6. p. 2. l. 4. septier, lisez demy septier: l. 5. faictes, lisez faicts: f. 7. p. 2. l. 17. mal de, lisez mal & de: l. 23. induire, lisez enduire: l. 38. souffire, lisez suffire: f. 8. p. 1. l. 24. qui est, lisez qui en est: l. 35. coulagon, lisez contagion: p. 2. l. 5. & sur l'ouuerture. Apres, lisez Et sur l'ouuerture apres: l. 8. sera forte, lisez ne sera forte: l. 29. faire plaisir, lisez se donner plaisir: f. 32. p. 2. l. 4. Lauzan appelez depuis les cheuaux de Naples. Les, lisez Lauzan appelez de Pays ou de Naples: les. l. 19. des, lisez de: & l. 33. le cheual, lisez il: f. 73. p. 1. l. 11. personniere, lisez personee: f. 92. p. 2. l. 28. Autre aliment, lisez Autre linimét ou onguent: f. 102. p. 2. l. 21. affamee, lisez afañnee: au f. 115. p. 2. l. 21. lauer, lisez leuer.
--

C O P P I E

COPIE DV PRIVILEGE.



CHARLES par la grace de Dieu Roy de France, A tous les Preuosts, Baillifs, Seneschaux de nostre Royaume, ou à leurs Lieutenans & chacun d'eux endroit soy, si comme leur appartiendra, salut. Charles Perier l'un des quatre grâds Libraires iurez de nostre ville & vniuersité de Paris, nous a fait remonstrer que continuant le desir & affection qu'il a de faire profit à la Repub. Il auroit recouuert plusieurs copies de liures, & entre les autres Quatre liures de Puble Vegece Renay, de la maladie des cheuaux, nouuellement traduits de Latin en François. Lesquelz ledict suppliant imprimeroit volontiers: & pour-autant qu'il est necessaire y faire plusieurs frais, il craint que les autres Imprimeurs le voulsissent frustrer de son labeur, le faisant pareillement imprimer, vendre & debiter, il nous a faict supplier & requerir luy vouloir surce pouruoir. No^r à ces causes, de nostre certaine science, pleine puissance & autorité Royal, auos permis & permettons audit Charles Perier, de pouuoir imprimer ou faire imprimer lesdicts quatre liures cy dessus specifiez, en tel volume que bon luy semblera. Et ce durant le temps & terme de neuf ans suyuant & consecutifs, à commencer du iour & datte que l'impression desdicts liures sera paracheuée. Et à fin que le suppliant ne soit frustré de sesdits frais: Nous auons inhibé & defendu, inhibons & defendons à tous Libraires & Imprimeurs, de ne (durant ledit temps & terme) imprimer ou faire imprimer, vendre & distribuer aucuns desdits quatre liures de Pub. Vegece Renay en quelque forme que ce soit, sans le vouloir & consente-

ment dudit suppliant, & ce sur peine de confiscation desdits liures, & d'amende arbitraire. Si vous mandons & tres-expressément enjoignons par ces presentes à chacun de vous endroit soy, si comme à luy appartiendra, que de nostre presente licence & priuilege, & que de tout le contenu en cesdictes presentes vous faictes ioyr & vser le suppliant plainement & paisiblement durant ledict temps, à commencer du iour & datte comme dessus, cessans & faisans cesser tous troubles & empeschemens: au contraire voulons en outre qu'en mettant par briefle contenu en ces presentes au commencement ou à la fin de chacun desdicts liures, que cela soit de tel effet, force & vertu, que si elles estoient en leur original signifiées à chacun desdicts libraires, imprimeurs & contreuenans à cesdictes presentes: au vidimus desquelles fait sous seel Royal ou seing del'un de noz amez & feaux Notaires & Secreraires, soy soit adioustée comme au present original: car tel est nostre plaisir, mandons & commandons à tous noz iusticiers, officiers & subiets qu'à vous & chacun de vous en ce faisant obeissent. Donnée à sainct Germain en Laye le vingtquatrieme iour d'Octobre, L'an de grace mil cinq cens soixante & vn, & de nostre regne le premier.

Par le Roy à vostre relation.

De Vabres.

Acheué d'imprimer le 28. de Nouembre,

I 5 6 3.

Farfano



ISP

*sonne de Luabru d'incognat
en un lieu de yermine d'ours et
double pour tout*

1672409 H 12 6

André de fobin
samedi de formation
samedi de Chagrin
De tout blayé andau
clend etc &

De l'ou de fapolecium
mi pio a faire rapuniv le
civir et de mure de pions